

IANI ANYSII VARIA  
POEMATA  
ET  
SATYRAE.  
AD POMPEIVM COLUMNAM  
CARDINALEM.

Ex Caesaris priuilegio.

Authoris iniussu quisquam ne imprimito,  
neue uendito.

Basilii Sabatius  
Lectori.

*Qua est simplicitate Ianus Anysius, nullum admisit  
præconium amicorum. nihil hæc ratus addere decoris  
operi per se probato, infelici nihil demere ignominia.  
Vale.*

AD POMPEIVM COLUMNAM  
THALIA.

*Non aurum tibi, nosler, atq; gemmas,  
Sed Pompei, ingeny dedit labores.  
Quos quum posteritas probarit, omnes  
Illæ diuitiæ ualete Cræsi.*

2

IANI ANYSII VARIORVM  
POEMATVM

LIBER PRIMVS.

*Ad Thalias.*

Nemo si leget hunc meum libellum,  
Nulla pumice qui politus exit,  
Nil est quod grauit feram Thalia,  
Quippe qui id fuerim ante suspicatus.  
Sed si forte legetur, in lucello  
Ponam, quod pater annuat deorum.  
Hoc modo, tibi nuncupo Catulle,  
Horati et tibi, quicquid est libelli,  
Quando uos habui mihi magistros.  
Illo, te uoueo malum poema,  
Infelix opus, irritum laborem,  
Orci manibus, ac malis tenebris.

*Ad lectorem.*

Eo ipso ordine, quo mihi exciderunt  
Ore carmina, continet libellus.  
Casta id simplicitas mihi imperauit.

*Ad lectorem.*

Omnem operam impendi, si qua me carmine possem  
Tollere humo, ac fama uiuere post cineres.  
Si secus eueniet, donabor nomine saltem,  
Quod meruit, qui Ephesi nobile uertit opus.

a. ij.

VAR. POE.

Ad lectorem.

Quid ergo agendum, uanitas si est omnia?

Fefelli ita otium, ac malas cupidines.

Iuui parum, fateor, parum nocui tamen.

Ad Pompeium Columnam.

Quando es musarum Pompei certissimum asylum,

Te nostro celebrant toto Helicone deæ.

Ad Thalias.

Thalia dic amabo, eritne syderum

Reflexus ullus auspiciatus, optimus,

Ferens relapsa secula aurei senis?

Diu hæc cruenta permanent, diu scelus

Per omne, pectore eluere ab omnium

Bona omnia. es Thalia tristis otio.

Tacetq; Roma uerberans tuba polos,

Tacetq; Græciæ fluentior lyra,

Tacet Neapolis quam amœna Pieris.

Corona nulla florida atq; laurea

Adornat inclyta ex diserta tempora.

Quis ergo erit modus Thalia? tristium

Recedet ira sæua numinum? trucidis

Vt ira martis inter Alpium iuga

Reuincta, Caucasî uel intra inhospita,

Ferox inhorreat furore plurimo.

Valete musæ, Apollinis ualete uos

Fides canoræ, ex auriam stupor chelys.

Valete Iacchi ex o corymbi amabiles.



Ioci ualete, sacra cupidinum cohors,  
 Et o ualete Cypria deæ faces,  
 Nisi hæc fugantur execranda tempora.  
 Rapit me ad arma, squalida, impotens dea,  
 Fremens ex intus horridum ferox fames.  
 Honor, triumphus undiq; optimaq; opes  
 Fluunt ad arma, quare ex arma tristia,  
 Doli, rapina, ex impia iuuent neces,  
 Probe per hæc nefanda si usq; uiuitur.

Ad lectorem.

Ergo opus omne fuit satyra, ex ineunte libello,  
 Quin ex quo cecini carmina prima puer.  
 Nimirum ad satyras longo post tempore adiuui,  
 Nempe dies index altera it alterius.

Epithaphium adolescentis ab  
 amico interfecti.

O ætubui, infandum, ferro confossus amici.  
 Ferbuit ira animus, impulit ira manum.  
 Vos iuuenes iræ primis date uincula flammis.  
 Discite ab interitu commoda uestra meo.

De portu neapolitano.

Quis molem iecit medys in fluctibus? ut gens  
 Squamosa obstupuit dorsa rigere maris.  
 Quis dulces summisit aquas? quas nauta ab ipsis  
 Puppibus haurire ad pocula grata queat.  
 Ferrandus Rex, qui Pelopemq; ex Thesea magnum  
 Virtute excellit, gloria Parthenopes.

VAR. POE.

De Ferrando Rege.

Vt laude æquaret magnum Ferrandus Achillem,

Insidijs petitur hic quoq; Deiphobi.

Hoc superat certe, armatis tribus obstitit unus.

Consilium Pallas, Mars tulit auxilium.

Epith. eiusdem.

Hector ubi occubuit, cecidit mox Ilion ingens.

Ferrando extincto Partbenope alta ruis.

Ad puellam.

Te uelle ostentas, ubi non conceditur, at quum

Est locus ad Venerem, tum improba uelle negas.

Haud aliter medys torquetur Tantalus undis.

Frustratur facilis lympba, miserq; sitit.

Ad Lucium Ianum Columniam.

Quam tecum bene, quam benigne ex æstum

A bonis superis, proterue Luci,

Meos quum mihi reddidisti amores,

Meas delicias, meamq; uitam,

Meum cor, niueam meam puellam.

Nam si serius huc redisset illa,

Heu tum quis ego pessimis misellum

Te modis habuissem, ut omne in æuum

Exemplum fieres scelesti amoris.

Caussti auspicio bono malum ingens,

Huc quando redijt puella, uerbis

Se purgans, precibusq; lachrymisq;

Quis flecti indomiti queant leones,

Et tigres lepore esse mitiores.

Excepi teneram sinu puellam

Irarum immemor, immemor minarum.

Et quot, nequitia tua, diebus

Fuit me procul illa, basiendo

Tot nobis puto millia osculorum

Reposita, ut numero serena cœli

Vincant sydera, Syrtiumq; arenam;

Læta ad Gargara misiasq; messes,

Vel quantum est Acheronte mortuorum.

Rumpare interea proterue Luci.

Ad amicum.

Vnde istæc sopia incidit silendi?

Vincit Pythagoræ hoc tacere lustrum.

Quis hic te Harpocrates tenet seuerus?

An nescis periisse sic Amyclæ?

Tentaui hætenus excitare blandis.

Verbis, muneribus quoq; haud minutis.

Fuerunt Apinæ hæc, et illa Tricæ.

An tanti tibi ueneunt papyris?

An floci facis optimum sodalem?

Linguam solue agedum diu ligatam,

Et mi te facias probatiorem.

Sin pergis rabiem incitare nostram,

Expecta hendecasyllabos trecentos.

Sic te forsitan omnibus cicadis,

Et picis faciam loquaciorem.

Cras natalis erit mei patroni,  
 Pompeij, patris elegantiarum,  
 Puellæ & pueri uenustiores,  
 Cras componite succinos capillos,  
 Flauos, aureolos, amoris escam,  
 Cras intendite uinulos ocellos,  
 Spirantes tacitos amoris ignes.  
 Plena afferte canistra flosculorum,  
 Plenis fundite flosculos canistris.  
 Verum si tereti ligustra collo,  
 Et rosas niueis genis feretis,  
 O quanto melius, suauiusq;  
 Miscebunt oculis suos colores,  
 Spirabunt animæ suos odores.  
 Quid, o dii superi, licebit illos  
 Nostro carpere si arbitrato, & ardens  
 Quantum cor auct, ac sitit libido.  
 Hac una liceat die, seueri  
 Procul cedite socrates catonesq;  
 Est tota hæc genio dies dicanda,  
 Est tota hæc genio dies terenda.  
 Huc Liber pede curre laxiore,  
 Affer cecuba, massica, & falerna,  
 Affer corsica, lesbica, atq; chia,  
 Affer millia & ipse poculorum,  
 Affer pocula, sed capaciora,

Doctæ ut Posthumia iubetur albo,  
Vt Nacti tabulæ iubent magistri.  
Vos hinc o pueri amouete lympham.  
Percurrant calices amariores.  
Et sic pectore gestiat uoluptas,  
Vt salit patera loquax falernum.  
Hinc hinc sollicitæ, hinc abite curæ.  
Adsis turba libidinariorum.  
Fauni capripedes leuesq; nymphe,  
Festis lusibus ac parum pudicis,  
Quam bene ad numerum canente auena,  
Hunc diem efficite elegantiores.  
Et uos o ueneres cupidinesq;  
Huc adducite gratias, lepores,  
Lusus, illecebras, facetiasq;  
Et quantum est salium, leuisq; risus,  
Multa ex millia suauitatonum,  
Et quæ dulcia suauiâ insequuntur,  
Diui hæc ducite ditioze cornu.  
Non ausim facile citare musas,  
Et bonum fidibus modisq; Phœbum,  
Pompeius pater omnium leporum  
Cyrrhæ sit licet educatus hortis,  
Conuiuas decet esse non seueros.  
Non amat genius seueritates.  
Vestri est arbitrij uenire diui.  
At saltem dabitis, diem serenum

VAR. POET. II

Diem letitiæ bonæ ministrum.  
Omnes interea ore uos fauete.

Ad lectorem.

Pompeio Xenium dat Anysius, ac prece poscit,

Anni procedant candidiore nota,

Saturnalibus bis diebus, ultroque potus ardeat iussu

Citroque omnia lata curfitare

Nobis dat senior deus libenter,

Quauis sit rigidus nimisque durus.

Cæli filius ipse, seculorum.

Et sator simul, et simul uorator.

Catones caueant notare quicquam.

Seueri nimis, et nimis molesti.

Inuasit nisi forte furor, cupiuntque poetae.

Discere commoti cornibus an ne petant.

Ad Philocalum.

Quæ nam Philocale impudentia hæc est?

Heus, istos oculos manusque, fines.

Nisi intra retinens suos coerces,

Expecta hendecasyllabos frequentes.

Nam quid tot tibi profuere chartæ,

Quid noctes uigiles, labor pudicus,

Si noscis probum, et improbum capestis,

Amici immemor, immemor tuique?

Ni te restituis tibi, et resumis.

Mentem, quam malus abstulit Cupido,

Mentem olim magis ac magis quietam,

Quam fertur mare, Tethyos uolucris  
Quum nidos struit, educatq; pullos.  
Mutanda est ratio modusq; nobis,  
Quando nil monitus iuuant precesq;  
Truces arripiam, inferamq; iambos,  
Ne dicas tibi non fuisse dictum.

Ad Cottam.

Vidi molliculam tuam Lycorin  
Conditam salibus facetusq;  
Altos quæ recinat diserta amores.  
Non sapit nemora, horridamue syluam,  
Non Cotta hæc sapit auias salebras,  
Sed Cyrrham sapit ex uireta Pindi,  
Veronæ ex sapit hortulos beata.  
Vincunt oscula, Cypridis columbas,  
Amplexus, bederas tenaciores.  
Nonne es supra homines amans beatus?  
Quin hæc ipsa tibi nitens Lycoris  
Quando syderibus nitore certat,  
Tibi ipsos facit inuidere diuos.  
O te dys superis beatiorum.  
At me, pro superi, ferus Cupido  
Quam malis cruciat modis misellum.  
Non meam precibus queo Cytherin  
Non meos lachrymis mouere amores.  
Vna hæc omnibus est Notisq; ex Euris,  
Vna est æquoris acrior procellis.

VAR. POE.

Si tu qui scopulos trābis, ferasq;  
Et sis fluitos potente plectro,  
Non mihi auxilio aduolas repente,  
De me actum est misere, nam ea est medullam  
Flamma, ut mox cinerem ardeam supremum.

Ad Federicum regno pulsum.

Heu miseros, mortale genus, circum undiq; septum  
Insidijs, fortuna homines quibus improba ludit.  
Quisquis es, o regno nimium ne fide superbo  
Cræse tuo, imperio siue orbis fixeris aras  
Finibus extremis, omnis pateatq; per oras  
Oceanus, qua surgenti feruescit eoo,  
Qua tumet occiduo, geminas et qua afficit Arctos.  
Seu diues, quantum gemma, fuluiq; metalli  
Aethiopesq; indiq; tenent, æquorq; sub undis  
Possideas, spatio exiguo si deiecit hæc fors,  
Hoc lapsu grauiore, sedes quo celsior axe.  
Nec, si qui oppressi fatis, extrema feruntq;  
Et tellus neget, et cælum, et spes ipsa salutem,  
Spem tamen amittant. spes uiuis non perit unquam.  
Stat tempus medicina malis. Quam rupe Prometheus  
Herculeam sperabat opem? quam troia uirgo,  
Dum monstro in formi scopulo deuincta maneret  
Quam, patriam fugiens, cæco correpta furore  
Gnosia, germani pendens pro sanguine pœnas?  
Fœnore cui magno medijs in fluctibus orbæ  
Consuluit deus, illam et respexit amantem.



Quot patria extorres longo post tempore, nunquam  
Speratas uisere domos, carosq; penates.

Quot clari reges, longos amissa per annos  
Sceptra resumpserunt, fatorum numine dextro.

Ni tempus pcreat, sistantq; uolumina cæli,

Ni mors sæua animam pallentibus obruat umbris,

Nemo adeo miser est, cui non sperare supersit.

Ad Telefillam.

Vix tandem precibus pretioq; impertis amores.

Ergo nil gratis scis Telefilla dare.

In uenerem emptam.

Qui primus pretio sacrum corrupit amorem,

Fregit naturæ dulcia iuncta ferus.

Nam pretio emptæ Venus non ullo fœdere firma est,

Sed quam iunxit amor, permanet illa uenus.

De licentia poetarum.

Dicere cuncta licet securo pectore uati.

Carmina si peccant, carmina plecte, licet.

De Cotta.

Dicite o magnis bona uerba diuis

Vos boni Cottæ unanimi sodales.

Tbura nunc aris date, nunc odoros

Spargite flores.

Longa iam tandem iuga seruitutis

Cotta soluisi, iuga, quæ pro amici

Optimi uita subisti, amicorum

Optime Cotta.

VAR. POE. III

Liberatori sacra ferte patri  
 Quicquid est terris sociorum, et uno  
 Discite a Cotta socij esse ueri  
 Esse et amici.

Vendidit sese bonus ille Cotta,  
 Ut suum summum Pyladem rapacis  
 Plurimo ictum uulnere liberaret

Limine ab Orci.

Vnus hic noster paria illa prisci  
 Suscitāt seclī, reuocatq; amicos.  
 Ergo io Cottam calebretis omnes

Candidi amici.

Candidi Cottam celebrate amici,  
 O diem letum, i puer, atq; rege  
 Condita Alphonso seniore, chia et  
 Corsica prome.

Hinc sales, illinc faciles cachinni  
 Currite, et musa canite omne blandum.  
 Hunc diem Cottæ genio sacremus  
 Candidi amici.

Ad Cytherin.

Diuina es mea per Iouem Cytheri,  
 A deis genita, a deisq; missa,  
 Nos ut ætherijs bonis beares.  
 Nam rides quoties nitenti ocello,  
 Tu sydus Veneris Iouisq; rides.

Si quid tu loqueris, deūq; nect̃ar,  
Et cœli loqueris beatitatem.  
Pulchra es, quæ superes nitore Phœbum,  
Et candore nitentis ora Phœbes.  
Quæ genis uiolæ rosæq; uernant.  
Quo grato cilium nigrore fulget.  
Colla per niuea fluunt capilli,  
Halant ambrosiam aurei capilli.  
Ostro labra ardent corallina, et quæ  
Exugant animam intima ex medulla.  
Quæ sedent geminæ papillæ in illo  
Illo pectore, poma, lilieta  
Sic inter hilarant cor, atq; ocellos.  
Ludunt hic charites iocusq; amorq;  
Sed o quæ redolet sinus beatus,  
Vnguenta assyria, arrabumq; messes.  
Tota es deliciæ, atq; tota luxus.  
Iurarim Venerem esse te Cytheri.

## Epithaphium Viola.

Pallet, floret, olet uiola hoc tumultata sepulchro.  
Mors, amor, et uirtus hæc tria dona ferunt.

## Epithaphium Pontani.

Pontanus hic situs est, ne hospes lachruma.  
Accepit inclytam animam sinus cœli.  
Potuit ossa breuis capere tumulus,  
Ast gloriæ utri capax non est orbis.  
Vale uiator.

## VAR. POE.

Ad lectorem.

Miraculum audi lector in somnis, ut est,  
 Pontano ego tumulum erigens, carmen sacrum  
 Feci camænis, istud ipsum, quod uides.  
 Post, somnus ubi me liquit, admodum quidem  
 Placuit, uirum summis uidebar ac suis  
 Ornasse laudibus, solutis uersibus,  
 Tum cœpi iambosnectere in locis suis,  
 Sursum deorsum uerba uertens, quid moror?  
 Te pluribus, honor, gratia omnis, ac uenus  
 Peribat, id pleriq; decti postea  
 Tentare amici ausi, nihil factum est tamen,  
 Et sæpe nos, profecimus itidem, nihil.  
 Sic liquimus, donec melius occurrerit.  
 At forte sic, deo magistro, opus fuit  
 Facto, monent antiqua ita etiam carmina,  
 Subiecta nullis legibus duris metri.

Egloga Melisæus.

Aegilus. Mycon.

Vnde Mycon quæsite diu, longumq; uocate  
 Omnibus e tumulis, tua tandem armenta reuasis?  
 Aspice, candenti medium tenet æthera Titan  
 Sydere, tu mane in noctem rediturus abisti.  
 Sic tibi sunt tauri curæ, fœtæq; iuuenca,  
 Et uituli, sic mille mouent te furta luporum?  
 Quam niger ille mihi taurus succenderit iram,  
 Qui referam, Alphei in tauros dum prælia miscet.

Meonis hunc illi uicina ad busta premebant,  
 Scilicet a proprijs mihi sunt hæc otia rebus.  
 At fateor meruisse, sciunt hæc robora, et illa  
 Carpinus, ut bis ouem fœam, paruumq; Lacona  
 Faucibus eripui tristis lupi. et hæc mea testis  
 Vox tibi, ut ecce lupum clamans pene ilia rupi.

My. Aegile, ne uitio, nimum nos esse moratos  
 Appone, hæc eadem mora, uel tua seria præter  
 Omnia, uel præter uitam tibi grata fuisset.  
 Quas modo, quas lachrymas, quos catus Aegile ab illo,  
 Illo inquam audiui, nuper qui his appulit oris,  
 Non nosti, non fama tuas peruenit ad aures?  
 Viseret ut uiridis Meliscum in flore senectæ.  
 Pastorum columen, quanti hunc Meliseus habebat,  
 Et dixit quoties, Phœbi spes altera Cotta est.  
 Cotta tuo ingenio blandæ arrisere camœna,  
 Nascentiq; tibi stillarunt dulcia mella  
 Cecropiæ uolucres. lauro tu dignus et ara,  
 Et cui uiuenti pastores dona quotannis  
 Persoluamus, et inde deum post Pana colamus.

Aeg. Audiui hunc equidem mirū canere. hūc heri ad Arcū  
 Tollebant cælo Summotius et Chariteus.  
 Sed tu perge puer bacchatas pectore toto  
 Perge Mycon lepidis restinguere cantibus iras.  
 Has recine, has lachrymas, quibus ille ornauit amicum  
 Te uenerande senex, nam sylue et saxa loquuntur,  
 Te sine pastores mansisse, ut frondis honore

VAR. POE. III

Laurus, aqua ut fontes, sorbataq; frugibus arua.  
 An quicquam tali poterat mihi munere maius  
 Afferris? et patula fagi consedimus umbra.  
 Inuitant tremulaq; auræ, et ridetia circum  
 Gramina, et inuitant rauca nos uoce palumbes.  
 My. Coruus aget liquido morientem carmine cycnum,  
 Et tenues stipulae contendunt dicere contra  
 Pleetra dei intonsi, et Panos superare cicutas.  
 Sirenumq; modos imitabitur ore cicada.  
 Quid faciam? cantare urgent tua iussa, monentq;  
 Crispantes Zephyri nemorum sublime cacumen,  
 Et locus hic, rapido qui nos defendit ab aestu.  
 Verba quidem teneo, numeri si uerba sequantur.  
 Ad tumulum hæc uates magni senis ille canebat.  
 Et circum sylua, atq; fera, atq; armenta silebant.  
 Nona dies rutila confurgit lampade mundo,  
 Qua te condidimus niueo Melisee sepulchro.  
 Qua tibi, quod tantum optasti, reseruauimus urnam  
 Coniugis, et caræ te reddidimus Ariadnæ.  
 Dicite Pierides, dic fistula flebile carmen.  
 Quæ te Phœbe plagæ, quæ uos tenuere Camœnæ?  
 An forte hesperidum redolentia mala tenebant  
 Citria, quum Lachesis Melisei funus obibat?  
 Dicite Pierides, dic fistula flebile carmen.  
 Te circum aeris extinctum fleuere uolucres,  
 Teq; fera, et nemorum planxerunt pectora nympha.  
 Te moriente sacri motarunt culmina montes,

Et rapido syluas uexarunt turbine cauri,  
Et ponto fregere rates, et flumina cursus  
Mutauere suos, heu tanti signa doloris.  
Dicite Pierides, dic fistula flebile carmen.  
Vomere seu findunt terram, seu gramina tondent,  
Ipsi flent tauri Meliseum, ipsæq; iuuentæ.  
Agricolæq; timent læto pro semine tristes  
Ne urticæ ueniant, sterilesq; oriantur auenæ.  
Dicite Pierides, dic fistula flebile carmen.  
Suprema hæc dixit Meliseus. Vos mihi fidi  
Pastores ouium, fidiq; ualete bubulci.  
Vobis sint faciles nymphæ, sint semper amores.  
Et mea cura boues, uiduæq; ualete capellæ.  
Vos neq; furta lupi lædant, turpesue podagræ.  
Et tu deliciæ morientis, tu ultima uerba  
Cara cape Antiniana, et tu mihi culta Patulci.  
Esse una, semperq; una sic uiuite uitam,  
Tityrum uti coluit Meliseus semper amicum.  
Vtraq; perpetuo sublimis honore, iuuenta  
Perpetua florens, erit et dum montibus umbra,  
Dum proni fluuij liquido pede in æquora current,  
Dicent agricolæ, Antiniana hæc, illa Patulcis.  
Dicite Pierides, dic fistula flebile carmen.  
Musa refer magni Melisei funera, uel quæ  
Pompa sequuta uirum, siculo qua forsan ab illo  
Pastorum nemo est tumulo donatus et aris.  
Funera quis pastor, quæ non comitata puella est.  
b.ij.



VAR. POE.

Et quicunq; bonus felices incolit agros?  
 Hic Petasillus erat, multoq; Faburnus honore  
 Incedens, aderat Lepidina, aderat Saluuncus,  
 Syluestres aderant satyri, uno hoc tempore tristis  
 Affuit, oblitus pandum Silenus asellum.  
 Ipse suum oblitus autumnum uenit Iacchus.  
 Venit et e pelago Nereus, et cœrula Tethys  
 Stipata et prole Oceani, et prole fluuiorum.  
 Pastores flebant Meliseum, dū quoq; flebant.  
 Dicite Pierides, dic fistula flebile carmen.  
 Pastores agendum cœli tollamus ad astra  
 Diuinum Meliseum, huius nam summa potestas  
 Et gregis et segetis morbos arcere malignos,  
 Pastorumq; animo tristes auertere curas.  
 Flebile iam musæ, iam fistula mittite carmen.  
 Hic ubi de pario tumulus stat marmore, pulchra  
 Vt Phœbo, et Baccho, Meliseo altaria surgant.  
 Hic toties uotis faciles fumabitis aræ,  
 Pectora pastorum, quoties mala cura peruret.  
 Dicite pastores Meliseum, dicite musæ.  
 Magne parens salue, et cum sydereæ Ariadna  
 Huc ades o Melisee, sinu tibi lilia pleno  
 Dant pueri, e q; rosis nectunt tibi ferta puellæ,  
 Teq; uocant sacro lustrantes carmine bustum.  
 Dicite pastores Meliseum, dicite musæ.  
 Aeg. Quod labentis aquæ murmur, qui sibilus auræ,  
 Quæ tantum uolucrum mulserunt pectora uoces?



Quid uel ad Amphrysum melius cantabat Apollo?  
 Fortunate Mycon cui tantum audire poetam  
 Contigit, hæc nosler cantasset talia solus  
 Acius, Arcadiam qui adyt, partosq; canendo  
 Inde greges uictor sebethidas egit ad undas.  
 Ergo hæc ne pereant, leui hoc in cortice fagi  
 Incidamus, erit quæ umbra, et quæ carmine felix.  
 Et ne aliquo prorsus content sine munere uates,  
 De grege nunc nostro lactantum pignora matrum  
 Polliceor Cottæ tris hædos, caseolos sex,  
 Fiscellasq; nouem lactis de flore recocti.  
 At tu docte puer tanto pro carmine habeto  
 Peram multiplicem oculis, te munere pauper  
 Aegilus exiguu donat, sed si mihi detur  
 Speratas ut oues tyberina ad flumina pascam,  
 Mecum eris, atq; istæc dominis armenta relinques.  
 Nox ruit, ad fluuium pasta properate capellæ.

Ad Pompeium Columnam.

Pompei, quando ego nil non tibi debeo,  
 Seu pascam pecus in mænalijs iugis,  
 Te syluæ resonent et nemora Aegilon.  
 Seu læta arua canam, te agricolam bonum  
 Agnoscant segetes, consitæ et arbores.  
 Martis siue fremant horrida prælia,  
 Cantu te liceat terribili intonem.  
 Nunc magni Melisei accipe nœniam,  
 Quam Cotta ad tumulum fleuit, eam Mycon

VAR. POE.

Dum cultis repetit uersibus, in genu  
Percurrente manu scripsit Amysius.

Egloga Murenus.

Murenus piscator, Quercius et Hircanus  
pastores, Cursor.

Mu. Sum Querci, ut cernis, tacitis labentibus annis  
Iam grauior, pelagi tantum ac telluris obui.  
Et ni mens cecidit, nunquam tot sydera cæli  
Turbari signis memini, nec nubila tantum,  
Et pluuias, rapidumq; Notum seruare tenorem.  
Ter latuit Phæbe, et pleno ter uisit olympum  
Lumine, quum lucri quicquam non attulit æquor.  
Sed quid tam subito posuit furor, et maris ira,  
Et siluere Euri, subitoq; serena refulsit.  
Regia cælicolum, et toto lux reddita ponto est:  
Sospitet augurium pater, et pia lumina uertat.

Qu. Hæc eadem exesa, dum uix defendimus imbrem  
Rupe, supercilium sylua etsi plurima denset,  
Cum nostro Hircano summo hoc in culmine montis  
Lamentabamur. quum Iupiter ore nitenti  
Arrisit mundo. Hircane clarissima diuum  
Signa uides. faustoq; omen firmauimus ore.  
Interea serus supremum clausit olympum  
Hesperus, omne pecus septisq; coegimus altis.  
Ecce autem aspiciamus sublimia templa deorum,  
Aeris arces, urbem, montemq; propinquum  
Igni inflammari, patrio de more triumpho.

Quæ nam Parthenopen, cupidi cognoscere, tanta  
 Lætitia impellat, summo de uertice anhel  
 Currimus, ac pecori nullo custode relicto.  
 Sed uideoꝝ an noctis tenebræ mea lumina fallunt?  
 Quin uideo ad nos currentem non passibus æquis.  
 Sic te fortunent superi, uideasq; senectam,  
 Dic iuuenis, nosti quis tantus nuntius urbem  
 Parthenopen hilaret tonitruq; et lumine crebro?

Cu. Erigite o animos socij, et celebrate per agros  
 Hæc uestros, Consalvus io fortissimus heros  
 Pontibus est ausus tumidum transmittere Lyrin,  
 Nec numerosa manus gallorum sustinet hostem,  
 Sed conuersa fugam in fœdam dat terga secunda  
 Inuictæ Hesperia insigni cum clade phalangi.  
 Quis referat tristi conspersa cruore Maricæ  
 Littora, et ausonios squalentes funere campos?  
 Quæ cædum facies, undæ quæ corpora uoluunt?  
 Hæc rerum summa est, cogor properare, ualcte.

Mu. Dij, iuuenis referant tanto pro munere grates,  
 Munere, quo æternum florenti pace fruamur.  
 Pascere tu poteris lætas Hircane capellas  
 Omnibus in syluis, uno obseruante Lycisca  
 Damna lupi, et Querci nullos trepidare furentes  
 Palantum incursum, quæ dira licentia prædæ est.  
 Atq; ego Neptuni modo sim securus ab ira,  
 Quid timeam? tutusq; die noctisq; per umbram.  
 Lac niueum, tenerosue hædos tu, ego sæpe ferebam  
 b.iii.

VAR. POE.

Aequoris immensi dotes defessus in urbem.  
 Et quoties uacui loculos discessimus urbe.  
 Ab trisle est meminisse, trucis quo audacia creuit  
 Militiæ, nostro fuerat quæ tempore, ab ista  
 Tam differt, placidum nigris quam fluctibus æquor.  
 Quare agite o socij, mulcentes æthera cantu,  
 Quo soliti, ipse undas, et uos compescere flatus  
 Ventorum, atq; hyemis rabiem, celeremus amicis  
 Ferre hanc lætitiā, et uino duplicemus honorem.  
 Incipiamq; prior, mox uestra alterna sequantur.  
 Ludite delphines toto simul æquore, et omne  
 Temperet alcyone placidum mare, temperet auras.

Qu. Et tu noster amor circum dumeta Cytheri  
 Nos fugiens, prato mecum iam fessa recumbe.

Hir. Me tenui stipula ualles mulcente, petulci  
 Incurserunt capro, non æquis cornibus hædi.

Mu. Quin uos nereides gelido succeditis antro,  
 Dum Venus ignitos, mollesq; inspirat amores.  
 Dulcia perfundent sirenum carmina somnos,  
 Oscula sopitis rapiuntur dulcia labris.

Qu. O mihi, causa mali, tunc lumina cæca fuissent,  
 Aut animam tristem rapuisset pallida parca,  
 Aut miseri gemitus flexent te dura Cytheri.  
 Ut uidi, ut perij, insanum bibi ut oscibus ignem.

Hir. Ante rosis cæleste decus, uiolisq; peribit,  
 Lacq; nigror, mellisq; fauos uitabit amaror,  
 Vbera et ante agnis mater dyslenta negabit,

Syluia, quam nostri capiant me obliuia amoris.

Mu. Rupe sub excelsa statuam tibi Magne trophæum,  
Distinctum uaria concha, uarioq; lapillo.

Qu. Te syluæ et nemora alta sonent, te culta camœnis  
Antra uocent, reboent ualles, cantentq; cicadæ.

Hir. Inscribam tenera tantum Consalue triumphum  
Ilice, quam nullum findat per sæcula ferrum.

Mu. Oceano patri centum, et tibi cæcula Tethys  
Centum, Neptuno centum mactabimus orcas.  
Cymothoeq; Xanteq; et tibi maxime Protheu  
Ostrea multa, cadet multusq; hirsutus echinus.  
Tene ego præteream donis Venus aurea? quando  
Tu ponto genita, flammis præcordia aduris.  
Te propter facilis Galathea, et candida Glauce  
Fluctibus in medys tacitum suspirat amorem.

Qu. Et te sancta Pales, per compita et arua canentes  
Lusibus incompitis, multo cingemus anetho,  
Et pingui cythiso, atq; thymo, panaceq; rosaq;  
Pan, neq; parua, nouem niueo mulctralia lacte  
Explebo cornute tibi, si Mænala paulum  
Linques, Syluano totidem, totidemq; proteruis  
Faunis, et faciam nymphis syluestribus agnam,  
Agnam fontanis, furuam tibi Cynthia capram.

Hir. Ite meæ faciles ad flumina nota capellæ,  
Lætitiæ tantæ pretium, uos fonte lauabo,  
Et Cythiso pascam, rutilo sub sydere Phaebi.  
Ite meæ faciles ad flumina nota capellæ.

VAR. POE.

Hic calamis nuper moriens quos liquit Hymellas  
 Alliciam cantus uolucrum, et salientibus hædis  
 Inslabo ad numeros, toruum spectante capella.  
 Ite meæ faciles ad flumina nota capellæ.

Epith. Annæ Anyfiæ.

Crimina dum nostri fastidit Anyfia secli,  
 Ad superos fugiens Anna reuisit auos.

Epith. Regis Federici.

V is pepulit regno, reditum uirtute parabam.  
 Fraus magnis cæptis improba se opposuit.  
 Et cura et sento et morbo confectus, olympi,  
 Liber ab exilio, regna adamata peto.

Ad principem Rossani.

Dic princeps bone, quid liberius genus  
 Hoc uitæ tibi præstantius attulit?  
 Anne illam miseram credis ab hac nimis  
 Fortuna esse hilari procul?

Verum pende prius lance pari omnia,  
 Quæ carcer mala dispendia corpori  
 Firmo, quæ uæ animo insuperabili

Vnquam incusserit horridus.

Est idem usq; animus, quem ualidus uigor  
 Virtutis, ualido robore fulserit,  
 Et quem clara domi commoneant deis

Appensa spolia hostium.

Hunc quantum fugiens parthibus et æthiops  
 Emitterit iaculorum obtenebrans diem,

*Vel nudum haud medys terreat hostibus,*

*Interq; arma furentia.*

*Hunc cæcis tenebris Tartarus implicet,*

*Et vasto Oceanus gurgite, non sine*

*Et Cauri furijs, et Iouis igneo*

*Telo et grandine et imbribus.*

*Non unquam atterat hunc fors odio suo,*

*Non durus labor. aurum uelut ignibus*

*Sic uirtus medys dia laboribus*

*Fit semper melior uiri.*

*Idem es, qualis eras carcere in aspero,*

*Atq; idem fueris, si imperium geras*

*Terrarum dominus, ni uelit esse uir-*

*Tus mutabilis et leuis.*

*Ad Suardinum.*

*Sic te Bacchus amet, tuamq; semper*

*Cellam fulciat optimo Lyæo*

*Suardine, bonæ quem amant camœnæ,*

*Atroce mibi depulit dolorem*

*Illud nectareum tuum Salernum.*

*Nam bibi simul, ciulans recessit*

*Toto e pectore langor, et deorum*

*In conuiuia sum repente missus,*

*Nam duxit radio nepos Atlantis.*

*Sis felix ager, ista qui tulisti*

*Tuis fusciculis ager racemis*

VAR. POE.

Bacchi munera, nobilem liquorem.  
 Sit precor tibi Iupiter benignus,  
 Vel solem cupias, uel imbrem amicum,  
 Et parens tibi terra blandiatur.  
 Nascantur uiolæ rosæq; passim,  
 Et flores uario colore uernent.  
 Spirentq; Zephyri, nec Ausler atrox  
 In te quid fremat impotente flatu.

In febrem.

A b febris, mihi candidum.

Pene præripuisti ex oculis diem.

A b, quum me propius nigræ

Cernebam trepidum ferre pedem neci.

T u testis mihi tertia

Tu lux, quum in glaciem corrigui, et parens

Afflicta, et famuli, et mei

Amici, huberibus, pro gelido toro

Corrumpunt lachrymis genas.

At matris precibus ab Ioue maximo

Vitalis redyt uigor.

Sed magnum superat, cum febre prælium

Pugnandum hoste graui, et manu in

Defessa, hæc rapidis æstibus intima

Torret uiscera, et hæc uaga

Per campos patulos, ut sine freno equus.

Excurrit, uarios ciens

Motus libera, et urit sine lege atrox.



Hinc fontes cupere aridum os,  
 Cor ardens nemora et prata uirentia  
 Sub rupe egelida Algidi  
 Rauco præcipitis murmure, et algida  
 Sub ualle arboribus tegi,  
 Blando hic quum uolucres carmine concinunt,  
 Atq; auræ placidum sonant.  
 Quippe hæc diuitijs, quas habet æquor, et  
 Vasti rex Erebi, minus  
 Mutassent. quid enim diuitiæ iuuant,  
 Quum de uita agitur? uale  
 Iam tandem febris, atq; hinc procul aufuge,  
 Febris Tisiphones soror,  
 Ipse quam genitor Tartarus horreat.

Ad Petronium.

Quando hunc terribilem uiscerum ab intimis  
 Plutona excuties, dic bone et impiger  
 Petroni? nimis hic te  
 Curis sollicitum tenet.  
 Hic te per triuia et compita anhelum agit,  
 Ut uexant culices niliacam bouem,  
 Utq; altæ ad sacra diuæ  
 Matronas phrygias furor  
 In campos rapit, inq; ardua Dindyma.  
 Illos quum memini per medios uagum  
 Te soles, peream ni  
 Totus percitus horreo.

VAR. POE.

**A** b sol ne rapidis ustileet æstibus.

Nunc imbres grauidi, nunc gelidæ niues,

At tu deuius erras

Tota urbe uuidus et rigens.

**A** b plantas glacies ne secet aspera.

Ne tecum obsecro inhumaniter usq; agat.

Suas da genio horas,

Horas lætitiæ bonæ.

In Leonem. de domicilla.

**D** i te Leo perdant, mœas qui funditus

Curas adegisti improbe

**A** tram in stygem, curas adeo amatas mihi,

Vt nunquam ab alto pectore

**T** urbarit alia mentis occupatio.

Fundum hic mihi abstulit datum

**A** ltiuanis, uita quis uiuit mea.

Fors omnia obterens bona,

**B** onis iniqua, fluctibusq; iræ æstuans,

Cætus in hostis rustici,

**L** ocumq; in asperum undecunq; rupibus,

Meum impulit ducem, nimis

**H** eu credulum hospitalibus dijs. improbus

Hinc cœpit ille perfidæ

**D** iu intus alta efferre mentis ulcera.

Fundum mihi abstulit meum, ac

**N** ostram in necem nullum reliquit pessimus

Locum scelestæ audaciæ.

O multum agelle amate, dulces o mihi  
Curæ uagatæ in intima  
Persæpe mentis otiosa, liberam  
Tecum statueram uiuere  
Vitam, solutam legibus uulgi leuis,  
Aulæq; seruitutibus,  
Et gloria, aurisq; aurium latalibus.  
Tuis ego in complexibus  
Spernam furentes æquoris sæui impetus,  
Spernam tremendi classici  
Trucem boatum, & tristia arma militum.  
Te nostra dextera excolens,  
Et mitia inserens, & amputans fera,  
Reddam te agelle, ut assolet  
Nouo marita coniugi se reddere  
Amanti amans spectabilem.  
Et tu mi agelle solus amor, & tu mihi  
Dilecta amica, & unicum  
Solamen, & dulcis quies, Anysium  
Lyra aurea, plectro aureo,  
Alta sub ilice accinentem suauiter,  
Musasq; Pieri e sacra  
Tuas in oras, & petulcos montium  
Deos, & una blandulas  
Nymphas uirentis syluæ, & una fontium,  
Pede ire spectabis leui.  
Iuuabit arcta sæpe uallium loca

VAR. POE.

Sepire nodosa plaga, et  
 Circundare alta lustra plurima cane.  
 Modo et fugaces persequi  
 Ceruos, et aduenam modo pedicis gruem,  
 Auesq; uisco fallere.  
 Subiecta saepe et aduolare in æquora  
 Cum rostri curua alite.  
 Hic nata tristi sydere misera auis feret  
 Stragem coturnix plurimam.  
 Rapaxq; miluus strage non pharsalica  
 Cædem minorem perferet.  
 At cornicen receptui ut cecinit strepens,  
 Aut uuidum æstu, aut imbribus,  
 Tu frigore ad focum, æstu ad umbras accipis,  
 Et humidum siccas caput,  
 Et ore, dulci non sine osculo, eluis  
 Mea domicilla puluerem.  
 Tum munera opus apponis impigræ manus,  
 Nostræ labores dexteræ.  
 Salit Lyæus cantharo amplo spumicans,  
 Ceresq; nostro ex horreo  
 Prodit. uaporibus ferinæ at interim  
 Pingues domantur feruidis.  
 Lassatus inde Iacchi atrocis uî graui  
 Toro solutus accubo.  
 Sed o quid amens somnio, dirus te habet  
 Leo ille agelle, et ni manu

O pem ferat ualente noster Hercules,  
Vale mi agelle, uiximus.

## LIBER SECVNDVS.

De pace.

Ece pax nobis redijt, tot annos  
Exul ad Parthos, Syriosq; et Indos,  
Præferens spicam rutilo ore tandem  
Aduena uenit.

Venit, extremo renatabat ore  
Spiritus fractus cumalo malorum.  
Spes bona en cœpit reuirescere alta  
Mentis in arce.

Spe bona en uenit dea amicta circum.  
Non dea incesſu patuit, fidem non  
Iupiter fecit, pluuio serenum  
Tempore brumæ

Pallidæ fulgens? pueri quid ergo  
Statis ardenti uiolas in hirtis.

Rupibus manu legere, inq; bianti  
Valle nouellas?

Est quoq; florum Ioue blandiente  
Copia. et uos o iuuenes, uirentes

Palladis ramos pede concitato  
Ferte ab apricis

Collibus, misti teneris puellis,

VAR. POE.

Dicite et longa chorea auspicatum  
Pacis antiquæ reditum, et piorum

Numina diuum.

En diu, nobis, profugæ remigrant

Gratiæ, et ludis strepit omnis ora.

Compitis fausto Cererem, Palemq;

Orc cientes.

Rustici, pingues adolent cupressos,

Citriosq; et iuniperos odoras,

Omnis in syluis pecorum magister

Ludit auena.

O quot heroes patriam reuissent,

Thuraq; incendent reduci Ioui, alta et

Templa dys postliminio recepti

Cum prece ponent.

Dij mihi proferte dies, uidebo

Floridam tantis patriam bonis. sed

Aureo o spectem solio sedentem,

Iuraq; dantem

Inclyti regem generis deorum.

Tunc cadis plenos pueri e repostis

Cantharos, Baccho, liceat furente

Promite amicis.

Ad Pomponium.

Ne te, ne tantum crucia, ne numina læde

Pomponi amaris questibus.

Quid ni me afflictum, si morbus uiribus, inquis,  
Nequit repelli, et in dies

Glescit, et ardenti liquuntur membra ueneno?

Quid ergo ages? male in deos

Pugnatur superos, naturamq; omnipotentem.

Hæc, nescio an fato, an suo

Arbitrio partus proprios necat, ut necat ardens

Suos catellos uipera.

Ergo est, arbitrium superet qui morbus, et illam

Stoæ impotens iactantiam?

Quam uitam, heu facinus, mortales uiuimus ægri.

Sed est ferendum, nam semel

Ingenitum uitium, longo si marcuit æuo,

Omnis salutis spes uale.

Heu miseros orbis ciues. stat uastus in alto

Sic scoplus ægeo. ut parum,

Aspice, formidat luctantis æquoris iras,

Vndis ut extulit caput.

Inq; ilex syluis centum durata per annos,

Cuius uidet fibras Charon,

Non ne procellis ardua stat, temnitq; furorem

Sæuum minantis Africi?

Ne tu igitur uexa superos, quod pectore in imo

Semel uitium in hæsit, fer, et

Expecta abrumpi fatalia fila sororum, et

Disce mori in hora millies.

Ad febrein.

Ne me, ne febris facibus istis impete,  
 Omnes per superos deos precamur.  
 An me tu forsan tenebricosis faucibus  
 Orci impellere tendis impotentis?  
 De te quid tantum merui, ut horrida luam  
 Mortem in me ne adeo dea æqua sæui.  
 Quondam securus calamus in te arsit, male  
 Heu doctus rabiem tui furoris.  
 Do tandem pœnas sceleris, atq; pœnitet  
 Diræ diua dicacitatis, at tu  
 Quando sat pœnæ miser ab intimis dedi  
 Vsq; uisceribus, quiesce tandem,  
 Et robur redde, et uegeta membra, mentis et  
 Mibi restituas serenitatem.  
 Cerne ut uestis laxior ab humero defluit,  
 Vt squallet cutis, et uigor recessit,  
 Vt gressu poples titubat, utq; est flaccidus  
 Olim spiritus baud timens deorum.  
 Sis præsens diua, et manibus inuictis leua  
 Deiectos animos, coerce et ignem.  
 Te semper nostris faciam in aris maximam,  
 Dignaborq; deis, deumq; honore.  
 Et tu cælo progenita, proles lucidi  
 Solis, quam rapuit manu insolenti  
 Alcide laus, ærola rigentis Caucaasi,  
 Quando es tu dea, te deam uerebor.



## Ad Venerem.

**V**enus dea Gnidi,  
 Quam nobilis Cyprus colit,  
 Quam circum uolitant molliculi ioci,  
 Et lusus, et amor, improbi cupidines.  
**T**e amat tellus parens,  
 Tu germinum uita, et tu amor.  
 Te propter coeunt frondicomæ arbores.  
 Marita prunus aurea parit persica.  
**T**e auent sata pinguis,  
 Vbi imbris lætis madens  
 Effundis grauidas fœtibus e tuo  
 Scintillulasq; gratiasq; aureo sinu.  
**V**iret gramine Helicon  
 Potenti, Olympusq; arduus,  
 Chiron Pbyllirides unde et opem legit,  
 Succisq; Circe imagines animat truces.  
**R**ubentq; in hortulis  
 Rosæ tuo ortæ ex uulnere.  
 Halant ambrosias aurea citria,  
 Reddientia inclytum specie Adonin tuum.  
**D**eam te et auium, et  
 Serpentium, et pecudum genus  
 Sentit, quodq; in aquis nat liquido pede.  
 Tui neq; expers abditur Erebi deus  
**P**rofundæ noctis ora.  
 Arsit facibus olim tuis

VAR. POESII

Actnam quum aggreditur tartareis equis,  
 Quatitq; terras motu, et orbem nubilat. V  
 Liquidaq; marmora,  
 Aquis licet frigentibus,  
 Flammas sæpe tulere. Oceanus pater  
 Amauit ultimis sub undis perditæ. T  
 Et ipsi cœlites  
 Sensere vires intimis  
 Tuas sæpe medullis, quoties Iouem  
 Videre falsa sub figura adulterum T  
 Puellæ attonitæ, amor  
 Suæensus ubi recluditur?  
 Quin te, quæ tacitis ignibus imperas,  
 Tu te ipsa sæpe usisti iniquis torribus, V  
 Gradiui nec dum amor  
 Excussus alto pectore.  
 Sic te Bellipotens semper amet deus,  
 Nec furta dulcia hauriat sol lumine, J  
 Viri una et fœminæ  
 Precantur, arcto balteo,  
 Componasq; iugo irresolubili,  
 Et prole fac ditentur usq; nobili. I  
 Tibi en aræ nitent  
 Et flore, myrto et plurima,  
 Incenditq; puer thura, bona acinens  
 Verba, acinunt uoce et puellæ tinnula. T  
 A des Ericina ades

Pulchro refulgens sydere,  
 Vt spectare soles delicias tuas,  
 Tuos amores, Idaq; ut uidit stupens.

Ad Barthomeum Liuianum.

Macte heros corde inuicto, et uirtute recenti,  
 Quem nil proterua fors mouet,  
 Liuiade, aude iterum, atq; animos iterum auspiciis dijs  
 Exuscita, hostium en pauor  
 Agmina habet, gelidoq; uides ut frigore pallent,  
 Tremunt ut artus, Iupiter,  
 Vnum te armati formidant, te uel inermem.  
 Quæ terra, qui abdent inuij  
 Saltus, qui trepidantem nubiferi Apennini  
 Sistent fugam, aut qui Caucaſi  
 Rupibus horrentes, ac perpetua niue caniz  
 Tu robore inuicti Herculis  
 Omnia peruinces, nec Lerna morabitur hydræ  
 Ceruice centena, nec in  
 Valle furens uasta Nemeæ fera, nec timor ingens  
 Lycæi aper, uires neq;  
 Multiplices natorum atra tellure gigantum.  
 Videbit iterum æthram canis  
 Fulgentem, uisq; horrebit tanitor Orci.  
 Columnæ in orbis finibus  
 Aeternum extremis, tua et inclyta fama manebunt.  
 Contingat o tunc mihi, boni  
 Dij superi, ut uescar cæli uitalibus auris,

Smyrnæa ego acinam lyra,  
 Qua quondam licuit soli cantasse Maroni,  
 Totusq; te orbis audiet.

Deploratio ualitudinis.

Quo mei aureoli capilli abistis?  
 Quo mei ah facinus capilli abistis?  
 Quos tantum mea amabat Intimilla,  
 Quos illa in tepido sinu fouebat,  
 Aut peccens uario plicabat orbe  
 Ipsa eburnea, peccine æque eburneo.  
 Nunc mei aureoli capilli abistis,  
 Et uos heu mea luget Intimilla.  
 Quo frons splendidula, & quo ocelli abistis?  
 Latonæ duo ut astra prænitentes.  
 Vos o uos mea suxerat Nealce,  
 Et tantum mea suxerat Nealce,  
 Lasciuam sapcretis ut Nealcen.  
 Sed o quo niuei, quo eburnei ore  
 Sedentes rutilo, ut monile septum  
 Bacis Oceani rubri, indiciq;,  
 Quo dentes abistis? & quo amœnum os?  
 Ab illa illa, mea, illa quæ tenet me,  
 Aeternumq; tenebit, illa Doris,  
 Vobis, non sine Cypridos liquore  
 Inhærens, animam intima ex medulla  
 Hauribat, mi utinam obtigisset illa  
 Inter suauia obire, quod sepulchrum

Cupitum sibi spiritus parasset.  
Et quo argentea colla, quo manus, quæ  
Rhipheam toties niuem nigrastis  
Albore exuperante, liliumq;  
Tum uos lambere, lingere, osculari,  
Atq; in delicijs habere Phyllis  
Nullo fine modoq; desinebat.  
At nunc lurida, pars situ, macore  
Vt squalent alia. ah maligna febris  
Quæ tot mi ueneres mala abstulisti,  
Quæ cogis gemere ex meos amores.

Ad Augustinum Gniphum.

Heus tu qui retegis sinus retortos,  
Mæandros, labyrinthios acervos  
Chrysippi, sapis atticos ex hortos,  
Et nil non bone polliceris, astra  
Dum censes radio, futura uoluens,  
An putas, quoniam catus uideris,  
Res ut cum pueris tibi sit? heus tu  
Nosti non bene percitos poetas.  
Huc si non liber ilico aduolarit,  
Quum te illum toties reflagitarim,  
Quis scit, si audieris truces iambos  
Armari, ex rabie tonare diras:  
Faxo, te laqueus citet Lycambæ,  
Et nouus tibi Bupalus resurgat,  
Pœnam aut perpetuum silere dicam.

VAR. POE.

Tunc te nec *sophia* adiuvabit ulla  
Ad *Fanniola*.

Meæ *deliciæ*, meiq; *ocelli*,  
Meum *uerculum*, *amœnitasq;*, et *aura*,  
Meum *melculum*, itemq; *lotos*, et *ros*,  
Mea *medullula*, *corculum*, et *uoluptas*,  
Vna *Fanniola*, *geniusq;*, *amorq;*,  
Me *amplectere*, mi *suaviū* da  
*Mellitum*, *sapidumq;*, *salsulumq;*,  
Atq; *unum*, *omnibus* et *catullianis*  
*Pretiosum* *mage* *millibus* *trecentis*.  
Oro, mi *exere* *uēsculas* *papillas*,  
*Mamillas*, *nitidissimumq;* *pectus*.  
Oro, me *sine*, teq; *palpitare*,  
Teq; *sorbere*, et *ingulare* *totam*.  
Et si te *dabis* *hoc modo*, *licebit*,  
Vobis *regna* *aliq;*, atq; *opes* *habetote*,  
Et mi *Fanniola* *relinquitote*.

Ad *Quernum*.

*Querne*, si *mala* *syderasset* *aspis*  
*Linguam*, tam *poteras* *diu* *tacere*?  
*Querne* *oblite* *sodalium* *bonorum*,  
Cui *tantum* *placet* *inter* *esse* *reges*,  
*Nauci* *habens* *inopes*, *bonosq;* *amicos*.  
Sed *uertat* *bene*, nanq; *nauseantes*  
*Istos*, qui *faciunt* *pili* *sodales*,  
*Vidimus* *pariles* *luisse* *pœnas*.

Querne tu caue, ne dum iniqua Olympi  
Tendis scandere, et occupare summa,  
Ima præcipiti premas ruina.

De somnio horrendo.

Heu cur tartareis picea me nocte figuris,

Cur Somne territas pater?

Si nunquam ore, aut re, tua sacra silenda piauī,

Aut uulgis feci, ut assolent,

Siqui contemptores sunt hominumq; delūmq;

Ni est his melius a dijs statum.

Vidi, horretq; animus meminisse, horrentia uidi

Pro uisa. Cum puella eram,

Quæ mihi uel proprijs oculis est carior, una et

Inter dapes lautas, et in-

Ter dulces lusus, et suauia dulcia, Marti

Qualia suo dabat Venus,

Discumbebamus, quum mors in limine primo

Stetit domus, situ horrida,

Et tabo, et macie, letaliq; horrida falce.

Hæc optime oculis, omnibus

Circum exploratis, arcumq; humero, atq; sagittas,

Falcemq; posuit, et manu,

Horrendum dictu, centum conuoluerat angues.

Hos admouens ori, et fame,

Et rabie antiqua, sanioso dente uorabat.

Hic risus excidit leuis,

Blanditiæq; epulæq; manu cecidere trementi.

VAR. POE.

Vix uiuus hinc somno excitor  
Lætitia exultans, in uentum ea dira abÿsse.

At tristior meam tamen  
Ex oculis subito sic delicuisse puellam,  
Qui cum me æquipero deis.

In Anum deridentem.

Quid rides senium, strigumq; mater,  
Arcas, thessala, dira fascinatric,  
Offa lurida nigricantis Orci?  
Ridesq; et putridam screas saliuam,  
Et balas animam grauis mephitis.  
Ride, et ilia finde defututa.  
Quin tristis Erebi sinistra bubo,  
Aiakis uolo rideas cachinnum,  
Sardoum uolo rideas liquorem.

Ad Petrum Summontium.

Summonti, hendecasyllabi iocantur,  
Acerbum licet, atq; atrox minentur.  
Lesbous quoq; pes solct iocari.  
Vis est cuiq; sua insita addecensq;.  
Deplorant elegi improbos amores.  
Heroo pede perfurit Gradiuus.  
Socii sunt humiles, graues cothurni.  
Sequuntur laquei truces iambos.  
His ego haud feriam meos amicos.  
Quare desine conqueri Petroni,  
Si tecum lyricis fui iocatus.



In morte Cytheridis.

Molles deliciæ, leuesq; risus,  
Et uos o ueneres cupidinesq;,  
Et quantum est salis & lepōris usquam,  
Valete, atq; alio hinc proculq; abite.  
Mi quondam placuistis, ipsa quondam  
Spirabat facilis uenusq; amorq;.  
At nunc inuida parca, sæua parca,  
Indignum facinus, meos amores,  
Meas delicias, meamq; uitam  
Orco tradidit impio uorandam.  
O factum male, heu misella uirgo,  
Quæ me plus oculis tuis amabas,  
Quæ me tristitulum usq; suauizando  
Molestis poteras leuare curis,  
Orci nunc raperis manu rapaci,  
O factum male, o maligna parca.  
Quare hinc blanditiæ ite, & hinc lepores.  
Huc suspiria, lachrymæ, dolores  
Adeste, & furiaë altius furentes,  
Meam urgete animam ire sub tenebras,  
Inuisat propere ut suos amores,  
Suas delicias, suam Cytherin.

In puellam seueram.

Petra tristior attica, atq; Auerno,  
Quid puella malum usq; me fatigas?  
Esse uis simul & Diana, & ipsa

VAR. POE.

Deos quæ face uerberat Dione.  
 Non est id pote, sis pudica, sisq;  
 Eadem mollior omnibus cinædis.  
 Edico tibi, cusa lex in æs est,  
 Aut huc ne referas pedem puella,  
 Aut hinc, si referes, fututa abibis.

In monachum nequam.

Amabo bone uir, tuo hoc cucullo, q;  
 Tua ista fatua loquacitate,  
 Inter socraticos putasne haberi?  
 Id id scilicet ore polliceris  
 Isto musta acina ebriosiore.  
 Non te non pudet, explicare regis  
 Regum mystica temulente Iacbe?  
 At facis secus improbe, atq; faris.  
 At R cum reicit disertus iste,  
 Non graui sine teste prædicator,  
 Hortis præficere hunc deum potestis  
 Furum pro aucupio cinædulorum,  
 Quicunq; estis amore delicato.  
 O ciues mediam huic secate uenam,  
 In testes samiam expedite testam,  
 Ut capus Berecynthiam sequatur.

In Lycum monachum.

Quis locus est reliquus? te eiecit regia cæli,  
 Nec recipit tellus, Oceanusue pater,  
 Coniurant manes, toto ut pellaris ab orco.

Inuiso rebus te, Lyce quid facies?

Ad Cencium.

Porro quæ tua mens, amice Cenci?

Pergis ludere sic tuum sodalem,

Anno cui facias opus diei?

An cunctando aliquid parare maius

Tentas? non pariunt repente Barrhi.

Tu forsan mihi syngrapham morando

Compones ita, ut inde fata diuum

Decem sufficiant uiri probati.

Cenci si sapias, auferge experiri

Qua sint cuspide iambi Anystiani.

Ad Intimillam.

Sic me flammeola uris Intimilla,

Sic me perfidula Intimilla aduris?

Phœbe interstitium integrum peregit,

Quum tu secubitu molesto, et atro

Mori me patere improba Intimilla.

Vouisti fatua an ne castitatem?

Sacra niliacæ an deæ paratis,

Aut magnæ Cereri bonæ puellæ?

Quæcunq; est, tamen impia, et maligna est

Causa. ah scæuor unda, et Euro, et Orco,

Quicunq; istas segregationes,

Istos secubitusq; desecrandos

Repperit leuium puellularum.

En uer pampinulis tumet nouellis,

- VAR. POE. 11

Ridetq; omnis ager nouello amore.  
Et nobis itidem calefcit intus  
Sanguis, feruidulum ciens amorem,  
Et bilis ioue tunditur sereno.  
At tu perfidula Intimilla, triffi  
Tuo fecubitu, et nimis moleſto  
Mi torques animam, nec aſq; amantem.

Ad Terinam.

Me magni ſuperi oderint Terina,  
Ni te plus oculis meis amo, et ni  
Tuam opto mage, quam meam ſalutem.  
Nam quid ſim ſine te? ſed inſpuamus  
Ter nobis, moneo, ſinus. egone  
Te uiuam ſine? ſi uelit, nec ipſa  
Me ſeruet ſine te, ſalus, Terina.  
Tu numen mihi, uitaq; et ſalus es.  
Quod uiuo, tibi uiuo, itemq; perdar.  
At me cura habet illa, et uſq; habebit,  
Ne me ames minus, aut amor tepeſcat.  
Id ſi fata ferant maligni amoris,  
Vitam, dy melius, libens reuſo.  
At ſi te unanimem dabis Terina  
Mi ſemper, facilemq; cæreamq;,  
Opes mygdoniæ ualete, itemq;  
Valete imperia, ac ualete honores,  
Et Batti ueteris ualete ſyluæ.  
Hæc ego omnia penſito minoris,

*Quam unum basiolum mea Terina.*

*De Doride.*

*Quid sylvas petitis, sacrasq; ualles,  
Quid rupes pedibus laboriosas  
Inepti pueri, et leues puellæ?  
Flores iam scio quæritis nouellos,  
Vt his splendidulum caput, simulq;  
Ornetis speciosulas mamillas.  
Ver est, non nego, floribusq; uernat  
Tellus, et uario colore ridet.  
Sed solis sine maximo periclo,  
Non licet latebras ferarum adire.  
Sunt hic sæpe lupi, et truces leones,  
Sub flore ac mala delitescit aspis,  
Stantq; in insidias dei salaces,  
Fauni capripedes bonis puellis.  
Quare cautius obsecro uidetè,  
Ne dum nitimini esse pulchriores,  
Dum syluis rapitis suos honores,  
Vobis flos pariter male inuoletur.  
Sed quæ hæc stultitia est puellæ? habetis  
Diuinæ prope Doridos uiretum,  
Nempe os Doridos est uiretum amœnum.  
Hinc, si uos uiolas auetis, illas  
Gænæ Doridos explicant beatæ.  
Vultis puniceas rosas, legetis  
E nymphæ roseis labris abunde.*

# VAR. POE.

E collo niueo, manuq; eburnea  
Alba excerpit lilia, & ligustra.  
Sed quid singula persequi laboro,  
Quantum est floridi in omnibus uiretis,  
Vna in Doride uos puellæ habetis.

## Ad Innocentium Mancinum.

Iuisti studio Innocenti amicum  
Per louem officioso & auspicato,  
O lux candida Anytio atq; læta,  
Pompeij micuere cum clienti  
Lætæ e fronte oculi benigniores.  
Sic illi niteant dies sereni,  
Sintq; tristitiæ & procul dolores,  
Dum longo spatio fruatur æui.  
Et quum sydeream aduolarit arcem,  
Illius tumulo tepescat aer  
Vere perpetuo, rosæq; blandæ  
Nascantur, uiolæq; & herba odora.  
At tibi ueneres cupidinesq;  
Semper sint faciles, tuumq; semper  
Amplexum cupiant leues puellæ,  
Et te Pierides sinu beato  
Parnasi foueant iugisq; Pindi.

## De Montella.

Montella, & gelidi ualete fontes,  
Et syluæ, & nemora alta castanetis.  
Tunc me frigoribus tuis tenebas

Montella alpigenum e choro sororum  
Vna nobiliorq; lætiorq;  
Quum canis rapido æstuabat ore.  
Doris hic uitrea nitescit unda,  
Doris quæ toties me amœna in antra  
Vocauit sitientem et æstuantem,  
Illeçtans placido suo susurro,  
Scœnaq; fruticum fouens uirenti,  
Atq; humo uario colore picta.  
Et hic tu Politina, quæ sapore  
Tanto lenior es suauiorq;  
Quanto frigidior liquore Doris.  
Amplexu tenero coitis, ambæ  
Nymphæ naiadum leposq; honorq;  
O quantum satyri inuident calori,  
Qui uos feruidulo sinu receptat.  
O felix calor, amnis o beate.  
Ceruauri at soboles Nucetis, ah quo  
Crinitum Caloenta amore torquet,  
Virgo difficilis nimisq; dura.  
Parce nympa tuo misello amanti.  
Sic te Balneoli, aurei recessus  
Ament, Balneoli domus deorum,  
Traiani; mei inclyti, omne in æuum.  
Sed nunc quum rapidæ procellæ ab altis  
Calunt montibus imbribusq; cælum  
Totum inuoluitur, impotente et Austro,

# VAR. POESII

Austro perniciæ serenitatis,  
 Migrandum est alio, uocatq; amœna  
 Iam me Parthenope, et mea Intimilla.  
 Hic non turbinibus furens Orion  
 Scæuit, non glacies rigent niuales,  
 Sed hic temperies benigna cœli.  
 Scatet blanditusq; amoribusq;  
 Quare uos gelidæ ualete syluæ,  
 Montella, et gelidi ualete fontes.

## Ad Alexandrum Argulum.

Rogas Argule cur meæ camœnæ  
 Colludant pede delicatiore,  
 Enorma atq; ita rhythmica recedant.  
 Causam dicere sum quidem paratus,  
 Si tu iusseris, inter ambulandum.  
 Nunc illud poterit tibi sat esse,  
 Quod sic Virgilium ac bonum Catullum,  
 Et plerosq; alios uides loquutum,  
 Vt græcos taceam licentiores.  
 Sed est altera, iustiorq; causa,  
 Quum tot me iugulentq; differantq;  
 Curæ, nequitia proterui amoris.  
 Hinc urit face Phyllis, Intimilla  
 Illinc mi glaciem iacitq; et ignem,  
 Nealce premit, enecat Terina,  
 Quid mirum est igitur poetæ amantis  
 Cui cæcus misere imperat Cupido,



*Ipsos tam male claudicare uersus?*

*Ad Lucretium Hesiodrum.*

*Istis inuideo, ac puto beatos,  
Et pares superis deis Lucreti,  
Qui tantum stomacho ualent, ut ista  
Cernant tempora, nec ferant moleste.  
Quid tostam est Libyam Indiamue quæri?  
Quod aiunt ibi struthio camelos  
Ferrum concoquere, et uorare ferrum.  
Hoc est concoquere et uorare ferrum.*

*Ad Augustinum Gnipbum.*

*Tecum benigne a dys agitur Gniphe,  
Dulcis recessus quum patriæ colas,  
Quo nondum scabies perditæ urbis  
Prorepfit uitiorum atrox.*

*Istic serenus mente per ardua  
Rerum uagaris, pulchraq; semina  
Vestigas generosæ parentis,  
Docto mox calamo explicans.*

*Felix Sueffa est auspicio tuo.*

*Certare Athenis audeat, et Samo,  
Et Tarso, et Agraganti, et Stagira,  
Centeno celebris libro.*

*At tristis erumna, aut dea pernicax  
Si sæuiat fors, tu stabili pede  
Obsistis iacula aduersus, acri  
Vincens ui, et uolucris face*

VAR. POE. 11

*Ardentis animi. uel ruat impetu  
Mundus reuulsis cardinibus suis,  
Nil urget metus. at quæris ultro  
Causas terribilis mali,*

*Vastos Cyclopas, ac piceos globos  
Aetnæ, aut Veseui saxa minantia,  
Intentus sophiæ præpotenti,  
Pro qua uel leue sit mori.*

*Ad Iulium Columnnam.*

*A te reddita epistola est diserta,  
Sed non caseoli, beate Iuli,*

*Quos scribis mihi mittere e Sabinis.*

*Illos, ut puto, pessimæ inuolarunt*

*Larua, quis gula cuncta deuorare est.*

*Sed laruis male sit, uoracitatum,*

*Atq; omnis sceleris malis ministris.*

*Tu uiue, et uale, ac satis putato*

*Nobis mittere casei elegantis,*

*Quum pro caseolis dabis papyrum.*

*Ad Mariam uirginem.*

*Mariæ sumus in fide*

*Puellæ et pueri integri,*

*Mariæ pueri integri,*

*Puellæq; canamus.*

*O uirgo, o dea, maximi*

*Magna progenies Iouis,*

*Quam mater prope Balsama e-*

Nixa est Hierico, ut  
Omnium domina et salus  
Aeterno imperio fores.  
Tu sydus nitidum maris,  
Saltuumq; nigrantum.

Tu lucina puerperas  
Orbi e limine præripis,  
Explens lætitia, edito  
Partu in luminis oras.

Tu morbos dea pallidos,  
Languentumq; animantium,  
Camporumq; uirentium,  
Fugas uirgineo ore.

Sis quocunq; tibi placet  
Sancta nomine, ut affoles  
Bonæ Parthenopes bona  
Sospites ope gentem.

Ad Intimillam.

Mille me face suauiationum,  
Mille me face lingulationum,  
Mille me quoq; morsificationum  
Satullum, mea dulcis Intimilla,  
Prius quam ueniamus ad cupitam  
Palæstram Veneris mea Intimilla.  
Nam nimis fuerit libidinosum,  
Inepte fuerit libidinosum,  
Si iocis Venerem suis iocosus,

VAR. POE.

Suis blanditijs, suisq; ludis  
De fraudarimus o mea Intimilla.

De amore.

Alges? frigoribus medetur ignis.  
Aestas? Zephyrus fugabit æstum.  
Es lassus? placidam petas quietem.  
Dormitas? melicus ciet soporem.  
Esuris? epulæ famen leuabunt.  
Sitis? i uitrei ad liquoris undam.  
Amas? pro superi, sitim unam amoris  
Non ullo in gelido amne desitire est.

Ad Bassum,

Hoc me sapicule uocas apud te ad  
Cœnam scilicet infacete Basse,  
Vt longa esuriam esuritione,  
Vt longa sitiam sititione?

De Horatio amisso.

Quis meum mihi Horatium abstulit? quis  
Ille tam ferus, atq; corde sæuo  
Fuit? pro hominum fidem ex deorum,  
Tam fidum comitem mihi abstulistis?  
Siue ad æthiopas, trucesue mauros,  
Aut indos penetrare mens fuisset,  
Siue ad cimmerios scythasue duos.  
Tum præter quod erat disertus, ut qui  
Mellito charites haberet ore,  
Forma erat, facieq; tam uenusta

Vt in delicijs quoq; illum haberem.  
 At nunc, heu misero, mihi abstulistis  
 Tam bellum comitem manus rapaces.  
 O mi reddite Horatium maligni  
 Fures, reddite mi meum libellum.  
 Quem si reddideritis, este fures  
 Et falsi et lepidi et boni et benigni.  
 Sin minus, uolo sentiat is usq;  
 Ante ora horribilem minari Erinny.  
 Fures reddite Horatium scelesti.

Ad Sempronium.

Res adeo mira est, quum habeas tecum tot odores  
 Semproni, grauius nescio quid subolet.  
 Sed puto pro nardo tetrum hirculum ab unguentario  
 Emisti improbulo, qui caprum oles olidum.

De Phyllide.

Noster amor Phyllis cunctis formosa puellis  
 Antistat, quot sunt, quotq; fuere, et erunt.  
 Sed uario ingento est semper. simul odit, amatq;  
 Et blanda et sæua est, annuit et renuit.  
 Dij superi tanto dulcis miscuistis amari  
 Tantum, oculisq; illis illa supercilia.  
 Quum placida est mea Phyllis, leni est lenior aura.  
 Quum irata, est sæuo sæuior Oceano.  
 Hæc amat, omnia sunt læta, omnia cogit amare.  
 Hæc odit, mundi est cernere tristitiam.  
 O quantum est hominum miserorū, quid fuit unquam

VAR. POE.

Aut erit, aut nūc est tam miserum, quam ego sum.  
 Tantos per fluctus feror in mare magnum, ubi terra  
 Nulla oculis, nullo sydere iter teneo.  
 Credere me uentis cogor. uestigia retro  
 Flectere quis potis est, quem stimulo urget amor?  
 In regem auarum.

Cur agros mala siccitas perurat,  
 Ceres qua esurit et sitit Lyæus,  
 Quis mirabitur? imperante nobis  
 Siccata pumice siccior rege.

De Domicilla amissa.

Ergo decidimus prorsus de spe? o mihi uitam  
 Viuendam misere tristibus in lachrymis.  
 Ergo omnis mihi deperyt spes? quid moror ultra  
 Aegram disiricto perdere ferro animam?  
 Vsq; huc si potui caro sine uiuere agello,  
 Quem domicilla colit uitaq; corq; meum.  
 Hoc potui certe, quoniam me dulcis alebat  
 Illa, spes aliquo tempore posse frui.  
 Nunc spes quādo abiit, nec mi mea reddita nympa est,  
 Vna erit in tantis mors medicina malis.  
 Tentauī, fateor, nostro si pectore possem  
 Vellere, quæ sæuus spicula torsit amor.  
 Tentauī frustra, nam quo magis oblitī amorī,  
 Hoc magis interno pectore inhæsit amor.  
 Perfidus ille tamen, qui nostri est causa doloris,  
 Det pœnas tanto pro scelere, ut pereat.

A t non morte leui pereat, sed crimine tanto  
Digna. audite hæc dy, si impia facta mouent.  
T uq; mea o Domicilla, Orco quum traditum amâtem  
Videris, ab tecum quam timeo impie agas.  
P arce precor pulchrisq; genis, pulchrisq; capillis,  
Sat fuerit paucas fundere mi lachrymas.  
N am decorant lachrymæ formosam, teq; ego ab ipso  
Vsq; Erebo cernam, fletq; dulce tuum.  
I llud te cupiam nimium nimiumq; rogatam,  
Vt sanctam serues integro amore fidem,  
S cis, quæ pollicita es tactis altaribus olim.  
Dy faciant firma hæc, perpetuumq; rata.  
E t si seruitium pateris, durumq; tyrannum,  
Hæc uiolenta negant dy diuturna fore.  
M ox ubi libertas tibi fulserit aurea, tunc mi  
Te totam redde, et mi face delicias.  
P er noctes tecum obuersabor mitis imago,  
Oscula qui possim iungere, perq; dies.  
N unquam me Elysy retinebunt hortuli amantem.  
Te sine tristia erunt flumina dulcis aquæ,  
T e sine tristia erunt ridentia floribus arua.  
At tecum uel simi sub styge, lætus ero.  
Ad Geuaram.  
T am mirum potuitne tibi Geuara uideri,  
Nostro Ianutio si sine uox anima est?  
A b miser ille, suam quum Paulam perdit amaret,  
Paulæ subfudit dimidium ex anima.

VAR. POE.

Nunc Paula amissa, et tabe et macie confecto  
Totum abit in semen quod reliquum est animæ.

Ad Marium Biscantium.

Sicine amas Mari? amor sic te opprimit, et necat itus?  
Parcius ab Mari ama. uis Mari amore mori?  
Ab Mari, amore mori miserum est et turpe, quid ergo?  
Si miserum et turpe est, uis mori amore Mari?

De sturno mortuo, et puella amissa.

Sturnus erat domino dilectus maxime amanti,  
Quippe hominum uoces reddere doctus erat.

Hic dominam suauis cantu persæpe uocabat,  
Iunia quid lenta es, Iunia bella ueni.

Iunia erat, miserum quæ torquet amore Perillum,  
Iunia formosas inter habenda deas.

Ah facinus, fatissime an diuum numine iniquo?  
Tantas delicias abstulit una dies.

Connubio iuncta est riuali Iunia, sedes  
Sturnus adit stygias, unus et alter amor.

Heu puer infelix, tibi tanti æterna Perille  
Morte ille, hæc uita, causa doloris erit.

De Parthenope.

Quis nam est, Parthenopen qui mollitie arguat, et qui  
Dicat ibi fluxis moribus esse uiros?

Quicumque es, longe ab recta erras, nam generosa  
Mater Parthenope masculam habet sobolem.

Vtque uiros taceam, quorum est notissima uirtus,  
Unum fæmineum conspice fortem habitum.



Cernit ut ex humeris pendent uillosa ferarum

Tergora, quis neget hoc Herculis esse genus?

Ad Luciolen.

Es mea Luciole nitidis fulgentior astris,

Es matutina luce serena magis.

Es niue candidior, tyrioq; rubentior ostro,

Es matutino tempore læta magis.

Te rosa non superat, fundis si ex ore ruborem.

Si palles, pulchra pulchrior es uiola.

Ergo Luciole, nobis noua dum uiret ætas,

Carpamus flores quos noua prata ferunt.

Ad Vencrem.

In me Luciole mitis si uertat ocellos,

Desinat atq; truci lædere sæuitia,

Te Venus ex uario donabo flore corolla,

Quæq; tuum deceat Cypria pulchra caput.

Si mi basiolo dederit mellita labella

Lucicle, unde deum nascitur ambrosia,

En Cytherea, mihi quæ oculis est carior ipsis,

Cum pharia myrto testa parata tibi est.

At si Erycina dares, ut pleno ore oscula ferrem,

Lucioleq; sinus mi daret arbitrium,

Tunc ego par superis, tua floribus omnia templa

Conspersgens supplex menstrua thura darem.

De Perna ex Catosso.

Perna Catosso animam suxit, dum suauiam amantes

Inter se miscent improbula improbuli.

VAR. POE.

Ille suam exanimis repetit, dare Perna negavit;  
Sed de lit illa suam candida Perna animam,  
Sic uiuunt alterna anima irresolubili amore,  
Mors itaq, alterius perdet utrunq; simul.

Ad Melpomenen.

Rursus Melpomene iubes  
Longo fœda situ pleetra resumere?

Quondam mi placuit lyra,  
Et quondam facilis musa animo fuit.

Nunc pulchram Domicellam amans  
Quando tam misere perdidit, amabiles

Odi blanditias miser.  
Quare est dissultum cum fidibus mibi.

Dextra est plangere doctior  
Pectus sollicitum, tristitiæ ssecum.

Vox singultibus aptior,  
Quos inter lachrymas excutit ignea

Intus uis animæ grauis.  
Quantus dispudcat uel meminisse, ut his

Robustus fuerim minus  
Aduersis, fateor ingenue, parum

Firmum me esse in amoribus.  
Sed quum fors alijs me tetigit malis,

Excelso illa animo tuli.  
Sed quis tam ferus ex corde adamantino est?

Cui non quum uolet imperet  
Trux ille, imperiosus, puer, impotens,

**Q**ui et magnos superos premit,  
Nec matri potuit parcere, nec sibi.

**T**uq; o Melpomene, tuis  
Iuisti facilis nequitiam meam

**B**landis carminibus dea.

**Q**uem fors constituit perdere, ut omnia  
**C**oncordant misero ad necem.

Parebo tamen huic imperio tuo,  
**N**am patrona mihi et dea es,  
Donec sub steterit spiritus artubus.

## LIBER TERTIVS.

De Doride.

**I**unonis magnæ celebris lux fulserat, omnis  
Urbs coit ad templum uisere sacra deæ.

**M**atronæ, tardiq; senes sancta omnia lambunt,  
Supplicibus uotis sollicitantq; deos,

**D**iuitiæ ut crescant, largos ut terra ministret  
Fructus, ut detur uiuere posse diu.

**D**issimili at studio leues mollesq; puellæ  
Linquunt inuisæ lumina dura domus.

**N**on has religio inuitat, nec templa frequentant  
Scilicet, ut magno fœnore res superet,

**S**ed Venerem precibus, tacito quam pectore seruant,  
Solicitis urgent ut sit amor facilis.

**A**t prius ad templum ueniat quam pulchra puella,

VAR. POE.

Nititur e pulchra pulcbrior efficiet.  
 Arte genas, atq; arte oculos, atq; arte capillos  
 Exornat, diuam ut cultior ipsa colat.  
 At mage ut ardentis iuuenes ardentius urat,  
 Atq; ut amatori dulcia amara ferat.  
 Hic equidem innumeras uidi, bone Iupiter, ut me  
 Tunc stupor e uiuo reddidit exanimum,  
 Insigni forma egregias, ut quæq; tonantis  
 Dignior in terris esset habenda toro.  
 Hæc alias inter frontis præstabat honore,  
 Baïarum ut præ alyis fulget amæna dies.  
 Illa oculis reddens radiantia lumina solis,  
 Caligare aciem compulit usq; hominum.  
 Ast alia excultum lætis uiolisq; rosisq;  
 Hortum, præ nitidis fert speciosa genis.  
 Poma genis positis cana, ac lita murice uiuo  
 Apposite, et flores carpere sydereos.  
 Est quæ lasciuus tyræbena corallia labris  
 Vincat, et exclusas mane oriente rosas,  
 Et quæ habeat uel ebur nitidis pro dentibus indum,  
 Vel margaritas æquoris arrabici.  
 Vidi quæ mammas et candida pectora haberent  
 Ante albas uiolas, lilia, et ante niues.  
 Hic ego crediderim charites habitare, et amores,  
 Hinc pueri Veneris spicula pertinuit.  
 Quare oculos subduxi amens, alioq; reflexis  
 Dum fugio has, alias incido in insidias.

**R**identem miser aspicio roseo ore puellam.

Ridebat credo nymp̄ha timore meo.

**R**idebat, blandumq; simul ridebat Olympus,

Et sol auratis crinibus emicuit.

**O**bstupui, ac magni testor sanctissima mundi

Templa, meam subito diriguisse animam.

**M**oxq; mei compos totum me tradidi amatae

Doridos ad uultus, lampada praeutilam.

**D**y magni, aduentu solis praeclara nitorem

Amisere suum sydera conspicium.

**V**na est supra omnes mea formosissima Doris,

Vna ipsi Veneri surripuit Venerem.

Ad Luciolen.

**S**ic in me miserum potuisti fallere amantem

Vanis promissis perfida Luciole?

**H**aec est quae meritis debetur gratia nostris?

Haec sunt seruitij praemia digna mei?

**S**eptem ego te menses infelix perdidit amaui,

Septem ego quin totidem mensibus interij.

**T**u dura, ut scopulus, celso qui uertice fluctus

Despicit aegaeos, despicit ionios.

**D**ura meos miseri nunquam miserata labores,

Dura meis nunquam uisa dolere malis.

**D**urior et scopulus, et surdior aequoris undis,

Et magni monstris saeuior Oceani.

**Q**uos ego non flectem scopulos, quas aequoris iras,

Et quae non lachrymis horrida monstra maris?

Quæ sæuam genuere fera, quæque ubera tigris  
 Admorunt rabida rupibus in scythicis.  
 Quid non tentavi, ut durissima mollireris?  
 Nil ars, nil sagæ profuit ingenium.  
 O quot me insomnes memini producere noctes,  
 Inq; sepulchretis sollicitare animas.  
 Quum medij nox atra caput peruincere metam  
 Molitur cæli, lucidaq; astra micant;  
 Quumq; nouos Phœbe germani concipit ignes,  
 Me medio e somno sedula turbat anus.  
 Et mihi dat gladium, et plenam dat thuris acerram,  
 Multaq; marruijs gramina lecta iugis.  
 Inde caput canum crocea circumdata mitra,  
 Et stola amicta, graues edidit ore sonos.  
 Dum scrobe suffosso læua, nigra pocula uersat,  
 Funestq; tegit crine cupresse tuos.  
 Mox gladio arrepto, quem ter circumtulit, orbes  
 Miris nescio quis clausit imaginibus.  
 Meq; locans medium, curam demandant acerræ,  
 Solicitumq; animo tum iubet esse bono.  
 Illa canens, Hecate o Hecate regina profundi  
 Adsis, in rauco murmure subticuit.  
 Vidisses toto nubes concurrere cælo,  
 Et tonitru læuum concrepuisse polum.  
 Sed quid plura loquor? mihi uisa dehiscere tellus,  
 E q; imis Erebum fundere uisceribus.  
 Nil oculis poteram ob cacas haurire tenebras,

Et quoniam glacies frigida pectus erat.  
 Verum inter strepitus, et tetros inter odores  
 Horrida uox gelidis auribus intonuit.  
 Luciole sit dura licet, frangetur et ipsa  
 Tempore, tu cæpto persta in amore puer.  
 Sic me tunc monuit pallentis nuntius Orci,  
 Sic mihi sæpe etiam præscia dixit anus.  
 Dum uirides urit lauros, crepitantia discens  
 Verba, nihil Phœbi fallere amica solet.  
 Sic etiam in pelui ostendit mihi concita lymphæ,  
 Sic etiam lychni flammæ loquuta mihi.  
 Sic tortus rhombus, deductaq; carmine luna  
 Monstrarunt, uidit sic puer in speculo.  
 Sic mihi non dubio displosa papauera quondam  
 Atq; iterum atq; iterum præcinuere sono.  
 Summa sæpe manu digitis uibrantibus, alta  
 Exiguus acinis est camera icta mihi,  
 Illæsumq; ouum flamma lustralibus aris  
 Spe certa nostræ sæpe tulere manus.  
 Dum precor, optato carissimus omine amicus  
 Sternuto ad dextram clarius insonuit.  
 Ter feci Oceano, perfusaq; nectare Vesta,  
 Ter flammæ est summum lambere uisa larem.  
 Spemq; bonam resono fecit mihi uorticæ torrens,  
 Fecit, dum in somno diua triformis adest.  
 Pertento numeros, felix babilonius ipse est  
 Pulvis, felicem flatq; caminus opem,  
 e.ij.

VAR. POE. I I

Lætaq; dispositæ uirgæ retulere salignæ,  
 Lætaq; de tulæ fronde relata mihi.  
 In situlam quoties sortes coniecimus, exit  
 Quod te Luciole diceret esse meam.  
 Arripio talos, & quum te uoce uocaui,  
 Terq; quaterq; mihi est aurea iacta Venus.  
 Librum seu refero, diuinaq; carmina posco,  
 Iam fore te nostram carmina significant.  
 Siue nouam cæram, plumbumq; liquauimus, illud  
 Redditur, ut de te mi omnia pollicear.  
 Consulimus pecudum fibras, mihi læta sacerdos.  
 Nuntiat, & pullis offula rite editur.  
 Hæc eadem & cornix, sæpe & prædixit hirundo,  
 Dum celebrat uirgo sedula rite deos.  
 Interdum mea me secretas abdit in ædes,  
 Quum dys ætherijs docta sibylla facit,  
 Mox iubet a precibus postica exire, silebant  
 Omnia, prima tamen uerba tenere iubet.  
 Egreior, dextra coruus, cornixq; sinistra  
 Conuolat, audita est uox ea prima mihi.  
 Tempus erit tristes ponam quum pectore curas,  
 Tunc mihi semper erit deliciosus amor.  
 Sum sexcenta alia expertus, non marsa, nec afra,  
 Non anus, & præter thessala missa mihi.  
 Omnia promittunt diuina, humana salutem,  
 Hæc tamen haud ulla sensimus esse fide.  
 Quo me, quo uertam? quid sperabo miser ultra?



Quid faciam? o homines, o super, o pietas,  
Septimus ecce redivit pennis fugientibus annus,  
Inq; tua heu perstas perfida perfidia.  
Cur mihi pollicita es, quæ non dare perfida uelles?  
Vt caperer laqueis, insidiosa, tuis?  
Sic piscem curuo piscator decipit hamo,  
Fistula sic blando carmine fallit aues.  
Sera licet ueniat, manet aspera pœna nocentes,  
Nec sero quicquam pœnituisse iuvat.  
Aspice quæ immanis fert horrida membra Lycaon,  
Et quæ Busirin pœna cruenta premit.  
Vt latrat scopulis uirgo summersa marinis,  
Vt uomit epotas dira charybdæ aquas.  
Sirenasq; tuas prudentia uicit Vlyssæi,  
Et nunc sæuitiæ sunt monumenta super.  
Quum mihi tu siren, lepidumq; et dulce canebas,  
Heu cur non surdis auribus ipse fui?  
Ad Adoardum Oriam.  
Dij Oria æternis læti soluamus honores,  
Munera larga fundere  
Admonet hæc faustas inter numeranda, serena  
Lætitiæ dies datrix,  
Nobis hanc ueniam syluestria numina, et omnis  
Candida amadrias, dabunt.  
Ite citi pueri, et uos duro accingite ferro,  
Quo cadat alta populus,  
Et laurus Phæbo, et quercus dilecta tonanti.

VAR. POE.

Vos alij ite, cedite

Conspicuas myrtos, et fuluo flore genistas,

Vallibus ac suum eripite

Ornatum, uiolasq; nigellas, liliaq; alba.

Charmosynæq; uos rosæ

Carpent, et seruatīs adhuc qui insignia formæ,

Tuq; Hiacynthe molliter

Ardens, tuq; Amaranthe perenni flore nitefcens.

Sydereisq; crinibus

Et niuæ caltæ, et hiel somina legantur.

Pausilypi uirens latus,

Atq; dicarchæum litus lustrate propinquum.

Parthenope inde collibus

Frondicomis, campisq; nitentibus, hic ubi lene

Cornigerum mouens caput,

In mare compositis Sebethus uoluitur undis,

Omnia larga suggeret.

Tu mi Oria propius liceat quum mittere, Roma

Pro facinus deum parens

Iam sylua est, quondam sublimibus alta columnis,

Mitte igitur, Tybris pater

Et pia Roma dabit ramos et florida ferta.

Omnia templa cultibus

Ornentur sacris, habeant sua munera diui,

Vota precesq; perstrepant,

Atq; Iouem ueneremur. Centum Iupiter aris

Quem Garamas niger colit,

Et quem cbaonius, et quem capitolio in alto  
 Romuleus chorus uocat,  
 Sancte ueni pater immensi regnator olympi,  
 Quo duce et auspice, oscula  
 In miserae patriae atris fluctibus Augustino  
 Iam reduci licet dare,  
 Exoptata quidem et caris dulcissima amicis.  
 Eia alacres Ioui optimo  
 Maximo, honoratis post tempora cincta coronis,  
 Vina meraca, cretica,  
 Ingenti patera, rutilo libemus et auro.  
 Et Genio merum uetus  
 Spargamus, geminis inscriptis anguibus arae,  
 De melioribus notis.  
 Quid statis pueri? date uina, date, addite græca,  
 Corsica, chia, lesbia.  
 Non Adoarde tuis est cellis parcere, seruas  
 Tu nisi forte theutonis,  
 Quos fama est latias gelidis ex Alpibus oras  
 Robore adire martio.

Ad Andream Campaninum.

Campanine, meus nosti quo sydere natus  
 Sit frater, sæpe ut se male, meq. habeat.  
 Vt solet ægrotat. causam quis forte requirat,  
 Nesciat, attamen hic usq. ueterno agitur.  
 Seu uere ægrotat, seu uult fortasse uideri,  
 Deprensus baud ulli est hætenus ex medicis.

VAR. PCE.

Te iussi acciri, cui sunt notissima rerum  
Semina, ut hoc ulcus quod latitat, retegas.

Ad Cottam.

En grauis Saturnus adest, Decembrem  
Frigidum largis pateris leuemus.  
Ponere et curas decet, et camænis  
Ludere lætis.

Inter et pronos cyathos, lepores  
Fundere, et mistos salibus cachinnos.  
I puer, ferto nigra faustiana,  
Flamma ubi uiua est.

Parce sed somne grauis aduenire,  
Dum canunt musæ, strepere et sodales  
Parcite, intentam scelus est negari  
Cantibus aurem.

Tu miser Cotta his procul, exul inter  
Asperos saltus, latebras ferarum  
Abderis, quin te rapis, aduocant quo  
Dij meliores?

De inflammatione templi diuæ Clæræ.

Quid diuum supreme paras pater? an scelcratum  
Hominum genus mens est feroci perdere  
Mulcibre? dum excelsi depascitur ardua templi  
Atrox deus claudopede, impius locis  
Nec parcit sacris, sed cuncta uno ordine sumit.  
Tot condita annis, et labore maximo,

H ora uorât breuis, horrendum ac miserabile uisu,  
Ingens Roberti mole opus ruit sua.  
C ur tu Clara inter Mariæ non ultima diuas  
Non diua fers præsentem opibus opem tuis?  
N ullane nympharum tangit te cura tuarum?  
Cerne ut uagæ huc illuc feruntur oppido,  
L anigerum pecus ut sæuo turbante leone,  
Duce lacerato. cerne, terror et metus  
V t mentem miseris lympharunt, et dolor ingens.  
Quin nubiumq; et ætheris rogas heros?  
I mbribus ut largis obiecta repagula soluant,  
Et magna bera, ira incensum et ignibus, suum  
C ompescat natum blanda prece, Iupiter inter-  
Minetur e cœli remensum uertice.  
De Antiniano colle.  
Felix ante alios qui uernant gramine, collis;  
Quem tanto studio Parthenopea colit,  
P arthenope ante deas tanto formosior omnes,  
Quanto nobilior hic ager ante alios.  
Haud procul a nostra locus urbe assurgit, amœnus  
Lætitiæ cœli, lætitiæq; soli.  
N on agrum hic homines exercent, nempe coloni  
Sunt nymphæ, atq; deum candida simplicitas.  
H uc iter a porta Regali nomine, nanq;  
Regibus hæc priscis omina læta dedit.  
Hinc itur læua, nec longus tractus eunti,  
Naturæ blanda per loca facta manu.

VAR. POET.

V entum ubi florentis culta ad ridentia collis,  
 Aspectu unde patent æquora lata maris,  
 V ere nouo ut se aperit nimbis cedentibus annus,  
 Sic se offert quam alibi mollius ipsa dies.  
 H uc me uis morbi tandem perduxit, amorem  
 Siqua mi detur posse leuare ferum.  
 V ix ubi nympharum rumor peruenit ad aures,  
 Vestibus ignotis applicuisse uirum,  
 A dueniunt, se seq; habitu, incessuq; fatentur  
 Esse deas, una hæc tum fuit orsa loqui.  
 Q uisquis es hospes ait, nostrum qui tendis in agrum,  
 Siue errore uiæ, seu magis ex animo;  
 A d nos diuerte hospitio, nam et si lare paruo,  
 At comi, et lætis accipiere modis.  
 H ic ego, non dubium, uos diuum e sanguine cretas,  
 Sic mihi forma facit, sic mihi uerba fidem.  
 Q uid contra referam? tantum uenerabor, et aris  
 Imponam uestris thura adolenda focis.  
 N on errore uiæ his me deus appulit oris,  
 Sed uehemens amor, et fama loci celebris.  
 A lpheus Ianus mihi longo est tempore notus,  
 Alpheus, nympha cui socia Antiope.  
 I ,pete nympharum dixit mihi, rura beata,  
 Si uis nosse tuæ gaudia Lucioles.  
 H erbarum hæc norunt succos, et carmine amare  
 Cogunt, nedum hominum frigida corda, feras.  
 A b me dura urit flammis immitibus illa

Septem dura annos improba Luciole.  
Diuarum hospitium an contemnam? sed mea cura  
Fert alio, ad Ianum dicite qua sit iter.  
Hac iter ad Ianum respondet maxima natu,  
Illic Ianiculum, confugum est animi.  
Sed nostris concede prius florentibus hortis,  
Et lege purpureis lilia mista rosis.  
Sunt et poma rubentia, sunt et citria flaua,  
Quicquid et e syluis prouenit Alcinoi.  
Non operam puto perdemus, nisi fallimur hospes,  
Et tu etiam Phæbo carmina digna canis.  
Obsequor, ut longe non inde recessimus, ecce  
Ex illo numero me capit una manu,  
Et, nosti Meliseum, inquit, quem Phæbus amauit,  
Cui cara ante omnes Antiniana fuit?  
Antiniana ego sum, cæli concessit ad astra  
Ille sua, et diuum colloquijs fruitur.  
Hæc rura incoluit, hæc seuit citria, et illa  
Dum plantat laurum, carmina cusit amans.  
Ne mea, ne pereat moriens Ariadna, perenne  
Hoc sacro laurus cortice nomen habe.  
Vidi ego, uidere et multi, quum carmina falce  
Scripsit in hac lauro maximus ille senex.  
Et creuit laurus, creuere et carmina, et una  
Creuit amor, quo uel mortua corda calent.  
Plura essent spectanda, alio quæ in tempore seruo,  
Nanq; suam facilis poscit Onysa uicem.

Sic magna Antiniana. subit tum lenis Onysa,  
 Ad mea nunc hospes florida prata ueni.  
 Præcepit Meliseus, ut hæc Summontius arua  
 Aere emeret grandi de Peridone senæ.  
 Hunc quantum Meliseus amauit, sunt quoq; testes  
 Hæ loti, hæcq; pyrus insita falce senis.  
 Cede iam Onysa alys, quædam spectabilis ore  
 Infert, subtristi uersa supercilio.  
 Suspexere omnes, hospes, tum suscipit illa,  
 Te ne ultra remorer prætereunte die.  
 Iupiter hæc nobis dedit arua nitentia, cernis  
 Illa arbusæ, ut sunt septa ab utraq; uia.  
 Campaninus arat, genere atq; Machaonis arte  
 Insignis, tantum quem Piperitis amat.  
 Illic, cum facili Alphefibiæa, armenta Lycotas  
 Dum pascunt, numeris hæc canit, ille lyra.  
 Ambo felices sub pulchra Amaryllide, cantu  
 Inuitant uolucres, syluicolasq; feras.  
 Et nunc litoreis inuisunt rupibus antra,  
 Alliciuntq; antris cærule monstra maris.  
 Accius illa habet antra, & candida Mergilline,  
 Qua mare Pausilypus sole oriente uidet,  
 Accius Arcadiæ uictor, quem Daphnis ad undas  
 Acidus, & Battus cum Corydone canit.  
 Ast alio e latere scopuloso in litore, latos  
 Aspicere est fundos flaua Sisymbri tuos.  
 Tymbride de nympha hanc genuit Pimnatus heros



- Hic ubi Sebetbo mista labulla fluit.  
 Scaptius a dextra, hinc Montanus, ex inde Melissus,  
 En tibi nunc illud nobile Ianiculum.  
 Rura mea hinc absunt, coluit quæ Tityrus olim,  
 Et liquit moriens illa colenda mihi.  
 Sed si regrediens ad me diuerteris hospes,  
 Ostendam sacra limina docta domus.  
 Ostendam calamos, cecinit quis Tityrus, antro  
 Obseruant musæ nunc quoque propter aquam.  
 Inflarunt pauci, nam quis se comparet illi?  
 Hostu fors felix experiere canens.  
 In uitia urbis.  
 Heus Iane postquam perfidam deam uides  
 Fortunam acerbam prorsus, accipe integram,  
 Mentem, eleuaque istas opes umbratiles,  
 Et redde te tibi, atra sic uincitur illa.  
 Secede quocumque libuerit hinc, horridos  
 Siue ad scythas, seu qua tepidus Auster furit,  
 Siue Indi ad hostia, Hercules seu qua salo  
 Terras reclusit, diuidens robore duro.  
 Non ulla erit tellus adeo fero situ,  
 Quæ non receptet pectoris firmi uirum.  
 Est patria orbis optimo, uti aiunt, uiro.  
 Aude, hinc ex aufer te ocyus perditâ ab urbe.  
 Satius enim est, brutum ire corpus perditum,  
 Ludibrio quod impotens habet dea,  
 Quam qui alta ab arce originem trahit, animum,

Quo nil in orbe maius aut pulchrius ortum est.  
 Valete mores pessimi, ualete uos  
 Licentiæ ultimæ profectæ al lineam  
 Urbis misellæ, habete uobis omnia.  
 Ego hinc fuga extremæ rapior ad loca terræ.  
 In somnum de Luciole.  
 Victa uenenatis iaculis immitis amoris  
 Vix membra instrato decubere toro,  
 Quum deus, infontem placidus miseratus amantem,  
 Totum lethæis me madefecit aquis.  
 Somne pater, Somne mitis, placidissime Somne,  
 Quis ego sum diuum uisus adesse choris?  
 Est locus a porta campana, qua itur Acerras,  
 Quem rui, agri, borti, teetæq; nobilitant.  
 Regum opus, et quo non ullum præclarius orbe  
 Sol uidet, hinc nullo tempore græmen abest;  
 Hic semper uiridesq; comas floresq; nitentis  
 Terra habet, et semper aurea mala nemus.  
 Hic ego ludentes per gramina læta puellas,  
 Hinnulei ut ludunt, cernere uisus eram.  
 Verum aliæ ad nitiolum ludebant agmine riuum  
 Partito, ut fulicæ perflat ubi Auster aquas.  
 Illa cauis manibus lympham capit, illa tenello  
 Ore, hostem celeri quam pede docta sequi.  
 Ast aliæ ramis scandebant, sicine ramis  
 Creditis o nymphæ, ne, caue nymphæ, cadas.  
 Illa pedem niueum nudata ab arundine pendet,

Dum piscem fallit litora ad ipsa lacus.  
 Pars tamen otia amant, fusæ per florida prata,  
 Pars capiti ex uario sentula flore legunt.  
 Has inter mihi uisa, rosis uiolisq; corollas  
 Intexisse duas candida Luciole.  
 Talis erat mea Luciole, Latonia qualis  
 Inter nympharum pulchra Diana choros,  
 Taygeti linguens saltus, dum propter amœnas  
 Lauriferi Earotæ conspiciatur aquas.  
 Tum me respectans, alacri pede fertur, et omni  
 Dixit, amor salue, uitaq; corq; meum.  
 Serta sinu molli deprompsit, et aurea, et aurea  
 Par Veneri, nostro composuit capiti.  
 Suauiolamq; dedit subridens. Iupiter, ut mi  
 Tum uisa e toto corpore abire anima.  
 His me blanditijs delusum liquit amantem  
 Somnus, speluncis delituitq; suis.  
 Somne atrox, Somne immitis, sæuisime Somne,  
 Me ad summa heu tollis sydæra, ut inde cadam?  
 De discessu Lucioles in rus nucerinum.  
 Omnia pessime habent indignæ sortis amantem,  
 Omnia nam misero dextera, læua nocent.  
 Nunc tempus, blande quum spirant omnia amores,  
 Blanditurq; æther, et maris unda filet.  
 Ecce redit repetens questus memphitis hirundo,  
 Ludit et in toto cæcula turba mari.  
 Omnia sunt tranquilla, et rident omnia, ego unus

VAR. POE.

Omni damnatus tempore sum lachrymis.  
 Horrida tempestas byemis quum nostra negarit  
 Gaudia, & æstatis pernicioſa canis,  
 Autunnuſq; auſtris atrox, atq; imbris aſper,  
 Cur inſtar brumæ uer mihi triſte uenit?  
 Ruſ, in longinquam terram mea uita recedis,  
 Et quo non miſero fas mihi ferre pedem.  
 Felix ac numium felix Nuceria, quæ te  
 Luciole molli nunc tenet in gremio.  
 Heu heu quam timeo, ne prorſus inhoſpita tellus  
 Te mihi lux miſero candida ſurripiat.  
 Si ſapis, abſtineas, aut credas parcius illi.  
 Nam ſunt letiſferis illita uerba dolus.  
 Rex Hebius quondam Pici regnauit in aruiſ,  
 Folia qua fertur littus in adriacum.  
 Formoſa huic peperit coniux Nuceria prolem,  
 Qui olim poſt patris funera iura darent.  
 Suſtulit e ſerua & natum rex nomine Firmum,  
 Virtute inſignem, pectore magnanimum.  
 Huic nemo audebat ualidis certare lacertis,  
 Aut curſu, aut iaculo, aut marte ferocis equi.  
 Forma erat ante alios nymphis gratiſſimus, ut quem  
 Perſormidarit Mars in amore ſuo.  
 Tum demum inſano Veneris ſtimulatus amore,  
 In iuuenem diuus comparat inſidias.  
 Inuida uis animum urebat mentemq; nouerca,  
 Quod iuuenis patri tam bene carus erat.

Reginam in somnis stimulat, ni perderet illum,  
Iam fore quum natis auferat imperium.

Quo magis est blandus, minus est diuturnus in hortis  
Flos, sic magnanimo mors uenit ante diem.

Ah quantum insidiæ potuere, odiumq; malignum,  
Ah quantum facinus fœmina tristis obit.

Nox uidit, furuumq; caput cæca abdidit umbra,  
Sunt scelus horrendum uisa elementa queri.

Nanq; armata ferox ferro Nuceria dextram,  
Sopitum iuuenem nocte silente petit,

Et iugulum Firmi duro transuerberat ense.  
Hanc iuueni indignam fata tulere necem.

Ingenti luctu, ac pompa deducitur. ora  
Antiquum Firmi nunc quoq; nomen habet.

Ad Benignum Aegidium.

Leonis rabiem, canisq; æstum  
Plus æquo rapidum furentis astri,

Ad te dum uenio meridiatum,

Vitæ gelidis tuisq; nilis,

Euripisq; adeo Aegidi benigne,

Vt uer crediderim suum tenorem

Seruare, ingeniumq; sed fatebor

In causa illecebras tuas fuisse,

Festiuosq; sales, quibus scaturis,

Vel multo uberius tuisq; nilis,

Euripisq; tuis, tuisq; nymphis.

Te te diuitiæ decent, opesq;

VAR. POE.

Vti scis quibus et bene et benigne.  
Sed heus Pausilypi nouum ad uiretum  
Quando pollicitam diem atq; cœnam  
Expectanti auide dabis Benigne?

De catella Intimillæ.

Venite ad tumultum catellæ, amores,  
Venite o ueneres iociq; blandi.  
Ferte cinnama mista molli amomo,  
Et nardo cassiam, crocumq; myrrhæ,  
Mista et balsama cyprio liquori.  
Et uos o pueri, improbæ et puellæ,  
Bustum spargite floribus, catellæ,  
Laudes dicite nobiles catellæ,  
Quam tantum mea amabat Intimilla,  
Quam tantum mea luget Intimilla.  
O factum male, soluit atra parca  
Tantas delicias meæ Intimillæ.  
Dum castum mihi seruat illa amorem,  
Riuales reicit malosq; mœchos,  
Infandum scelus, impotens furoris  
Illam qui fuerat diu procatus,  
Adest, assequitur meam Intimillam,  
Ruit cum gladio in meam Intimillam.  
O fidam comitem, sinu catellam  
Suas delicias tenebat illa.  
In os profilyt catella mœchi,  
Ruitq; in gladium catella mœchi,

Heræ ꝑ præposuit, suæ, salutem.  
 Hanc luget mea mitis Intimilla,  
 Funditq; in lachrymas pios ocellos,  
 Dum condit tumulo suam catellam,  
 Dum soluit cineri suos honores.

De catella Acmes Intimillæ.

Dum procus ense ruit pulchrâ maleficus in Acmen,  
 Seruabat dominæ fida catella sinum.  
 Non ferrum expauit, sæuo sed se obtulit hosti,  
 Et defendit heræ pectora, morte sua.  
 Ah facinus tam triste, iaces formosa catella,  
 Et tantam dominæ linguis amaritiem.  
 Vtraq; laude pari digna, hæc pietatem ꝑ amorem  
 Testata est lachrymis, interitu illa fidem.

Ad sapientiam.

Quam pulchra es mea amica, quam decora.  
 Tui sunt niuæ columbæ ocelli.  
 Quod latet, taceo, in sinu beato.  
 Caprarum utq; greges, tui capilli,  
 Quæ cum uespere se domum receptant,  
 Læto e gramine. Gelboes uirentis.  
 Tibi ut candidæ oues in ore dentes,  
 Quæ de flumine prodire puro,  
 Argento nitido nitentiores.  
 Vittæ ut coactæ sunt labella rubra,  
 Spirant nectareæ unde suauitates.  
 Vt fragmen tibi punici rubelli

## VAR. IPOE.

Mali, puniceæ genæ, atq; apricæ.  
 Quod latet, taceo, in sinu beato.  
 Vt turris, tua quam superba ceruix,  
 Quæ cælo capite arduo minatur.  
 Et sunt turgidulæ tuæ mamillæ,  
 Vt duo hinnulei albuli gemelli,  
 Qui inter lilia lusitant rosasq;.  
 Quod latet, taceo, in sinu beato.  
 Ad montem propero, tuas latebras,  
 Ad montem casia, optimæq; myrrhæ.  
 Veni tu mea lux, amata uirgo,  
 Et cape e manibus meis corollas,  
 Quas tibi manibus meis paraui,  
 Depictas uario colore florum.  
 Pectus tu mihi sponsa uulnerasti,  
 Dum crinem religas, caputq; comis.  
 Corda tu mihi sponsa uulnerasti,  
 Vno dum aspicias alteroq; ocello.  
 Quam pulchræ tibi sunt soror papillæ?  
 Qui succus fluit inde succulentus?  
 Et fragrat sinus omne supra odorum.  
 Et stillat fauus e tuis labellis.  
 Sub lingua, o mea, lacq; melq; sudat.  
 Septus hortulus, omniumq; florum  
 Fœcundus, mea amica, fonsq; uiuus,  
 Vnde riuuli & hinc, & hinc nitentes.  
 Cum nardo crocus, atq; blanda cyprus,



Myrrha, cinnama, balsama irrigantur.  
 Surge surge Aquilo, ueniq; dexter,  
 Perfla ex flamine quam potes sereno  
 Hortos floricomos meorum amorum,  
 Spirat ambrosia unde, ex omne odorum.

## Egloga Sapientia.

Impatiens quondam generosi sponsus amoris  
 Non ultra a nostro potuit secumbere lecto.  
 Venit, ex incenso iactauit corde querelas  
 Possibus aduersis, dum me sopor altus habebat.  
 Pande fores mea sponsa, redit tibi dulcis amicus.  
 Pande fores mea lux, mea mitis flamma, mea aura.  
 Aspice, rore caput madet, ex nox horrida plantas  
 Perstringit glacie, gelida ex me frigerat umbra.  
 Pande fores mea sponsa, redit tibi dulcis amicus.  
 Pande, licet molli posuisti membra cubili,  
 Pande, licet uiui lauisti fluminis unda.  
 Pande fores mea lux, mea mitis flamma, mea aura.  
 Tu sine me dulcem petis ab per membra quietem  
 Frigidulo in thalamo, infelix ego limina seruo.  
 Ab dura, ut nitidos compressit somnus ocellos.  
 Immemor heu nostri, ah duro pectore uirgo.  
 Forte mei in somnis placida obuersatur imago,  
 Et tecum teneros lusus, ex iurgia miscet.  
 Quin mea, quin surgis, uerumq; admittis amantem  
 Quem ingratum accelerans cogit discedere Titan.  
 Nunc uale, ex hæc domina uenti referatis ad aures.

## VAR. . POE.

Sponsa uale, duræq; fores, et claustra ualete.  
 Hæc ego de somno uisa exaudire profundo  
 Surrexi. heu nullus deserto in limine carus  
 Sponsus erat. tum uoce uias uexata dolore  
 Impleo, et ingeminant tristis nemora alta querelas.  
 Dicite uos nymphæ, an nostrum uidistis amorem?  
 Et, si, qualis amor noster sit, quæritis, ille  
 Candidus in primis, rutilantiq; ore, serena  
 Fronte, supercilijs, ut florum consita rupes,  
 Ridenti facie, tum circum tempora, crini  
 Tam nigro ut coruus, tam pulchro, palma ut Idumes.  
 Cuius, qui aspiciat tremulos duo sydera ocellos,  
 Perspicuum ad fontem niueo candore columbum  
 Aspiciat, blando cum murmure gessit amicæ,  
 Lasciuosq; oculos nunc huc nunc reijcit illuc.  
 Et ueluti arcolæ sunt illi flore nitentes  
 Ordine dispositæ molli, malæq; genæq;.  
 Punicea et myrrham stillantia labra, manusq;  
 Aureolæ, aureolis inter distinctæ hyacinthis.  
 In collo niueo, roseoq; in gutture uernant  
 Qui campi flores, quæ lilia uallis amænæ?  
 Talis quippe meus, specioso prænitet ore,  
 Qualis ubi Oceani, quum tempore matutino  
 Permulcent Zephyri clementi flamine cælum,  
 Aureus auratis sol crinibus exit ab undis,  
 Amittuntq; suas cedentia sydera flammæ.  
 Nectareis malis, et odoro flore puellæ

Me siipate, etenim secreto langueo amore.  
 Langueo amore adeo, subeunt quum gaudia nostra,  
 Amplexus dulces, et dulcia uulnera amoris.  
 Dic, ubi uillosas rapido sub sydere solis  
 Pascis oues? molli recubas an forte sub umbra?  
 Ne te dum quaero, nemorum per deuia oberrem.  
 Sponse ueni, tibi iam pridem flauentia in hortis  
 Seruauit, tute ipse leges ex arbore, poma,  
 Et seruat grauidos tibi uinea nostra racemos.  
 Interea o pueri uersutas fallite uulpes,  
 Ne sint exitio pomis, et mitibus uuis,  
 Atque arcete lupos canibus, ne matribus haedos  
 Auelli sinite. insidias pueri ante cauete.

In faeminas petulantes.

Quid malum? an ne erit huic procacitati  
 Vestrae terminus aut modus repertus?  
 Nullo fine rogatis impudenter.  
 Sic ignis sacer, impotensque febris  
 Exest uiscera, perbibit medullam.  
 At uos improbius. miselli amantis  
 Fortunas, animam, improbae uoratis  
 Vestra ista petulantia impudenti,  
 Vitae perniciēs, seges malorum,  
 Harpyia, satae et inde pulsae ab Orco.

Ad Isabellam Pixaolom. et Ant. Alipbatem.

Venisti noua nupta dys secundis  
 Aedes ad nitidas tui mariti.

Expectata diu uenies puella.  
 Expectat genius, deum saluta,  
 Et sanctas pia thura adure ad aras.  
 Expectat socer, et seueritatem  
 Ponit, teq; oculo afficit sereno.  
 Te cupit tua perbeata socrus,  
 Et totæ tibi gratulantur ædes.  
 Ardet te tuus, et uocat maritus.  
 O quot delicias tibi apparauit.  
 Quas inter, catulum albulum. at caueto,  
 Petit dentibus improbus catellus.  
 Iam matris gremium puella friget.  
 Contra, iam thalamus calet mariti.  
 Nostra es, flameolum uidemus, atq;  
 Attollunt pueri faces pudicas.  
 Hymen o Hymenæe, iam canamus.  
 Par est, ut renouentur omnia illa,  
 Quæ nouum ad thalamum canunt puellæ.  
 Quando non renuit Diana dona,  
 Quæ plenis calathis deæ tulisti.  
 Tu mox tende manum, en adest Lupercus  
 Hirto tergore, uerberante capro.  
 O Lucina puerperam leuato  
 Omni languidulo dolore diua.  
 Nascatur puer, optimumq; patrem  
 Et matrem uideat senes superstes.  
 Certet cum Priamoq; prole et annis,

Vincat diuitijs Pbrygum tyrannos,  
Sit felicior omnibus Metellus.

Ad Traianum.

Quæ tibi puerum dedere diuæ,  
Stamen quæ digito trabunt seuero,  
Illæ ipsæ facili benignitate  
Seruent, ut uideat senes parentes,  
Et senex uideat gregem nepotum.  
Nunc matrem puer implica marito,  
Vt uitis cupida implicatur ulmo,  
Et cita ex utero tuæ parentis  
Concordes socios, pioſq; fratres.  
Atq; ut diuitijs domus beata,  
Sic multa sobole, inclytaq; prole  
Abundet, niteatq; liberali  
Et comi hospitio, fauete linguis,  
Et boni hæc oculis uidete castis.  
Rumpantur mali et inuidi, inſpauamus  
Ter sinus, ter et imprecemur. ite,  
Abite in penitiſſimum barathrum  
Letales oculi, aſſidumq; linguæ.  
Sit uobis male, nec queatis inde  
Traiani ſpecioſa fascinare.

Egloga Aepolus.

Syncerus Aepolus.

Aepole ſic tacitus ſolis in montibus erras  
Cum grege ſubtriſti, quondam ſub Daphnide noſtro

## VAR. PCE. III

Et doctis musis et Apolline digna canebas.  
 Ad Cereris fanum memini te condere solem  
 Cantando, et magnum Alpheſibæum uincere cantu.  
 Tum Doris formosa aderat, quas illa calentes  
 Concepit uirgo tacito sub pectore flammæ?  
 Quo uis illa animi, quo ſpiritus ille receſſit?  
 Altera iam curuat ſublimis cornua Phœbe,  
 Quum peregre adueniens exul, patria arua reuiſo.  
 De te paſtorum quis non mihi ſæpe rogatus?  
 Acq. Quod ſaluus Syncære tuos, patriamq. reuiſis,  
 Gaudeo, et antiquum uideo, atq. amplector amicum.  
 Auia per nemorum ac ſaltus quod ſolus oberro,  
 Non ſit morbo animi, qui perdit gaudia uitæ.  
 O Syncære, fuit paſtorum montibus olim  
 Nobilitas noſtris, et uirtus aurea fulſit.  
 Quum bona ſimplicitas florebat, amorq. uigebat  
 Mutuus, et quum paſtores in gramine molli,  
 Propter aquæ riuum, ſub ramis arboris altæ  
 Proiecti, genio indulgebant, iam procul æſtis,  
 Alta catenatis agitant quæ pectora, curis.  
 Aut ioca miſcebant mira dulcedine, et inde  
 Illi oriebantur pingues ex corde cachinni,  
 Ut uera agnoſci poſſet, ſimplexq. uoluptas.  
 Præſertim quum tempeſtas ridebat, et anni  
 Tempora pingebant laſciuio gramina flore.  
 Quid referam priſcam muſam, priſcaſq. cicutas,  
 Quis animos olim mulcebant? o bona muſa,

Syluestris musa, o mores, o otia dia,  
Omnia sunt eversa, ipsa et fidiſſima mater  
Fert tristem læto ac fallacem in semine frugem.  
In taxum felix mutata est Palladis arbor,  
Nobilis et Bacchi in uacinia uitis amara.  
Induit helleborum tristem cytisusq; thymusq;.  
Vsq; adeo fracta est ætas, effætaq; tellus.  
Quid faciam Syncære? hominum commercia uito.  
Quum primum roseis digitis cæli atria pandit  
Aurora, et cæcis terræ nox abditur antris,  
Ipse operi accingor, Pani uotisq; solutis,  
Ter septum lustris, magna mox uoce capellas  
Euoco, et huc cursu læti contendimus, ipsam  
Dorida concinimus, non dum sum oblitus amorum.  
At quum sol rapidus candenti lampade terras  
Percoquit, aut patulæ cessamus ad ilicis umbram,  
Aut nitidum ad fontem, aut fruticetum uallis opacæ.  
Aspice ut incuruant pectus, duo fulmina, fratres.  
Ille lacon, hic est albana gente oriundus.  
Nulla lupi mihi cura subit, sed carmina lenes  
Inuitant zephyri, et uernanti prata colore,  
Inuitant teneri tremulis in uocibus bædi,  
Atq; auium liquidi cantus, tum guttura soluo,  
Et nemorum nymphas, montanaq; numina faunos.  
Allicio, atq; ipsi plaudunt cum matribus bædi.  
At te quæ tandem longo post tempore nobis  
Aut gens aut mundi regio longinqua remittit?

VAR. POE.

Sync. Aepole, sunt longæ ambages, ex quo hispalus, atq;  
 Ille alter nostrum coniurant pellerè Daphnin.  
 Ah facinus, quæ aquilæ incautū inuasere columbum.  
 Pastores aliquot comites accersimus, omnem  
 Fortunæ euentum laturi pectore firmo.  
 Ipse equidem obstupeo montes ad sydera cæli  
 Vertice surgentes, et flumina, quæ mare credas  
 Fluctibus, immenso ac spatio. nos uidimus, et uix  
 Credimus, illa fidem superant miracula, nempe  
 Diuersum cælum, diuersaq; pascua, ritus  
 Longe alij. o felix, qui nostrum natus ad orbem,  
 Securus peragit concessæ tempora uitæ.

Aep. Quid Daphnis faciebat? pastorum arbiter, ille  
 Hic erat assuetus morbos arcere malignos  
 Aut campi, aut pecoris, mala si contagia forte  
 Inciderant, doctaq; manu disponere uites,  
 Atq; fera inserere externos super arbore fœtus.  
 Omnia diuino callebat pectore Daphnis.

Sync. Quid faceret? curas inter spes una fouebat,  
 Possè lares dulcis, patriasq; reuisere sedes.  
 Qua tandem extincta fatis sese obtulit heros.  
 Pro superi, hæc meruit crudelia funera Daphnis?

Aep. Ne lachryma. natura homines hac lege creauit.  
 Infimus ac summus fato carissima debet.  
 Dij melius natis, abiit sol, ite capellæ.

LIBER QVARTVS.



De progenie Anysiorum ad Pomp.  
Columnam.

Nosstræ scire cupis gentis originem  
Pompei, ac si atavi sint celebres mihi  
Fama, romulidæ sanguinis inclyti,  
Tu unde ortum trahis, et summa animi bona.  
Obscuram historiam, si iuvat, explico.  
Tancredus tenui dum premitur lare  
Prolis pro numero magnanimæ, parat  
Externisq; pater quærere sedibus  
Fortunam meliorem, excyt e solo  
Natali, iuuenum præualidam manum,  
Cultus quos Araris, quosq; Gebenna alit,  
Claros nobilibus progenitoribus.  
Ceu magno Aesonidæ peliacam in ratem  
Iungunt huic gemini sese ita Castores  
Cum Iaccho Artusius, nam imperio domi  
Mos natu obtinuit fidere maximum.  
Et nunc non modicis imperat oppidis  
Ad Rhenum, et rigidos ad Neromanduos.  
Nauatam ob operam sub duce strenuam  
Donantur iuuenes Virgiliano agro,  
Qui Sarni gelidis fontibus imminet.  
Regnatumq; diu est, aucta opibus domo  
Quartam ad progeniem, quum levis cæte fors  
Sese interposuit, nam mala factio  
Iam tum Albi atq; Rubri feruere ceperat.

VAR. POE. 1.

Et hinc terribilis filia Tartari  
 Grassari dea per uulnera, per neces,  
 Tandem fracti odijs, perpetuo ac malo,  
 Curaq; et studio, connubijs parant  
 Furentes animos neſtere mutuis.  
 Sed longum nequyt ferre odium moram.  
 Fatali celebrant uirgine nuptias,  
 Nostrosq; accipiunt magnifice Rubri  
 Securos ſclerum, pro facinus ferum,  
 Aquis hæc oculis Iupiter aspicias,  
 Et tu ſancte Hymeneæ, hoſpitiq; dy?  
 Albos tum gladys confodiunt, dapes  
 Interq; et calices. ſic odium ſupra  
 Triginta ingenuos perdidit impotens.  
 Vnus ſub gremio fæmineo puer  
 Fugit perniciem. qui profugus, miſer  
 Amiſſis opibus degenerauit, et  
 Obſcuris ſobolem prodidit artibus.  
 Sic longum latuit nomen Anyſium.  
 Nobis ſit melius, ſitq; nepotibus.

Ad Petum.

A duenere tibi dies  
 Optati nimium quum pede dextero,  
 Quid te Pete beatius?  
 Horrebas, memini, militiam grauem,  
 Et Martis fremitum trucidis,  
 Nam uati eſt odio triſlitia et metus.

Sed lene ingenium, tui

Diuina et uenus et gratia Prosperi,  
Te per certa pericula

Duxissent, Scythiæ per iuga, per niues,  
Per uasti Oceani minas,

Per sauos populos Terei et Arsacis,  
Per regna arida feruidi

Austri, qua asperius quam pelago furit,  
Præclari comitem ducis.

Optabas, memini, delicias domus,  
Aut ruris gelidum nemus,

Fontis propter aquam solis in æstibus,  
In bruma gelida ad focum,

Contentus Glyceræ candidæ amoribus.  
Hæc non, quot quot et Africa

Et læta in foueis condit Apulia,  
Mutasses bona frugibus,

Dedissent tibi si his fata deum frui.  
Nunc sospes duce cum tuo

Reuersus, reduci sacra Ioui, et deis  
Fac rite annua patrijs.

Fraudarunt minime te precibus tuis.  
Ad Marium Equicolum, de morte

Herculis Cantelmi.  
Aeternumne Mari indignum deflebis amici

Casum, Gradiui quem abstulit dei impetus,  
Dum uictor uenetas funditq; fugatq; carinas?

VAR. POE.

Quid immerentes patris Eridani sacras  
 Sanguine tentatis miseri fœdare lacunas?  
 He beu imminet dolore dignius malum.  
 Nam timeo ut nostri sero sapiant, ubi nulla  
 Virtus iniquum demere audeat iugum.  
 Dî melius, falsus dicar post secula uates.  
 Compone mentem, fac doloribus modum,  
 Parcere si nescit mors. serius ocyus, omne  
 Quod oritur, æqua falce perdit impia.  
 Quicquid lamentis stulta indulgentia amaris  
 Impendit, e uita eripitur, Euro ocyor  
 Quæ fugit, & nulla magis in re fallimur omnes.  
 Defleuit olim Persa dux ut aptius,  
 Innumerum caperet quum agmen uix Græcia. at illi  
 Et alij, & alij obiere. sors ea nos manet.  
 Lucro apponendum est, quod uiuitur. i puer ergo  
 Cadum resigna Borsij memorem ducis,  
 Tristitiamq, leuet Bacchus. nanq; inter amicos  
 Licebit incalere paululum mero.  
 Aequior hinc animi, doctis incumbere camœnis  
 Mari, Herculem dys adde & immortalibus.  
 Ad Hieronymum Carbonem.  
 Carbo quid hoc est? quid sibi uult deum  
 Tandem potestas? nos miseros minis  
 Terrent, & irarum procellis,  
 Et nece, pernicieq; sæua.  
 An nos habent quod ludibrio & ioco?

An forte et ipsos dura necessitas  
Compellit, æternumq; fatum  
Lege sua imperioq; uinctum?  
Omni parantur diuitiæ labore,  
Omni periculo. non mare turbidum  
Terret, nec insani Aeoli uis,  
Non fera gens, uia nec per altos  
Montes, arenasq; æthiopum, et feras.  
Heu uanitas mortalium, ut omnibus  
Cæca imperat ui, mutat oris  
Mille habitus faciesq; dira.  
Nostri Rearij plurima cura nil  
Profecit, annos dys patrijs procul  
Bis quinq;. non aurum aut opes hunc  
Eripuere uoraci ab Orco.  
Et Cotta, uirtus, ingenium et ferax  
Quem euexit alta ad sydera, ab infima  
Tellure sublimem, sub ipso  
Flore iuuentæ obijt. relinquunt  
Nobis amicis hi obuia fletibus  
Suspiria, et desiderium sui.  
Et nos item flebunt amici. at  
Quid gemitus lachrymæq; profunt?  
Atq; hoc leue est. at stultitia est mera.  
Ergo quid est quod uiuimus? Isthmio  
Sudauit ille in puluere. Orcus  
Non apio, aut olea mouetur.

# VAR. I. POE. I. I

Gens Romula, omnis robore Martio  
Terras subegit, quid tamen abstulit  
Ad regna Ditis? uana, uana est  
Gloria, et ambitio, et triumphus.  
Et ni esse melius post cineres, bonis  
Vere refertur, iam absis ego unius  
Nasci aestimaro, quid Camillo est  
Aut alijs celebrari in orbe?

Ad Petrum Grauinam.

Quo me ira traxit per uetitas uias  
Late uagantem? desine tristium  
Iam barbitos, uatiq; lingua  
Nunc liceat meliore fari.  
Perpulchra uita est, atq; homini data  
Diuinitus, qui fructus amabilis  
Ipsiq; naturæ, atq; rebus  
Progenitis, animæq; diæ est.  
At pulchrior multo est, comite inclyta  
Virtute, qua fit sole nitentior.  
Et quum supremum Ditis atri  
Nupta homini secatur ungue crinem,  
Hac itur astris, priscæq; fabula  
Cælum petentem fert sobolem deum,  
Dignosq; mortales honore  
Castoraq; Orpheaq; Herculemq;  
Sed nulla olympo certior est uia;  
Quam Christi amicis, supplicio et nece

Qui sæpe mutarunt honores,  
Illecebrasq; deæ dolosæ.

Grauius musarum assiduus comes,  
Si quid meis in carminibus dolor  
Peccauit, extinctis amicis,  
Corrige tu grauiore plectro.

Ad Ianutium.

Te dulcis retinet Pausilypus suis  
Vmbri, et placidi murmure littoris,  
Spirans perpetuum uer,  
Atq; una Veneris faces.

Has me ad delicias sæpius aduocas  
Ianuti, heu facinus, Phyllidis improbi  
Mores mi eripuerunt  
Quodcumq; in me aderat mei.

Dura me illa tenet compede, uinculis  
Duris, carcere duro, imperiosa, atrox.  
Et siquid miser hisco,  
Quod non Phyllidi sit meæ

Cordi, di melius, uel tacet, ut solent,  
Qui Iunonis heræ rite ferunt sacra,  
Credas sydere linguam  
Percussam subito graui,

Vel clamat furiata, ut resonant, ubi  
Germani a radijs luna recessit, et  
Ut sit Bacchi in honorem, aut  
In matris Berecynthiæ.

Ne me ne precibus præcipites tuis  
 Iræ et sæuitiæ Pbyllidis asperæ.

Tanto heu pulchrior illa est,  
 Quanto ira magis incalet.

Sed est, quo reuocem te ipse citatius  
 Blandæ Parthenopes ad gremium. ducis,  
 Rumor uellicat aures  
 De fausto reditu tui.

O Iuno, o Venus, o maxime Iupiter,  
 Post longas tenebras, iam nitidos date  
 Soles, lucidaq; astra.  
 O quando hic aderit dies?

Ad Ianum Antonium Aquiniuum.

Quod nil in orbe fecerit frustra deus,  
 Quis lane sapiens ambigat?

Quodcunq; pessimum uides in moribus,  
 Induxit id leges bonas.

Virtus nec ipsa sit, nisi uitium foret  
 Vice mutua boni et mali.

Nullus ueneni tam potens serpit draco,  
 Qui sæpe non sit usui.

Quin illud Euæ, quod putant summum malum,  
 Quam maximum peperit bonum.

Ex tabo oriri tædium expedit graue  
 Muscas, modo absit dum lues?

Densantur atræ noctium caligines,  
 Ut pulchrius niteat dies.



**L**ibido et ira spiritum segnem excitant,  
Cotes uirorum fortium.

**D**amnans avaros, pertinaces Socrates,  
Labore quod uitam terant.

**E**ssent ni auari, quos pati pericula  
Vltra uel orbis apsidis

**I**uuat, superbas dum parant opes, mare  
Innaugatum feruido

**S**ub æquinoctio occuleret adhuc nouum  
Orbem, nouosq; Antichthonas,

**Q**uo nostra penetrat puppis, et prisci stupent  
Tam nobili in mendacio.

**Q**uid ergo in orbe nascitur temere, malo  
Bonum si adoptari uides?

**P**erpulchra mundi consonat symphonia  
Ex hisce rebus dissonis.

Ad diem.

**E**xcessor omnium dies formidinum  
Adest, nox piceos petit recessus.

**C**ogitq; ad undas Tethyos nitidam pecus  
Cæli, sydera Phosphorus coruscans.

**S**alue parentis aurei aurea filia  
Lux, decus patris, aureiq; mundi.

**S**alue, tuaq; fronte ut hilares omnia,  
Sic cor mi face lucidum et serenum.

**P**roculq; torpor sit, sit agrimonia,  
Et quicquid animo parit laborem.

**Q**uæ recta sunt ministra, et improba amoue,

Sic nubes minimum atra te dehonestet.

Ad noctem.

**S**ol cinctus radijs antipodas petit,

Et nos in tenebris linquit, amantibus.

Expectata uenis nox,

Perfunctisq; laboribus.

**E**n pastor nitidus stelligeras oues.

Vesper ducit olympo, facie nitet

Clara, argentea Phœbe, banc

Mater nox amat unice.

**H**ac monstrante uiam, nauita marmora

Sulcat, insidijs cautior, hac duce

Festinate uiator

Longum carpit iter pede.

**S**alue nox placidi mater amabilis

Somni, atq; ipsa quietis placida datrix,

Curarumq; solutrix;

Et mentis domitrix malæ.

**N**octurna o dea mi tempora tempera.

Infestas animo disijce imagines,

Atq; horrentia uisa,

Dum sol se Oceano explicat.

Ad Alphæum Carrafam.

**S**eu tu per altum tendis iter nemus,

Aut per salebras montium, et inuias

Valles, ferarumue aspra lustra,

Sit Diana tibi comes,

Seu per rapacis fluminis alueum,

Aut per minaces terribilis salis

Vndas, pater Neptunus adsit,

Omnisq; Oceani incola.

Nunquam recedat filius impiger

Maia, tibi adsit, sedula mater ut

Natis solet, quodcumq; uotum

Poscet, siue necessitas.

Non ne ille sæuus, non ne ille ferus fuit,

Primus malignas qui reperit uias

Conspectu amicorum ex parentum

Et dulcis patriæ procul?

Nam quis decorum te abstrahit a tuæ

Complexu amatae Myrtidis? illud os

Suspiria effundit, grauesq;

Singultus, faciles tibi

Spirabat olim quod ueneres, deum

Nectarq;, ocellis ex lachrymæ fluunt.

Extincta fax est fronte ex ipsa,

Atq; omnis perijt charis.

Quæ dura cautes? quæ genuit, fera

Te Alpheæ? durum nil gemitus mouent?

Myrtis misella inter querelas

Hæc luget miserabiles.

Fertur quum Elisam Troius aduena

Carthagine alta linqueret, intimo

Languisse mœrore, illa furta,  
 Illi et dum subeunt ioci.  
 Sed dira habendi cura, parens mali,  
 Regni et libido posthabet omne fas,  
 Rectumq; dilectosq; amores,  
 Et uitæ studia optima.

In uinalibus.

A des dea Meditrina, morborum potens,  
 Aegris laborem quæ leuas.

A des precanti, et dextero ueni pede, et  
 Feliciter magno Ioui

Mecum liquorem liberi liba nouum.  
 Vetus nouum uinum bibo,

Veteri nouo morbo medeor. audi dea  
 Mea uerba amicis auribus.

Tuq; o Lyæ, magne Bassareu annue,  
 Iouemq; mecum nuncupa.

O sancte Iupiter precor, quæsoq; te,  
 Volens, libensq; ut usq; sis

Mihiq; domuiq; familiæq; propitius,  
 Nostramq; gentem sospites,

Multosq; in annos hoc latice Bacchi, pater  
 Tua da uocare numina.

Ad Britonnum.

Per cepas ego et alium Canopi,  
 Perq; Ibin, Aquilamq; perq; Anubin  
 Iurarim tibi amice mi Britonni,

Meis plus oculis amare Bassum.  
Nam Basso nihil est magis disertum,  
Nil urbanius, elegantiusue,  
Quum uacat Venere et graui Lyæo.  
Nec mirum, Decius magister illi est,  
Qui leges epicurias tuetur.  
Sed o, quis Decium deus malignus  
Aeternum ad calabros relegat agros?  
Me contra redamare Bassus ambo  
Iurat cornua per timenda Bacchi.  
Fronte an pectore, quis sciat deorum?  
Sed dum sciscitor id deos, uidere est  
Ad Austrum ardeolam tenere cursum.  
Id factum esse opera tua Britonni,  
Si me Bassus amat tuus, putarim.  
Quare pro pretio cupiti amoris,  
Per conuiciola ocymum satum do,  
Quod uides hilari coma nitere,  
Cum ruta, rapuere quam Melissæ  
Nocte de media manus rapaces,  
Quæ des Fronditiæ tuæ puellæ,  
Ni mauis Adamantidi aut Philetæ,  
Munus, quod Veneri Cupidiniq;  
Dignum iudice des uel ipso Amynta.  
At Basso ex uiola et rosa corollam,  
Quam nec floriferæ ferant Cyrenæ.  
Ex croco alteram, et aurea ex genista

VAR. POE. 11

Dono, uos pueri amouete sertum,  
Quum Bassum dolor, aut remordet ira,  
Aut dulces stimuli premunt amoris.

Ad Chlorin.

Non ego prædixi: quanuis non improba uelles  
Credere, nequitæ uertere dicta nequis.  
Dicebam, memini, Chlorig Chlorig ista recedet  
Aetas, quæ fastum fert speciemq; tibi.  
Quin, fruieris pulchro, dum fors dat, flore iuuentæ,  
Quæ nec opinantem fallit, abitq; fuga.  
Aspice, diuino Veneris prope fulget honore  
Mane rosa, at languet mox abeunte die.  
Aspice ut obnubunt nebulae sublime serenum  
Cæli, heu quam subito uitaq; luxq; fugit.  
De te num poteras melius sperare? citato  
Repit dicebam curua senecta pede.  
En uenit, flauumq; caput cana implicuit nix,  
Fœdauitq; illas inuida ruga genas.  
Ille oculis abytaq; nitor, qui sidera sæpe  
Vincebat, dentes quam male liuor habet.  
Nunc uis te esse puellam, ultro nunc poscis amantes,  
Atq; aditu, atq; modis omnibus es facilis.  
Pingue anus arte genas, si dijs placet, unge capillos,  
Adde aurum et gemmas, quid nisi Chlorig es anus?

Ad Dorida.

O Dori mea sola salus, mea sola uoluptas,  
Lux mea, floscule mi, uita mea, aura mea,

**T**e iubeo saluere, ualereq; te magis opto  
Quam me ipsum incolumem, tu mea Dori uale.  
**O** Venus, o Hecate, o Triuia, o ter maxima Iuno,  
C dii, quis curæ est cernere res hominum,  
**V**os precor, atq; peto ueniam supplex, uenerorq;  
Omnia uti detis Doridi fausta meæ.  
**D**e q; mea uita eripite, atq; auferte salute,  
Doridig; accedat quod mihi surripitur.  
**I**ampridem, meministi etenim, inter suauius nostra  
Tecum diuidua facta mea est anima.  
**S**i mihi dii statuunt non belle forsitan esse,  
Pars animæ tantum sæua pericla feret.  
**A**t si, dii melius, minus o mea uita ualeres,  
Essent in naui tunc gæminæ una animæ.  
**H**actenus audiuerè preces pia numina nostras,  
Deinceps o magni dii meliora date,  
**N**ulla si odoratis fumat non ignibus ara,  
Damnatus uoti q; debita persolu.  
**N**ec cessator ero, donec mihi uita manebit,  
Non leuibus donis uestra sacella colam.  
Ad Hieronymum Tutauillam.  
**C**ontempsisti quoniam oblatos Hieronyme honores,  
Hoc me dementem forsitan esse putas.  
**N**on sum animi dubius, quin magno semper honores  
Constiterint, quanuis nil mage uita colat.  
**E**sset ita o utinam studium moderatius istud,  
Nec uirtus magnis cederet imperijs.

VAR. POE.

Quod renui,causis possem connectere causas,  
Atq; hoc atq; illo condere me clypeo.

Temporis est iactura grauis,sermone teremus  
Tempus? quin paucis rem tibi rite loquar.

Hoc sunt me superi dignati munere,ut amplas  
Despiciam mensas,despiciamq; famem.

Est mihi,quod satis est,quodcunq; accderet,illud  
Solicitas curas ferret onusq; mihi.

His opibus sat me ditant,mentemq; serenant  
Otia musarum,si Venus una sinat.

Et nunc meonio canto pede grandia facta,  
Magnanimosq; duces,fortiaq; arma uirum.

Et nunc umbrosæ meditor sub tegmine fagi  
Pastorum flammæ,quas Amarilli iacis.

Si quondam magnus secuit Lucilius urbem,  
Nostræ etiam sannæ uulnera cæca ferunt.

Si lyricos modulator,mea non Polyhymnia muta est,  
Atrocesq; minas noster iambus habet.

Nunc elegos deduco.buc me ferus ille Cupido  
Frustra obnitentem,quum uagor,usq; rapit.

Sed mea Luciole,qua nil formosius usquam est,  
Me duro ex dulci semper amore fouet.

Hæc nostræ ratio uitæ,inuideoq; tyrannis  
Nil equidem,hinc nobis est procul ambitio.

Ad Vertunum.

Magne Volscinæ decus urbis heros,  
Tusca quem caste ueneratur ara,



Clara te uirtus uehit alti olympi

Lucida ad astra.

Fingis æternum, loue non uetante,

Res potens, quanuis pater hoc dedisset

Munus, euasit latijs latebris

Quum Iouis iram.

Furta quot, nymphas duce te patrauit

Iupiter fallens uarys figuris?

Coniugis contra faciemq; mutas

Sæpe in amicas.

Ab fores bello horribili gigantum,

Strage cælestem populum fugaq;

Nilus ab fæda potuit uidere,

Flereq; cæsum.

Huc ades Vertune, uolens libensq;

Annue ex nostris precibus, trimestri

Rite si sacro tibi nuncupamus

Nomina mille.

Appetit si uer, Zephyrusq; pratis

Afflat, ex syluis speciosum honorem,

Nubibus pulsus, aperitq; mundo

Dux gregis æthram,

Exuit tuo auspicio senectam

Annus, horrenti positoq; uultu

Lætus incedit, caput atq; bianti

Flore serenat.

Excipit quum uer placidum tepenti

Ostipes Cancer, Geminusq; frater  
Sydere, et dulces cerasos, et omne

Te duce pomum

Carpinus. tum mox Cereri corollas

Messor intexit stipulisq; falcem

Expedit flauis, grauia et colonus

Horrea fulcit.

Ast ubi ardentis radius remisit

Virginis diæ, madidus racemis

Turget Autunus, lacubusq; Bacchus

Imminet amplis.

Iam tuo ductu noua musta libat,

Bruma sed mox cum riget hirta, ad ignem,

Rusticus, trullam repetit sonantem

Numine eodem.

Vnus es, quicquid agitur. Quis unquam

Assequi uoce ingenioq; celso,

Nestoras uincat licet, et Sibyllas,

Te queat, annis?

Quippe mutamus nece siue uitam,

Omne seu morbo cruciamur æuam,

Seu solum tristi exilio paternum

Vertimus, es tu.

Nunc te opus Vertune loqui at uetamur,

Tempora o sæua o inimica musis,

Nunc te opus Vertune, benigne muta hæc

Tempora sæua.

Ad Ferrandum regem Hispaniæ.

Constans fama canit, feruidam in Africam

Te accingi, æthiopesq; ac arabas uagos

Ferrande hesperij sanguinis inclyti

Exemplum memorabile.

Olim sic Ataus fecit et Hercules.

Stant Calpe atq; Abyle signa, abigit greges

Hinc, illic populat Hesperidum nemus

Victrix dextera nobile.

Lymphati en populi littora deserunt,

In montes trepidi diffugiunt, siti et

Squalentes in barenas, celer en eques

Iam te, iam tenet æthiops.

Iam nostri pedites terga paucitia

Vrgent, ac nec Atlas arduus, aut Niger,

Obstabitue tumens Nilus, et inuitæ

Aut fossæ, aut breuia, aut specus.

Non armatus arabs sanguine uiperæ,

Non nigri rutilans regia Memnonis,

Non ingens marium dedecus, aurea

Inter stragula Candace.

Ceruorum fugiunt agmina sic truce

Leonem, et uolucres sic Iouis alitem,

Et sic Pelamides æquoream canem.

Stridentem rabida fame.

Quid Christo potuit gratius occipit

En sanctas solymas barbarus occupat

Hostis, qui temerat sancta loca, breui

Aequanda, beu facinus, solo.

Et uos qui incolitis terræ oculum, bonam

Europam populi, tot ducibus bonis,

Totq; armis ualidi, fertis, ab hostibus

Sic Christi patriam premi?

Quin itis animo, et uiribus, auspice

Christo aduersus atrocem Syrum, et Arsacis

Immanem sobolem? iam fugiunt, metu

Ponuntq; arma ferocia.

Ad Ioannem Pardum.

Men durum, atq; licentiosiore,

Nostri seculi improbi poetæ?

Vos præpostera nil tamen mouebunt,

Quæ imprudentius excidere uerba.

Certe elumbibus atq; comparatus

Istis, qui fluuij instar, ore bianti

Vomunt uersiculos, uidebor asper.

Mi placent uaria, ipsa mater alma

Non pinxit uario colore florum

Prata? et ipsa elementa non ne mista?

Est magnus fidicen modis remisissis.

Quum miscet rapidos, sedent salebra

Vasta in planitie, editiq; colles.

Et sexcenta alia offeram otiosus.

Vos hinc illepidi poetæ abite.

Tu sentis aliter, tibi est canendum  
Parde, & pieridum choro sororum.  
Socrati placeam, eleuent Athenæ.

Ad adolescentes Vrsinos.

Quondam fama refert prisca Simoniden  
Acceptum dubia Thessalo ab hospite  
Cæna, nobilium inter  
Graiorum iuuenum choros.

Hic uates cecinit cæus Apollinem,  
Lenæumq; patrem, lætum adeo deū  
Pæana, oreq; ad astra  
Ledaos pueros tulit.

Mulcet dumq; animos cantibus, omnium,  
Verbis ecce citis nuntius euocat  
Vatem, uix pede pressit  
Nutantis laris ostium,

Quum in conclaue superne impluuium ruit,  
Vt quercus rigidis icta bipennibus  
Euasitq; poeta  
Erumnam auspiciis deis.

Illi interq; epulas, poculaq; impia  
Ob dicta in superos, corrui ut domus,  
Pænam morte dedere,  
Vix noti sine corpore.

Dij carus temere nil agit, est Ioui  
Curæ, quid timeat sceptrigero Ioue  
Defendente pericla?

VAR. POE.

Hofles quid timeat deos?

Quid uos, progenies clara Iouis, quibus  
Sublimi axe nitent parrhafie faces,  
Formidabitis, Aufiro  
Stridente, aut Borea in falor

Quid, Mars uel furias mifceat, arduus  
Atq; omnis ruat æther, ruat ac niger  
In uos Tartarus, omne  
Arcet fi graue Iupiter?

Nil mirum eft igitur, tefta ruentia  
Si effugiftis ope cælicolum, bene  
Hinc fperare poteltis,  
Fata ac temnere trifia.

Ad Gulielmum Budæum.

Define fæpe eadem Budæe rogare, cur remota  
Mens a tyrannis regibusq; magnis,

Cur ue alium orbem cefsem uifere defes, abftinet ceu  
Dirus ueneno a fraxino cerasles.

Sicrine amicorum tanto optime, quanto item uirorum  
Doctiffime, admirans ftupetis illa

Multa uoluptatû genera: impiger æquora afpra fulcat  
Antichthonum, ut commutet ære merces

Mercator. milesq; furentia traëtat arma Martis  
Amans honorum, prodigusq; uitæ.

Suffragia populi ambit ciuis, ex inter alta roftra  
Dies loquaces conterit. laborem

Sole fub ardenti robuftus arator otio omni

Præfert nitenti, uilia estq; rerum  
 Fronde super uiridi, mensa neq; auet dapes acerna.  
 Quot corda condunt pectora ima, tot sunt  
 Diuersa studia, est in lancibus ut uidere doctis.  
 Et mi meum est cor, nec put o in tenebris.  
 Noui hominum mores et tēpora, noui in optimo orbis  
 Cælo satum me, cur ego hoc, benigna  
 Quod mihi Parthenope spirat mea, tam periculoso  
 Permutem honore, et qui perit uel uno  
 Puncto temporis? an colles alibi æque adisti amœnos,  
 Camposq; succis omnibus beatos,  
 Blanda aut littora? quæ colit et Venus, et Cupido, et  
 Quicunq; tristem arcet deus dolorem. (omnis  
 Ad Pimpinellum.  
 Sales lusimus et iocos procaces,  
 Atro dum mihi tempero in furore,  
 Quem mores peperere tristis æui.  
 Sed bilis nequijt diu latere.  
 An longum lateat sepultus ignis  
 Sicut in fomite flante Apeliote,  
 Et sæuo Borea, Africoq; et Austro?  
 Quis secli inuidiam queat tacere?  
 Si me lædere quispiam recepit,  
 Desistat, moneo, meumq; cornu  
 Sciat comminus, eminus ferire.  
 Non libenter, amice Pimpinelle  
 Per Iouem hoc facio, illud hercle multo

VAR. POE.

Mi olim dulcius, improbam Terinam,  
 Illam aut dicere, quæ meum ab ocellis  
 Cor nigris pupugit, comaq;, Dorin.

Ad Camillum.

Sperabam mihi te esse negligentem,  
 Quando hoc tu uitio malo laboras.  
 Nunc es non dubius Camille amicus.  
 Plus æquo mihi de tua dedisti  
 Merce, te in aliquo remunerabor.

Ad Terinam.

Iratu tibi sim times Terina,  
 Ab quam non facis usquequaq; belle.  
 Iratu tibi sim, potes putare,  
 Id si uel libyco audias ab Hirco,  
 Aut uetus tibi distitet Sibylla?  
 Iratus ego sim meæ Terinæ?  
 Meis delicys amoribusq;.  
 Illuxit mihi tum dies serenus  
 Omni amœnus amœnitate amœna,  
 Quum primum capior tuis ocellis,  
 Quum primum imperio tuo subactus,  
 Tuas accipio Terina leges.  
 Ne suauis mihi, ne medulla mellis,  
 Mus, passer, columba,  
 Debinc id timeas Terina bella

De Prospero Columna ad Petum.

Quod magni Homeri pleetra sonantia



Reddant Vlyſſem Penelopeſ toro,  
 Plaudente felici camœnæ  
 Multa choro argolico ac latino,  
 Andinus idcirco abſtineat meus  
 Iuſſis poeta Anchifiaden deūm  
 Tam ſæpe iactatum procellis  
 Siſtere in Italiam, ferocem?  
 Quauis celebret Græcia nobiles,  
 Lingua Cratinon aſpera, & Eupolin,  
 Leſbiq; muſas, Pindarumq;  
 Steſicorumq;, Simonidemq;  
 Non Phœbus arcet propterea Aufidi  
 Dulces ab undis Aonidum fides,  
 Sed Flaccus audens ducit agmen  
 Eximiuſq; lyra, atq; cornu.  
 Pone & Philetam, & Callimachum, fuit  
 Doctus Catullus. clara Propertij  
 Fama, & Tibulli. Sed quid illos  
 Aut alios memorem poetas?  
 Aetas recenset noſtra Neapoli  
 Pontanum amicum nobilioribus  
 Muſis, Marullumq;, Actiumq;.  
 His me utinam adnumerent nepotes.  
 Ipſe & bonorum calcibus inſtiti  
 Veſtigia ardens, tergaq; uix tenens.  
 Nec Sirmio mi docta preſſit  
 Os digito, uetuitq; fari.

VAR. POE.

Quin Pete pergis dicere Prosperum  
 Heroa magnis persimilem deis,  
 Quid stas Columnam tollere astris,  
 Quæ irradiet Tanaïq; et Indo.  
 Res forte gestas deterere ingeni  
 Culpa times, aude, faciles dei  
 Orsa adiuuabunt, nec camæna  
 Defuerint, nitidusq; Apollo.  
 An strenui, Alcides quia uindicat,  
 Primas, et Aethrae filius inclytus,  
 Non gnaui Achillis clara uirtus,  
 Merionæ, Idomeneiq; fulsit?  
 Qui Prosperi altum cor stimuli excitant  
 E somno, aguntq; ad fortiaq; admonent?  
 Virtute fortes incitantur,  
 Degeneres animos remittunt.  
 Memphi hæc sacerdos. ponere imaginem  
 Te Dari iniquum est ante canopicum  
 Magnum Sesostrin. cecidit, illum  
 Rex meditans superare factis.  
 Felix canenda et fortia qui facit,  
 Aufert secundas Mnemosynæ sacrans,  
 Mirum, tot in seclis fuisse  
 Tam exiguo numero probatos;  
 Ad Ianum Franciscum de Capua.  
 Ad cœnam me Iane uocas, uenioq; libenter,  
 Nam uncta est, comis tu, et multus Iacchus adest.

Sed uenientem adeo primo me in limine ualde  
 Pœnitet, occurrunt, turba odiosa, canes.  
 Baubatu accipiunt, ad mensam deinde molesti,  
 Illa pauimenti spurca referre piget.  
 Nam moueant stomachum Felici, ac filio, et ipsi  
 Immundo immundi stercoris usq; deo.  
 Ipse libentius ad Strophadum conuiuia, Pbineus  
 Si inuitet, uadam, læderet inde minus.  
 Felices Arabes Sygaritæ, quo mala pestis  
 Non hæc peruenit, uel perit adueniens.  
 Vt uenatores pereant uanissima turba,  
 Quis tanta accipitrum, et cura odiosa canum,  
 Quam bene discerptum finxerunt secula prisca  
 Arcadium uernis a canibus iuuenem.  
 Quam bene nare tenus medicus summerserat istos.  
 O pereant uolucres, o percantq; canes.

## LIBER QUINTVS.

Ad amorem.

Te cano inclyte amor, amor uenuste,  
 Qui pulchri es dator, elegantiaq;  
 Qui omnium pater artium, lepore  
 Omnia condis.  
 Nulla te sine dulce consonaret  
 Rebus harmonia, ipse nectis illa  
 Diuersa ingenia, est graue atq; acutum

# VAR. POE.

Te duce concors.

Ni fores, rueret fluens supinam  
In matrem Oceanus, liquorem ex ignis  
Superne impeteret, grauemq; terram  
Arduus æther.

Sternis æquora nutu, ex horridi Austri  
Ponunt, tu iubeas, bonæq; pacis,  
Risus, illecebræ, ioci, atq; lusus  
Blande minister.

Iram pectore, ex incitum furorem  
Dimoues, placidam inferens quietem  
Cum desiderioq; gaudioq;  
Lætitiaq;.

Nil non, quod bene cor sibi precetur,  
Fundis largiter, ultro ex ipse præsto es,  
Nil non, quod male mens sibi ominetur,  
Pellis agisq;.

Torpet sæua necessitas, amoris  
Quum splendent radij, ex manu minaci  
Clauos terribiles, trabesq; ahenas  
Trux dea quasset.

Quicquid rusticulum, minusue comptum  
Natura ingenuit, supiniore  
Seu mores peperere, tu polita  
Corrigis arte.

Quicquid indomitum, nimisq; sæuum  
Natura exposuit mari atq; syluis,

Perfundis latice illo amoris, et man-  
Suescere cogis.

Mentem idem nimia aestuante flamma,  
Admotis stimulis citasq; et urges,  
Mollis impatiens, moræ quousq; ad  
Summa feratur.

Te ducente, animi intimos recessus  
Perbeata proportio illa rerum  
Peruadit, tenebras fugans, serenæ  
Lucis amica.

Te ducente, oculi coruscum in æthram  
Leuantur, auidi superni honoris;  
Atq; alas animi explicant, uolantq; ad  
Sydera summa,

Vbi altum ad tripodem patri deorum  
Ioui maximo optimo propinas  
Diuinam ambrosiam, atq; suauæ nectâr,  
Cum Ganymede.

Hoc dulci latice ebriata tandem  
Mens, mira afficitur suauitate,  
Nam uidet penitus dei imperantis  
Consilium et cor.

Tu deos, hominesq; mitti, amæno  
Ore concilias, tuoq; succo  
Perfundis medioximusq; daemon,  
Maximus et dux.

Sub tuo auspicio, tuoq; ductu

VAR. POE. II

Merent et ueneres cupidinesq;  
Et ioci teneri, tuo ab lepore

Gratia salsa est.

Siue es ante chaos, tulitue terra  
Seu te, seu Veneris, puer Cupido es,  
Seu priscus te Erebus, dei nepotes

Seu genūere.

Sic frontem nitidam, caputq; fuluum,  
Vernantes oculos, genasq; apricas  
Videndo obstupeant dei deæq;

Aurei olympi.

Sis æquus mihi, candidusq; semper,  
Semper et facilis, nouus fauillam  
Si extingui haud finit ignis, occupari et.

Me iuuat aris.

Ad Pomp. Columnam.

Quando tam lepide atq; tam diserte  
Mecum de Veneris potente nato  
Pompei optime amice disputasti,  
Mox domum ut retuli pedem, camœna  
Cuncta carminibus referre iussit.  
Tu culto ingenio illa si probaris,  
Spes est perueniant quoq; ad nepotes.

Ad Gelliam, quæ nouies nupsit.

Si quis purpureisq; sericisq;  
Amplas uestibus occuparet arcas,

In brumâq; ageret rigente nudus,  
Non hunc ridiculum caput putares?  
Et quum quis sitiens Iacchi, acetum  
Potat, dum sibi cella Bactro abundat,  
Non ne Tantalus ultro is est, libensq;  
Quis fuit, qui asinum ualentio rem  
Gestabat humeris labore summo,  
Sic parcens asino, sibi ipsi iniquus?  
Næ tu Gellia diues es cerebri,  
Cui quum pessima fors uirum abstulisset  
Primum, inde alterum, ex inde tertium, ipsa  
Ad nouum usq; tamen bona de pudica  
Duxisti, tibi consulens ex orbi.  
Concedam hoc uiridi omnibus iuuenta.  
Nam quid est magis impium, ac scelestum,  
Quam quas nostra parens ministrat alma  
Natura, unde animantium est origo,  
Auferre atq; negare rebus usum?

Epith. Phaethontis.

Aenea sum uirgo custos imposta sepulchro,  
Dum mare uentus aget, tudent dum littora fluctus,  
Non mea cessabit, uox ferrea dicere, flammis  
Hic iacet extinctus Phaethon Clymeneia proles.

Ad Montanum Galietum.

An non dum Montane liquet, regere omnia fatum?

Clarius an sole est, quum nebula omnis abest?

Arguit hoc saeva unius fortuna Lucreti,

Omnis compilat quem studiosa manus, *panard*  
 Nanq; alios nobis inuidit cana vetustas, *liber* *aud* *no*  
 Insignes prisca simplicitate uiros, *liber* *aud* *no*  
 Quo post floricomos magni de fonte poetæ, *liber* *aud* *no*  
 Fecerunt hortos forsitan irriguos, *liber* *aud* *no*  
 Tantundem nobis cur non licet? emicat aurum, *liber* *aud* *no*  
 Furtiuum, sparsit quo sua præta Maro, *liber* *aud* *no*  
 Euentu ne sit, an concessor? quum bene dictum, *liber* *aud* *no*  
 A quoquam est quicquam, dicereq; usus adest, *liber* *aud* *no*  
 Nec melius se offert, pro nostro hoc iam licet uti, *liber* *aud* *no*  
 Ordine seruato, consilio atq; modo, *liber* *aud* *no*  
 Magnanimi est certe audacter conferre probatis, *liber* *aud* *no*  
 Sic sua, nec cuiquam gramina porrigere, *liber* *aud* *no*  
 Virgilio id uitio dantem, sic ille repressit, *liber* *aud* *no*  
 Quin hoc difficile est, quod facile ipse putas, *liber* *aud* *no*  
 Quin facis hoc tu Zoile? Quum bene furta cohæret,  
 Vincula auro hesperio ceu indica gemma, nitent,  
 Sic uario arridet uestitum flore uiretum,  
 Insitaq; externis itala poma placent.  
 Sic suauem myrti, q; uiolæ miscetis odorem,  
 Adde rosas, cana ac lilia, itemq; citrum.  
 Persicæq; accedant unguenta, arabumq; liquores,  
 Et cylicum, mista hæc suauius ut redolent,  
 O si quis possit uatum legere omnibus hortis  
 Flores, o quam illud suauis poema foret.  
 In maledicum.  
 Quod flores aliquot suauis odore



Legi per uarios & hinc & illinc  
 Hortos, id uitio fero moleste  
 Verti. Virgilium hoc male est habere.  
 Cum priscis eadem quod ipse dixi,  
 Obsecro an uitium est? ita hercle docti  
 Verbis conueniunt, ut æquitate  
 Semper conueniunt uiri probati.  
 Liber ut uia publica estq; sermo.  
 Si furtum fuit, est magis stupendum,  
 Ex tot tam bene frustulis coactam  
 Tantam Pyramidem. atqui amice caute  
 Vide, ne male quum mihi ipse dicis,  
 Tunc laudem mihi copiosam adornes.

In delatorem.

Qui dente tristi mordet, & aperte male  
 Dicit, meum hunc perferre cor facile potest.  
 Qui fronte dulce nectar, & lingua gerens,  
 Intus uenenum pectore abditum premit,  
 Letali & icit spiculo, a tergo, eminus,  
 Hic, ut canis rabidus, ut assis, ut nepa  
 Vitandus est, ut ignis ætnæus mihi.  
 Dei deæq; perдите has pestes malas.

Esse unum deum.

Quod sæpe, numero multitudinis, dixi  
 Deos deasq; ne inscium putes lector  
 Fuisse me, uel impium potius, esse  
 Vnumq; & omnia optimum deum, terq;

VAR. POE.

Virtute mira maximum, deorum ordo  
 Cui mystice seruit. Deiq; sunt demum  
 Cognomina et uirtutum, item et potestatum,  
 Diuina mens æterno amore quos gignit,  
 Quiq; orti ab uno, reditum, in unum habent semper,  
 Ceu lineæ per apsidem a suo puncto  
 Euntq; redeuntq; ordine in suo quæq;  
 Ceu in sole radij, deperit nec ijs quicquam,  
 Et cuncta lustrant, spiritum et fouent cunctis.  
 Nostra inde anima, rerum omnium uenit compos.  
 Si a summo iter ad imum est, media igitur nouit.  
 Hæc principi deo simillima exorta est.

Ad Vincentium Carrafam, card.

Quum flos uere nouo purpureus, deæ  
 Formosæ Veneris se explicat, aureo  
 Matutinus ab astro,  
 Gemmisq; uuidulus nitet,  
 Ut cor atq; oculos exhilarat, graui  
 Confectus senio et languidus, aut malo  
 Detruncatus ab ungui,  
 Sic cor atq; oculos ferit.  
 Quin et docta parens disposuit uices  
 Natura haud temere rebus in omnibus.  
 Non pulchrum uiride esset,  
 Ni contra foret aridum.  
 Et ne sim illepidus singula persequens,  
 Post noctis tenebras constituit diem,

Sydus solis et aureum,  
Quo nil splendidius nitet.

Post mortem gelidam uita repullulat.  
Est damnum leuius, si unius ex nece  
Fit uita alterius. sic  
Fert cuncta, atq; eadem refert.

Quum flos ille fragrans occubuit domus  
Carrafæ, heu patriam morte Neapolim  
Oliuerius, urbem et  
Luctu liquit in aspero.

Nunc uirtute duce et numine cœlitum  
Vincenti, in patrui deligeris locum.  
Ut ostrum, utq; tiara  
Præfulgens decuit caput.

Roma et Parthenope in lætitia strepit,  
Per flores pueri, et uirginei chori  
Ludunt, omnis et ara  
Passim fumat odoribus.

Ad Alpheū Castriotū, de necessitate fortunæ.

Quæ non terribili sæua necessitas  
Infligit miseris uulnera mallo  
Nobis, pectora tundens,  
Nec parcens animi bonis?

Semper feruet opus, nunc adigit ferox  
Vi summa cuneos, clauo adamantino  
Nunc pectus fodit, altis  
Legens cor penetralibus.

VAR. . POE.

Vertitq; omnia ludibrio, & omnia  
Nobis dedecori. heu quam agitur male  
Cum mortalibus illis,  
Parent qui imperio deæ.

Hinc scandit sacra fastigia, in aureis  
Pompis, plebe satus nuper ab infima,  
Moliri ardua tentans,  
Mox præceps agitur miser.

Sublimes etiam uidimus in throno,  
Et dantes populis iura potentibus,  
Pressos post, humilesq;,  
Reptantes lare in extero.

Do regijs pueris sæpe petentibus  
Confectis inopi, pro facinus, fame.  
Hinc tot degenerarunt  
Mersi uilibus artibus.

Fabrum Antonius ex gente aquilaria  
Fortuna actus agit, connumeratq; auos  
Reges, eximiosq;  
Romanam sobolem duces.

Mormandum hæc eadem fors agitat meum.  
Tandiu hæc eadem pressit Anysios,  
Sed fato meliore,  
Quod tristem excutimus deam.

Ingrata patriæ testula ciuibus  
Prauo iudicio sæpius officit,  
Quum tale haud meruerunt

Virtusq; et pietas uirum.

Quid priscos memorem Scipiadas suo

Tam belle meritos in populo? sinu

Cumano patriam exul

Mutat progenies deum.

Defendit grauib; temporibus, truci

Ab rege Italiam dux bonus, ob bene

Rem gestam, en rogat, assentem

Hospes da Belisario.

Eo imperio nuper ab hostibus

Oppresso, heu facinus, sanguine regio

Errantes miserosq;

Tot, durum exilium premit.

Non currum sequeris terribilis dea,

O præstans animi militiæ et domi,

Et uestrum in solio usq;

Alphee enituit genus.

Felix qui superat uiribus ingeni,

Et pulchris animi dotibus, improba

Fortunæ insidias, et

Quas fert dura necessitas.

Epith. Andrea Caietani, et Cbarella.

Bis triginta annos nulla cum lite mariti

Viximus, æui ægros abstulit una dies.

Felices igitur poteramus forte uideri,

Natorum orbassent funera ni atra senes.

Qui pauci superant, oculos clausere parentum,

VAR. POE. 11

Nosq; pij hoc gelido composuere toro.

Epith. Iulij Pont. Max.

Quo Iuli monumenta domi belliq; superba?

Ex his quid tecum est, hæc nisi nuda silex?

In petulcam meretricem.

Non te, non olidum pudet lupanar,

Blitum insulsus, ac marisca putris,

Aurum poscere, quæ soles merere

Vix binis obolis diebus octo,

Putidissima putidissimarum.

In principes Christianos.

Quo quo recessit otium, ac securitas

Regis Sabini? quem dea

Dignata colloquio docebat, quid pium

Quidue esset æquum, et fas. Numa

Ab hostibus pericla nuntiantibus

Respondit, at ego sacrusficio.

Nunc auribus dei, et animis torpentibus

Preces bonorum respuunt,

Siqui boni sunt, nam esse paucos suspicor

Hoc seculo impurissimo.

Tenet, tenet desiderium pacis bonos

Sub rege pulsa Hostilio.

Iactabimur, iactabimur tragicis malis

Miserrimi mortalium?

Quæ spes salutis? flamma, summa iam iam habet

Victrix, furens, fastigia.

**P**ersæpe dixi, at eleuastis principes,  
Vertenda in hostes impia  
**A**rma, et propinquo sanguini æqua dextera  
Parcendum, at heu cur uatibus  
**P**lenis deo canentibus, non uos duces  
Audistis? en flos occidit  
**P**ubis latinæ, gallicæ, atq; ibericæ  
Cum strage lachrymabili.  
**R**auenna tu uidisti, et ora fletibus  
Mater rigas ardentibus.  
**N**on terga cæsa, sed suo statum loco  
Acri leonum robore.  
**C**ertatum uter nam esset, sub æthra lucido:  
Victoris ab quæ gloria,  
**Q**uæ fama, quæ trophæa clara posteris?  
Hac, pro scelus, potuit manu  
**T**undi, domari, perfidus Turca, et truci  
Colore Maurus, atq; Arabs,  
**E**t ambulari Hydaspæ et Indo uberrima  
Prata irrigata, et littora  
**Q**uæcunq; Tethys humido pede a suo  
Quum exit uiro obrepens terit.  
**N**e crede signis qualia edunt cœlites.  
Vidi ipse solem sanguinem  
**F**ulsisse radijs illa in infausta die,  
Heu tanta nec tenuit dies.  
**V**ocat, uocat cum questibus sancta en domus

VAR. POE.

Nostros feroces milites,  
Fædata barbara manu Christi domus.

Quod barbaris lætum datis  
Conflitu ab isto uestro inepti nuntium?  
Tantum ira potuit uix trium.

Quid tot miscellæ constupratæ uirgines,  
Pueriq; nobiles, quid ex  
Vrbes tot igni exhaustæ, ex usta tot deum  
Meruere templâ? cæcus beu

Cæcus furor, ferriq; Erinnyes imperat.  
Sero patebit tum malum,  
Quum mordicus scidisse nil fuerit manus,  
Irata eruntq; numina.

Ad C. Follerium.

Tristi hoc rapinæ tempore, ex ultima  
In fece morum, si quis amabilem  
Cum laude uitam uiuit, hunc mors  
Aut lethe premet inuida?

In nostro oberrant ordine hydri stygis,  
Qui sacrosanctos per scelera ambiunt,  
Emuntq; honores, sine nullo  
Recti, aut officio bono.

Non ulla diuum nunc ratio, impij,  
Verbo ex manu miscebimus omnia  
Sacra ex profana, hæc scilicet nos  
Petri relligio docet?

Multo acrius demum ambitio tenet



Tectos cucullo, curaq; inops opum.  
 Quæ, si incidissent hic iambi,  
 Vibrarem ignea fulmina?  
 Tu perge terræ motibus obrutum  
 Templum uetustum rite reponere  
 Folleri, et extende in futura  
 Nomen nobile, secula.  
 Et uiue pulsa tristitia procul.  
 Et quum laborum uis grauis ingruit,  
 Acerse amicos, et lyæo  
 Curas dilue plurimo.  
 Nam plus quam oportet si sapiens sapit,  
 Nimirum inepta est illa seueritas.  
 Si me uocabis, musa nostra  
 Te cantabit alacrius.

De sacello Anystiorū. In tēplo diui Iōā. maioris.  
 Mibi sepulchrum, posterisq; ponere  
 Cum ara statueram, noster ubi Follerius,  
 Qua semper est prudentia, in laua locum  
 Valuas ad ædis dat, cui ipse præsidet,  
 Ac si sim ego uirtute præclara Hercules  
 Nodosa claua, uulnera, ac necem ferens.

Ad Andreā Campaninum.

Sæuit mors feratertium  
 Iam autumnum calamis exitiālibus.  
 Dum matres agitat dolor,  
 Campanine, uiros non lachrymæ decent,

VAR. POE.

**E**xrema alto animo dies  
 Expectanda, datur si fuga nemini  
**M**ortalium. interea merum  
 Depromant pueri, quod nota dolys  
**A**fferuat tibi dignior,  
 Et pulchra Antiniana illecebris suis  
**T**e mitis foueat dea.  
 Istuc tu comitem duce Setarium,  
**A**missi patris optimi.  
 Quem desiderium conficit, et dolor.  
 Epith. Francisci Putij.  
**P**utius hic situs est, illa heu facundia, saxo  
 Hoc clausa, æterno uicta sopore, silet.  
 Ad Petrum Bembum.  
**M**i Bembe, amicis significes uelim,  
 Istic camænas qui faciles colunt,  
 Curas edaces, pallidasq;  
 Tristitias animo ut repellant.  
**E**t si libebit, se studijs opum  
 Demittere, istisq; ambitionibus,  
 Finem modumq; in pectore ante  
 Constituant, teneantq; certum.  
**V**iuant sibi et musis, modicæq; opes  
 Si sunt satis, quæ stultitia est, dnu  
 Sic seruitutis pœnitendæ  
 Ferre iugum sub hero impotenti.  
**I**t uita cursu præcipiti, illud est.

Nostrum, quod extra seruitium fuit.  
 Persæpe noster, uindicabor;  
 Putius inquit, et aureum æuum  
 Degam. sed heu mors obstitit improba.  
 Hoc præcauendum est omni opera, et nihil  
 Cessandum amœni ferre fructum  
 Ingenij. hæc uia pulchra uitæ est.  
 Mortalium ingens est numerus, fuitq;  
 Eritq; curæ quis nitor est cutis.  
 Sunt bullæ inanes, et uidentur  
 Dÿs similes, nitidi et beati.

## Ad Lunam.

Syderum regina, sororq; pulchri  
 Pulchra solis, diua triformis, Orcò  
 Magna, et in syluis, nitidoq; mundo ar-  
 Gentea Phæbe.  
 Noctis horrentis tenebras corusco  
 Ore quæ fugas, aperisq; cæcas  
 Semitas, laudat trepidus te amator,  
 Teq; uiator.  
 Somnij rectrix, opis atq; datrix  
 Languidis ægris liquido in sopore  
 Isi. se iactat, meritoq; iactat  
 Te sua alumna  
 Filius Maïæ generosus Hermes.  
 Artium inuentrix, tua laus, relicta  
 Glande flauescunt homini arua læta

Frugibus horinis, tunc hunc, tunc illi  
 Legibus si quis truculentus hostis  
 Non tuis paret, ferus huic Anubis,  
 Latret e caelo, nuptog; ab astro

Torreat exta.  
 Tuq; contortis metuenda sistris  
 Turba te diuum sequitur potentum;  
 Septicornis quos fluuij nigellus

Acola adorat.  
 Quisquam ex immensis dubitabit esse  
 Viribus lunam? ferit ecce crebris  
 Imbribus sudum, decimiq; fluctus

Littora plangunt.  
 Ipsius quam mox elementa nutu  
 Comparant sese. Oceanus latenti  
 Vi coactus, per numerosq; currit

Atq; recurrit.  
 Lumine exhausto, remeante Ditis  
 Coniugis frigens Hecate ad cubile,  
 Sanguinem exueltas tepidum uidemus

Linquere uenas.  
 Qui legis succi medicantis herbas,  
 Cædis in sylua aut ratibus carinas,  
 Deniq; ex quicquid facis, auspicator

Sydere amicos.  
 Tuq; ceu certa e specula, serenum  
 Nuntias æthram, ex rapidas procellas,

Tu uices rerum, seriemq; mundi ex

Quid rōta portet.

Nata Latona Ortygiæ sub antris,

Mensium mox ex domina, ipsa pulchris

Te licet Bubastis amata sacris

Pulchra moretur,

Sic minus tinnitu egas strepentis

Cymbali, nullæ obtenebrentq; nubes,

Latmius sic te Endymion frequentet.

Mutuo amore,

Diua ades, dextra ex fer opem ualentem,

Veſta biga alba, placida in quiete,

Luce seu mauis rutilante, præſto es

Diua precanti.

Ad solem.

Quem mihi uotis facilem deorum

Inuocem primum, auxilio affuturum,

Dum cano te cor, oculumq; mundi,

Te nisi Apollo:

Te sine ad diuos aditus negatur,

Clauiger cæli, quadriſonſq; lane.

Virgines puræ, pueri integelli

Dicite mecum.

Syderum dux, ex gregis alti olympi

Pastor, aurata cithara, pharetra,

Et potens arcu, celeriq; telo

VAR. POETII

Auree Apollo,  
 Phæbe Apollo, inclyte Apollo, *Pæan*,  
 Bacche mitis, uitisatorq; Osiri,  
 Mars ferox, dirum tua si Minerua  
 Ducit in hostem,  
 Pan sator, Saturne uorator æui.  
 Bis die, senex iuuenisq; fulua  
 Barba, et imberbis, uaria in figura  
 Semper et idem.  
 Pulchra mens patris, manifesta uates  
 Signa præscribens, medice Aesculapi,  
 Sol pater lucis, liquidæq; flammæ,  
 Fonsq; perennis.  
 Bruma et æstus arbiter, inq; curru  
 Consito mundi spatijq; et annis,  
 Summus, imus, per maria atq; terras  
 Omnia lustrans.  
 Lumine augusto, refouesq; alisq;  
 Spiritum fundens, faciemq; rebus,  
 Aureo crini, radusq; lætus  
 Cuncta penetrans.  
 Tu uoluptatem atq; necessitatem  
 Temperas Thia soboles, serenas,  
 Excitas, sopis hominumq; mentes,  
 Et fera corda.  
 Hercules audax domitor ferarum,  
 Laus tua est Python domitus sagittis,

Iupiter quin tu homines deosq;

Fulmine terres.

Tethyos magnæ, Oceaniq; mensa

Te accipit primum, famula ministrant

Cœrulæ regi superum dapesq;

Ambrosiamq;.

Ducis insignem choream deorum,

Vnde perfecta harmonia illa mundi

Profilut, quæ præterita et futura

Secula recenset.

Siue perceptis ita nuncuparis

Vocibus, quas nos docuere patres,

Siue quocunq; indigitaris usquam

Nomine rite,

En bouem auratum tibi, buculamq;

En tuæ matri. sinite o litemus,

Nos, reus uoti chorus, inuocamus

Cum prece multa.

Sol ades, dextra facilisq; præfer

Gratias, diris iaculare tela

Hostibus, qui heu Italiam feroces

Perdere pergunt.

Ad Traianū Cabaniliū et Serianū Caraciolū.

Torpebam, fateor, tristi Traiane ueterno;

Qui morbus urbem conficit miseris modis.

Pro facinus, primas hodie tenet infimus ordo,

Et ingenia, et artes bonæ, et musæ iacent, p. reliq. I  
Nec de more tibi solennia dona parabam,

Et iam december læneo exibat pede. ugam. 107. I T

Tum deus in somnis aurem uellens, ita Anyse p. 107. I T

Ergo inquit inhonoros fines ire hos dies, 107. I

Tum magis admonuit perpulchrum carmen, amici

Quo Seriani ornas nemoriuagam deam, 107. I D

Quando sic senior iussit deus, et tua musa, 107. I V

Traiane, pro xenijs duos misi deos, 107. I T

Nobile par cæli. Traianum frater adibit,

At Serianum haud indecentior soror. 107. I Z

Vos, maesti ingenio iuuenes gaudetè probari, 107. I V

Ita a deis, ualete, uiuiteq; diu. 107. I Z

Ad Iouem.

Audi deorum rex, parensq; Iupiter, 107. I Z

Supremo olympi e uertice, 107. I Z

Audi, tua cano nomina ac mysteria, 107. I Z

Mundi architeſte maximi. 107. I Z

Tu unus, simulq; es omnia, eodem circulo, 107. I Z

Perfecto et æqualissimo. 107. I Z

Exordium fini, et media qui temperas, 107. I H

Nihil redundans uſpiam. 107. I

Per omnia excurris, nec a folio tamen

Discedis. hilum. hinc nascitur. 107. I T B A

Concentus ille rerum, et harmonia, deos. 107. I T

Quæ pascit, ac lætos habet, 107. I

Quæ cuncta mouet, et prima semina edidit. 107. I



Partu beato & prospero.

Tu Iupiter primogenitusq; & masculus,

Tu sponsa, uirginum decus,

Tu regna terræ, tu tenes cæli aurei,

Vnusq; cunctis es satis.

Supremus, imus, fulminum, imbrium potens,

Potensq; lucidi ætheris.

Cælum serenas nubibus pulsas, uolat

Quum leniter Fauonius,

Pingitq; flores, gramina ac succis replet,

Et arbores pomis grauat.

At omne natum soluitur, cuncta hæc hyems

Perdit malignis morsibus,

At prole mox quod interit, reficis noua,

Amoris alto incendio.

O sancta lex, quisnam querelis tecum agat,

Ni sit ferox & impius?

Tibi æquitas & ultio slipant latus

Comites, ministri seduli.

Regis superbi perdidisti copias,

Rubro ruens sub flumine.

Discessit at mare tribubus fugientibus,

Tutatus es tuos deus.

Præsentis atq; præpotentis hæc Iouis

Miracula passim cernere est.

Es Iupiter fatalium æquus arbiter,

Et distributor staminum,

VAR. POE.

Vs, uiua flamma ignis, marisq; spiritus,  
 iSol, luna, duxq; syderum.  
 Cæli astra mirando ordine, & mundum sine  
 Labore contorques tuo.  
 Mens uasta mundi, rebus animam suggerens  
 Infusa mirificis modis.  
 Per te quod est uegetum, animatum, & ipsa mens,  
 Vitam uicissim uiuimus.  
 Lucis tenebrarumq; herus, uitæ ac necis  
 Potens, mali expers, fons boni,  
 Immensa sunt tua omnia, sine termino.  
 Mens nostra caligat tamen  
 • Vel prima uestigare tua mysteria,  
 Tu solus hæc nosti deus.  
 Nostrium est timere, & supplicare, gratiæ  
 Sunt nostræ inexplicabiles.  
 In nomine tuo, sucriduo humi poplite  
 Superiq; & inferi cadunt.

Ad Augustinum Gniphum.

Quæ te sinistra numina impellunt Gniphe  
 Solumq; inermemq; in feras  
 Et bellicosas nationes, omnium  
 Mortalium sæuissimas?  
 Non sat tibi Lestrigones, gens horrida,  
 Qui proximas oras tenent.  
 Non sat timendæ Formiæ? non sat dea,  
 Quæ mutat homines in feras?

Cum quis tibi res semper est, bellumq; atrox,  
Odiumq; inexpiabile.

Quid externos quæris, tibi si sat domi est,  
Quis cum manum usq; conseras?

Sat gloriæ partum Gniphæ, et sat posteris  
Consultum. I, et istas mittito

Bullas inanes gloriæ, quæ agunt senem  
Irarum in æstus asperos.

Secessus est tibi, patria, dulcissimus,  
Suessæ suavis. hic tuæ

Sint deliciæ, hic tu lacessas quos uelis,  
Fidelibus credens libris.

Nec te immodestum suspicer, cur suspicer,  
Si hic luditur ludus tibi?

Nempe baud leguntur, sunt quæ inepte condita,  
Condita uel nullo sale,

Et nec leguntur praua scripta, et impia,  
Damnanda cum precibus malis.

At candida tua, et ut fuisti candidus,  
Post fata candidi legent,

Nec inuidebit quispiam. luctabitur  
Cum mortuo nemo bonus.

Tibi uoluptas hæc erit quam maxima,  
Sperare de te quam optime.

In Lupercalibus.

Loripedis mensis tetricæ uenêre calendæ,  
Nudus Lupercus Februo,

VAR. POE.

Authorem rerum mecum uenerabere Pana,  
 Qui hæc sacra cunq; uisitas.  
 Sat superis impensum operæ, sua sacra reposcunt  
 Et dij inferi solennia.  
 Expectantq; animæ, quis non sunt iusta soluta,  
 Cis quæ stygis ripam strepunt.  
 Auferte ex aris agedum simulacbra deorum,  
 Pateantq; templa manibus.  
 Afferte huc latices puro de flumine puros,  
 Fer pineam uirgam puer.  
 Parcite nunc linguis, uotis precibusq; fauete  
 Matres pudicæ, et uirgines.  
 Stat canis in uiridi mæstandus cespite. Faune  
 Tibi litare nos sine.  
 Italides matres miseræ tot stragibus, istis  
 Post temperandum lachrymis,  
 Spargite nunc largos fletus, stant funera uestra  
 Vos circum, et expiari auent.  
 His epulæ o matres, et uerba suprema feruntor,  
 Cædes piantor pignorum  
 Vestrorum matres, uotis diuosq; precemur,  
 Sit cædibus tandem modus.  
 Interea seorsumq; uiro tu nupta cubato,  
 Te et nubilis ne comito.  
 Nanq; parentandum est, neq; amant feralia comptas.  
 Ades Lycæ Pan, ades.

Diua Maria marmorea.

Nata, soror, coniux, eadem genitrixq; tonantis  
Sum Maria, insigne est & mibi uirginitas.  
Coritij studio possum si ita pulchra uideri,  
Qualem me in gremio creditis esse patris?

Ad Cæcilianum.

Quum das, nemo est qui accipiat, dat nemo petenti.  
Quod grauius damnum Cæciliane putas?

Ad Lenium.

Siquis te aspiciat Leni, nil toruius, at si  
Inspiciat, nil te lenius esse putet.

Ad Lucium.

Promisti mibi sæpe multa Luci,  
Dedisti nihil. est, quia ipse nosti  
Nil dare, accipere assuetus usq;.

De Leone X. Pont. Max.

Iulius occubuit, Martis cessere tumultus,  
Octauij en seclum redit.

Quis fortem a bello credat cessare leonem?  
At hoc negabunt barbari.

Ecloga. Vrsus.

Dona ferebamus Mariæ, cui in uirgine monte,  
Maio mense solent pastores uota quotannis  
Soluere, nam oramus pro nobis, pro græge nostro,  
Supplicibus uotis, pro fruge & fructibus bornis.  
Ianus erat mecum, quo non præstantior alter  
Ducere seu choreas, seu doctos dicere uersus.

k.i.

Iamq; iter ingressi, Sebethi ad pascua læta  
 Liquimus Euritio nostras custode capellas.  
 Plurima tum capit Ianus narrare diserte,  
 Cum grege nam Calabros adyt montesq; sabinos  
 Ianus, et accessit iuuenis sæpe appula ad arua.  
 Interea ambesa surrexit fronte Veseuus.  
 Cernitis hunc inquit montem, illo a uertice fama est  
 Ruclasse scopulos, flammamq; atramq; fauillam.  
 Et memorabat auus meus, his regionibus olim  
 Vsq; a Parthenope et Cumis migrasse colonos.  
 Tempore forte illo, aiebat uenisse peregre  
 Nescio quem, mirum dictu, ausumq; fuisse  
 Perq; ignem et cineres, ardentem accedere montem,  
 At tandem peruisse, mali nec cognita causa est.  
 Immanis tantum Halcyoneus num efflauerit ignem?  
 Iamq; apparebant nobis nolana sepulchra,  
 Quum ecce ex arborea scæna, pulchroq; uireto  
 Audimus magna ingeminari uoce, Mycona,  
 Illicet ad uocis sonitum conuertimus ora.  
 Vrsus erat iuuenis prisca de gente deorum.  
 Quem puerum docui calamos inflare canoros.  
 Vnde Mycon optate inquit, quo care magister  
 Tam pede festino, atq; ocreis quassantibus alta  
 Virgulta et dumos? petijtq; amplexibus, et me  
 Cum socijs iussit cæsa confidere in ulmo.  
 Nulla hinc uos ratio absoluat, mox irruit albæ  
 In gremium nymphae, mihi sola hæc cura Merine est,

Dixit, et admoovit nymphae pressa oscula labris.  
Care Mycon optatus ades nostris hymenæis.  
Dum loquitur, puero adnutaui, fulua catinis  
Vina infunduntur, fuluum potauimus aurum.  
Nescio quæ prius alba ac dulcia crusta dedere.  
Poti, sermones dulces incepimus, inter  
Hæc, fulua chlamyde spectandus Sarnius heros  
Fertur, æquo celsus, redimitus tempora quercu,  
Et numerum impleuit procerum, cætumq; hilarauit.  
Omnia pastorum, nympharumq; omnia plena.  
Sarnius inceptit. Quando bona fata Mycona  
Miserunt nobis, oremus, carmina cantet,  
Quis olim uicit Lycidam, qui e montibus oscis  
Huc uenit, cantu, et calamis certare paratus.  
Hic ego, nam hirsuto pendebat fistula collo,  
Non opus est pueri, precibus, gestire uidetis  
Præ me latitia, atq; auxit mea gaudia Iacchus.  
Audite, et nostrum penitus cognoscite carmen.  
Plus solito incaluit quondam Polyphemus amore,  
Illo sæpe die Galatea sefellerat, undis  
Se totam exertans, risuq; ad gaudia amantem  
Inuitans, ridente illa, ridebat olympus.  
At liquidum pectus Polyphemi, tabe fluebat.  
Quum tandem fugiens pelagi se gurgite merfit,  
Et suspirantem media spe liquit amantem.  
His sequitur pastor fugientem uocibus ardens,  
Immo hæc infelix iactabat inanibus auris.

## VAR. POE.

Heu Galatea fugis, Galatea fugis, mea uita  
 Cur Galatea fugis? saltē hęc tibi munera donem,  
 Munera iampridem tibi quę seruata ferebam.  
 Heu fugit, immutū ponto atq; immitior curis.  
 Assice, contemnit quę munera, sæpe Melenis  
 Conata est pulchra has pulchras abducere uulpes,  
 Et demum abducat. Speo facere omnia prompta,  
 Quid non experta est lepidō hoc pro turturę in ore  
 Pascitur, inq; manu, et cantu uel acanthida uincit.  
 O quoties Galatea tibi de lacte recenti  
 Caseus est factus, dura es, induruit ille.  
 O quoties Galatea tibi seruauimus hędos,  
 Creuerunt hędi, creuit mihi flamma medullis.  
 An quia sim pauper spernis me nympha? quis unquam  
 Tam diues pecoris, tam pinguis casei abundans.  
 An quia sim turpis? nuper me in littore uidi,  
 Dum mare marmoreum turbarent flamina nulla.  
 Non barba hęc pulchra est, ciliūq; hoc nō ita pulchrum  
 Vere nitent uirides proluxo gramine rupes.  
 Hoc oculo, solis nitido cum sydere certo.  
 Dixit, et ut grando canis in montibus æstu  
 Liquitur infelix, et cæco absumitur igni.  
 Omnes plausere, et me floribus inspersere.  
 Vrsus ad hęc, mi care Mycon Cabaniliy amicorum  
 Nunquid habes? lepidō cantat Cabanilius ore.  
 Quid ni habeo? referamq; libens, compescite murmur.  
 Hęc nuper cecinit muscosi Sabbati ad undas.



Quum fera uis belli me tristitia ad arma coegit,  
Deseruiq; greges, et te mea gaudia Dori,  
Quas tu per syluas Dori, perq; antra querelas  
Iactabas, metuens essem ne oblitus amoris?  
Atq; etiam syluæ referunt, atq; antra querelas.  
Vos caper ascendet, moneo, reticete capellæ.  
Contra, ego de formis brumæ uentosq; niuesq;  
Atq; animo forti soles, æstusq; ferebam.  
Sed non fortis eram, quum te mea uita relictam  
Dori recordabar, at nunquam pectore abibas,  
Quauis Coritius me solaretur amantem,  
Coritius, musæ, et pulcher quem laudat Apollo.  
Illa adeo angebant, ne te dolor et mala cura  
Conficeret. tibi strumoso a Pborco metuebam,  
Ne forte opprimeret per te nemora alta uagantem.  
An de te uerear? memini quam dura fuisti,  
Nos quum primus amor, primus nos ignis habebat.  
Tunc ego per densas syluas te sæpe uocabam,  
Impatiens flammæ, nitidique Caloris ad undas.  
Dorida per salices, ut nunc submurmuret amnis,  
Dorida ut ingeminant rupes, et Dorida ualles,  
Dorida Ceruauri responsent, et procul antra.  
Vos caper ascendet, moneo, reticete capellæ.  
At prius haud ulli nascentur in æquore pisces,  
Nec respondebunt nostris resona antra querelis,  
Nec rauco hiberni cantabunt gutture corui,  
Nec liquido æstiuæ cantabunt ore cicadæ.

VAR. POE.

Quam mea lux, moriens tanti sim oblitus amoris.  
 At, caper ascendit, dixi, reticete capellæ.  
 Hic surrexerunt proceres, carmenq; probarunt.  
 Aspice amice Mycon, longam iacit hæc Pyrus umbrâ,  
 Vrsus ait, nobiscum igitur maneatis oportet,  
 Cras cum sole ite, et pro cantu munera ferte.  
 Dicite Pierides post dulcia uina, calentes  
 Quot surrexere e mensa, fusiq; per herbam  
 Stertentes noctem duxerunt dulciter illam.

Ecloga Coritius.

Fœnius. Peridon. Coritius.

- Fœn. Fallor ego, an uidi nuper te ad pascua Physi  
 Cum uitulæ Peridon? ouium pecus estne Philetæ?  
 Per. Non est, sed Tyberi. dominis armenta reliqui  
 Macrio Agathon, et Borgiæ Heroine.  
 Non onus est humeri nostri curare iuuenços,  
 Taurosq;, et fætus, lactantiq; ubere uactas.  
 Hæ curæ a placidis mentem auertere camœnis.  
 Fœn. Non ideo effugies Peridon, te fama celebrem  
 Si facit, hic hodie mecum experiare necesse est.  
 Per. Respice, Coritium uideo ad nos currere. non ne  
 Hic est Coritius, quem aiunt de gente laconum  
 Venisse, atq; gregem pauisse ad prata Galei?  
 Fœn. Coritius certe est, Cydno et pulchra Olmide natus,  
 Et Iouis insigni nymphis nutritus in antro.  
 Intonsus puero mittebat Tmolus odores.  
 Per. Non ergo æbalius? me captas o bone Fœni?

**Cor.** Quis diuum hac hodie gelida uos ualle coegit?  
 Huic ego, si sciero, faciam agnum de grege nostro.  
 Saluete egregij iuuenes. Quo tempore nobis  
 Hospes amyclæus pateram tulit, estq; Myronis  
 Prisci opus, aspicitis manibus pueri, improba cornix  
 Panem subripuit, donec studet ille locustas  
 Saltantes capere, aspicitis satyrum admirantem?  
 Effigiem uiuam credas, buxumq; moueri.  
 In medio hanc pono, uictori hæc premia sunt.  
 Iampridem cupio quid cantu possit uterq;  
 Audire, & mulcent auræ, syluæq; comantes  
 Increpitant, dulci fluit Acsaris unda susurro,  
 Sol uetat hinc alio, uestrasq; errare capellas.

**Fæn.** At modo commonui, nunc te præsentem laceffo,  
 Nescio quid torue, ac nimium respondit acerbe.

**Cor.** Non opus est te circum agas, cantare necesse est.  
 Sic Venus imperat, & charitû chorus, ipse & Apollo.  
 Si quid tristitiæ est, soluemus uota camænis.  
 Causa animi id Peridon fit, non rhegynus Aristo  
 Locrensem Eunomon aduersus descendit in æquor.  
 Dumq; canunt, alti flexere cacumina pini.  
 Statq; etiam statua Eunomo, insignisq; cicada,  
 Successit fide diffracta, cum uoce cicada.  
 Pæna fuit uicto mors, a uictore superbo.

**Per.** Quando ita iussistis, sunt & tot premia laudis,  
 Nil moror, incipio, tu Fæni alterna parato.  
 Quæ colitis montes nymphæ, nemorumq; recessus  
 k.iiij.

VAR. POE.

*Aspirate meis, diuæ nunc uersibus, oro.*

*Fæn. Audi Bacche pater, faciles audite camænae;  
Si uestri non parua tenet uos cura poeta.*

*Per. Scit Sybaris, nostræq; adeo obstupere iuuentæ,  
Quum mihi cantanti affulsit lux aurea cælo.*

*Fæn. Carmina dum meditor calamis, mirabile uisu,  
Ecce caput circum uirides creuere corymbi.*

*Per. Montibus o nostris quercus orniq; loquantur,  
Syluia te referant colles, te Syluia ualles.*

*Fæn. Sic iussit Myrtis, nostra illa ut furta laterent,  
Vos nostis syluæ, quæ scripsi in cortice fagi.*

*Per. Cur nota est canibus nostris mea syluia, nocte  
Seu luce illa uenit, magnus mihi dicat Apollo.*

*Fæn. Myrtidi non pater, et non esset iniqua nouerca,  
Non latere illa meo latum discederet unguem.*

*Per. Syluia amat musas, auro non carmina mutet  
Syluia, dum canimus, hirti saltant satyriscei.*

*Fæn. Si quando in latebra filiceti Myrtis amata  
Me modulante canit, diuos ab ducit olympo.*

*Per. Fraga tibi rubra castaneæ in cortice legi  
Syluia, cras curæ est boletos ferre tenellos.*

*Fæn. Dic mea Myrti, quid est tibi gratius? an tibi plenum  
Mane feram lactis sinum, an par turturis albi?*

*Per. Hanc modo purpureis uiolis, croceisq; genistis,  
Et scio cui donem, contexi in monte corollam.*

*Fæn. Serta meæ ueneri prohibet quia ferre nouerca,  
Aspice, quotidie tuo in antro cynthia pendent.*

- Per. Lentos fuscillis iuncos in monte paravi,  
Sex hodie texam, tremulo cras lacte replebo.
- Fæn. Tris calathos emi a Clytia de uimine flauo,  
Puniceo affabre intertexto, ordine miro.
- Per. Scrpillum, redolensq; thymum tu suggere Apollo,  
Iupiter ac pluuius cælo descende benigno.
- Fæn. Si pluuiæ defint, fæcundo gramina rore  
Turgescant mane, et gemmas imitentur eoas.
- Per. Siue ouium mandata mihi, seu cura caprarum,  
Phœbe tibi facio, quoniam olim tu quoq; pastor.
- Fæn. Pan pater astatemq; grauem, sydusq; malignum,  
Vrentemq; hyemem nostris defende capellis.
- Per. Pan pater a rabie nostros tutare luporum  
Agnos, nostra tibi sint semper ouilia curæ.
- Fæn. Pan pater a scabie nostros tutare maligna  
Hædos, Panq; tibi sint nostra hœdilia curæ.
- Per. Ante alias omnes mihi Glaucia amata iuuenta est,  
Illi hederam legi teneram, arbuteosq; maniplos.
- Fæn. Leucidi cornipetæ, dum tondent prata capellæ,  
E dulci casia legi, cytisoq; maniplos.
- Per. Dicite uos pueri carmen, dum incisa lacertæ  
Cauda salit, nam ideo languet nunc pulcher Amillus.
- Fæn. Noui ego quinquetra morbos depellere ruta,  
Intrepidusq; lego filicem sub sydere cancri.
- Per. Dic mihi, quæ regio in terris, quæ tam aurea tellus,  
Gens hominum solo felix ubi uiuit odore?
- Fæn. Dic mihi, quæ regio in terris, quo posita sub axe,

VAR. POE.

Gens ubi quadrupedum impletur pernicipibus auris?

Per. Dic ubi terrarum uidisti cornua dextra,

Aut quare cerui condant tellure sub ima?

Fæn. Dic ubi terrarum eniti conspexeris ursam,

Quidue sibi hoc tantum uoluit natura tegendo?

Per. Quidnam turget tractando, exercetq; puellas?

Hoc mihi si soluis, mora nulla, hanc accipe pellem.

Fæn. Quidnam pendet, molle femur tunditq; puellis?

Hoc mihi si soluis, mora nulla, hanc accipe peram.

Per. Quum uenio noctu ad te mea uita Lycori,

Mande, oro, uiscum, capiat ne somnus ocellos.

Fæn. Quum uenio noctu ad te mea uita Sisymbri,

E sambuco offam canibus cum carmine condi.

Per. Quid faciam, ne mane nouo ruditus aselli

Officiat, quum Taurus apricat floriferum uer?

Fæn. Quid faciam, ne syluiuagi uox rauca cuculi

Officiat, linquit croceum quum aurora cubile?

Per. Aspice, aquantur apes, an dura in prælia surgunt?

Aspice, rex aciem struit alis pulcher ex auro.

Fæn. Aspice, post tergum, totum consedit ut agmen.

Victus es o Peridon, uestro uel aruspice Mopso.

Per. Rumperis o Fæni, excruciant te carmina nostra,

Rumperis o Fæni, excantata ut rumpitur assis.

Fæn. Rumperis o Peridon, pereat ne prorsus amicus,

I puer, e fluuio affer conferuam Peridoni.

Per. Ad rupes agni, ad rupes? non ne improba Flora

Impiaq; es mater? quanto in discrimine credis

*Præruptis scopulis natos, et rupibus altis.*

*Per. Ad uites iterum? spernis mea uerba Rubella?*

*O prope nunc essem, hocque pedo mea uerbera ferres.*

*Ad uites iterum, ad uites? eia improba capra.*

*Cor. Par iuuenum præstans, o Daphnide iudice digni*

*Pergite, non hæc sunt Alconis carmina. mille*

*Carmina sæpe facit bonus Alcon stans pede in uno.*

*Pastores semper celebrabunt uestra. feretis*

*Post ficulum uatem laudes et dona secunda.*

*Est felix Tyberus, si sæpe ad prata Malimni*

*Cantantem Peridona audit, seu propter Amatam,*

*Seu propter Sagram, aut Neæthum propter amœnū,*

*Te grege donabit Peridon, clarissimus heros,*

*Atque dabit, montes æstatem pascere opacos.*

*Ad mare descendes hyberno tempore apricum.*

*Sume ergo hanc pateram, nostri sit pignus amoris.*

*Tu nobis Fæni non indonatus abibis,*

*Fistula nanque domi est una mihi plurima folle,*

*Hanc dono accipito, magnum te iudice munus.*

## LIBER SEXTVS.

*Ad Bernardum Sanctium.*

*Vnde hæc refulsit liberalitas? euge*

*Pater Lyæ, Phæbe lauriger gaude.*

*Donare certant principes uiri nostras*

*Musas honestis laudibus, supra ac laudes*

VAR. POE.

Donis honestis, rara decora corrupti  
 Secl̃ da Apollo euindicare lethargo.  
 Amice Sancti melius in dies spera.  
 Mea charta anus nepotibus celebrabit  
 Exemplum, ut æmuletur insequens ætas.  
 Miselli auari hoc uos carebitis fructu.

Ad Dorin Cabanili.

Dori sic dura es, nimiumq; sœua?  
 Semper antiquus renouatur ignis,  
 Semper antiquum renouatur ulcus

Pectore nostri

Conditum cæco Cabanili amore:  
 Qui latet, multo magis urit ignis.  
 Fomite e sicco trahit orta flamma in-  
 Cendia late.

Obuiam primis miseri ite flammis,  
 Nam sinu si alta est mala blandiendo  
 Aspis, insultet domino, tremenda  
 Sibila tollens.

Dori ni stulta es, nimis atq; inepta,  
 Vre Traianum leuiore flamma,  
 Qui queat docto lepidoq; uersu  
 Dicere amores.

Omne Ceruauri latus ac crepido,  
 Ripaq; omnis cornigeri Caloris,  
 Dorida insignem resonet, futura et  
 Te sciat ætas.



## In Tusculum.

O Tusculum, fatale erit semper tibi  
 Pro parricidium, ex quo ulysseum genus  
 Ex matre Circe, condidit tua mœnia?  
 Cæde heu paterna fœda condidit manus.  
 Non ira non mens impia Gulielmi fuit,  
 Ut in parentis dexteram armarit necem,  
 Tua culpa Tusculum, improbum ob fatum tuum.  
 Nam quis deorum Telegoni atrocem manum  
 Direxit in patrem, ut tot orirentur mala?

## Ad Leonem Pont. Max.

Nunquam Leonis vis animosior,  
 Quam quum maligno cogitur in loco,  
 Cingente uenantum corona  
 Omne latus nemoris profundi.  
 Exire tendit, fertur et impetu  
 Inq; arma et hostes non patet exitus,  
 Retro se agit, nullum timoris  
 Fronsq; refert generosa signum.  
 Virtus duorum non aliter ducum  
 Fulsit modo, alter pro Padua sedens  
 Persape uallum fregit, hosti  
 Incutiens gelidum timorem.  
 Est ausus alter dux, uenetum loca  
 Munita natura, ac ualida manu  
 Perrumpere armis, ui per hostes  
 Facta uia est gladijs coruscis.

VAR. POE. 11

Neptunia o urbs inclyta, Apollini  
 Non credidisses, hic tibi si antea  
 Hæc nuntiasset, littora illa  
 Aurea pressit Iberus hostis.  
 Iræ sat indultum, ite duces pari  
 Audacia ad Carras, rutilæ o crucis  
 Vexilla quando iam explicari  
 Aspiciam auspicijs Leonis?  
 Ad Pompeium Columnam.

Istos, qui tepidam rigente bruma,  
 Et uinum tepidum bibunt, Orestes  
 Sint licet mihi, sintq; Scipiones,  
 Odi, ceu Raphanum benigna uitis,  
 Odi, non uitium meum tacebo,  
 Sunt molles nimis atq; delicati.  
 At nos rusticuli, nimisq; agrestes  
 Pompei gelidam bibamus, ipsa  
 Quum flat threicia ac niualis aura.  
 Atq; ut frigidius bibamus æquo,  
 Appensæ, madidæ, uuidæ in sereno  
 Seruabunt laticem bydriæ rigentem.

Ad Michaelem Angelum.

Parrhasij o possent, Zeusesq; resumere uitam  
 Tantum peniculo qui peperere decus,  
 Angelo uti palmam concederet ipsa uetustas.  
 Illi artus uiuos, exprimit hic animos.

In Melium.

Quum semper studys uaces disertis,  
Cur Meli eloquio uacas deserto?  
Næ tu obtusa adeo es Meli Minerua.

De morte Gulielmi Tutauillæ.

O Sarne quondam ocelle fluminum, quum te  
Ornabat heros ille, quem modo in flore  
Primo iuuentæ mater abstulit Roma,  
Fleruntq; nymphæ tusculæ, et Tyberis atro  
Fædans cinere canum caput etiam mæret.  
O Sarne, quoties te illa in aspera pugna  
Vocauit heros, ambigit tamen nemo,  
Si tu adfuisses, non Scamander ad Troiam  
Tot in figuris Hæctori fuit præsto  
Contra ferocem thessalum Thetide natum.  
Desideras nunc Sarne raptum, et admugis,  
Veluti assolet mater uitulo aberranti.  
Respondet heu nusquam, comiti ut Hylas forti,  
Per omnia aspera et inuia loca clamatus.  
Testantur arduæ situ obsitæ rupes  
Tuum dolorem, et murmur alueus triste  
Edens, amæno qui susurro ad exustas  
Plantas Veseui deferebat argenteam  
Vndam, nec alto piscibus minus gratam.  
Cur non dolebis Sarne? nam cui umbellam  
Nunc lassulo explicabis aurea e ripa,  
Siue aucupium lassauerit, leuis siue

VAR. . POE.

Cervus per altos traxerit uagum montes?  
 Cui puluerem tua ore lympba deterget?  
 Heu ille, ceu flos dente morsus besterno  
 Hædi petulci, aut inuido ab oculo captus  
 Humi iacet de uulnere horrido mortis,  
 Quæ absomit omnia falce demetens sæua.

Ad diuum Hieronymum.

Heroa magnum dum canimus deæ  
 Vobis amicum, si officit auribus  
 Doctis ineptum, musæ adeste,  
 Tuq; Hieronyme ades canenti.  
 Fabella prisca est, Orphea thracium  
 Sylvas sequutas, interim et alites  
 Audisse dementis, et amnes  
 Præcipites tenuisse cursus.

Est diue de te fama recentior,  
 Testantur antra, et torrida solaq;  
 Palmeta Idumes, obstupescant  
 Obsequio facilem leonem.

Hæc uera sunt miracula. At obsecro,  
 Quis cantus, aut quæ consona barbitos  
 Mouit feras, immo superne  
 Excijt ætherias phalanges?

Dum liberatorem precibus uocas  
 In uota Christum, feruida pectora  
 Plestro retundebas iniquo.  
 Harmonia hæc erat illa dulcis.

Hinc mox recepto digrediens, deo,  
Diuina promiss Mnemosynæ sacrans,  
Quantum magistrum te disertum  
Petri habet ac ueneratur ordo.

Quis credat illa de latebra, ac specu  
Exisse claros tot radios, quibus  
Non sol magis splendet, nec astrum  
Sic Iouis aut Veneris coruscat?

Quos diue priscos, quem tibi comparem  
Vel Socratem, uel Pythagoram grauem?  
Multorum es unus pro salute  
Qui omnia per graua excubares.

Te maior ipso, corporis improbas  
Calcasti opes et frigoris et famis  
Securus, hinc illæ beatæ  
Diuitiæ patuere olympi.

In Annonæ caritate.

Ab qua deum ira, quo scelere mortalium  
Factum est, ut illa læta sic fefellerint  
Nos arua? sic mentita sit bonam seges  
Spem? num ne cessatum ab stans sacrificijs?  
Num quid neglectum? nunquid erratum in deos,  
Dira hostia, uel uite tacta fulmine?  
Autumnus audacem sonipedem habuit suum,  
Et rufa rite Sirio facta est canis,  
Robigini cereriq; soluimus preces.  
Quantum sciamus, nil uolentes liquimus.

VAR. POE.

Docete uos di, si quid in scij omisimus,  
 Vos obsecramus. interim solabimur  
 Sylua heu famem. quæ uita mortales manet,  
 Egens, futuri incerta, semper pendula.  
 Nos Tantali, nos Sisyphi, miseri sumus.

Ad Violanthin.

Ne me, ne Violanthi sic adure  
 Istis igniculis, tuis ocellis.  
 Parce parce ferire tot sagittis,  
 Quas crebro iacis igneis ocellis,  
 Vel si uirgineus timor pudorq;  
 Vel si fecerit ira pulchriores.  
 Quod si in ore aderit beatus ille  
 Subrisus, mare temperat qui ex auras,  
 Pro superna Venus, feruntur illæ  
 In præcordia, sauciantq; pectus.  
 Sed o quid fatuus precorq; ex opto?  
 Quin cæcus fieri ipse, si potis sim,  
 Rebus in reliquis uelim libenter,  
 Vnam te aspiciam modo, es Diana,  
 Es sol, es reliqua astra, tu mihi una.  
 Vre me Violanthi, torre, ex ure.

Ad Ianum Baianum.

Semper dolebis? lachrymis erit modus  
 Tandem miserrime omnium mortalium?  
 Quin cor resumis, quod modo abstulit tibi  
 Venus scelestæ, ex ille perditus puer.

Nam dirus anguis quum medullam subsilit,  
Et blandiendo dulce nutritum est malum,  
Tum porrige herbam, dicta iam tibi est dies.  
Quare prius, quam sole medio te nigræ  
Agant tenebræ, pertinax iugum excute  
Baiane, fortis ac tibi te uindica.

## Ad Ferrantium Consagam.

Quod per laborem, perq; uirtutem tibi  
Laudem parasti, semper et studes idem,  
Nec tempore ullo deficit animus probus,  
Quin cogitet quæ magnifica, quæq; alta sunt,  
Mox cogitata quod celerrime expedis  
Consaga, quis te laude in astra non ferat?  
Et delicatæ quod uoluptati diem  
Dixti, misellos luxui istos deditos.  
Ducens, olenti ut oblitos luto sues,  
Idq; in iuuenta, hoc seculo impurissimo,  
Quis Scipioni prædicet non te parem?  
Sic est profecto. priscus est sermo uirum.  
Si per laborem quid bene est factum, labor  
Cito recedit, quod bene est factum, manet.  
At quæ uoluptas suasit, æterna hæc nota  
Hærent, uoluptas aufugit, amarum serens  
Cordis dolorem, ac pœnitentiâ sui.  
Optabat ille plurimum nequam gruis  
Collum, uel habeat aut cameli, aut qui mare  
Typhonis uno absorptu in os ingurgitat.

Quid tum? uoluptas propterea abibit minus?  
 Quis non nepotes damnet istos, et nigro  
 Stilum ueneno non obarmet oblitum?  
 Quis laude contra fraudet Herculem sua,  
 Priscos et heroas? labore qui ardua  
 Quæq; superarunt, monstra, tollentes manu,  
 Virtute, ui animi, cuncta subigentes mala.  
 Virtute cælum aditur e terra uiris,  
 Despectus altus unde terrarum patet,  
 Et uile quantum sit quod homines tantum auent,  
 Quod cæde tristi et strage mutant corporum,  
 Nec inuenit habendi modum impotens sitis.

## Ad Nerienem Martis.

Vxor magnanimi Nerio pulcherrima Martis,  
 Ad nos ocellum uerte propitium dea,  
 Tristia sunt quanquam spectacula. nos sumus illæ  
 Matres in orbemeductæ iniquo sydere,  
 Illæ infelices matres, tot pignora bello  
 Quæ amissimus. deslentq; miseræ hæ uirgines,  
 Pectora quæ tundunt dispresso crine, parentes,  
 Illæ, maritos, quæ ora lirant unguibus.  
 Et si fas oculos fædo corrumpere uisu,  
 Cadauerum plena omnia ut squalent, uides,  
 Obscænæq; ut aues discerpunt uiscera nostra.  
 Quid? dy statuerunt perdere humanum genus?  
 Sic in te tanta eniteat charis, et uenus omnis,  
 Ut seu redeuntem cæde tbracia ferum,



Seu quum perfurit alterius succensus amore,  
 Tuum graduum in gratiam adducas tuam  
 Mansuetum blādumq; magis, quam quum mare nullis  
 Mouetur auris, litus & uix alluit.  
 Maortem aggredere precibusq; & flecte rogando,  
 Vt parcat ultra perdere humanum genus,  
 Aut saltem sinat exhaustum repararier orbem,  
 Omnis mulierum te chorus Nerio obsecrat.  
 Vxor magnanimi Nerio pulcherrima Martis  
 Ad nos ocellum uerte propitium dea.

Ad Ant. Seuerinum.

Sic te dij bene ament, beentq; semper  
 Seuerine, mihi grauem mephitim,  
 Quæ se naribus obtulit maligne,  
 Vnguentis pepulisti odore suauis,  
 Quæ semper redoles, ut esse totos  
 Se nasos homines uelint libenter,  
 Qui hærent seplasiæ tuæ fragranti.  
 At istis male sit malis Cinædis,  
 Qui infamem uitio, suaq; culpa,  
 Rem bellam, faciunt, deumq; munus.

Ad Fabium.

Qui modo eras Fabius, nunc es tu Lælius, iste  
 A te sic nunquam Scipio amicus abest.  
 Sed quod conueniat tibi nomen, scire laboro,  
 Quum podagræ adueniet dura chiragra comes.

VAR. POE.

In Tumulo Barthymeï Liuiant.  
 Nulla mora est, sequimur, quo dextera fata uocatis.  
 Fortunæ abducor tristibus insidijs.  
 Reddidimus matri corpus, sed fama superstes  
 Ingentem tulit ad sydera Liuiaden.

In anno intercalari.  
 Venisti bona Terminaliorum  
 Lætis cum radijs nitentis æstri  
 Lux, leues timuere quam puellæ,  
 Dum narrant auicæ meticulosiss  
 Diras nescio quas minas deorum,  
 Quæ formidine compleant uel ipsam  
 Alcmenæ sobolem, Gradium et ipsum.  
 Salue lux bona Terminaliorum,  
 Cœpitq; ut bene Iulianus annus,  
 Sic pergat, uetulas et ominosas  
 Mendaciꝝ arguat atq; uanitatis.

Ad Fed. et Tyb. Carraf.

Tentabam cithara dicere Tyndari  
 Claram progeniem, principio latens  
 Eurotæ sub aui Iupiter incola,  
 Quis Ledæ arserit ignibus.  
 Dein quantam Gemini peliæ rati  
 Virtutem addiderint. Thesea nobili  
 Quo furto spoliarint, iuuenem inscium  
 Vinci, illam usq; adeo ad diem,  
 Quis armis amicum compulerint mori.

Quæ dura Oebalidæ prælia obiuerint  
Ob prædam oleniam, deniq; partibus  
Quis cæli extulerit pater.

At quum me Federici Tyberijq; amor  
Insignis subiit, quo teneor pari  
Nexu, pace deum, pectore, dixerim,  
Excessere Dioscori.

Cælestes ueniam nunc pietas pios  
Poscit, si antetuli cælicolis deis  
Mortales iuuenes, dixi alias deos,  
Dicamq; altisona lyra.

Quin uirtus homines persimiles deis  
Reddit, hanc studeo tollere carmine,  
Dij proferte dies, res celebres canam  
Gestas militiæ et domi.

A uestra incipiam Rege puertia  
Sub illo egregijs laudibus inclyto  
Acta, hæc dum reputo, continuo in genas  
Humentes lachrymæ fluunt.

Tantum illa beu superi commeruit domus?  
Num natos epulis apposuit patri?  
Immo non alibi tantaq; sanctitas  
Morum, ac relligio fuit.

Incautum illæ aquilæ Cypridos alitem  
Inuasere, nihilq; beu puduit, simul  
Nos desiderium uitæq; deseret.  
At malos deus inuenit.

V A R. I P O E. M I I

N ulla iniuria fit perpetuum bonis.  
 Mærori & lachrymis iam dedimus satis.  
 Cæpta eia iuuenes perгите uos uia,  
 Hæc merces operæ unica,  
 M agistri hoc pretium est, qui docuit bene  
 Vti diuitijs atq; animi bonis.  
 Vos nati iuuenes tradite per manus  
 Virtutum decora inclyta.  
 Ad eosdem.  
 O me felicem, cui urbis duo lumina nostræ  
 Omne felici iunxit amicitia.  
 E s felix Tyberi, es Federice, ego sum quoq; felix,  
 Dulcia quos saturant pocula Tantalea.  
 De Ferrando Arag. Rege Hisp.  
 Q ualis, quantus erat Ferrandus, turbida nostræ  
 Leuaq; mens uiuum noscere non potuit.  
 D ij facite, ut nunquam doceat Rhammusia, quantum  
 Regem amiserimus, quem patriæq; patrem.  
 Ad Carlum Cæsarem.  
 N atura rerum disposuit uices  
 Mira arte mater sedula & optima,  
 Aestate sol terras adurit,  
 Bruma gelu riget & pruina.  
 S uccedit atris lux tenebris die,  
 Tristi senectæ læta puertia,  
 Partes retundunt se uicissim.  
 De ueteri noua suscitatur.

- I**n se ipsa par est perpetuo parens,  
Unquam nec hilum deperit illius.  
Concentus hic rerum manebit,  
Dum maria Oceanus refundet.
- R**es inter has, & cœlicolas deos  
Hic dum moramur, nos medijs sumus,  
Brutæ se humi corpus uolutat,  
Cælum animus patriam requirit.
- S**ublime nobis non temere est caput.  
Ille ille felix cui ratio præest.  
Seruire natis sola rebus  
Hæc facile docet imperare.
- A**st quem uoluptas delicijs tenet,  
Hic iura centum det populis licet,  
Seruit profecto seruitutem  
Perpetuam dominæ impudicæ.
- P**inxere fortunam ingenia attica  
Patri Cononis peruigilem duci  
Cum rete, tuto dormienti,  
Prælia qui bene cuncta obiret.
- A**ugustus, orbem quod tenuit diu  
In pace, templum nec patuit dei  
Bifrontis, est felix putatus,  
Morte obita meruitq; thura.
- Q**uid prisca ineptus nunc repetor hæc modo  
Fulsere Ferrando omnia auo tuo,  
Quem nobilem belli domiq;

- Sol oriensq; cadensq; uidit.  
**E**xemplum habes insigne, quod æmula  
 Virtute pergis Carle imitari.  
 Hic sæpe te somno excitabit  
 Laudis amor, stimulusq; punget.  
**T**antum sat humeris sustinuit suis  
 Fascem, piorum iamq; adiit loca.  
 Succede proles clara regum  
 Nunc oneri, uicibusq; pulchris.  
**E**xcinde uastam fortior Hercules  
 Lernam malorum, quæ capita explicat.  
 Hastam recepit dia uirgo,  
 Exitiumq; minatur orbi.  
**H**unc Pana uerte, ac terribiles minas,  
 Diros in hostes, qui Solymos premunt,  
 Et uos, potestis ferre reges?  
 Terra adeo ac pelago laceffunt.  
**F**atale iberis regibus est, duci  
 Erepta crasso signa reposcere  
 Parthos feroces, inq; sancta  
 Vrbe crucem erigere, hunc triumphum  
**D**ent dj uidere, hic Calliope mea  
 Sublime plectro personet aureo,  
 Et me trientes inter amplos  
 Bacchus agat celebrare reges.  
 Ad Hieronymum Borgium.  
 Si forte quos communis erumna ac malum

Graui dolore, pectore ex alto premit;  
 Se se inter obuiam iuerint, statim subit  
 Horrenda imago, uulnera infligens noua,  
 Cedens flagello centicuspide, æneo.  
 Cadunt solo oculi, & faucibus uox hæsitat.  
 Nos Liuiano, pro dolor, duce ac patre  
 Amisso, idem silentium tenuit diu.  
 Heu mors, breui hora, quæ tot obteris bona.  
 At quando ab Orco Hericius retulit pedem,  
 Soluta crines Parthenope olympium  
 Summum Iouem exorauit, estq; redditus  
 Nobis amicis. euge Borge, euge, asperum  
 Remitte luctum, cumq; Seripando & Poo &  
 Romanæ alys academiæ magnis uiris.  
 Age hunc diem festum, celebrandum annuis  
 Sacris. Iacbo perlui liceat, cados  
 Omnes relinto Fabrici, eia, Bacche io.

Epith. Matris.

Charmosyne, quo mater abis, suauissima mater  
 Natos heu linquens tristibus in lachrymis.  
 Sola relicta domus, nam tu custodia fida  
 Mater eras, firmum præsidiumq; domus.  
 Illud solatur, tua quod sanctissima uita  
 Molle tibi extrema in morte parauit iter.  
 Ad Fabricium Campaninum.  
 Vidimus cunas orientis anni,  
 Molle quum terris caput explicarent

*Semina, et latis, faciem uirentem*

*Surgere campis.*

*Pulchra mox pubes, ualida ac iuuentus*

*Creuit, ornabant nitidis puellæ*

*Floribus crinem, grauidæ replebant*

*Horrea fruges.*

*Vitibus uirgo redimita uenit,*

*Musta feruebant lacubus per agros,*

*Bacche clamabant prece non pudica,*

*Atq; per urbem.*

*Bruma nunc rerum seniumq; morsq;*

*Obstrepit, miscens maria atq; terras*

*Flamine et nimbo; tonitruq; crebro*

*Pectora terret.*

*Fabrici, si nos, animiq; nostri*

*Noscimus uires, potimurq; mente*

*Cœlitus missa, hominumq; pestis*

*Desidia absit,*

*Perfurit quanto magis aspra bruma,*

*Tanto ab inscitia magis amouemur,*

*Mater est quando studiorum et altrix*

*Sedula bruma.*

*De Cardone Præsides.*

*Quod facie squalet, quod spinis carduus horret,*

*Nil formidandum est, hunc lepide hospes adi.*

*Mitibus est mitis, fructuq; et flore iuuabit,*

*Lædere si est animus, te moneo, hospes abi.*



Ad Pyrrham.

Quum sitio, mellita mibi tu basia si das  
 Pyrrha, sitis prorsus protinus illa fugit,  
 Hæc remanet, potis ab restingui tempore nullo.  
 Ipse, ut hydrops, imo uiscere crescit amor.

Ad eandem.

Si roseis digitis calicem mibi Pyrrha propinat  
 Non sine basiolo, seu mage basiolis,  
 Potabo simul, & simul oscula dulcia carpam,  
 Dijs ipsis superis inuidiam faciens.

Ad eandem.

Si quando aspicio te Pyrrha, quot Argus habebat  
 Lumina, tot toto corpore mi esse uelim,  
 Ut pars nulla esset, quæ te non cerneret, inde  
 Ut felix diuum gaudia conciperem.

Ampexus inter, & suaui Polypus o sim,  
 Centeno ut suætu totam animam relegam.

Quum uero attrecto, Briarei non brachia centum  
 Sint satis. hæud possum dicere, quæ cupio.

Singula sed uellem membris confundere membra,  
 Atq; unum e gemino corpore conficere.

Ad Alpheum.

O Alpee, utinam istud esset aurum  
 Terræ uisceribus parentis imis  
 Reuinctum laqueo tenaciori,  
 Quod ducit miseros homunciones  
 In malum exitium, malamq; pestem,

Et quidem merito, manu scelestā  
 Ausos eripere ē parentis aluo  
 Tantam perniciem bonæ quietis.  
 Immo esset Barathro sub ultimo Orci  
 Deligatum adamantinis catenis.  
 Nam sic tu, duce Apolline, aduocatis  
 Ad doctam choream subinde musis,  
 Vt fulges opibus, nitenti ex auro,  
 Fulgeres ita carmine eleganti  
 Ducto de gremio sereni olympi.

Myrtus.

Pulchræ arbor Veneris, posuit quam pulcher Adonis,  
 Sum uirgo, pulchra hæc munera, pulchra capē.

Ad Marinum Ianuarium.

Nescio cui ascribam, fato ne meo, an tibi Iane,  
 Quod non discessit pectore uulturius,  
 Vulturius, quo crediderim non esse Promethei  
 Funestum magis in uertice Caucaseo,  
 Non Tityi, tondet qui pernox, perdius exta,  
 His miserum curis me Domicilla premit,  
 Ipsa iisdem premitur uirgo pulcherrima, sed quis  
 Huic dulci prohibet nos dare colla iugo?  
 Qui prohibet, nobiscum agit inclementius ille.  
 De cælo ipse ferat Iupiter auxilium.

Ad Iacobum Sadoletum.

Caciq; Scyroneq; trux tbracum genus,  
 Lycurgi ex aspra armenta Diomedis feri,

Et quicquid unquam in orbe pestium fuit,  
 Rediere, pro facinus, et exagitant bonos.  
 Heu nullus ultor, Hercules forti manu,  
 Adestue Theseus, magnus aut Liber pater.  
 O illa candida, o beata secula.

Sadolete te obsecro per hominum, ac per deum  
 Fidem, ne Anysium misellum ita opprimi  
 Sinas. Tyrannus instat, imminet, premit,  
 Hiante gutture, belua omni immanior.  
 Sadolete subueni misello Any시오.

Ad Albium.

De re Albi nostra uerbum non amplius ullum,  
 At forsā non uis dicere, sed facere.

Ad Antinianam.

Antiniana nihil miseri misereris amantis.  
 Est animus tandem perdere me miserum.

Me miserum sœua ab statuisti perdere amantem  
 His pœnis, quas uix Tartarus asper habet.

Tantaleis cruciatibus heu heu perdis amantem,  
 Sic inter lautas esurit ille dapes.

In gremio teneo, mille et das oscula, sed mi  
 Quum ad fructum uenio, carpere iniqua negas.

XII. labores Herculis.

In Nemea Alcides fregit primo ora leonis.  
 Centicipi monstro expurgatur Lerna secundo.

Tertio, apro extincto Erimanti sylua aperitur.  
 Mœnalian quarto assequitur celeri pede ceruam.

Egit aues quinto horrendas *Stymphalidas* arcu.  
 Balteum *Amazonidos* tulit in certamine sexto.  
 Septimus *Augeæ* cœnum labor expurgauit.  
 Octauo igniuomum superauit robore taurum.  
 Scythony uertit regis præsepia nono.  
 Gerionis decimo armenta impulit ex *Erythea*.  
 Cerberus undecimq; canis astra micantia uidit.  
 Bissexto *Hesperidum* spoliauit uiribus hortos.  
 Horarium.

Si quando nubes radios *Phaethontis* obumbrat,  
 Hoc tibi tum radio tempora significo.  
 De *Medea Iani Marliani*.

Ira & amor, miseram *Medeam*, sæuus uterq;  
 Hostis agens, furij fecerat ancipitem.  
 Quæ uix mens prudens potis est diuersa putare,  
 Hic *Iani* impleuit obsequiosa manus.  
 Cerne minas, fluctusq; animi, & nutantia corda  
 Acætæ uiuam, non lapidem esse putes,  
 Credideris natos confectos cæde recenti,  
 Et iuuenem *Aemonium* nunc uiolare fidem.  
 De eadem.

Commistam furij pietatem, odijs & amorem  
 Certantem, *Iani* nobile marmor habet.  
 Ab nimis es sæuus, miseram qui *Colchida* cogis  
 Patrare hoc iterum triste ministerium.  
 De eadem.

Hic furere, & misereri, irasci, odisse, & amare,

*Phasiacæq; uides impia facta manus.*

*Ad Annibalem Pignatellum.*

*Hortos hesperidum bono sodali,  
Et quis inuideat uel ipse Adonis,  
Misiſti Annibal Africæ ex recessu.  
Sed contra quid Anyſius remittat?  
Si nequit paria, at ſuo ex uireto  
Parnaſum prope conſito, remittit  
Paucos uerſiculos et indiſertos.*

*De amore.*

*Pauperies ſæpe et tempus diſſoluit amores,  
Ni id ſit, cura una atq; ultima ſit laqueus.*

*Ad Pyrrham.*

*Labra meæ Pyrrhæ quoniam ſunt aurea, noſtra  
Cur non ſunt lydo Iupiter e lapide.  
Scripta meis ferrem dulciſſima baſia labris,  
Quæ damus amplexus inter amore pari.  
Totq; damus, quot ſunt fulgentia ſydera cæli,  
Et ſatias nullo tempore conſequitur.  
Iamq; prope os unum, lingua una effecta, columbi  
Ut gemini, atq; bederæ neſtimur ut geminæ.*

*Ad eandem.*

*Te mea Pyrrha canam, iuuenum perq; ora uolabis,  
Donec ſol radijs tempora uincta feret.*

*Epith. Hectoris.*

*Hectora ne Priami, ne me cenſete ſepulchro  
Vnum tot claris hoſtibus oppoſitum.*

VAR. POE.

*Ilias, ipse et Homerus, Græcia et ipsa sepulchrū est,  
Quæ nostras fugit pallida sæpe manus.*

*In imagine Pompeij Columnæ.*

*Scribere uis solem, Phaethontem scribere et ipsum,  
Per solem, haud uiuis scribere fas radijs,*

*Docta manus potuit Pompeium pingere, sed non  
Virtutes animi picta tabella refert.*

*De amoris impotentia.*

*Tantopere quod amo, cupioq; uidere, uidendi  
Nec satias ulla est, nec requies animo,*

*Cor salit, ut uideo, fugiuntq; e corpore uires.  
De me quisq; potest discere quid sit amor.*

*Ad Violanthin.*

*Hanc, Violanthi cupis nitidum si accendere lychnum,  
Hanc animam ardentem candida nympha pete.*

*Nempe illa, heu pietas, tanto succenditur igni,  
Vt stellas cœli lambere flamma queat.*

*Ad eandem.*

*Istis cordiuoris tuis ocellis  
Cepisti miserum, atq; sauciasti*

*Captum, me miserum necasq; amantem,  
Et quæ sæuitia est necare amantem,*

*Qui se non clypeo tuetur, atq;  
Armis, sed capite aduenitq; nudo*

*Ad tua genua, suppliciq; uoce?  
Et quæ sæuitia est necare amantem*

*Inter uincula, supplicemq; inermemq;?*

Obsecro Violanthi, pulchra quantum es,  
Tantum sis pia, nostra non mouet te  
Pœna, non cruciatus asper, atrox,  
Qualem trux habet ipse ne quidem Orcus?  
Mitem uerte oculum, atq; cerne, ut intus  
Tabesco miser, atq; deliquesco.  
Cœram non ita multa flamma soluit,  
Terræ non ita sol pater uapores.  
Vna spes superat, tenetq; uitam,  
Si qua te pietas puella uertat,  
Et mitis mea lux bees amantem.

## De amore.

Est ignis pectus uehementior igne chimææ,  
Quem nullo extingui tempore ex imbre ferunt.  
Est ignis pectus rediuuum, quale Promethei  
Aut Tityi ingentis fabula prisca refert.  
Illa mihi lux atra omni memorabitur æuo,  
Qua me heu libertas candida destituit.  
Insidias crudelis amor cum matre tetendit  
Armatis telis ex pharetra ex facibus.  
Quæ uictoria inermi ex soli imponere amanti.  
Ipsis terribiles dys etiam superis?  
Epith. uini moscati.  
Dulce syracusijs moscatum collibus ortum  
Hic positum mulsit pectora sape uirum.  
Nunc abiit linquens desertum ex inane sepulchrum,  
Et tristlem domino liquit amaritiem.

## VAR. POE.

De amore.

Heus tu qui ad fontem flammatum pingis amorem,  
Falleris, haud ignem extinguit amoris, aqua.

Ad Annibalem Pignatellum.

Ipse tibi Europæ, Lybies mihi munera tu das,  
Quis nobis Asiæ tertia dona feret?

Ad Marium Aligerum.

Ne mihi post cœnam, uentris si expleta libido,  
Suminaq; apponas, terga et aprugna Mari.

Post spicam intempestius messoribus imber.  
Optet et in portu nauita quid Zephyros?

De Domicilla.

Dum Domicilla lauat, teretes nudatq; papillas,  
Huic Venus ignitum ceston habere dedit.

Dum spectem, nihil Actæon et cornua terrent.  
Siue Diana ipsa est inclyta, siue Venus.

Flexanimis philtris domitas quibus aspera corda,  
In me unum cunctis utere Cypri, licet.

De Myrtide.

Qua non in Latio forma præstantior ulla,  
Aut fuit, aut reliqua in tempora forsan erit,

Suspendit speculum tibi Myrtis pulchra Dione,  
Amplius haud rugas passa uidere suas.

Ad Pyrrham.

In Pyrrhæ serto ut præstat rosa, sic mea Pyrrhæ  
Cumq; rosa flores uincit, et una nitet.

Ad speciem Pyrrhæ languet sua gratia florum,



*Est ferti fertum Pyrrha, rosæq; rosa.*

*Ad eandem.*

*Das uitam, et perimis me formosissima Pyrrha,*

*Quid dicam? totum me ferus ignis habet.*

*Quo fugiam? circum me exercitus adstat amorum,*

*Et respirandi copia nulla datur.*

*De Myrtide.*

*Viderunt molles formosam Myrtida amores*

*Profecti auratis Cypridos ex adytis,*

*Nec mora, mouerunt tanta duce fortia castra,*

*Et quis non iuuenum saucia corda tulit?*

*Ad Lippum.*

*Emptos capillos iurat esse natiuos*

*Cicella, nunquid Lippe peierat? certe.*

*Ad Inachum Cabanilium.*

*Inache uirgineo puer irretitus amore*

*Sic gemis, in sicco? ut phoca relicta mari,*

*Phoca maris cupiens, sed Persei et Bellerophontis*

*Non falx rete secet quod te habet implicitum.*

*Epith. Myrtidis.*

*Hic iacet ante alias Myrtis formosior, illa*

*Pirenes tempe et uere serena magis.*

*Mortalis Cytherea procis celebrata superbis*

*Plus, quam Penelope, Tyndaris, aut Helene.*

*In qua composuit quicquid, Venus aurea, pulchri est,*

*Hanc amor extinctam prosequitur lachrymis.*

*Quæ formosum uer et amabile floruit, una*

*m. iij.*

VAR. POE.

Quæ charitum solita est lilia demeterè,  
Amplius haud radios Hyperionis aspicit, he beu  
Fatali æternum uicta sopore iacet.

Sella.

Siue graui sophiæ incumbis, lætis ue camænis,  
Seu placidis fidibus, sum tibi fida comes.

Ad Cosmum fratrem.

Quod Gryphes ornant uolucres insignia nostra,  
Hoc forte e Bacchi nomine nomen erat.

Ex Aniso omnino contendis ducere Cosme,  
Concedo, aut atavis ista uidere sino.

Epith. Oëtauij.

Hæctora non Priamus tantum, non Dardana Troia  
Fleuit in idæis uallibus orba parens

Oëtaui, quantum te daunia Troia, paterq;  
Tullus, nec modus est tristitiæ et lachrymis.

Ad M. Ant. Magnum.

Phæbo munera grata sunt corollæ,  
Quæ priscos referant, leuentq; amores,  
Grata carmina sunt, chelisq; grata.

At dura arma placent fero Gradiuo,  
Vt myrtus Veneri, Mineruæ oliua.

Baccho munera misitare si uis,  
Vina delige, nobiles et uuas.

Næ tu rite facis diserte magne,  
Qui das muns Anytio, quod ipsi  
Naxij Bromio suo dedissent.

*Prisca e familia esse gloriatur*

*Nysæa, ex domo Anysius Lyæi.*

*De Venere ex Luna.*

*Pallida ex exanguis dicta est latonia uirgo*

*A Venere, ex Latmi quam puer unus amet.*

*I Venus egregia, i Cypri formosissima in Idam,*

*Phæbe ait, Anchises te uocat atq; Paris.*

*De Venere ex musis.*

*Sic musis Venus, ergo me eleuat Antiniana?*

*Armabitur at in uos cupidinum phalanx.*

*Hæc contra musæ, ne magna Cypri minitare.*

*Frustra uolant in nos tui isti amorculi.*

*De Ioue ex amore.*

*Iupiter hæc in amorem, ego tela tibi ista refringam.*

*Ille hæc, Quum taurus rursus, erisq; cycnus.*

*In speculo.*

*Huc ad me iuuenes, molles huc ite puellæ.*

*Improba si spectes tristior ibis anus.*

*De Mamurra.*

*Hirudo ut improba uenter es, per quem senex*

*Mamurra libertatem amatam perdidit.*

*In Thynnum.*

*Sicæine Thynne facis canis iniuriam ex annis?*

*Mentem non uideo, canitiem uideo.*

*Ad Cæsarem Cabanilium.*

*Lubrica letiferi uis est mi Cæsar amoris,*

*Qualis ne diræ est aspidis in Libya,*

VAR. POE.

Vix aciem attigeris letalis arundinis, illa  
Labitur interna in uiscera continuo.

Cunq; ueneno ignē admiscet, quem extinguere nō est,  
Non si perfundas totum etiam Oceanum,

Vulcano longe liparæo incensius urit  
Torre intestino perniciosus amor.

Ad Horatium Ballionem.

Pactolus olim cornibus aureis  
Aequor petebat, uiscera deterens

Tmoli beati, & pertinacis  
Ditis opes retegens repostas.

Huic æmulus fert Sangarius grauem  
Amnis draconem, robore quem Hércules

Deiecit, amplexus superbos  
Cur petijt meruitq; nympha.

Hic impotentes diuitias dedit  
Cræso, sed auro rex didicit tamen

Non esse fidendum satis, quum  
Verba grauis meminit Solonis.

Virtutem at ille ostendit, in arduis  
Rebus nitentem, claraq; nunc fides

Præluet in cælo, & recusant  
Magna homines facere ob laborem.

Quin orta proles magnanimo a duce,  
Alcmæna summo quem peperit Ioui,

Mox cum recensitis colonis  
Italiam bimarem petiuit.

Hinc uestra Horati est inclyta ciuitas,  
 Quæ secla per tot, militiæ et domi  
 Produxit insignes uiros, quos  
 Fama adeo ac monumenta lustrant.

Ad Nicolaum Pbliscum Cardinalem.

Nicleo Anysius breuem satyram dedit,  
 Non hercle multis dedolatam noctibus.  
 Accepit hilaris, uatem adornans laudibus.  
 Sic est propitius thure paucio Iupiter.

Ad Pyrrham.

O quæ es mollior anseris medulla,  
 Tenelli quoq; uulturis capillo,  
 Aestuuoq; sopore proni ad amnis  
 Ripam, sub salicis uirentis umbra.  
 O passercole, turtur, o columba;  
 Qualem non tenui Minerua filo  
 Pingat, purpurea Venusq; tela.  
 Sola es, quam nitido ex liquore roris  
 Compegere deæ, dedere et orbi.  
 Sola es, quæ esse cares; es ipsa tota  
 Quin lac in calatho coagulatum,  
 Quam uel sorbeat integram puella  
 Vno haustu annicula illaboriose.

De Musica.

Sub Pely altis rupibus, est uetus  
 Fama, inclytorum semideam manum  
 In puppe prima nauigasse,

VAR. POE.

- Et stationem habuisse primam.  
**C**hirona magnum uisere nobiles  
 Heroas hic desiderium rapit.  
 Tipby relicto mox magistro,  
 Desiliunt alacres arenis,  
**P**rimusq; Peleus præ studio suum  
 Visendi Achillem, quem Thetis optimo  
 Centauro alendum misit, arcu  
 Eximium puerum atq; cantu.  
**A**ccepti amice, post epulas lyram  
 De dextra alumni Phillyrides capit,  
 Atq; arte mira, dura bella  
 Pirithoi cecinit, feroces  
**M**ulto lyæo quis Pholum et Imbrea  
 Rhetumq; et acrem Pheræa contudit.  
 Illi audientes obstupebant,  
 Pectora multæ, animosq; sæuos.  
**P**ost illa non Orphei tacuit chelis,  
 Sic nanq; Chiron, sic iubet et pudor  
 Et conscia artis mens, et ipsi  
 Semidei, uenerandus ordo.  
**V**el teste te Orpheu, præcipites statim  
 Amnes steterunt, syluaq; uerticem  
 Inflexit aurita, et uolucres  
 Mox rapidum tenuere cursum.  
**A**t diua mater Calliope, uelim  
 Dicas mihi, ecquæ tanta potentia

Tunc musica artis præualebat.

Qua celebris Linus, et qua Arion.

In fontē siccātū in morte Litauici Vrsini.

Nymphæ fontanæ quo abussis? quo liquor ille?

Quæ flamma extinxit perpetuos latices?

A misso domino in luctu tabescimus, heu

Lethes torrentem nunc Litauice bibis.

Ad Ferantium principem Salerni.

Nos ad delicias tui Salerni

Feranti pater omnium leporum

Inuitas, ego mehercules Salernum

Noui tam bene, quam meos penates,

Vt Baccho affluit, inclytisq; pomis,

Longe ante Alcinoiq; Adonidosq;

Longe ante hesperidum uireta, quum sic

Lirni munere patris irrigetur

Hac illac nitido liquore nilis,

Nympharum choreis, chorisq; blandis.

Sed me detinet, atq; habet uolentem

Nigris Pyrrha oculis, et ore flauo,

Qua sine, elysia arua, sordeantq;

Mellis flumina, et insulæ beatæ.

De Clemente Gattulo.

Dum uixit Clemens medica præclarus in arte,

Sæpe colum abiecit pallida parca manu.

In hirundinem.

In te quid tantum uolucris Pandioni uirgo

VAR. POE.

Commisi? Thereo non tuli ego auxilium,  
 Quod me tam sauo percussi uulnere, quantum  
 Non acies ferri, non leuis hasta ferat.  
 In somnis est uisa mea Antimiana benigne  
 Omnia, quæ cuperem, dicereq; et facere.  
 An potuit quicquam tum me felicius esse?  
 Non inuidissem regna beata deis.  
 Ecce uenis, matutinas repetisq; querelas,  
 Nam memor antiquæ es perfidiæ ac sceleris.  
 Ecce uenis, mibi funestas recinisq; querelas,  
 Et me de campis deycis elysys.  
 Deturbor solio summi de regis olympi,  
 Experge factus destituorq; miser.  
 Cum somno fugit mea formosissima nympha.  
 Heu cur perpetuus non sopor ille fuit?

Ad Bassum.

Dedisti mibi ter quaterq; cœnam  
 Sane quam illepidam, atq; inelegantem.  
 Multa non adeo tuli moleste,  
 Sed uappam cruciumq; ferre nullo  
 Pacto ego potui, sitimq; noster  
 Sebethus latice expulit niuali.  
 Quare habe tibi prandium caninum  
 Basse, et me amplius abstine uocare  
 Ad cœnam illepidam atq; inelegantem.

Ad Gregorium Caluum.

Calue modum lachrymis urbano orbatu amico



Fac tandem Pblicæ flore oculoq; domus,  
 Cui patruus summum fors Petri ambisset honorem  
 Nicoleos, languet nunc grauis ille senex.  
 Huc hominum spes, diuitiæ, imperia, huc bona terræ  
 Cuncta fluunt, mortis nempe epulæ atq; dapes.

Epith. Mausoli Cariæ.

Mausoli, tantum merito quem suspicis hospes,  
 Miraris tantum, ne tumulum esse puta.  
 Infelix ego sum tumulus mæstissima coniux,  
 Quæ cinerem, ex cari coniugis ossa bibi.

Ad Iosuen Canorum.

Non sunt diuitiæ, quas uulgi tollit amatq;  
 Arua, armenta, auri uis, decora, imperia.  
 Sola animi bona diuitiæ, ditissima uirtus,  
 Quæ se ipsa est diues cætera despiciens.  
 Hæc adeo extollunt quis corporis est amor, illa  
 Qui cælum spreto corpore suspiciunt.  
 Hi slipant ut apes fragranti nectare cellas,  
 Non sibi, quas relinat mox aliena manus.  
 Illi thesauros condunt, mihi crede Canore,  
 Quos non tempus edax, nec fera fors adimat.

De Virgilio.

Aureus aurata cithara cantabat Apollo,  
 Excepit uates carmina Virgilius.  
 Luminaq; extingui poterunt prius aurea Pbæbi,  
 Et mundi immensi sydera deficere,  
 Quam tanti uatis deleri nomen honorq;.

Quem celebrat fama, et charta sacrauit anus.

## LIBER SEPTIMVS.

Ad Calliopen de Alfonso Daualo.

Calliope cur me altifono plectroq; tubaq;  
 Deturbas de dulcibus orsis?  
 Ceu nitidum ad fontem quum hostilis adest equitatus,  
 Conuiuas funditq; fugatq;  
 Nempe chelim, facilesq; modos Polyhymnia nobis  
 Aptarat dea sedula, sæui  
 Dicere sum fateor minus aptus prælia Martis,  
 Congressusq; et fœdera regum.  
 Et nos Alfonso multum debere fatemur,  
 Sed laudes æquare canendo  
 Magnanimi iuuenis saliant præcordia, te oro  
 Calliope, ne iusseris istuc,  
 Vel mihi maiores animos da, et suffice uires,  
 Aut Smyrnæ, aut Andis duce uate.  
 Ad deos maris.

O Portune, mihi quando akerit prænitidus dies?  
 Quo e uastis liceat fluctibus euadere sospitem  
 In portum, liceat clauibus imponere ferta, tum  
 Postes pingere et aras, solaq; spargere floribus.  
 Te Neptune precor, te ueneror, respice per maris  
 Dorsa excelsa ciet quam rabiem, quas furias Notus.  
 Ne tanta Aeolus obturget ira, pater impera.

O rerum uarias semper, et bilum haud stabiles uices.  
 Tam pulchra facie qui fuerat pontus heri, en tumet  
 Tam nigrantibus undis, ruit en Iupiter arduus.  
 E caelo, igne corusco, atq; soror grandine et imbribus.  
 Sed quod plus solito splendidius fulget ab Hespero  
 Sydus, num quis opem fert miseris nobilior deus?

Ad sodales.

Raptam ob puellam Tyndari, ab hospite,  
 Frondosa in Ida, qui Iouis inclytam  
 Natam et sororem iudicauit  
 Idaliæ Veneri secundas,  
 In funus et fatum Phrygum, et Ilij  
 Coniurat omnis Græcia, quas tulit  
 Sigæa tellus peruicaci  
 A puero Thetios procellas?  
 Confessu in illo, quo sacra uox manu  
 Defensa Phthia est in rapidas ducis  
 Flammas amoris, mox remissa  
 Aurea uirgo anima estq; patri.  
 Sedata certe dante deo est lues,  
 Verum orta longe perniciosior  
 Achillem et inter sæuum Atridem,  
 Quam furor ira; concitauit.  
 Testis Scamander et Simois fugæ  
 Stragisq; fœdæ, magnanimo Hectore  
 Cædente terga, ebullientes  
 Sanguine graiugenum phalangis.

# VAR. POE.

Vitate quicquam cernere iniquius,  
 Vitae rixas, atq; odia aspera,  
 Vos per deos quaeso sodales,  
 Vnde oritur truculenta Enyo.  
 Et siquid unquam tristius incidit,  
 Ne ulcus fouete, proripite statim  
 Sed uos Iacchi ad dona, rixas  
 Hic liceat facere ad lucernam.

Ad Ferrandum Austrium regem.

Regna ex applausus, leuis atq; uulgi  
 Cuncta mirantis, breue tempus æui  
 Fraudibus septum insidusq; tandem  
 Deijcit Orco.

Vidit Euphrates, tumidusq; Nilus;  
 Vidit ex fronte Eridanus minaci  
 Plurimos, turpis quibus est superstes  
 Fama, tyrannos.

Plurimis nullum superesse nomen  
 Fata sanxerunt, meliore forsan,  
 Quod carent tristi nota ad antra Auerni,  
 Conditione.

Hauriunt annos miseri nepotes  
 Ceu nigro plenos calices falerno.  
 Quæ putas uitæ numerosa turba  
 Præmia debent?

Sola uirtutis facies decora  
 Crescit, accensus uelut ignis, inter

Aridas messes. feret omne in ævum  
Fama Hadrianum.

Cernis ut Petri gracilem phaselum  
Naufragam portu statit, ut tridentis  
Obrutus rex Ennosigæus altis

Alleuat undis.

Est poetarum proprium tyrannos  
Persequi. contra, benefacta regum  
Carminibus, exemplum græue reddituro,  
Tollere ad astra.

Munus est uatam, celebris per orbem  
Herculis uirtus, celebris nouerca  
Ira. sed cur non documenta uiuis  
Funera præbent?

Disce Ferrandæ in teneris laborem  
Inclytum proles Iouis, et cænenda  
Occupâ fortis, uigilesq; curas  
Vatibus addè.

Ad Cytherin.

Lepida olim mihi dulcisq; Cytheris  
Fuit unquam si alia, aut est potis esse,  
Roseum uer ubi nobis hilara in fronte nitebat,  
Memini heu, memini, non sine cordis  
Gemitu, delicias illius æui,  
Iuuenilesq; faces, quas Venus et quid puer ales?  
I aculabantur, ubi dulce duellum

VAR. IIPHOETIL

Cecinit cornicen insignis amorum,  
Gemitus hic referat, uulnera, suspiria, mortes.

Tu etiam, quum caput alba niue plutum,  
Nitido quod fuit ardentius auro;  
Oculos obtenebratos, duo fulgentia pulchri  
Iouis, almae et Veneris sydera, mox et

Faciem lirisidam, torpida, frigen-  
Tia membra aspicias, ac mortua, quae es mēte  
E quidem qua imperio qui actus auitō

Fuga abijt, saepe retralumina torquens,  
Sua desiderio et conficiens corda dolore.  
Rapido heu turbine mortalia porro  
Fluitant prona, nec humana potest uis  
Modicum sistere uestigia, per lubrica uitae.

Igitur quod licet, et dum abstulit haud mors,  
Genio sacra feramus duce Iaccho.  
Puer i, terq; scypbo spumiūdrū infunde salernū.

Ad Decium Aprianum. V

Apri, propago romulidum inclyta  
Rerum potitis imperatoribus,  
Quos urbium regina uidit  
Iura dare hesperys et indijs,

Longum parastli cum Seripando iter  
Oenotriæ in saltus gelidos, ubi  
Non longe ab altis uertice absunt  
Syderibus piceae comantes,

Lucana uises castra per arduos

Montes, et agros per bimaris plagæ,  
 Quos Brutiorum præoccupauit  
 Gens, dominos fugiens superbos,  
 Heroa et iram sub Temesæ rudus  
 Placabis infestam, monumenta mox  
 Regis molossi, uerticemq;  
 Ambiguum, atq; Acheronta cernes.  
 Post græca, diuertes facinora ad tue  
 Gentis, ferocemq; Annibalem dolis  
 Gaudebis exutum, latebris  
 Infremere ut libycum leonem.  
 Sed missa tandem istæc faciamus, et  
 Opes beatas Parrhasij quoq;  
 Missas amico ex asse lega-  
 Tas Seripando, adeo beatas,  
 Librorum acervos nobilium, utpote  
 Illis minores non philadelyhicis.  
 Fac sacra Baccho mi Apriane,  
 Hic ubi nobilibus racemis  
 Cliui renident, dorsaq; collium,  
 Quos Cratis unda purpurea alluit,  
 Cratis pater nympharum, et unda  
 Quos Sybaris rigat arroganti,  
 Fac sacra, uinctus tempora pampino,  
 Pellens ab animo solitudines,  
 Odere non musa Catonem  
 Rite operantem bilaro Lyæo.

Germanus aureo Liber Apollini est,  
 Germana laurus est hedera, py  
 Nempe his consonantur poetae,  
 Quando opus est gemino furore.  
 Nosti, minantur quæ mala perditio  
 Orbi periti syderum; Aquarius  
 Quum inuertet annum; mœx et ignes augidm  
 Piscis ubi afficiet deonum.  
 Portis olympi uini rapidam imbriam est  
 Fusum iri, ut olim rege sub Ogyge  
 Robusta, quare instant monere,  
 Qui sapiunt sibi tecta condante  
 Es tu meis uerbis animo bono  
 Sperne ac minas, sic Cynthius et foras  
 Iubent serena fronte lati,  
 Qui nitidos maderantur orbes  
 Ad Apollinem, et ad Petrū, pro urbe Rōma  
 Quid pater longe iaculans Apollo  
 Arcu, et intinctis Phlegethonte telis,  
 Quid pater? prorsus populum Quirini  
 Perdere tendis?  
 Non hic excelsam rurturus arcem ad  
 Ilium sedit decimum per annum,  
 Quum senex Chryses precibus neposcitum  
 Nobile pignus  
 Venit Atridas pater ad superbos,  
 Præferens uittas uiridesq; lauros.



Dextera ex sceptrum aureum, ex omne Phœbi

Stemma sacerdos.

Sic dei summa atria olympi habentes,

Vrbe dent tandem Assaraci potiri,

Mox domum præda reduces reuerti

Diuite onustos.

Reddite o reges mihi natam, ex aurum

Quod fero, ignotum accipitote pondus.

Impiis, Phœbum uereamini, arcu

Fata ferentem.

Irritis uotis cecidere uerba,

Rege ab immiti retulit repulsam,

Dijs, ex inuisam generi per orbem.

Omni animantum.

Phœbe, nam dixit dare terga iussus,

Rite si feci toties sacerdos

In tuis aris, maledicta grai ul-

Ciscere regis.

Audijt summa deus arce olympi,

Spicula ac misit medicata tristi

Pharmaco, quis gens danaum feroci

Peste periret.

Roma quid tantum potuit mereri?

Quod scelus tantum, facinusue patrum?

Tantalos certe tityosq; nostra haud

Secula tulere.

Cædis antiquæ an renouata lis est?

VAR. POE.

Romulum ne ausim insimulare magnum  
Criminis fœdis minime. uetustas

Viderit ipsa.

Romulum prisce affore credidere  
Vrbis afflictis miserisq; rebus.

Romulum si fas foret inuocare,  
Rite uocarem.

Sed Petro maior potiorq; uirtus  
Tradita est quando a domitore ditis,

Supplices Petre prece te obsecramus,  
Auxilio urbi

Iam prope exhaustæ uenias, ex agris  
Pene desertis ualido coloño,

More non curæ est ueteri salubrem  
Figere clauum,

Cespitem insigni neq; nuncupatis  
Hostias uotis, rapidos leones

Contrucidandos, aquilasq; centum,  
Sistere ad aras.

Ad Coctei.

Coctei unanimis sodalis, ex quo  
Florebat nitidis iuuenta malis,

Cæptum peragere ad arua Brutiorum,  
Felicem patriam arua Brutiorum,

Non sinunt iter æquoris procellæ,  
Dum certat Boreæ Africus rigenti,

*Tyrrheni Africus arbiter profundi.*

*Ego pro reditu preces sacerdos*

*Fudi, sic mea vota deū secudent,*

*Magnus Iupiter atq; magna coniux,*

*Et Pheax ratis ocyorq; uentis*

*Te optata statuat uolans arenæ.*

*Ad Hermionen.*

*Hermione ad fontem sitiens decurris anbelo*

*Ore, sitim sedet quo liquor haustus aquæ.*

*Fons siccus squallet iam pridem, falleris ergo.*

*Quære alium fontem, si sapis Hermione.*

*Ad Bernardum Sanctium.*

*Sancti, non merito meretur iste*

*Infortunia, pessimusq; mæchos*

*Inq; os, inq; oculos uolare apertos?*

*Qui quum sit lepus, et spado, et parum uir,*

*Vxorem expetit, allicitq; donis*

*Formosam Hermionen iuuentæ in ipso*

*Flore, de charitum choro unam, et uni*

*Cedentem Veneri, inter astra solem.*

*Non ditem Hermione, nec aurum et ostrum,*

*Sed uult aut Parida, aut uirum Graduum.*

*Ad Octavianum Phlegosum.*

*Non fortem triste exilium, non uincula frangunt,*

*Quæ mala degeneres deiciunt animos.*

*Idem es tam misero exilio, atq; hoc carcere tetro*

*Octaui, qui olim maximo in imperio.*

De morte trium filiorum Vgonis Sanseuerinij.  
 Quantum Geryone, et Horatijs, inelyta quantum  
 Ornata Hesperia est utraq; tergeminis,  
 Tergemina tantum Vgonis sobole ornatatur.  
 Parthenope, cuius flos et ocellus erant.  
 Inuidit fortuna, Ereboq; eduxit Erinny's  
 Tergeminas, diris anguibus implicitas,  
 Heu stirpe ex uno tria candida lilia, in ipso  
 Limine uitæ, atra diffecuerunt manu.

De nequitia perseuerante.  
 Aetæa, a stabulis insulæ, ubi in feras  
 Mutati socij a nepte Hyperionis,  
 Qui præ fluxa tulere  
 Aeternis animi bonis,  
 Mox præter uebitur per uada carula,  
 Quo ducit Lachesis irreuocabile  
 Stamen, durus Vlysses  
 Sirenum scopulos sacros.  
 Aduersum sapiens stirpem Acheloiam,  
 Ni membris laqueos, auribus et seras  
 Opponat, graue letum,  
 Infortuniaq; oppetat.  
 Cur non omnis ibi præcipitem dedit  
 Sese nequities? dira etiam mali  
 Num contagia serpunt  
 In labes hominum ac neces.  
 Quot lætis oculis, fronte uenustula,

Blando ore illecebris undiq; diffluunt;  
Suntq; intus mera monstra,  
Sirenium soboles mera.

Quot uultu placido, quos homines putas,  
Titillante uoluptate, liquentia  
Vertunt pocula Circes  
In hora ter et amplius.

Ad Parcam.

Non Parca mortem deprecor, sero an cito  
Nostrum nigranti pulset hostium pede,  
Quando moriendum est omnibus. sed hoc precor,  
Ut ante mortem, tot labores, perdius  
Pernoxq; musis et iubente Apolline,  
Meumq; de fraudans genium, quos pertuli,  
Componere, in lucem et dare liceat mihi.  
Non Parca rem fortasse iniquam poscimus.  
Si non licebit, quisquis es, cui hæc in manus  
Venient, per omnes te deos ego et deas  
Oroq; et obtestor, procul liuoribus  
Proculq; furtis, e tenebris eruas  
Claram in diem. sol quippe cuncta prospicit,  
Palamq; facit, ut quisq; seu bene, seu male  
Patrarit, et parata semper ultio est.  
Hoc me timere adegit immitis lues,  
Quæ serpit, et uallauit undiq; oppidum.  
Seruate nos patroni, et indigetes dei  
Agnelle, Ianuari. ope in uestra salus

Nostre est sita. o diui ferocem in Arfacem,  
 Nobis minatur qui suprema uertite.  
 Rhodos misella sensit impias manus.  
 Videmus hæc, et possumus ferre ac pati.  
 O non sequatur pone uindex ultio,  
 Dolor supremus, sera pœnitentia.

De imagine Ioannæ Aragoniæ.

Numne Helenæ arguæ? Veneris nūne iclytæ imago?  
 Non. Verum Ianæ est hospes aragoniæ.  
 Sed nihil ad uiuam. charitas huic adde, animiq;  
 Dotes, atq; ipsam iam Venerem esse putes.  
 Ad Ferrandum, Federici regis F.

Ferrande, seruant te incolumem dci  
 Tot per procellas, perq; ruentia  
 Tot tela fortunæ minacis.  
 Non temere, mihi crede, seruant.

Alterna rerum lex uariat uices,  
 Post iram atrocem terribilis Iouis,  
 Fratrumq; uesanos furores,  
 Sæpe dies redeunt sereni.

Pro calculis esto hoc Babylonijs,  
 Et magna de te præscioli ferant,  
 Vt cunq; sese res habebit,  
 Te iubeo esse animo sereno.

Ad Ianum Matthæum Gibertum ΣΕ'VIOV.

Gemmam, quam mihi magna Ditis uxor  
 Nuper de elysijs remisit bortis,

Quam non est pretio rependere ullo,  
Ipsa nec ligurum smaragdus æquet,  
Saturni tibi candidis diebus  
Mitto, quandoquidem æstimator es tu  
Pulchrarum egregius Giberte rerum.

Ad Calliopen, de malo punico.

Mens est alterno magnum canere Orphea uersu,  
Pierij princeps Calliopea chori.

Quid primum, tua quod facile non respuat auris,  
Ordiam, hoc tota mente animoq; paro.

An quæ primæuo cecinit sub flore iuuentæ,  
Argutæ quum uox affonuit citbaræ?

An quæ ætus Bacchi stimulis ex Apollinis æstro  
Mortales docuit mystica sacra deum?

Et chaos antiquum, simul abdita semina rerum,  
Sub quis Saturnus æthera progeniuit.

Æternæ noctis patrem, geminumq; Phæneta  
Ex Hecate, implicitum qui gerit igne caput.

Anguipedum deinceps horrentia bella gigantum,  
Miscuit ut superos impia seditio.

Mox Cereris luctum cara pro uirgine adempta,  
Atq; Cabirorum munera perspicua.

Et resposæ deum, Lemnonq; sacram, ex Samothracen,  
Excelsumq; Cypron, Palladaq; ex Venerem.

Quid superos flectat, quæ munera, uota, precesq;  
Iunganturq; homines qua ratione deis.

Sed simul ac sacras Aegypti accessit ad urbes,

Congressus doctus semideisq; uiris,  
 Quicquid auesq; , feraq; , et quicquid somnia et astra  
 Portendunt, quantum gramina lecta ualent,  
 Et lapides, affecta leuet quid corpora tandem,  
 Mortales docuit carmine dulcifluo.  
 Ast ubi Libethri sublimi in uertice adiuit  
 Vatem oraturus nobilis Aesonides,  
 Adforet in Colchon socius per cœrula ponti,  
 Regnat ubi Octes, diraq; gens hominum,  
 Qua magnæ Iunonis ope, et qua Palladis arte,  
 Impulsa est pubes ac pagasæa ratis,  
 Quid manus heroum, quos exhaurire labores  
 Impulerit sæua parca tremenda manu,  
 Donec phrixæo expugnatis uellere monstribus  
 Ditati, salsa retro abiire uia,  
 Hac, ubi Medea, maiora pericula, raptâ  
 Inuenere duces littora per Scythiæ,  
 Quæ Pelix mandata dolis insuta perenne  
 Regibus æmonijs tum peperere decus,  
 Accinuit dulci uates testudine, mox et  
 Plutonis fauces tænariæq; uias.  
 Huc miserum perduxit amor, uis effera, amanti  
 Dilectam Euridicem quum impia mors rapuit.  
 Peruius huic tristis Cocythus, peruia cœno  
 Styx grauida, atq; trucis lurida cymba senis,  
 Atq; Acheron Phlegethônq; Erebusq; , ipsa atria Ditis  
 Obsessa et furijs, terribiliq; cane.



Quæ monstra occurrere tremenda immania monstra  
 Demulsa insigni sed iacuerè chely.  
 Interea ex sauis cruciatibus externati  
 Tantalus, Aeolides, danaidumq; chorus,  
 Ixion, Tityus, titaniaq; impia pæbes  
 Respirauerunt dulces sonante chely.  
 Quin Plutonis inexorabile pectus, ex atra  
 Iunonis mulsit, nec renuere preces,  
 Redderet Euridicen reparato flamine parca,  
 Admirata id quod pallida turba fuit.  
 Si non mandati oblitus ui maxima amoris  
 Effet, quare iterum perdidit Euridicen:  
 Hæc ego dum meditor, furor alto è pectore cessit,  
 Attonitum, amentem destituitq; deus.  
 At merito plector, supra mea carmina uires  
 Currere per uetitas sunt temere ausa uias.  
 Nempe hæc ille canebat, ex alto æulmine cæli  
 Vidisses curram flectere solis equos,  
 Vidisses uentos, ex flumina sistere cursus,  
 Et prono syluas uertice connuere.  
 Non tamen usq; adeo desse exit musa poetam.  
 Res, ait heroum carmina clauda canente  
 Quin cape materiam numeris ex uiribus æquam,  
 Non urtica rosam fert, neq; malua pium,  
 De medio quauis cursu insuperabile fatum,  
 Coniectam retro traxerit Euridicen,  
 Non tamen infelix diuisa desinit Orpheus.

## VAR. POE.

Terga sequi, complens quæstibus omnem Erebum,  
 Si precibus locus est ullus, precor, o mihi manes  
 Reddite, qua dempta nil moror ipse mori,  
 Reddite dilectam uxorem. Iamq; icerat aures  
 Persephones questus, clamor et ille uiri,  
 Perstrinxit memoris reginæ pectus, imago  
 Persimilis, luctus matris, idemq; malum.  
 Mox iubet acciri uatem, ac solata dolorem  
 Quis potuit uerbis diua triformis, ait,  
 Haud pote tertium erat fata exorare, receptam  
 Nympham, quam mortis uincla suprema tenent.  
 Quare animum compone, cape et solamen amoris.  
 Egregij, quod do munus ego egregium.  
 Iusserat Elysus ramum de ferrier aruis,  
 Insignem ramum frondibus et folijs.  
 In folijs uiridisq; nitor, nitidaq; smaragdi,  
 Flores sunt radijs sydera conspicua.  
 Fructus iucundo aspectu, suauiq; sapore,  
 Vt uere dicas nectar et ambrosiam.  
 Innumeras gemmas complectitur aureus orbis,  
 Quotquot diues habet Indus et Oceanus.  
 Non acinos dicas, sed iaspidas atq; amethystos,  
 Et qui uel sedent sub Phlegethonte sitim.  
 Ob raptam Euridicen gratissima munera nosser  
 Orbis habet, celebratq; Orphea fama recens.  
 Nobilis hæc tibi commodius cantabitur arbor,  
 Acceptumq; Orpheus Persephoneq; feret.

In Silenum.

Næ tu multus homo es similis Silene lupino,  
Es mitis, madidus, siccus, amarus atrox.

In mulieres.

Est mera lis homini mulier, duo tempora præter,  
Quam iacet in thalamo, quum iacet in feretro.

Epith. Prosperi Columnæ.

Quem quondam armatus pressisti cladibus hostem,  
Huic etiam exitio es languidus & moriens.

Nunc Prosper moriendum. optato tempore, uitæ  
Fila secat facili parca benigna manu.

Non opus est lachrymis, titulisue insignibus, ipsa  
Virtus præclarum nomen ad astra refert.

Ad Neptunum in alluione

neapolitana.

Aeriæ nubes, unde imbrem ac flumina tanta,  
Nocte illa horribili euomuisse aquæ?

Quid Neptune pater potuit committere tantum  
Cara olim neptis candida Parthenope?

In fluuios uersi montes petere æquora certant,  
Et secum scopulos, & nemora alta trahunt.

Secum hortos nitidos atq; e radicibus imis  
Templa, domos, ipsis cum stabulis pecora.

Parce pater, fratremq; roga, diamq; sororem,  
Et facilis uotis annue supplicibus.

Crinibus en passis matres, pauidæq; puellæ  
Porrecto flentes agmine uota ferunt.

De filio pientissimo.

V oluere torrentem cineres atq; ossa parentum

Conspexit natus, congeniuitq; pius.

Reddidit audacem dolor, et se immisit in undas

Terribiles, anceps pugna erat atq; ferox.

T andem seruauit tumulum, uerum obrutus ipse,

Pro pietas, suis fluctibus interijt.

De filio comeso a matre, in obsidione

hierosolymitana.

T e peperit, te nate alui, pressi ubera nate,

Scilicet ut mater te gladio feriam?

A mbos in partu Lucina irata tulisset.

Cur non discisis ilibus interij.

H iscite, quid statis, terret ruat arduus ather

In caput, in me omnis tartarus exiliat.

Q uo nos dira famēs compellit, uos ne potestis

Aspicere hæc æquis sydera luminibus?

N ate petes iterum infelicis uiscera matris,

Te pietas celebrem, me feret impietas.

Ad Scintillos fratres.

Fratres uicissim, candidi quidem fratres.

Certant, at audite obsecro quibus telis,

Donis profecto, demerendo honestos, et

Probos amicos, ambitu procul turpi,

Sed mente et animo liberali et integro.

Scintilly saluete, et este felices,

Gemelle Pollux et Gemelle Pollucis.

Ad Ferrandum Daualum.

Ne te angas animi dux inclyte, terga dedisse

Fortunæ telis insidysq; deæ.

Laus est prima quidem hostem debellare, secunda,

Quauis arte suos, seq; referre domum.

Dauale sat fuit hesperios docuisse, tot annos

Iam fere inaccessas ire redire uias.

Ad Federicum.

Quid tibi, si donem, quas Alpes Taurus et Atlas

Sublimi terras uertice despiciunt?

Quid tibi, si donem, quasq; opulentior oras

Fluminibus refluis alluit Oceanus?

Quid tibi, si donem thesauros, quos habet Orcus,

Et quos sub liquidis Ennosigæus aquis?

Vt uana hæc prorsus, sic tu Federice Pinellum

Soluere iussisti uana talenta mihi.

Ad Ianum Antonium Susannam.

Miraris, nostris expilatoribus ut nil

Luceat ex tot, quæ surripuere mihi.

Hæc est Nicolei nemesis, iustissimæq; ira,

Largus at est erga munificusq; bonos.

Non Susanna magis subreptum profuit illis,

Quam stomacho affecto fercula Pontificum.

In grauissima ualitudine Ferrandi

principis Salerni.

Vix tandem resipiscimus miselli,

Consternati animo et metu repente.

Quis rumor Styge natus icit aures,  
 Iam pensa ultima principis uoluta?  
 Dii seruate p<sup>ro</sup> unicam Salerni  
 Spem, primis iuuenem nitentem in annis.  
 Audiuere dei. Gniphog; Apollo  
 Impertiuit opem sui Aesculapi.  
 Dextro hic sanguine Gorgonis retraxit  
 Ferrandum a foribus ferocis Orci.

Ad Hieronymum Scanapeum.

Rem conducibilemque honestam postulat ordo  
 Omnis amicorum. quam? Scanapece rogas.  
 Nempe inde fessa uersati incide labores  
 Tot nostri, ut subeant ærea signa petunt.  
 Sic illos, sic nos, non æui iniuria lædat,  
 Non ea quæ pulchris inuidet inuidia.  
 Parte sua haud horum quisquam fraudatus abiit,  
 Seu sese obtulerunt seria, siue ioci.

Ad Pompeium Columnam.

Iam prope perpetuis conuulsa uocibus aures  
 Pompei cogunt nos dare uela rati.  
 Quumque operam egregiam studiumque Sabatius unus  
 Instar multorum prebet, adestque comes,  
 De cælo missus, nostram qui percolat urbem,  
 Tutos in portum carbasa plena ferent.  
 Te duce Mnemosyne, hoc correctore, camænis  
 Nuncupat emissus uota secunda liber.

Ad Hesperios et Gallos.

Non fore prædixi durum, irritare crabrones.

Dicebam, belli fors dubia esse solet.

Mars communis enim uictorem sæpe trucidat,

Iupiter ut uersat dolia leua magis.

Credita non unquam Cassandra ugra monentis

Fata, phryges sero deniq; pœnituit.

Transistis metas, bello uexare quietos

Aggressi populos, non comitante deo.

Transistis metas, naturæ fœdera, paucis

Impune accessas, ac loue progenitis,

At forsan nullis, annales uoluite reges,

Quin fidei certæ creditis historijs.

Si quid peccatum tamen, emendare potestis

Cum laude, instabilem fronte deam arripite.

Eia ite unanimes, sacros ascendite montes,

Et prece cum multa soluite uota deo.

Perq; aras centum latitantem exquirite pacem,

Mox rata perpetuum fœdera percutite.

Nymphisq; alpigenis, et nubicomo Apennino

Hæc pacta aternis significate notis.

Quandoquidem tituli insignes ex ære corusco

Implebunt nostris pectora latitijs.

Hinc alacres in Christi hostes conuertite signa,

Hostes, qui nobis omnia dira parant.

Ad Leonardum Vespilum.

Heroas medicis succis Chirona, Melampum,



Pæonaq; insignes carmina præca ferunt,  
 Quin Phæbi prolem uitæ reuocasse priori  
 Defunctos, fama est, sanguine gorgonio.  
 Pace deum, pace heroum sit uespote dictum,  
 Tu plane præstas, Græcia quæ blaterat:  
 En tandem redeo in patriam, sociosq; reuiso,  
 Amplectorq; meos, colloquioq; fruor,  
 Te tamen heu nusquam inuenio sanctissima mater,  
 Instar multorum quæ mihi mater eras.  
 Te mihi te eripuit crudele Polyxena fatum.  
 Cur oculos matri claudere non licuit:  
 Ad Franciscum regem Gallorum.  
 Et quantum humanæ potuere exoluere uires,  
 Persoluere tuæ rex generosa manus.  
 Defuit et nusquam miles, dux inclyte, cum quo  
 Debellauißes arrabas æthiopas,  
 Iphis cum castris caperis tamen. at fuit hostis  
 Bellona et Mars et cætera turba deum.  
 Cede deo Francisce. deum quis tendere contra  
 Ausit? nonne deum numina clara uides?  
 Ad Carlum Cæs. Aug.  
 Dÿs genite et geniture deos, tibi maxime Cæsar  
 Exemplo Cræsus sit, sapiensq; Solon.  
 Magna quidem capere inuictum uictoria regem,  
 Sed maior, captum restituisse suis.  
 Hoc propriū Augusti est, solida hæc est gloria, quā nō



Vlla uetustatis læserit inuidia.

Heroum atq; dei est, pacem concedere uictis,

Atq; reluctantum subdere colla iugis.

De pugna ticinia, ad Clementem Pont. Max.

Non modus irarum tandem fuit: omnia sæuus

Mucrone Mars, Bellona ex hasta discidit,

Quæcunq; est orsus sublimi pectore Clemens

Gregi cauens, pastorem ut optimum decet.

Ac ueluti taurus stabulis depulsus auitis

Iuencam amatam pectori affixam gerens,

Segnitie domita, per iniqua, per omnia dura,

Pœnarum ubi satis est datum, ac redyt uigor,

Horrida tempestas subito ceu surgit ab Austro,

Nimumq; grandinemq; fulmina; ferens,

Præcipiti cursu inuisum defertur in hostem

Ira æstuans, aut uincere, aut certus mori.

Hunc procul impasti, gemini si forte leones

Sint conspicati, in prædam opimam proruunt,

Non tamen ille animo succumbit, sed capite audet

Inire prælia, experiri ex omnia.

Sic dudum hesperius gallo concurrat, amatis

Pro insubriæ aruis oppidum ad Ticinium.

Virtutem, ut sæpe, audentem fortuna sequuta est,

Gallos flagello Pan cecidit horridus.

Post ubi terribili insonuit deus, ora; soluit

Concha, repente corda prostrauit pauor.

Mox cædes, fuga fœda, ex quæ solet ultima uictis

# VAR. POE.

Sors esse, miseros preſſit indignis modis.  
 Cæſar habet ſupra mortalia uota, quod omni eſt  
 Liuore maius, nulla quod tenebret dies.  
 Sat idem pœnarum eſt, Orco ſat cæde litatum,  
 Regiq; inuſta ignominia triſtis notæ.  
 Nil non lugubre eſt mutatis uestibus hoſti,  
 Si nomen hoſtis militem Chriſti decet.  
 Illa manus potuit parthiq; ſyriq; ſuperba  
 Vincire colla pone quadrigas crucis.  
 Hoc magis inuigila, ne Clemens deſere cœptum  
 Præclarum opus. quod laude non æquauerint  
 Cultæ hominum linguæ, non percita pectora uatû, ut  
 Ad poſteros plus fama quam fides ferat.  
 Ergo aude duce Chriſto, nec deterreat uſquam  
 Quicquam, optimû nam quodq; natû e peſſimo eſt.  
 Sulphur ex ignis ubi latos luſtrauerit agros,  
 Sacris peractis rite ſupremo Ioui,  
 Auğuſte ac ſancte dominum ueneratus olympi,  
 Crucem triumpho nobili explica pater.  
 De Ferrando Caſtrioto.  
 Quæ cum fortuna campo luſtata patenti  
 Sit Caſtriotis luſta, tamq; anceps diu,  
 Quam facile herculeæ aduerſus telluris alumnum  
 Iam compararem, incerta ni foret fides,  
 Sit longæ hiſtoriæ, imperium nam orientis, ab ouo  
 Eſſet retexendum, uel uſq; ad hanc diem.  
 Nunc clarum exemplum, facinus memorabile dicam,

Quo terga, uicta dea impotens tandem dedit.  
Belli illam molem in se omnem fortissimus heros  
Ferrandus excepit, suoq; funere  
Prostravit gallos, direptis deniq; castris,  
Et rege capto, ea fulsit hinc uictoria,  
Cæsar ut oceanum felix inuictis utrunq;  
Parere cogat legibus sanctis suis.  
Pro patria deuotam animam, pro Cæsare magno  
Proiecit hic noster Decius, Horatio  
Fortior, opposuit noster sese æquore aperto,  
Ad inferos pransurus egregius lacon.  
Quem Tello tumulum posuerunt inclytæ Athenæ,  
Eia erigunto inuicta semideum manus.  
At nec opus tumulo, tumulus nam insubria tota,  
Titulusq; fama est, nota ad usq; sydera.  
De Laura Monfortia Antilia.  
Conuentu in celebri pulchras interq; puellas  
Laura oculis rebar solis inesse faces.  
Dij magni, tantum hæc uisa est anteire puellas,  
Cætera sol quantum sydera prænitidus,  
Illius immo oculos solem superare nitore  
Rebar, quum procul est nube serena dies.  
Hæc mecum. aduersa sol ecce repente fenestra  
Ingrediens Laura constitit ante oculos.  
Credo ego iudicium ratus interrumpere nostrum,  
Defendens primas inuidus ille sibi.  
Pace tua at dictum sol auree, te quoq; nostro

VAR. POE.

Iudicio uicit Laura nitore suo.

Ad Ianum Terminium.

Laudibus ijs me sublimem fers Iane in olympum,

Vt timeam præceps in caput ire meum,

Bellerophonteis me tollis in æthera pennis,

Cui uix cæratas Dædalus insuerit.

Ad Pompeium Columnam.

Fontes dant latices suos perennes,

Fert testas mare, squameasq; gentes,

Producunt nemora arbores, ferasq;

Flores prata nitentia, arua messes.

Cunctis ingenium suum esse rebus

Natura instituit benigna mater.

Heroum at proprium est, deumq; munus,

Largiter dare liberaliterq;.

Heros splendide, splendidumq; sydus,

Cæli quod nitet inclyta e columna,

Talem te genuere di parentes.

Ad Simonem Porcium.

Quid maius Porci a dijs immortalibus unquam

Optandum uotis, perpetuaq; prece?

Es tu Parthenopes ciuis, quam dicere ocellum

Ausim orbis, clarus, diuitijsq; potens.

Præterea ingenio, succisq; Machaonis, atro

Vestigal Diti fortior extenuas.

Nec satis est uisum, res infra noscere lunam,

Scire etiam tentas quid faciant superi.

Ad Pompeium Columniam.

Subscriptum lexi do tuo libello,  
 Multæ ubi ingenij faces relucet,  
 Præstantes animæ Venusq; Amorq;  
 Pompei adueniunt, fidemq; certam  
 Fecerunt, adeo fuisse gratum,  
 Nulla obliteret insequens ut ætas.  
 Subscribent charites breui sorores.

In Tullum Hostilium.

Quod regem atq; parem Tullus nimia accipit ira,  
 Quis non Suffecij tristia fata fleat?  
 Ecce pater regum liparæos corripit ignes,  
 Cumq; domo Hostilius fulmine deliquit.

Ad Rotilium.

Pythij uiticulam auream, aureamq;  
 Regis Dauididæ, talenta Cræsi,  
 Persæ diuitias potentioris,  
 Admirabitur occupatus illis.  
 At nos carmina sæpe missitando  
 Citro ultroq; uti iusserint camænæ,  
 Pluris uersiculum æstimemus unum  
 Tornatum appositeq; ex eleganter,  
 Quam Plutonis opes, opesq; Nerei.  
 Rotili his animi bonis beati  
 Sumus, qui colimus nouem sorores,  
 Assurgit quibus omnis arx olympi.

## Ad Marium.

Vis carus cunctis, nulli uis esse molestus?

Da, cape, posce Mari, plurima, pauca, nihil.

De tribus puellis.

Tres quondam dubias sortes iecere puellæ,

Ecqua prior tristis per Stygis iret aquas.

Omnibus una eadem sors iacta, proinde cachinno

Excepta est sortis uana superflitio.

At non uana fuit, post paulo ab culmine tecti

Præcipites eandem mortem obiere simul.

In libello Aphrodision.

Heus lector absq; calculis babylonijs

Diuino, ubi hæc perlegeris, quid sentias.

Lasciua nempe, et molliter quæ pruriant,

Plusquam libelli Elephantidosq; et Lælij,

Quæ languido et demortuo excitent caput,

Hæc prorsus esse, autorem identidem leuem

Mollemq; ni hominem forsitan nosti probe.

At falleris uehementer, an ne autore uel

Quicquam est modestius, uel est minus leue?

Occulta tandem causa, cur id fecerit.

Agnosce nunc uersatile ingenium uiri.

In eodem ad lectorem.

Causa animi, curasq; leuans, nimiosq; labores

Parrhasius luctas pinxit et has Veneris,

Atq; alij, quos non est aspernata uetustas,

Nec famam inuenit non labor ille suam.

*Si me audis lector, prima nil fronte notabis*

*Censor atrox, obeli cuspide terribili.*

*De eodem.*

*Si quem sollicita atq; acerba cura,*

*Et cor quæ terit anxietudo iniqua,*

*Si tristis labor, atq; bilis atra*

*Vexarit, genio sacris peractis,*

*Ad nostrum uenias amice asylum,*

*Præsentiq; ope, subleuatus esto.*

*Naturæ omniparentis hic secunda*

*Vides semina, nobilesq; formas,*

*Suum quis homines genus propagant,*

*Rerum qui imperium gerunt potentes.*

*At nec sic oculum abstinete quæso*

*Præstanti sapientia catones.*

*Extra scilicet arbitros licebit*

*Me percurrere, et explicare frontem.*

*Solacismus enim ut decet poetas,*

*Sic nostro in studio decet seueros,*

*Nam nocent nimis seueritates.*

*Possum præterea grauesq; morbos,*

*Et senes recreare lippientes.*

*Demum, si mulier, procul sed omen*

*Sit maioribus hostijs leuandum,*

*Qualiscunq; quidem, meas figuras*

*Horrebit, rabie feraq; erinny*

*Illam dicite plus nimis teneri.*

VAR. POE.

Non ulla est medicina, iam parate  
Extrema huic miseræ, expiate et urbem.  
Monstrum non grauius uidebit orbis.

At esto hoc procul, at bene oîinemur.

Ad Ferrandum Austrium Pannoniæ regem.

Quis ferat ex Ithaca fruges ad Gargara læta,  
Ut permutata merce reportet equos?

Quis lentem Arsinoen? quis palmas portet Idumen?

Quis Bacchi laticem massica ad arua ferat?

Quid Ferrande lucri accedet mihi? carmina mitto

Stultus ego ad musas Austriæ in emporium.

Ad Vrsū.

Næ tu es tam grauis Vrsæ, quam disertus,

Tam comis lepidusq;, quam seuerus,

Qui partem mihi non malo sodali

Fecisti modo dulciariorum,

Quæ tibi pueri tulere grati

Martinalibus optimis dierum.

Ut illos bene ament dei deæq; ,

Dignos te pueros duce ac magistro.

Istos despiciamus Vrsæ, tristi

Cum supercilio suo catones

Osores charitum elegantiarumq; .

Istos cum uenia bona sinamus

Esse sollicitos, et esitare

Lugubremq; fabam et ferum lupinum,

Aut betas fatuas, uel absq; oliuo.



At quos conciliant nouem sorores,  
 Hi læti ambrosiam atq; dulce nect̃ar  
 Libant cum superis, Venusq; et omnis  
 Hos ornat charis, et facit beatos.

Epith. Ferrandi Dauali.

Dauale, non alio moriendum tempore, quum iam  
 Ad summum euasit gloria digna uiro,  
 Sunt nulla ultra hominum uestigia, te uocat ordo  
 Heroum, expletum uade alacris numerum.

Ad Ferrandum Eustochium.

Tot promissa ergo rapuere in nubila uenti,  
 Et proiecerunt in pelagus siculum,  
 Nicoleoq; mibiq; paras expendere pœnas,  
 His quando expositos nos finis esse malis.  
 Perfidiam in socios et amicos Iupiter odit,  
 Vt quæ de uita tollit amicitiam.  
 Heus Ferrande uide, mutato nomine, ne sis  
 Dystochius, fueras qui prius Eustochius.

## LIBER OTAVVS.

Epithalamium Cæsaris et Isabellæ.

Mensis adest nitidus, nitidis qui floribus omnem  
 Vestit humum, atq; ardens arma resumpsit Amor.  
 Cypris adest, roseisq; corollis floriferum uer  
 Vincitum, cum nymphis ter pede pulsat humum,  
 Ter pede pulsat humum, longam ducitq; choream,

In numerum nymphæ ex ordine profiliunt.  
 Omnia nunc rident, exultant omnia, mundus  
 Sublimi gaudens personat harmonia.  
 Stant circum satyri, stant panes, semideiq;  
 Stant etiam magni dy, ueneranda cohors.  
 Quin ardent satyri, ardent panes, semideiq;  
 Ardent et magni dy, ueneranda cohors,  
 Dy magni, quorum dux Iupiter, inclytus inter  
 Quos Cæsar factis et pietate nitet,  
 At magis ore omnis procures supereminet. illum  
 Nymphæ ardent, quantum Pelea pulchra Thetis  
 Fertur, ad æthiopas conuiuia læta frequenter  
 Ipsum olim cum dys concelebrasse Iouem.  
 Nunc aliter uisum, hesperios, solemq; cadentem  
 Sæpius inuisit Iupiter altitonans.  
 Nempe aræ hic passim fumant, et odoribus balant,  
 Quin multo mens est purior hic hominum.  
 Omnis enim feritas, quam uidit cana uetustas,  
 Fracta est, non Marti uictima dira placet.  
 Quare huc confluitur late terraq; mariq;  
 Non fluuij nymphas non uada cœrula habent.  
 Inde fessipedum currus sublimis equorum  
 Neptunus ducit dorsa per alta maris.  
 Non pater Oceanus cunctatur, non bona Tethys,  
 Quauis sint cura, canitieq; graues.  
 Quis referat pompam, longo cumq; agmine nymphas,  
 Quas ducit Nereus altor et ipse deum?

Quis uarios modulos, mira dulcedine cantus?  
Tritonis concha ut dirigiturq; phalanx?  
Latuijs campis concurritur undiq; quondam  
Certatim Pelopis non ita ad emporium.  
Auroq; electroq; atq; argento, atq; elephanto  
Cælatos graphice est cernere quadriugos.  
Quis reges? quis diuina facie heroinas?  
Non centena uirum linguaq; uoxq; ferat.  
Lusitanorum fulsit quum deniq; sydus,  
Quale ante auroram mane nitet Veneris,  
Quale nitet sudo in cælo Hyperionis astrum,  
Amittuntq; suas sydera pulchra faces.  
Cunctorum uirgo in se oculos conuertit, et unam  
Suspiciunt nymphæ, suspiciuntq; dei.  
Mirandamq; magis pater efficiebat, et idem  
Rex, cuius uirtus maxima in orbe fuit,  
Mirandam gemmæ, mirandam purpura et aurum,  
Rarus et e rubris unio uestus aquis,  
Quas domitis pater altus opes et frater ab Indis  
Iussit ad Hesperios classe potente uehi.  
Mirandam phaleræ, Vulcani opus, et labor ingens,  
Arte smaragdum adamas implicat eximia,  
Virgineos adamas expugnaturus amores.  
Bella hæc lemniacum non latuere deum.  
Quamquam auro hesperij telluris munere abundant,  
Atq; adeo est flauī diues harena Tagi.  
Lusitana ratis feruentem intendit in Austrum,

## VAR. POE.

Metamq; antiquis transijt impositam,  
 Antea et ignoti æthiopes panduntur, et indi,  
 Antipodesq; domus panditur Oceani.  
 Hinc tantum gemmæ auctum, tantumq; metalli,  
 Quantum fors Orci non habet ipse deus.  
 Non gemmas Cæsar miratur, dona superba  
 Vulcani, in dia uirgine totus erat,  
 Hanc oculis lustrat, perfecta uidetur ad unguem,  
 A summo ad calcem uertice tota placet.  
 Sed postquam ignis edax pectus descendit ad imum,  
 Vinci ante ignarum uicit inermis amor.  
 Poscenti Augusto permisit frater, et idem  
 Rex nuptam, Augusto quis neget æqua dare?  
 Ipsa etiam Augustum, paribus percussa sagittis,  
 Exoptat uotis mente Isabella pari.  
 Audierat fati portendi iam sibi magnum  
 Augustum, uirgo credula fata manet.  
 Omnis dempta mora est, per aquâ iuratur et ignem,  
 Sol raro uidit fœdera pulchra magis.  
 Inuidere dei, nymphæ inuidere nitentes,  
 Mutassetq; suum Cypria loripedem,  
 Nimirum iuvene et rerum domino, sed et ipsam  
 Fortassis uoti Pallada pœnituit.  
 Disimulant tamen, et choreæ miscentur, et omnis  
 Perstrepit exultans regia lætitijs.  
 At sol ut fuluum occiduis caput abdidit undis,  
 Et crines rutilos Hesperus explicuit,

Musa refer uinumq; uetus, nectarq; deorum,  
Et maiestatis cuncta referta deum.

Vt tandem lusus finem reperere procaces,  
Et modus est epulis factus ex ambrosijs,

Eæ puellarum duplex chorus astitit inter  
Heroum mensas atq; deum tripodas.

Parcarum reor alternis dictata canebant  
Non sine diuino numine carminibus.

Ferte faces pueri, spinos incendite, non est  
Cunctandum, sua nam tempora poscit Hymen.

F lameolum afferto matrima patrima puella,  
Quid stas? nam gallus temporis admonuit.

Sparge marite nuces, ni nummos spargere mauis,  
En Hymenæus adest, io Hymenæe Hymen.

Quid refugis uirgo? uanum deponere timorem,  
Dura hæc non longa in tempora, mollia crunt.

Solicitas curas, paulumq; remitte seuera  
Consilia, hæc hilaris non Hymenæus amat.

Cruda relinquuntur uiridi super arbore poma,  
Mitia facta suo tempore lecta placent.

Pro, pueri insignes, ex adorea ferte puellæ,  
Et rerum ex sobolis copia profiliat.

Non belli minus atq; domi celeberrima crines  
Cum sole extendat gloria sydereos.

Ex hedera ex myrto contexitte ferta puella,  
Cumq; Hymenæo adsit Bacchus ex alma Venus.

Vtq; hedera ex myrtus uiridi florete iuuenta,  
p.i.

VAR. POE.

Vtq; bedera alternis nexibus impliciti.  
 Quæ mora? sublimem famulæ trans limina ferte,  
 De thalamo en sponsus prælia inire parat.  
 Neu uos maiestas regum deterreat, ora  
 Iam fescenninis soluite carminibus.  
 Dij meliora tamen, procul hinc, procul este maligni,  
 Mens uigeat uegeto in corpore perpetuum.  
 Ore fauete omnes, linguam phlegethontius ignis  
 Vrat, quæ nouit non nisi triste loqui.  
 Parce metu, in nostro nihil est, quod pellat ab aris  
 Iunonis longo ueia puella sinu.  
 Nostra et in historijs qualis cantata feratur  
 Penelope exemplo et laude pudicitiae.  
 Tanta et amicitia inter uos, concordia tanta,  
 Magneti et ferro quanta iubente deo est.  
 Vt phoenix solem, magnes ut suspicit Arcton,  
 Sic certent radijs lumina uestra suis.  
 Nox abit, heus famulæ, si sunt rite omnia facta,  
 Alcides noster soluere uincla cupit.  
 Quæ mora? adest uirgo, iam sunt rite omnia facta,  
 Despuite in molles cum prece quisq; sinus.  
 Nascatur proles fortunatissima, quæ uos  
 Quæq; ipsum superet Dardani Erichthonium.  
 Et transcendatis felices pensa sororum,  
 Deniq; sit quicquid somnia ferre queunt.  
 Iupiter omnipotens precibus bonus annue nostris,  
 Si te præcipuo Caesar honore colit.

*Quæq; præes partu, expers partus inclyta uirgo,  
Et regina deum fer bona semper opem.*

*Ad Michaelem Maium.*

*A cipe Mai omen, si a Maïo pulchra nitenti  
Hymnus habet magni Cæsaris auspicia.*

*Sic te Cæsar amet, Mæcenæ conciliato*

*Augusto uatem, uatis et officium.*

*Ad quatuor fratres Coppulas.*

*Ad portum unanimes boniq; fratres,*

*Dum soles tepidi rigente bruma,*

*Dum malacia, testulaq; passim*

*Inuitant scopulis inhæsitantes,*

*Mecum sæpe soletis aduenire*

*Apricatum, animi leuatum et æstus,*

*Nempe uos studijs laboriosus*

*Estis quatuor occupati, et estis*

*Vrbi præsidio, et salutis egenis,*

*Bini mirifici in foro patroni,*

*Bini ægros medica arte subleuantes.*

*Quam diuersus ego feror feroci*

*Deum numine? me suiculosis*

*Addixere, loquaculisq; musis.*

*Nec prosum mihi, nec meis amicis.*

*Aeque militiæ ac domi otiamur.*

*Ad Scipionem Capycium.*

*Non alio uisum numero mihi docte Capyci*

*Cæsaris inuicti scribere lætities.*

# VAR. POE.

Consulto est igitur factum. seruare decorum

Nemo unus numeri plus adhibet studij.

Felices græci, quibus est concessa facultas

Dicendi a fatis omnia liberius.

Ad reges Christianos.

Creditum est, Maïæ puerum Argicidam

Sæpe demissum tenues per auras

Ferre mandata a genitore diuum

Præpete penna.

Nam Ioui sunt res hominum supremo

Maximæ curæ, et benefacta regum,

Nempe sunt reges genus atq; proles

Certa deorum.

Venit Aegistho a Ioue nuntiatum,

Non suo prorsus thalamo abstineret.

Pergat, ultorem scelerum ferocem

Affore Orestem.

Causa non longe absimilis, pelægis

Troicum strauit pelagus carinis,

Strauit et graijs nuribus relictis

Frigida corda.

Hinc labores per decimum decembrem,

Fronte quum curua gemuit Scamander,

Ilij ad seros cineres, et usq; ad

Fata suprema.

Culmen ex illo imperij migravit

Pulchram in Europam ex Asia, migrarunt



*Dij salutare, dea consequuta est*

*Fors pede dextro,*

*Donec ignauos Orientis ora*

*Nacta ductores male sentientes*

*De deo græcos, iuga seruitutis*

*Barbara fleuit.*

*Milem tandem auxilio latinum,*

*Et cruce insignem Solymos petentem,*

*Pro scelus, græca leuis imperator*

*Prodidit arte.*

*Pro scelus, tantum stygius triumphum*

*Hostis elusit, monitis deorum*

*Impias Christo truculentus hostis*

*Clauserat aures.*

*Sic dolis uentrem crocodilus explet*

*Lachrymas fingens, ita blandiendo*

*Simplicem captat leporem, ac iocando*

*Callida uulpes.*

*Non tamen diui capiuntur ullis*

*Fraudibus nostris, manet at nocentes*

*Pœna, eo demum grauior, quo ad atrum*

*Serior Orcum.*

*Nos deis, quæ per scelera, imputamus,*

*Acidunt nostra, & meritam ultionem,*

*Fataq;, astrorumq; necessitatem*

*Remur inepti.*

*Clara uos reges superum propago*

# VAR. POE. III

Nuntijs diuum faciles dedistis,  
Marte pacato facibus Diones,

Hactenus aures.

O mihi Smyrnæ lyra traderetur,  
Laudibus ueris canerem, celebrent

Ore quæ pleno, resonoq; cantu

Postera seclæ.

Nobilem uictō Arsace contumaci,

Iam domo Christi, imperio ac recepto

Deniq; eoo, mea nunc adornat

Musa triumphum.

Ad Francum et Victorium.

Arma uirumq; cano, latij qui exordium Homeri

Esse negat, grai negat.

Vno Anchisiade, Aeacidesq; et durus Vlysses

Redditur, ingenio hic promptior, ille manu.

Librorum numerus quauis exilior, ordo

Est idem, et modo non est eadem historia.

Verum ille Oceanus, noster, maria omnia, terras

Quæ feriunt albis fluctibus interius:

Laude sua haud quisquā fraudādus, quum nihil obsit

Magno illa, ut uulgi est fabula, Virgilio.

Non aliter sensit de magno noster Homero

Vates, Aeneis non facit ipsa fide m.

France uides, Victorq; uides, quanti omnibus horis

Scriptores uestros musa latina facit.

De quercu miraculum.

Precipiti torrente, atrum quæ ressit imbrem,

Et quæ uentorum flabra nimica tulit,

Vertice contingens cælum, nigra tartara fibris,

En prostrata iacet quercus amata Ioui.

Non uentis prostrata quidem, non icta securi,

Sed temere in faciem cernua pressit humum.

Fleuerunt nymphae, satyri, fleuere comati,

Quos scæna, ardente est sueta fouere dies.

Ad Ianum Fortium.

Plurima de nobis licet admiranda potest fors,

Deprimit eximios, erigit exiguos,

Deponitq; supercilium, fastusq; superbis,

Vim licet his auri flumina fulua ferantur.

Non uiburna quidem uenti, lentasq; gemstas,

Sed platanos, pinos, robora deiciunt.

Ne te pœniteat in Forti ignobilis otii,

Nam sæpe e summo uis animosa cadit.

Ad Pyrrhum Antonium Maranum.

Vna tu quoq; plusculis diebus

Paganus, puer es Maranè mecum.

Num uita est tibi rusticana cordi?

Nil cunctatus adhæc, ita ore pleno

Respondes, tibi carcerem uideri

Urbem, præ uiridiq; floridoq;

Rure, quod satyri, coluntq; nymphae.

Quid si incommoda permolesta nosse

Vrbis, quæ satyræ baud ferant trecentæ?  
 Quid si comoda perbeata ruris;  
 Quæ Phœbus facilesq; amant camœnæ?  
 Quanto tu uehementius probares  
 Tuum iudicium graue ac seuerum,  
 Non dignum puero, leuiq; causa.

Ad Lauram Messalæ.

Quæ mens, quisue animus tibi  
 Tandem Laura? meum tristibus obsecro  
 Messalam ignibus ureres?  
 Non belle feceres, atq; adeo impie  
 Pol uirgo faceres, suis  
 Qui te perpetuo plus oculis amat.  
 Ab Peneia, parcius  
 Vatem, parcius ac mollius ufferis.  
 Ne ablega incelebrem chelym,  
 Præconesq; tuos, ne aonidas fuga.  
 Olim dissidium fuit,  
 Olim illa, illa simultas, odiumq; atrox.  
 O factum male, quis deus  
 In cælo magis est clarus Apolline?  
 Nec tellus alium uidet.  
 Admetus locuples testis, et illius  
 Omnis regiaq; et domus,  
 Et syluæ et nemora et pascua pinguis.  
 Quin et certior est fides,  
 Nam clarum perhibet fama recens deum.

At Ladon liquido pede  
Extinctum penitus sub mare detulit.  
Quod discordia contumax  
Virus Tisiphones differuit soror.  
Mansit perpetuusq; bonos  
Flammæ nobilis ac perpetuum decus,  
Ornaturq; lyra, arboris  
Dilectæ folys inclyta, laurea  
Cingitq; aurea tempora,  
Nec tantum puduit, nec pudet hoc deum,  
Quo nil est sapientius,  
Exemplo, reor, ut post foret omnibus.  
Nulla est uis adeo potens,  
Quæ aduersa steterit fronte Cupidini.  
Ambos nec latet, utpote  
Phæbiq; et pueri uos, pharetram igneam  
Qui ignitis humeris gerit,  
Formidant quem homines, quem metuunt dei,  
Ex illo usq; satellites,  
Quam pœnam dederint ista ferocia,  
Ista immitia pectora  
Non parentia tam terribili deo.  
Ad Basilium Sabatium.  
Nos quod habent isti pretij nullius, et esse  
Terræ aiunt natos, tu quoq; fac nihili.  
Exuys certe Basili superamur, et auro,  
At longe interna uincimus arce animi.

VAR. POE.

Deponant isti melibœam, purpuram & aurum,  
Nil erit externo uilius in populo.

Contra, non unquam præ dius fulsit Vlysses,  
Quam quum seminecem condidit alga uirum.

Ad Hieronymum Serenum.

Credere quæ mira fecit bonitate supremus  
Rex hominum, & rerum cœlicolumq; pater,

Hoc, intelligere est. facile intellecta sereno  
Pectore luceſcunt, mensq; ibi læta manet.

Illa uelut tenebris, præ oculis quæ forte tenemus,  
Quærimus, aduentu lucis aperta patent.

Cui rerum ratio nota est Hieronymè, credit  
Hic animo certo, & numina certa colit.

Ad Delon insulam.

Delos, quis ego te nominibus rite uocem, mihi,  
Quando multiscia, & diuina quoq; es, significes uelim.

De te mira feruntur, pelagi quin stupor es merus.  
Nam quæſo quid eras, quum exeruiſti caput arduum?

Nunquid de nullo? uisceribus num scopulus maris  
Reuulſus penitis? tum quibus innixa ualentibus

Es tibicinibus? tempora quis longa pepercerint,  
Et radicibus altis cyclades undiq; uinciant.

Nam per dorsa maris carula, fert fama uetustior,  
Latonam latebris quum acciperes, te fluidam ac uagâ,

Matrem ob pignora præſolicitâ, prætimidam, incluta  
Scrutari hæc adeo mira quis unquam potuit, licet

Vrinator, & ipſe eximius de grege Protei?

Per miracula te diua precor, nomina per tua  
 Non uulgāda homini, impuneq; nusquā edita perperā,  
 Sic non ulla noueræ ira, odiumq; insaturabile  
 Vexarit, precibus aggredere, amplectere Apollinem,  
 Vt parcat pbaretræ, romulidas iam petijt satis  
 Telis tristibus annos prope septem, atq; adeo amplius,  
 Quum lux Oceano baud oculuit se indiga funerum.  
 Tandem parcite, uestrum est misereri siquidem dei.  
 Ad uestra en genua procidui uota recepimus.

Ad Coriolanum Martyranum.

Multo equidem plus conscripsi quam forte putaram,  
 Pro siren uexit longius in pelagus,  
 Falce opus in ramis resecandis, quos sine fructu,  
 Et sine laude sua Cortolane putas.  
 Teguando elegi censorem, postera si ætas  
 Offendat quid iners, imputet illa tibi.

Ad Marcum Antonium Carlinum.

Cur fuerit cordi mihi rerum lanx uariarum  
 Quid causæ tandem Marce fuisse putas?  
 An quia tam stomacho fuerim teneroq; leuiq;  
 Vt commutandæ sæpe dapæ fuerint?  
 An quia perpetui lassant magis æquora campi,  
 Atq; uiatori fit uia longa magis.  
 Sed modo si syluæ, uiridi modo uertice colles  
 Occurrunt, breuior fit labor, atq; uia.

Ad Scipionem Capycium.

Dum latitat uirgo studijs intenta Mineruæ;



VAR. POE. I

Merx cara est, magno et Phædria quam redimat.  
 Hanc olido mox prostantem sub fornice, uili  
 Non emat asse quidem, nam uenus omnis abit.  
 Acrisij Danae testis inclusa paternis,  
 Omnibus anteibat candida uirginibus,  
 Carminibus celebris, sed ubi est corrupta tonantis  
 Fraudibus, hanc uates destituere sacri.  
 Inachis illius stupor æui, argentea uirgo,  
 Nubipotentis amor, magna; cura Iouis,  
 Quondam Argo uigili, et uigili adseruata dracone,  
 Nunc Phorci ad natas exposita est misera.  
 Et Ioue Mercurio; et Bellerophonte Capyci  
 Est opus, excelsa hæc non mea dextra petit.

Ad Cosmum Pinellum.

Non uotis precibusq; lacrymisq;  
 Deorum auxilia incolarum olympi,  
 Ut putant uetulae atq; templilingæ  
 Istæ, quæ Iouis aucupantur aures,  
 Sed Pinelle parantur et labore,  
 Et cura, uigilando, consulendo,  
 Recte deniq; nauiterq; agendo.  
 Quid mirum est igitur, si opes sequuntur  
 Te uel sponte sua, tot atq; tantas  
 Res, læte atq; adeo illaboriose  
 Si potes tribus explicare uerbis?

Ad Christianos.

Iupiter e cupis in nos letale sinistris;



Quod pote diffundi, deicit heu miseros.  
 Non bella intestina satis, furit altera Erinny  
 Ecce fames, ecce et tertia dira lues!  
 Mox e diuerso cædit Pan terga flagellis,  
 Nec quisquam, et præcepit fuga, persequitur.  
 E xternum uideo, ni mentem aduertitis, hostem,  
 Qui sumat pœnas tot scelerum meritas.

Ad Marium Galeotam.

Annus quid possit scalaris, terq; nouenus,  
 Auertant diuum numina dextra Mari.  
 At Galeota tibi sunt nota oracula Phœbi  
 Fatidica usq; etiam matre ab Hyperborea.

Ad Castricum.

Crimina iniusta tibi tandem constantia uicit,  
 Inuidiam uicit Castrice amice fides.

Ad Theombrotum.

Aeternas animas fore crede Theombrote, sed ne  
 Propterea te alto e culmine præcipita.

In Trullum.

Quid ferox minitaris, ac Tiphoeus  
 Si sis, centimanus Gygesue Trulle?  
 Iota i hominum grui minatum.

In Rufum.

Es totus fel, atq; absynthia Ruse, uideri  
 Et uis cœlesti dulcior ambrosia.  
 Es uomica, es forica spurca, et uis Ruse uideri  
 Deliciosior et blandior ante deos.

VAR. POE.

*Esq; rapacior harpyis et erinnybus Orci,  
 Et splendore ipsum uis superare Iouem.  
 Dũ te et diuitias male perdant tam male partas,  
 Perniciemq; luemq; et patriæ opprobrium.  
 Ad Perillum.*

*Næ tu plus sapiens satis Perille es,  
 Qui deos superos rogas, petisq;  
 Certa, et quæ digito indicare possis.  
 Non mater fatua illa sit putanda?  
 Quiq; delphica condidere templa?  
 Qui, quod foret homini optimum, precati  
 Mercedem retulere singularem,  
 Nanq; est reddita mors repente merces,  
 Merces supplicij sat apta ineptis.  
 Multo numina liberaliora  
 Sunt his, qui petere sciuntq; et audent.*

*De animi constantia.*

*Gratias somno meritas habemus,  
 Qui nigris alis ueniens ab Orci  
 Faucibus, sublimi animo supremis  
 Me fore fatis  
 Somnio horrendo docuit. uidebar  
 Arbitrum sæui Phlegethontis alto  
 Corde et inuisito, dubia atq; atroci  
 Sternere pugna.*

*Mens adhuc horret meminisse, quantum  
 Tum mihi exhaustum fuerit laboris,*

Quæq; ab ardenti caput hostis atrum  
     Vulnere flammæ  
 Hauserint, non sic rapidi coruscant  
 Quum Iouis dextra eiaculatur, ignes,  
 Inter et densas nebulas olympus  
     Scinditur ardens.  
 Quum mihi flamen Lachesis supremum  
 Neuerit, porta pater et deum rex  
 Cornea dexter facilisq; mitte hæc  
     Fortia uisa.

Ad Syluanum.

Hanc Syluane tibi muscoso in cespite porcam  
     Cædimus, ut uiuo sanguine tingat humum.  
 Lacte fauoq; nouo en pinguem mactauimus aram,  
     Pampineis fertis tempora uinctus ades.  
 Lætus ades, tristemq; manu, quæ finibus arma  
     Concutit, inuictæ nomine pelle deam.

Ad Annibalem Baronem.

Syluanum ueneremur, atq; rite  
 In nostros precibus uocemus agros,  
 Ut fines tueatur, emicetq;  
 Pax, concordia, fraus dolusq; abesto.  
 Te inuitant sacra, mi Annibal uenito.  
     De speculo.  
 Quisquis es, aut summa scandens, aut infima calcans,  
     Exemplum uitæ sæpe cape speculum.

VAR. POE.

*Si nil in te est non laudandum, enitere totis*

*Viribus hoc ipsum perficere officijs.*

*Si bona naturæ, si desunt corporis, omni*

*Contende ingenio sufficere officijs.*

*Ad Domicillam.*

*Qualis amor noster fuerit Domicilla, perenni*

*Testificabuntur tot monumenta fide.*

*Te informem accepi, sine re, sine nomine, linguam*

*Ornatam rebus carminibusq; meis.*

*Non parsum impensæ, non diua laboribus ullis,*

*Te dum te dignam restituo in speciem.*

*In Rufum.*

*Si tunc opus est medico tibi, seu tonsore, uel atro*

*Fullone, aut siquid uilius esse potest,*

*Carmine concilias, mercaris carmine, parcens*

*Rufe opibus, quæ te tam male semper habent.*

*Vt pollinctore, et sit uestillonibus usus*

*Omnibus ante tuis, tuq; supremus eas.*

*Ad D. Mariam et D. Nicolaum.*

*Cælitum regina, Iouisq; mater*

*Si tibi rerum decimam mearum*

*Rite persolui, ut Domicilla testis*

*Lauria nympha est.*

*Suntq; Pompeij nemora atq; colles*

*Lætæ spectantes Clani, et bicornis*

*Lætæ Vulturæ, nitida ac Maricæ*

*Aequora testes.*

Tuq; Pinetis caput in niuosis  
 Oculens canum, pater es locuples  
 Testis Apennine, tua atq; testes  
 Per iuga nymphae,  
 Ut mihi olim Nicolet ouile  
 Cum grege affecto penitus ueterno  
 Traditum ambustum bimari in recessu,

Hic ubi Crathis  
 Aesaro occurſat tacite profundis  
 Abditus terris, Adriæ ex tumentis  
 Fronte Neathus Sibarisq; curua  
 Littora tundunt,  
 Fortis Alcides uelut, adlaborans  
 Ac parum parcens opibus paternis,  
 In nitorem reſtitui, perenni  
 Laude nitentem.

Gratiam diu meritam referte.  
 Pura mens præſit, ualidum obſequatur  
 Corpus, hoc inſtar mihi maximorum  
 Imperiorum.

Ad Petrum Pheretrium:

Haud ſecus atq; Iouem decet hoc te nobile nomen,  
 De pheretro extinctos ſi reuocare potes.  
 Illi morſu caſis ducibus, tibi uita Pheretri  
 Ob tot ſeruatos nomina clara dedit.

Ad Iulium Vitellum.

Ante Pbryga Aenean præclara Vitellia gens eſt,  
 q. i.

Ipsū quod nomen nobile significat,  
Inde genus ducis, miris quod laudibus ornant

Iuli, quæ in cunctos congeris officia.

Hæc sæpe expertus, tacita testudine præter-

Mittam? non ego, sed carmina cana canent.

Ad Nymphas laurias de Merine

Sanseuerinia.

Nymphæ fontanæ uobis formosa Merine

Lecta suis manibus floridaserta tulit;

Inuisit uestros nitidos nitidissima fontes;

Haud puto uos uret tristior inuidia.

Vos dominae labris latices stillate niuales;

Siue uolet niueas illa lauare manus.

Felices nymphæ, quibus est concessa facultas

Spectandi lusus deliciasq; deæ.

Ad deos montanos.

Antraq; nympharumq; domus; fontesq; sub altis

Rupibus, ex uiuis proxima Lauris aquis;

Tuq; potens syluis, Maia clarissima proles;

Panq; pater, si uos rustica dona mouent,

Hæc lati liba, ex plena hæc carchesia Bæabo

Accipite. hæc uobis munera lecta fero.

Ad Musettam.

Iam me iam uitæ piget, ante ac pœnitet ætæ,

Ætæ sub domina Cypridos imperio;

Subq; alijs, diuæ qui parent, mille tyrannis.

Proiuuenum indignum ac flebile seruitium.

Illæ heu quum subeunt curæ, noctesq; diesq;  
 Plenæq; corda illis sollicitudinibus,  
 Insomnes noctes inter suspiria, et inter  
 Igniuomos gemitus, cordiuorasq; faces,  
 Horresco, gelidusq; emanat pectore sudor.  
 Quæ uox, ferrea uox, illa nefanda ferat?  
 Non rerum ratio, uitæq; amentia discors  
 Sed temere imperitans omnia præcipitat.  
 Inq; ignes, inq; arma ruit uis incita amoris,  
 Offusa inq; oculis, inq; animo nebula.  
 Non maris in cælum pugna, insanæq; procellæ,  
 Ventorumq; omnis conglomerata manus,  
 Non acies cæli, tonitrusq; et tela trifurca,  
 Ac tota incendi regia uisa Iouis,  
 Tantulum abydenum iuuenem remoratur amantem,  
 Quo minus in medium se iaciat pelagus.  
 Sestias hunc illi uirgo succenderat ignem.  
 Hæcæine, dū superi, uis in amore uiget?  
 Quanta senectuti debetur gratia, quæ nos?   
 Ex hisce in portum fluctibus appulerit.  
 Heu cur tam longo distant, gens optima, tractum?  
 Hæssenij, quos non mæcerat ulla uenus?  
 Res miranda quidem, non illam femina terram  
 Intrat, et est populis terra referta satis.  
 Hic pietas, hic sancta fides, hic omnia frugi,  
 Hic ego crediderim uere habitare deos.  
 Quippe ubi nulla uenus, nulla et mæsfuada uoluptas,

# VAR. POE. II

Et rerum tristis fœmina perniciēs.  
 Cunctorum hæc semper caput et sentina malorum,  
 Vel repete annales condito ab orbe sacros.  
 Hinc bella, interitus populorum, eversa; regna,  
 Conspersa; undæ classibus æquorea.  
 Hæc Asiæ Europen toties concurrere adegit,  
 Nec vastis Libyes æstibus abstinuit.  
 Quid refero externa, aut Thebes, aut funera Troia,  
 Quicquid et antiquis creditur historijs?  
 En grauis Italiam differt erumna tot annos  
 Ferro, igni, tetra peste, rigente fame.  
 Heheu quam metuo tibi Roma, suprema malorum,  
 Tot circumsistunt te miseranda minæ.  
 Parthenope læto aspiciat te Iupiter ore,  
 Fortunæ immitis nam timeo inuidiam.  
 Quo fato insubres nostri petiere hymenæi,  
 Quos Styx flebilibus uocibus acinuit?  
 Euolue annales Musetta, et fœmina semper  
 Fons erumnarum, pes fuit, atq; caput.  
 Ad Iulium Bosonem.  
 Præta floribus mihi  
 Non picta Boson, non placet susurro  
 Molliore leniter  
 Quæ spirat aura e montibus propinquis,  
 Non nemus uirentibus  
 Vmbris opacum, non aues canoræ  
 Cantibus deos suis



Nymphasq; mulcentes, sub æstuantis  
Sirij caloribus,  
Quum terra rimis funditus fatiscit,  
Non aquis nitentibus  
Fontes perennes laurjs in oris.  
Non camæna, quæ antea  
Erat leuamen omnium laborum.  
Heu maligna tempora  
Vexant quietam candidamq; uitam.  
Hinc furit ferox fames,  
Hinc pestilentia, ardor hinc Gradiui  
Miscet omnia asper, et  
Vulgo cadunt mortalium cateruæ.  
Quodq; uel graue est magis,  
Crebris flagello Pæn ferit tremendo  
Ictibus pauentium  
Abiecta corda, atros hydros uicissim  
Conferunt Erinnyes,  
Et ore latrat Cerberus trifauci.  
Annua retro uices  
Versæ minantur deniq; omne dirum.  
Nam quid aspra uult hyems  
Sublime Cancro iam tenente cælum?  
En deum strepit tuba,  
Nihil suprema non minatur orbi  
Tempore hoc miserrimo.  
Quæ morte multo est peior heu manet nos  
q.ij.

VAR. POE.

Vita, ni ferat manu

Opem ualente Iupiter supremam.

Ad Paulum Palmerium.

Portenta sunt portenta Palmeri, quæ heu

Videmus oculis, pro supreme Iupiter

Caritura porro ad posteros omni fide,

Portenta procuranda magnis hostijs,

Sub dio haberi cur senatus debeat,

Lustranda ad oppida, atq; placandos deos.

Horret uidere sol scelera mortalium.

Datura pœnas ultimis cruciatibus,

Obnubit ita frontem iubarq; lucidum.

Et horret adeo Cancer obliqui gradiens,

Et celsa cœli ad astra toruituens Leo,

Sedes tenentes feruidis ardoribus

Quondam perustas, frugibusq; idoneas.

Mutata sunt nunc omnia, ac uersæ uices

Rerum, Ceresq; flaua iam, corrumpitur

In latifundijs imbribus frequentibus,

Crebris procellis, ietibus crebris Iouis,

Ira sororis impotentis in uirum,

Craasis, rubrica pestilente nubibus.

Subsedit arbor Palladis, Phœbi uirens

Est tacta laurus perstrepenti fulmine,

Vltroq; quercus corrui Ioui sacra,

Concessit in noctem dies, obscænæ aues

Urbes frequentant, tristeq; ostentum lupi.

An fors repente antichtbones facti sumus?  
 Formica prudens, semitam tenuem terens,  
 Oblita opellæ ex horrei, segnis sedet,  
 Auesq; cantus atq; prolis annuæ,  
 Feræq; sunt oblité amoris mutui.  
 Natura prorsus ipsa iam parens stupet.  
 Et præter hæc tristes Erinnyes facies,  
 Tetros colubros nostræ in ora concitant,  
 Ditisq; cornicen tremenda nuntiat,  
 Luem, famemq; martiæ iræ exaggerans,  
 Tum tela tincta suggerit hydræ sanguine.  
 Extrema iam regina patitur urbium.  
 Formidat atqui mens referre cætera.  
 Quid ni supremòs affore autumem dies.

In fortunam.

Non dum sciebam eousq; progredi curas,  
 Tantas dolorum ac posse sarcinas ferri.  
 Fortuna docuit me magistra nunc demum.  
 Tantum dolebam incommotis leuibus olim,  
 Si uina sint diffusa, mortua ancilla,  
 Si triste triticum momorderit frigus.  
 Heu nunc lues maligna tradidit leto  
 Suauissima mihi quæq; proximis caros,  
 Dulcesq; amicos, quoniam iniqua conatur  
 In me incutere manum. attamen nimis falsam  
 Te ratio habet, sæua nihil auferes nostri,  
 Virtutis agmen quandiu latus stipat,

Hæcine promeritæ tandem mihi gratia uitis, pueri

Excedis tabulata procax, multoq; dracone  
Amplexa altricem luxoriosa necas.

N il benefacta mouent? sic Palladis immemor ira est.  
Cui baccas prohibes me impia. ferre. sacras.

De uino & oleo.  
Sunt gemini latīces, humana symbola uitæ.

Dum regnat Bacchus, uicta Minerva iacet.  
De testimonio christiane lucis.

○ Et aui Tyberiq; oculi per noctis opaca  
Cernebant, quidni credimus historiae?

Terrarum dominis, cæli rex symbola lucis  
Prima dedit, cæcis symbola pectoribus.

Ad Fabium Capellam. *Non Crassi mihi latifundia opto,*

Non gemmas, opulentiamq; Gyga,  
Hiri non ego scortcam famemq;

Sed nihil nimis est Capella cordi.  
Ad Ianum Franciscum Denticem in.

His mors praesenti subuenit auxilio.  
Ergo non lachrymis uiolemus funera lane,  
Praesertim quorum candida uita fuit.

Ad Hieronymum Geuaram.

Commune cur incommodum minus premit  
Priuo, uoluptas priua quum sit gravior,  
Dicant maligna nostra secla, quae sciunt.  
Nobis dolere, prodere tamen non licet.  
Geuara, nil miseriae homini libero est;  
Quam faucibus nequire compressis loqui.

De malignitate temporis.

O si iterum uideat rutilum iubar Heracletus,  
Et solis uideat lumina Democritus,  
Ii sunt iam mores, ea tempora, ut ilia rumpant,  
Hic risu, ille alto ac perpetuo gemitu.

Ad Albiam.

In uillam Licini secundum Acerras  
Diuersti, iubar occultente sole.  
Per laute accipimur, fatemur Albi.  
Sed Vultur nus atrox rigente flatu  
Dum flaret, rapidusq; Apeliotes,  
Fumus tota triclinia occupauit,  
Non qualis tamen e fociis sabais,  
Aut cedro redolente balsamoq;,  
Sed is qui est potis esse permolestus.  
Caenatum cubitumq; ut Aetnae in antro est,  
Quum fumat penitus, louiq; regi

Culit fulmina Malciber caminis,  
 Adhuc de lachrymis Seueriano.  
 Tument, pro facinus, tenelli ocelli.  
 Ad Bassum.

Si non uis mihi pertinax uideri,  
 Aut si non laqueum nota es perosa,  
 Confestim mihi redde Basse librum.

De urbis calamitatibus.

Tandem proterua fata princeps urbium  
 Heu Roma te accipere pessimis modis.  
 Aduersa numen euocatum iam tenet,  
 Ut os reclusit perminax deus, iaces.  
 Funesta præda et hostium ludibrium,  
 Et præda, quantæ præpotentis Ily  
 Sardisq; præda uix quota esset portio.  
 Nec Brutus ullus aut Camillus nobilem  
 Exponit animam pro penatibus suis.  
 At quis putasset Arsaces illos sacris  
 Hos esse tibi denuntiatis uatibus.  
 Non credidisses forsan ipsi Apollini  
 Hæc Roma, ceruix cuius æquauerat.  
 Nunc facta, misera iaces, sepulchrum ciuium  
 Cadauerumq; tristium, quæ dudum eras  
 Et elegantiarum, et altrix omnium  
 Rerum bonarum, magnifica, pollens, potens.  
 Quæ Roma te expiet manus? quæ pristinum  
 Potentia instauret re formet in decus?

Quis, stupra sacrilegiaq; cadesq; explicet?  
 Fœdata templa, dissipata sunt sacra,  
 Simulacra, signa, fracta conculcant pedes,  
 Quæ pretia præpotentium æquent urbium.  
 Despecta, deformata linqueris feris  
 Coruisq; uulturibusq; pabulum, uice.  
 Qui nunc sacrorum carminum dira occinunt.  
 Strigesq; ex ululæ occuparunt culmina,  
 Fecere quæ olim ipsis uel inuidiam deis.  
 At desino, nam lingua mensq; substitit  
 Referre, credant, quæ nequaquam posseri.

## LIBER NONVS.

De cōnualescentia Parthenopes,  
 Tandem dy superi uos, audiuerē uocati,  
 Estq; salus euge reddita Parthenope.  
 Heu heu dira lues dederit quæ corpora leto,  
 Non sint immitis commemorare dolor.  
 Ad reditum ciues accingimur alite, dextro  
 Experti patriæ commoda ab exilio.  
 In puerum uoracem.  
 Ficus surripuisti inique, nequam,  
 Fur, trifur, puer improbe ac scelesle,  
 Ut sint exitio maloq; fato,  
 Quales, quod fuerant dapes asello,  
 Quæ seni interitum tulere risu,



Quales excidium catonianæ  
 Quæ Carthaginis arcibus tulerunt.  
 Excernas rabie & cræore mystis.

De mirabili prodigio.

Procera quercus uiribus præstans humum  
 Cadens momordit, causa nec patuit mali,  
 Sed ossa per cucurrit intrepidus pauor.  
 Fudere cimbrî mox amara toxica,  
 Nec dum cicatrix uulnèri spem affert bonam.  
 Num surget olim uir refracta barbara?

Ad Adrianum Brantium.

Omnes te Branti callere fatebimur artes,  
 Si quid sit dicās, sum, deus, atq; monas.

In puerum.

Heus nequam puer, auribusq; surdis,  
 Pergis non facere imperata? sed non  
 Viuam, si capio, usq; battuendo  
 Si te non redolo affabre, examusim,  
 Quæ regum patinæ solent nepotum  
 Murenæ ratione polypiq;,  
 Exoffabere totus artuatim.  
 Habes quæ loquor? ultimumq; dico,  
 Ne dicas tibi non fuisse dictum.

Ad Budæum & Erasmm.

Quem potuit non dira lues, & erinnyes Orci  
 Conficere, aut Martis ira, feroxq; fames,  
 Confecere mali infelicia scripta poeta.



Non uirus parit hoc Africa deterius.  
Iam pereo, toto soluuntur corpore uires,  
Vt tristi illa Orco differat ira Iouis.  
Ni uos fertis opem Budæ & Erasme, salutis  
Spes omnis ficulum decedit in pelagus.

De caritate annonæ.

Non præpotentibus satis uisum est deis,  
Tot Martis inter fulminantis uulnera,  
Interq; fortunæ execranda spicula  
Nos fruge, & orno deslitutos fœnore,  
Multasse male, fructuq; felici, quem agri  
Olim ferebant consiti docta manu.

Heu poma syluæ denegant etiam sua,  
Rerumq; uallat omnium penuria.

Auersa tellus ora nostra, quæ prius  
Mater benigna fuit, nouerca diffugit.

Ad Cererem.

Hæc tibiserta Ceres, spicas Eumioschus inones

Dulci fraudatus spe iacit ante fores.

Ad Bacchum.

Sub pampinorum Baccæ sterilibus scænis  
Cantare tragicum, funebre aut libet carmen,  
Exusta uix quando imbuunt lacus uua.

In nequam sacerdotem.

Hem cui lupo commisi ouem miser? qui rem  
Sit belluatus, gurgitum omnium gorges,  
Penu Cbarybdis, Cerberus macellorum,

VAR. POE.

Somno studens tantum, gulæq; sus spurcus.  
 Natura cur hunc carcinum tulit terris?  
 Ceruice fracta cassidem miser quæro  
 Nunc demum, ubi salutis est defuncta spes.  
 Ineptus ego, qui nomini fidem fædo  
 Non, præferenti habui domesticos mores.  
 Mea culpa, quum persoluit iste manduco,  
 Quod fronte turpi nomen est uorax fassum.

Ad Alexandrum Cæsarinum Card.

Vulnus an ut refricem, languentem mittimus urbem  
 Præsul cæsariæ flos columenq; domus?  
 Non equidem, uerum florentem mox ubi cernes,  
 Dulce recordari fulmina sit Nemesis.

Ad Iulium Tolpium.

Iam glacialis hyems syluis decussit honorem,  
 Nec dum desæuit perniciofa lues.  
 En uires reparat Iuli, uirusq; resumat,  
 Sub radijs Cancri quid meditetur, habes.

Ad deos.

Quæ finis ergo? nunquid ira cœlitum  
 Tandem misellis ultimum mortalibus  
 Decreuit exitium, atq; rebus omnibus?  
 Quum quotidie sit peius ac pridie fuit.  
 Poeta respondet.

Non Iouis irati cessabit dextera, donec  
 Sordes manebunt obstinati seculi.  
 Moribus euersis, scelerum tanta orta procella est,

*Vt expiare longa non sat sit dies.*

*Terq; quaterq; ergo decumandum corpora leto,*

*Miseris & exemplis, fame, ferro, lue.*

*Non ab aruspicijs nos hæc dixisse putandum,*

*Res ipsa quum oculatissimam facit fidem.*

*Moxq; sequens ætas diuum ut refrixerit ira*

*Ea comprobabit solitudine urbium.*

*In mulieres, ad Federicum Musitanū.*

*Seu casta est mulier, seu non Federice pudica,*

*Nascitur in terris utraq; perniciēs.*

*Non Helenæ magis exhibuere negotia Homero*

*Furta, pudicitia ac aspera Penelopes.*

*Syluia Virgilio, Dido, Launina uirgo,*

*Quæ conflauerunt horrida bella, uides.*

*De Alexandro Priami.*

*Quæ deceant regis sobolem post sceptræ superba,*

*Iliacum Parida hæc omnia nobilitant.*

*Egregius iudex, Helenæ formosus amator,*

*Idem interfector magnanimi Aeacidæ.*

*In nequam sacerdotem.*

*Viscatis manibus scelestæ, & usq;*

*Hamatis, uepriumq; more, quicquid*

*Contingis, retines, nec ulla prorsus*

*Est tibi ratio, aut modus rapinæ,*

*Antistes penitissimi barathri,*

*Et tractas sacra, pestilens uorago*

*Impuris manibusq; & ore fædo,*

VAR. POE.

Nummus cui aureus hostia est opima,  
 Quem tantum ueneraris atq; adoras.  
 Discedens deus at retorsit in te  
 Ardentes oculos, dabisq; pœnas.  
 Non sat quæ gula condidit cloacæ  
 Ventris ingluuie et uoracitate  
 Manduco: unde oris refers mephitim,  
 Orci stercore pestilentiorém,  
 Insigne inde adeo refersq; nomen.

Ad Ant. Minturnum.

Quæ mortalibus attulit misellis  
 Tot incommoda, tot neces, maligna,  
 Atrox, dira lues, tibi illa totq; et  
 Tanta commoda contulit, cupitum  
 Secessum, otia cum bonis camœnis.  
 Assequere ubi largiore cornu  
 Quæ sunt polliciti audiente Phæbo  
 Gorgias animosus, Hippiasq;.  
 Non lædit Socrates maligna pestis.  
 At Minturne redire quum licebit,  
 Ne fraudaueris osculis amicos  
 Congressu lepido illo et eleganti,  
 Quo refers Academiam et Lycium.

In pestilentia.

In labe quod spectaculum atrocissimum  
 Præclara sol auertit unde lumina,  
 Raptis uidere infantes est matribus

*Parcarum inexorabili libidine  
Herere mammis frigidis, ibiq; mox  
Efflare animulam. morte quod grauius malum est.*

*Ad Galeotum Carasam.*

*Cum scepro solet imperioq; superbia frontem  
Tollere, et incuruis cornibus impetere.*

*At tua quæ primis uirtus effulsit in annis,  
Hæc manet, et flores dulcia poma ferunt.*

*Hæ sunt diuitiæ, diuina hæc uirgula, nati  
Qua regnauerunt progeniesq; Iouis.*

*Non uereor Galeote tuæ per tempora uita  
Ne non incedas, qua tibi recta patet.*

*Ad Ferrandum Carasam.*

*Fortis ut Alcides oneri successit, Atlante  
Iam fesso, mundi mole sub astrigere,  
Sic tu succedis rebus Ferrande paternis,  
Et quas herculeus sit superare labor.*

*Ad Elysium Carasam.*

*Cuncta ad salutem signa langore in tuo  
Erant profecto candidissime Elysi.*

*Vnum ucrebar, ne maligna tempora*

*Non tale ferrent germen erigere caput.*

*Ad Iacobum Ant. Cæsarinum.*

*Tu uide quid agas, amore quando*

*Musas prosequeris seucriores.*

*Isto tempore crede Cæsarine*

*Non alea leuis est amare musas.*

VAR. POE.

Ad Ant. Tibaldeum.

Maximas tibi gratias habemus  
Antoni charitum et pater leporum,  
Dignaris quia musico me albo.  
Istis sit male, qui pios poetas  
Ne uilis faciunt quidem terunt.

In malos sacerdotes.

Pro, seculi iniqui perditissimos mores.  
Morum magistri cœlibes sacerdotes,  
Quis templa demandantur et deum sacra,  
Cogunt fateri crimina, atq; castigant,  
Fecisse quæ libentius uelint ipsi.  
Multant rapinas quam miserrimis pœnis,  
Promiscue ipsi quum profanaq; et sacra  
Manu rapaci differant, trahant, uexent,  
Pleni uenenis carcini graues orbis.

Ad Rufum.

Tentaris laterum miselle Rufe  
Persæpe intolerabili dolore,  
Nec belle est pedibus tamen uicissim,  
Et me in auxilium soles uocare.  
Ego non ope simplici iuuabo,  
Si morem mihi gesseris. salutem,  
Olim quam Proculcius ille Caius,  
Epoto potes inuenire gypso.

Ad amicos urbanos.

Inepti amici nos uocatis inscitost

Qui pestilentia ut atra tela uitemus,  
 Et urbis ulcera atra, carcinosq; atros,  
 Hanc rusticam tam degimus diu uitam,  
 Proculq; uobis, patriaq; præclara,  
 Porroq; longino, allioq; capitone  
 Perquamlibenter, brassicaq; montana,  
 Balanisq; tyberiolisq; uescimur læti,  
 Dum cyppus instar scopuli in igne pellucet,  
 Niuesq; canæ uestiant licet montes,  
 Fremantq; uenti, et culmen increpet grando.

## De Antæa Romana.

Vidit ut Antæa armatos irrumpere in ædes  
 Expugnaturos castra pudicitia,  
 Certa mori armatur dextram mucrone corusco,  
 Nec uotis Pallas defuit armipotens.  
 Hostibus occisis cecidit confossa uirago,  
 Quæ nitet icaria clarius Erigone.

## De pluuia sanguinis.

Quod sanguinem brumæ umbilico perpluit  
 Diris procellis, alcyon dum congerit,  
 Nidumq; proli cærulæ tuto locat,  
 Quæ facta procuratio? quæ uota dijs,  
 Amoliendis cœlitum sæuis minis?  
 Quæ facta morum tristium emendatio?  
 Quum detur ultra baud amplius procedere.  
 O corda cæca, o execranda tempora.  
 At falsa sint quæ obnuntio, et uanus ferar.

# VAR: POE:

*In lupum.*

Mutare uulpem posse, uel lupum pilos,  
Non posse mores, ille qui dixit, fuit  
Apprima sapiens. at ego dementissimus,  
Qui prosequutus laude sum pulchra lupum,  
Qui in me tetendit proditor laqueos suos.  
Tanto ille fluxa perditissimus fide,  
Quanto ego ferar poeta mendacissimus.

*Ad Colotium.*

Iam uer se hibernis formosius explicat umbris,  
Et sol renidet aureus.  
Pubescit tellus, læta gaudetq; iuuenta,  
Auesq; lætæ concinunt.  
Sed quando nobis infesto lumine fata,  
Rerum minantur ultima,  
Hinc exlex clypeum mauors quatit ense corusco,  
Profana, sacra differens,  
Illinc ora fames formis squalentia miris  
Deformis orbem circuit,  
Hos inter, mediam labes se immiscuit atra  
Funeribus omnia implicans,  
Lætitia omnis abest, et torpent corda Coloti  
Metu supremo frigida.

*Ad Elysium Vopiscum.*

Vopisce musis non amicus ultimus,  
Ut Actios, Lucillios,  
Priscosq; mittam musicos, nosli probe



Diuersa uatum pectora,  
Suos & esse cuiq; præscriptos modos.  
Non nulla condonaueris  
Vopisce nobis dicta non fors perperam,  
Nec usq; dijs nolentibus.  
Vos æquiores este grammatici, obsecro,  
Post, usus audax succinet.

## De historia Pauli Iouij.

Sæuius armipotens quum incendit prælia Mauors,  
Horrendam Iouius fulminat historiam.  
Hic concurrentes acies est cernere, & æquor  
Stratum rostrigeris classibus infremere,  
Hic captos reges, legiones sæpe fugatas,  
Sæpe acies cæsas, magnanimosq; duces.  
Aurea pax referas o candida tempora tandem,  
Et placidam Iouius concinat historiam.

## De repentina Neapolitanorum fuga.

Quæ fuga? terribili Pan cedit corda flagello.  
Quo cursus? quo fors imperiosa rapit?  
Per mare lymphati, per aperta pericula, ciues  
Tela, minas, cædes, hostica diffugimus.  
Iamq; uale patria. heu uixi, ut lacerata uiderem  
Ter tua tam fœde uiscera Parthenope.  
Ad Capreas insulam.

Salue insularum ocelle Capræ diæ,  
Neptunus unam plurima æquore in salso  
Quam dote donauit, sibiq; delegit,

VAR. POE. I

Sic usq; læta, et usq; sis domus diuum  
Dilecta, serua pignora tibi commissa  
A matre Parthenope, misella dum diris  
Versatur Orci erinnybus, Gradiusq;  
Minatur omnia perdere impio ferro.

Ad Parthenopen.

Prædixi ego, prædixi amaris questibus,  
Non longe abesse fata tua Neapolis.  
Heu uera cur prædixi: iniquis hostibus  
Teneris ecce, ac dissiparis, pro dolor,  
Vt Roma miseretur tuam grauem uicem,  
Perpeffa Roma iam suprema ab hostibus.

Ad Romulum.

Haud potis ipsa salus tuto nos sistere portu.  
Mors una est, quæ nos uindictæ hisce malis.  
Tris quondam diras tantum cognouerat orbis,  
Duplas ultrices tempora nostra uident,  
Vltrices scelerum, quorum est secla omnia præter  
Infelix ætas Romule nostra ferax.

Ad Pyrrhum Ant. Scotium.

Desuntq; uerba, et lingua tristis hæsitat  
Percussa Pyrrhe pestilente sydere,  
Quum morbus artes occupauit optimas,  
Quum languet orbis funere haud porro procul.  
Mars ipse præformidat occasum suum,  
Quum detur ultra haud amplius procedere.  
Saturnus ultimam est adeptus lineam.

Vt sit uerendum ne Cbarybdæis cautibus  
 Nostra hæc canamus, nec minores audiant.

Ad Ferrarium.

Non ad condictum uenit quia rusticus, audi  
 Ferrari, quo se texerit hic clypeo.

In gallos culpam reiecit, trisilis Enyo

Quos prope supremo perdidit exitio.

Clepsydra hæc ruri est, quæ certam nuntiet horam.

Ergo omnes gallos fata suprema premunt.

Ad Martium Columnam.

Non ense, non lorica, ut ante, milites

Armantur aspro martis in certamine,

Aetnæ sed igne, sed cyclopum fulmine.

Quid restat: ira deum feretur longius,

Latura suprema excidia mortalibus?

Rerum prope est uidere Marti funera.

Ad Camillum Columnam.

Pendebat olim stamine tenui uita,

Tot quippe quæ periculis sit exposita.

Aranearam putrido quidem filo

Miserrimis nunc uita pendet exemplis,

Tenentibus iam cuncta uirginibus Orci.

Camille presto rebus es precor nostris.

Ad Brunum nolanum antistitem.

Qua ætate Brune fors me adegit in scholam,

Scholamq; sæuam, et officinam uerberum,

Quæ uerbera esse censeas letalia,

Qua ætate pro supremæ Iupiter pater,  
 Qui nempe sexies nouenos ac supra  
 Sim natus annos, rebus amissis miser,  
 Qui rex eram, nunc seruitutem seruieus,  
 Nam regna regum, commodis æquaueram,  
 Liberq; pollensq; omnibus opulentijs.  
 Dictata ea dare pergit impotens dea,  
 Quæ posse iam desperat animus reddere,  
 Quare occidi sub plurima plaga miser.

Ad Andreæ Elysium.

Quod desiderium dulcis te ceperit urbis  
 Parthenopes, causam quis putet esse leuem?  
 Si est corpus tantum hic, animum si liquimus illic,  
 Vel diuos inter hic sumus exanimes.  
 Elysi amice hoc est, patriæ quod dius Vlysses  
 Gaudia diuarum, posthabuitq; toros.  
 Ciuibus exemplo uoluenda in secula forsan  
 Nos erimus, quid sit deseruisse lares,  
 Quid mutare solum, exilij atq; incommoda ferre,  
 Quæ ne lingua quidem ferrea dinumeret.

Ad Lopianum.

Apparente urso stultus uestigia quæris.  
 Non satis admonuit nos Lopiane deus,  
 Vlticem terris Nemesis incumbere, & una,  
 Infima, summa, æqua falce secare deam?  
 In grauißima ualitudine.  
 Post patriam, remq; amissam, me Laurus amata

Excepit, Laurus dulcis Anisy amor.  
Curarum hic finis, requiesq; inuenta laborum;  
Quorum nostra fuit lurida Lerna ferax.  
In mortem.

Non hominum manibus, sed regnatoris olympi,  
Mors deuicta stygis tristis in antra redis.  
De bello et pace.

Vt Phœnix raropax apparet, quis iberi,  
Quis galli, tantum uos furor exagitat?  
Non resipiscetis tandem, non busta mouebunt  
Vestra, quibus toties itala terra timet?  
Ad Elysium.

Non ausa est unquam tantillum attollere furuum  
Te praesente, febris candide amice caput.  
Absente Elysio medicorum principe nostri  
Aeui, obluetata est, prosilytq; ferox.

De spe ad Hieronymum Oliuerium.

Nulla dies potuit tam diluxisse maligne,  
Quin cras sperandum melius: succumbere turpe,  
Abiectiq; animi est, at spes fortissima contra  
Si obstitit munita suis fulgentibus armis  
Deicietq; gradu, et mox debellabit atrocem  
Fortunam, morbusq; ferox frena aspera mandat.  
Et ferro et flammis superanda Hieronyme Lerna est,  
Si cupis optatam uitae contingere metam.

Ad Constantium Sebastianum.

Reuiso ego qui nuper æthram lucidam

Proserpina usq; ab intimis penetralibus,  
 Obnuntio mortalibus, superstites  
 Qui sunt adhuc, uitamq; uiuunt perditam,  
 Plutona me uidisse plus æquo truce,  
 Animas rotantem ac deuorantem noxias.  
 Mens assequi ne cogitando quit quidem  
 Illam figuram, et uasitatem corporis.  
 Minoa quoq; uidisse cum sodalibus  
 Prætorio in durissimo ius dicere.  
 Compellat hic me uoce formidabili,  
 Hæc inquit orbi nuntia, nos uix satis  
 Ad iudicandas esse uitas perditas,  
 Atq; esse semper nequiores ultimas,  
 Tormenta dignaiam deesse Tartaro,  
 Quauis ministri ad hæc parati sydera  
 Vincant numero, arenas itemq; Syrtium.  
 Sunt illa gry, quæ uos poetæ fingitis,  
 Aquilæ, rotæ, molesq; ludificæ et dapes.  
 Arua ad beata semitam uepreta habent.  
 Ut consulant porro sibiq; caueant, mone.  
 Quid nuntietur magno ab Orci iudice  
 Constanti habes. poscuntur hinc partes uirum,  
 Qui sanctitate polleant, morbum ut grauem  
 Ab orbe pellant, perdisertis uocibus,  
 Facundia est quæ uestra præstantissima.  
 Vouete ludos, uerq; sacrum, deniq;  
 Placare quicquid quit seuera numina.

Intendite omnes ingenij uires uiri,  
Pauci admodum qui extatis, æquus Iupiter  
Quos perditorum segregauit ordine.

De temporis iniquitate.

In lucta Antæi, ancipitiq; in forcipe, pergit  
Fors dea, falcata nos retinere manu.

Quid nisi perpetuis terimur cruciatibus Orci,  
In nostrumq; silex pendet acuta caput.

Et fuga nulla patet, quo non timor usq; sequatur.  
Heu morimur miseri terq; quaterq; die.

Vna ueni mors, dux expugnatrixq; malorum,  
Securi ad manes si sumus hisce malis.

Epith. Herrici Vrsini.

Herrico Acacideq; eadem si in fortibus armis  
Et fidibus laus, si mors fuit ante diem,

Tu dea Calliope sacri regina Heliconis  
Suscita Homerum alium, qui hunc Achilea canat.

Ad Inachum Mendossam.

En terga humo qui illiserat uictus modo  
Antæus, acrem uictor hostem suppressit.

Oracla nostra quam cito exitu patent.  
Hucusq; fata proloqui sinunt Iouis,

Mendossa, sed dixere propalam tamen  
Licentiosius uagari militem

Non militari obnoxium ulli tessera,  
Sed pro libidine rapere, ruce omnia,

Moresq; prauos gliscere in dies magis.

VAR. POE.

Tum uisa nescio minari quid mali,  
Morsu labelli, & nutibus capitis crebris.  
His corrigendis uestra opus prudentia.

Ad Nympham.

Res hominum sic dispositæ, dulcissima amaris  
Ut miscerentur, scuitiane deum?

An quia nil terris est omni ex parte beatum?  
An quia sic rerum consonat harmonia?

Quid nam isto cælo iucundius? attamen omnis  
Antiphatas uincit incola, scuitia.

Hæc istis odia ab syluis egere Maronem,  
Infelix hominum rusticitate genus.

Laureolos inter uitam uiuamus amaram,  
Quum nequeam amplexu nympba carere tuo.

De uictoria Cæsaris.

Quid sibi nam cælo tonitrus uoluere sereno,  
Hiscere quum tota est regia uisa Iouis?

Parthenopen galli longa obsidione tenebant,  
Quum tormentorum ui tremit omne solum.

Hic uelut inuidia commotus Iupiter, cæce  
Aetnæos fratres conuocat altiitonans;

Et quanta haud alias iaculatus fulmina dextra est.  
Propugnatorem Cæsaris esse putes.

Augustum fatui non menssem ternitis hostes,  
Qui illuxit fausto sydere Cæsaribus.

Ad Cæsarem.

Permagnum est certe Cæsar, quo fata reseruant



Inuictos semper teq; tuamq; manum.

Pro te dum dormis uigilat fortuna, trinodi  
Expiscans reti, quod mare terra et habet.

Et tua sacra cohors aduersus restitit orbem,  
Quem nullo tandem puluere uicit ouans.

Quæ mora fatalem Cæsar contendere cursum?  
Ingentem Alciden laudibus exuperans.

In Balbum.

Abſq; pudore mea usurpas epigrammata Balbe,  
Admisceſq; tuis, quæ foricas redolent.

At quid inepte facis? uel cæcus furta uidebit,  
Atq; hic, clamabit, gemma misella sita est.

Ad Castricum.

Ipsè peto argentum, tu contra Caſtrice cæras  
Mittis prolixas, inſtar et Iliados.

Vtile conſilium do Caſtrice, parce papyro,  
Vna argentiſera eſt littera utriq; ſatis.

Ad Bernardinum Martyranū, de iure et ui.

Trinis litterulis bene degitur, aut male uitam,  
Ius alit atq; fouet, uis premit atq; necat.

Omnia ius æqua quondam quæ lance regebat,  
Nunc uis tranſpoſita littera iniqua ruit.

Martyriane bonis paucis niſi numine dextro  
Itur ſuppeties, candida uita uale.

Ad Fabricium Maramaudum.

Nymphæ dant uiolas roſaſq; blandæ.

Poma et ruſſica dona dat colonus.

# VAR. POE.

Pastor, caseolos & agnum & boëdum,  
 Testas dat maris actola, atq; pisces.  
 Venator, leporemq; capreamq;  
 Nos nostri calami ac manus laborem  
 Fabrici pater elegantiarum,  
 Quando est purpureo otium a gradiuo,  
 Tibi hunc aureolum damus libellum.

## Ad Lynceum.

O scedo te habuit, tua quæ uecordia Lynx est,  
 Pandiculatorem deniq; perspicimus,  
 Ad caput extremis distorques calcibus artus.  
 De te sperandum num meliora putas?  
 Quid, nisi te totum pertristi ut sydere corpus  
 Cogat morbus iners uellere ab unguiculis?

## Ad Fabium Arcellam.

Ne crede signis, præpotentes quæ dei  
 Præclara monstrant, nos ueterno, perdit  
 Parum uidemus, mentis ac morbo graui,  
 Nec fas uidere recta curuo pectori.  
 Non morbus ante secula nostra incognitus  
 Vrens medullas cum dolore maximo,  
 Mentagra ad hunc ut illa patrum sit nihil,  
 Cladis futuræ fecerat certam fidem,  
 Quam Mars famēsque & horrida intulit lues?  
 Nec dum reperta sanitas morbo est, ita  
 Non hisce finis erit malis, donec scelus  
 Quod centiceps inuasit in nos, luridi

Non condit Orci triste faucibus caput.

Tandem quis erit hic Hercules nobis Fabi,

Qui perdat Hydram robore inuicto truce?

Ad uiuentes.

Illæ in mortales grassantur Erinnyes Orci,

Vt sit miraclo uiuere nunc hominem.

Mortalis uiuens, dijs immortalibus æquum est

Aequalem uitam polliceare tibi.

Ad Pompeium Columnam.

Quod sim carminibus Pompei testatus amorem,  
Officiumq; meum.

Est quia carminibus nihil est pretiosius, ut quæ

Proxima dijs superis

Nacta, queant cælo uirtutis præmia ferre.

Nam quibus auspicijs

Rem bene gessisset peragrato nobilis orbe

Amphithryone satus,

Quisue pater Bacchus nymphis comitantibus, euoe

Dum bone Bacche canunt,

Quis Theseus, fidusq; comes, quis Pergama circum

Agmina semideum,

Ni fama æternæ sacrassent illa camœna

Carminibus dulciloquo?

Quæ sine uate geruntur fortia, noctis opacæ

Perpetua umbra tegit.

In Rufum.

Non fecisse sat est fucum mortalibus, ipsos

## VAR. POE.

Fraudibus aggredieris tu quoq; Ruse deos.

Cissi transformatio.

Qua tempestate proles semeleia Bacchus  
 Impia contractas labes ob bella gigantum  
 In Iouis imperium pater emendare recepit,  
 Quicquid erat decoris reliquit et uirtutis in orbe  
 Aduocat, hacq; manu terras inuictus obiuit.  
 Inter et arma, interq; uirum fortissima corda  
 Cernere erat faunos, satyrorumq; agmina cælum  
 Tangere nunc manibus, pedibus nunc pellere terram,  
 In numerumq; feras, animoso pectore pardos  
 Motari, tigresq; trucid, sæuosq; leones,  
 Mygdonijs etiam syluas colludere in undis,  
 Cunctaq; concentu doctas celebrare camænas;  
 Quin ipsum uultu cælum ridere sereno.  
 Hic choreæ præstans ductor, dilectus Iaccho  
 Cissus erat, pedibus doctus, quæ sueta theatris  
 Scæna, loqui, Arcadiæ et pastorum gloria Cissus.  
 At diuum inuidia, seu sic quia fata ferebant;  
 Dum procul a socys salit inconsultius errans,  
 Decidit in uastum terræ miserandus biatum.  
 Sic delectatus tantum sublimibus auris  
 Infelix animam barathro tenebrisq; reliquit.  
 Extemplo tumidi planxerunt littora fluctus;  
 Et resposarunt ualles, collesq; supini,  
 Oraq; lirantes ulularunt candida nymphæ.  
 Ecce dei attonitas percussit nuntius aures

Indigni casus, inbibens hic ille iugales  
 Pardosq; implicitos curru fuluosq; leones,  
 Constitit, ac tristi tellurem uoce lacescit.  
 In te quid tantum potuit committere Cissus,  
 Aut ego, terra parens, ut nos mœrore grauaris,  
 Et funestaris inuictum fletibus agmen?  
 Vix ea fatus erat, quum terræ e faucibus imis  
 Poplitibus flexis, iuuenis de more perempti  
 Planta uirens hederæ lætas prorepset in auras.  
 Id fuit extincti Baccho solamen amoris.

Epith. Annibalis Anysij.

Si non de pario tumulus stat mormore, si non

Te decorant tituli militiæ atq; domi

Annibal, et suauis mores et candida uirtus,

Et patris pietas et lachrymæ decorant.

Heu puer infelix, cui non dulcissima uita

Fas, inbibente dea, munera perlegere.

Tota quidem cœli lætata est regia cuncti,

Ast abit in lachrymas, te moriente, pater.

Ad Franciscum Suberem.

Me, fateor Suber pupugit dolor, ira momordit,

Quod talem fratrem diu mihi surpuerint,

Ac tali fato, furijs nempe, et fuit omni

Virtute ornatus, per similesq; deis.

Nil ergo benefacta iuuant? dytalia honestis

Atq; pijs? sed me deniq; contineo,

Contineo linguam iam forsitan dira parantem

f. i.

## VAR. POE.

Dicere, me heu differt cura, dolorq; necat.

Ad Horatium Anyfium.

Quid prolem genuisse pulchram, et ipsis  
Deis per similem? quid alta testæ,  
Magna ac nomina linquere in tabellis?  
Vana hæc, utpote quæ leuis gubernet  
Illa, quæ dominatur hisce rebus.  
At quas ingenium paratq; uirtus  
Iugi ut arida fonte perrigando,  
Tuas, diuitias, putato Horati.

De amore, ad Cæciliam Denticem.

Quam fuit impius ille, deum qui primus amorem  
Dixit, cœlestes num male dij faciunt?  
Flectitur haud lachrymis hic inexorabilis, ignis,  
Quem non extinguat maximus Oceanus.  
Cæcilia hæc nobis aperi mysteria, quando  
Cum Ioue dignantur nectare te superi.

Ad Canorum.

Dedisti uitio Canore carmen,  
Quod dictis petulantius feriret  
Crebris, plus nimio dicacibusq;  
Vßit quæ nota Cassium Seuerum.  
Non sic Acrius, ille nanq; uates  
Nouit quid satyræ uelint dicaces,  
Quod os dedecant itemq; neui.  
Pulchrum est scire quid expetat decorum,  
Et quid Quintilij ac probent Cethegi.

*Fit uirtus uitium loco Canore.*

*Ad Pompeium Columnam.*

*Iudicij prauis et linguæ mordacis Homerus,*

*Capti oculis pœnas, Stesichorusq; luunt.*

*Non Helenas possunt mortales carpere natas*

*De Ioue, Pompei quas colis atq; canis.*

*In clypeo Caroli Imperatoris.*

*Insignit clypeum uis duplex, terror amorq;*

*Diuersa uno ictu spicula qui iaciunt.*

*Impetit ille hostes, alacres hic reddit amicos,*

*Hunc geris in persas Cæsar et æthiops.*

*Ad Egnatium, de pace.*

*Quæris Egnati, mea cur cupitam*

*Languide pacem celebret Thalia,*

*Exules quando rediere longo*

*Tempore musæ.*

*Classe mercator uehit usq; ab Indis*

*Prodigus uitæ speciosa rerum,*

*Vrbium æquantes pretia uniones,*

*Atq; smaragdos.*

*Forte iacturam medijs procellis*

*Si miser fecit minitante letum*

*Hinc Noto, hinc magnis feriente cœlum*

*Fluctibus Euro,*

*Naufragum eiectum peregrina in æsta*

*Spiritu tantum ac anima relicta,*

*Dulcibus curis opibusq; cassum*

VAR: POE:

Deniq; et omni

Deslitutum speq; deisq; dextris,  
Quæ putas lingua titubante, tota æ  
Mente commotum, stupidumq; posse  
Reddere uerba?

De Victoria Columna.

Tres charites sunt, sed Victoria (quæ tribus) una,  
Sit nata, ipsam habeant ut charites charita.

Ad reges Christianos.

Magnanimi reges positis discordibus armis  
Iuncti estis sancto fœdere amicitiae.

Quin fronte arripitis diuam, quæ crine triumphos  
Monstrat, et ad Carrhas Baëtraq; qua sit iter?

Ad Pompeium Columnam.

Dum te per facilem; cæreumq;  
Præbes, quæ tua comitas, amicis  
Nobis sarcinulam aggrauas onustam,  
Ac parum tibi consulis Columna.  
Nam crebra prece tundimur clientum.  
Et quis officium neget benignum,  
Qui sit Mercurio, Ioui; amicus?  
Quare non satis ex bonoq; et æquo  
Profecto fuerit Columna, si te  
Sæpe obtundimus, imputare nobis.

Ad Luscum.

Lusce lyra Thamyran facile æquas, Orybea cantu.  
Mulcendis pueris laurea tota tua est.



Ad Fabium Columnam.

Crista superbus tempore antelucano,  
 Cunctos opellæ commonens canit gallus.  
 Aurora supputens, cubile quum linquit  
 Tithoni, hirundo comminiscitur questus.  
 Messoribus dum perfurit rapidus ardor  
 Solis, laborem uox terit cicadarum.  
 Turtur, cuculus, hesperi admonent seri.  
 Metam laborum nox reposcit optatam.  
 Auesq; noctis turba tristis occulant,  
 Strigesq; ex ululæ, ex hominis ora monstrofa,  
 Factura certam mortibus fidem claris.  
 Præscripsit has animantibus parens leges  
 Natura, transilire nec licet cuiquam  
 Fabi, uoluntas libera unius tantum.  
 Est hominis, ut quocunq; libuerit uertat.  
 Cui Lerna pectus est, Nemeaq; ex Erymanthus.  
 Ille ille felix ter quaterq; qui inuictam  
 Direxit aciem per muosa; per rupes  
 Cælo minantes monstria, cunctarum  
 Victorq; rerum, gloriæ hinc nitent soles,  
 Quos nullus unquam octasus obtenebrarit.

De Lucretia Tusca, ad Pomp. Columnam.

An ne pudicitia fatale Lucretia nomen?  
 An ne pudor? constans perpulit an ne fides?  
 Inter captiuas mulier clarissima tuseas  
 Perpeffa a diro est milite nequitiam,

# VAR. POE. II

Non illa æquo animo, tecti sed summa petiuit

Certa mori, sese præcipitemq; dedit.

Maiori exemplo incolumis surrexit, et alto

Perstans incepto fœmina magnanima

A latis pedibus cursu contendit in Arnum,

Mergendumq; dedit terq; quaterq; caput.

Turpe neci corpus damnauit dia uirago,

At facinus clarum gloria clara manet.

Hanc subscribe tuis Pompei candide libris,

Vt per te uolitet casta per ora uirum.

De uitæ et mortis uicibus.

Qua musica, quo ordine, omnium parens

Natura, rerum fert uicissitudines,

Ab arce olympi adusq; terræ uiscera.

Non una Phœbo, non sorori prænitet

Formosa facies mane primo et uesper.

Non porro idem æuum æstate, bruma et horrida.

Momenta sunt hinc rebus omnibus et uices,

Quas condidit diuum pater hominumq; rex.

Vt uita ducit, cogit ita mors agmina

Diuerſa rerum, sorte per quam æquabili,

Vterq; dux insignis, insuperabilis.

Ingratus est uitæ ille, cui mors displicet.

Ad Antonium sacerdotem.

In re diuina Antoni dicto ocyus ara

Digrederis, cuncta at rite pieq; facis.

Aut in carceribus, suprema aut cernere meta

*Te licet, at medio non licet in stadio.*

*Ad Hieronymum Francisci.*

*Men ueſtigalem? turpes fœdique charones*

*Vt pœnas omnes ſub Phlegethonte luant.*

*Men ueſtigalem? mea quem miſiſſima mater*

*Inter dilectos Parthenopea colit.*

*Tu ſer opem uindex Hieronyme, confice telis*

*Harpyiaſque Erebi, tartareoſque lupos.*

*Tu ſemper noſtris celebrabere uerſibus, et tu*

*Diceris nobis Amphitryone ſatus.*

*Ad Giſmundum Loſſredam.*

*Diuina mens Giſmunde cœlitus data*

*Ab optimoque et maximo eſt homini Ioue.*

*Sic eſt proſecto. inſomnium illud uel fidem*

*Certam facit. uidebar in quiete ego*

*A rege medo præpotente maximo,*

*Plus orbis æqua parte qui imperans premit,*

*Audire uerba, audita non unquam mihi,*

*Interpretata mox fideli interprete*

*Quæ reddiderunt horridam ſententiam.*

*Et ne quid eſſet per Lyæum perperam*

*Viſum, nec anſa detur ulla incredulis,*

*Vera agnita eſt imago ab his qui comminus*

*Videre regem. Præcaute principes,*

*Duceſque noſtri. ſape quæ imminent mala*

*Longe ante ſanctis nuntiantur uatibus.*

Ad Augustinum Gniphum.

Quo pulchro facies est formosissima diuum,  
Et forma est animæ nobilis ingenuæ;  
Hoc Gniphe Aragoniam donas doctissime lanam.  
Inuenit pretium merx speciosa suum.

Ad Fuluiam.

Vt nihil in terris fuluo rutilantius auro,  
Et nil sole nitet clarius in superis,  
Aurea sic inter præfulget Fulua nymphas.  
Per Venerem, nobis Fulua es ipsa Venus.

Ad Marcellum Columnam.

Infestæ podagræ successit dira chiragra,  
Hæc periniqua pedes perdidit, illa manus.  
Scipio erat comes insigni coniunctus amore,  
Quis Marcelle debinc fidus amicus erit?

Ad Aulum.

Cur uiuo? dixti lachrymans, cur amplius aura  
Vescor? si extincta est dulcior illa Venus;  
Alma mihi si extincta Venus, quæ nutrit et auctat,  
Perpetuum generi substituitq; genus.  
Nempe sine fructu sterilis succiditur arbor.  
Naturæ est odio quicquid honore caret.  
Quin est consilio melior Bæa; boq; senectus,  
Quæq; aurigatrix sit iuuenum, atq; modus.  
Haud mors ante diem celeranda, sed expedit Aule  
Viuerè consilio, uiuere Symposio.

Ad Robertum &amp; Federicum.

Roberte, Federice, par amicorum  
 Rarissimum, ut nea Læly negent ipsi,  
 Aut prisca quos antiquitas refert, pulchri  
 Affinitate, mente nobili affecta,  
 Quæ ducit ortum a præpotentibus diuis,  
 Hinc est profecto indissolubilis nodus,  
 Quo uita nobis arctius reuincitur.  
 Sic uos Cupido, sic amet Venus semper,  
 Et cuncta det quæ pulchra cor cupit uestrum,  
 Pompeio Anysium referte patrono  
 Debere plusquam uel parentibus, uel qui  
 Præfulsit in natalibus Ioui dio.  
 Domicilla formosissima quoq; nympharum  
 Idem fatetur, obsecratq; per magnos  
 Deos deasq; habere ut in suis pergat.  
 Sic nos beatos inter astra sistetis  
 Gemelle Pollux, & gemelle pollucis.

Ad Ianum Brancaleonem.

Quæ diuino animo, quæ bruto in corpore sit uis,  
 Quid maior multo possit utroq; deus,  
 Deniq; num sophiæ hæc dederit pater omnia diuæ,  
 Cæpisti chartis condere lane tribus.

Ad Paulum Siscarum.

Consilium nulla emptum mercede, accipe Paule.  
 Vtere fortuna muneribusq; deum.  
 O cyus beu uentis si nostrum labitur æuum,

# VAR. POEM.

Tam cito deflendi collige ueris opes.

Ad Barbymæum Martianum.

Quæ citent Venerem rigentiorum

Phœnici, Priamq; Nestoriq;

Misti tubera Martiane. næ tu

Fecisti illepide atq; ineleganter,

Qui demortua suscitare tentes.

Ad Pompeium Columnam.

Quod uas Arsinoe uel usq; ab Indis

Misit, splendidius nitente gemma,

Phaetbontis pretiosius smaragdo,

Illud dum tibi destino Columna,

Forte comminuit scelestæ serua.

In cuius capies locum, serena

Et qua fronte soles, ferocis arcum

Regis antipodum Senecionis,

Nil hoc certius assolet ferire,

Pace ut Memnonis Herculisq; dicam.

Ad eundem.

Vuas quum comedes Columna, dices

Niuali Hydrochoo rigante cælum,

Autumnus redüsse succulentum,

Quas tibi Domicilla bella misit.

Ad Alphonsum Sancium.

Tot promissa mihi beate Sanci,

Cui parent opulentiaq; et aurum

Magni Cæsaris, et Charis Venusq;

Spondent me facile impetrare posse  
 A te, quod prece plurima rogavi.  
 Tu tantum mihi ne, precorq; et oro,  
 Responsum dederis simonideum.

## De Cynisco.

Forma quæ minuit solet placere,  
 Et primæ quoq; terminationis,  
 Non os, sed placet osculum Cynisco.  
 Idem grammaticis solet placere,  
 Rigant qui pueros liquore Cyrrhæ.

## Ad Pompeium et Sancium.

Pompei mihi uerba sic dedistis  
 Et Sanci? hæud ita inulta res abibit.  
 Non non hendecasyllabis agetur  
 Posthæc, sed satyris sacrisq; iambis.

## De Regulo.

Paucis dij bona multa contulere,  
 Nemini omnia, Regulo nisi uni,  
 Qui tam supra hominem, deoq; par est.

## Ad Narcissum.

Narcisse tantum debeo tibi, quantum  
 Præclara Lesbos Libero patri debet.  
 Nam cella tua referta nobili Baccho  
 Rapit me ad astra sæpe summa sublimem,  
 Et unde despectentur infimæ terræ,  
 Prisciisq; adæquat uatibus iuga pererro  
 Iam celsa Cyrrhæ candidis olor pennis.

# VAR: POE.

Ad Pompeium Columnam.

Post Spartam ex dium Pompei doctæ Platonem

Nil sexus debet non tibi fœmineus.

Iam prope tartareis deiectum sedibus, illum

Nectareo ore choros tollis ad ætherios.

Mactat, io nymphæ, niueum Victoria taurum,

Celsa triumphatis hostibus itq; dea.

Hoc famæ æternæ uos consecrate camæna,

Et tantum titulum pulchra Columna ferat.

Ex auro solido, solidoq; Adamante Columna,

Omne adeo superet Mulcibris ingenium.

Ad Ioannem Balduinum.

Ingenium quoniam mihi non rude fata dederunt,

Fit sæpe ut uolitem Iane per ora uirum.

Sed quum perpetuis animi cruciatibus angor,

Tunc uel Aristotelis execror ingenium.

Vis hæc confecit fratrem sauisima morbi.

Hei mihi quæ patior, dij prohibete minas.

Ad Pompeium Columnam.

Omnia, quid mirum, si expugnas fortibus armis

Virtutum, Iuno uel noua monstra ferat?

Atra lues fugit, nec lymphæ exhausta terento,

Nec stygiæ cæsa est hostia Persephone.

Hæc est sacra cohors uictrix, fidissimi amici,

Hæc Pompei excelsa tutius arce nihil.

Prægustatores hi sunt, conuiuiaq; ornant

Musarum ex charitum docti bilaresq; sales.



De Narcisso.

Contigerit cutquam medicorum nescio an unquam,  
 Ex quo dispositum in prima elementa chaos,  
 Quod nostro tandem Narcisso contigit, et nec  
 Excipio Musam, laurigerumque deum.

Plus regum hic medicis succis reuocauit ab Orco,  
 Quam Thebæ campus uidit et Iliacus.

Quid mirum, si Cæsar amat te, et munera si dat,  
 Quæ classi, quæ equiti sint, pediti, satis.

Ad Cæsarem Benibenium.

Si re diuersum fuit unquam nobile nomen  
 Pax, et progenies pulchra Homonæa Iouis,

Nunc certe est Cæsar, uident illa illeuerit ora.

Quis facis, porro pone latere putans?

Ad Pompeium Columnam.

Persarum lateant reges, quos pallida adoret

Turba salutantum semiuari satrapæ.

Omnia tu facito Pompei nuda et aperta,

Hoc est romanum, uiuere liberius.

Ad Dantiscum.

Fer duplices cælo palmas Dantisce diserte,

Quando uos genius tam bene dexter amat.

Omnia ita inconstans miscet fortuna, latinus

Candor pro Latio Theutoniarua colit.

Ad Scipianum.

Scipane, tanto amore quod subis tantum

Onus, camænæ de uia fatigatæ

VAR. POE.

Quod paululum posuere, candidæ diuæ  
Tantum tibi debent, olympi fer quantum  
Libs inclyto Atlas Herculi Iouis nato.

Ad Iacobum Pignatellum.

Ne me appellaris diuino nomine, solus  
Est autem sapiens ipse Iacobe deus.

Abstineas humeris tantos imponere olympos  
Quæso Iacobe, hominem non honor iste decet.

De Annibale Grammatico.

Obscura in tabulas trans aduersaria ferre  
Herculis est labor, aut Grammatici Annibalis.

Ad Basilium Sabatium.

In cælo totus ne prorsus despice terras  
Per genium te oro, perq; tuam Vraniam.

A fratre ad caston, cæli de uertice Pollux  
Sæpe redit. Basili est hic quoq; fama sua.

Ad Osium.

Quo plures tibi aluntur Osme pulli,  
Hoc milui tibi plurimi timentur.

Mista dulcibus ista amara persers.

Certant Elysjs ita arua Auerni.

In Arrium.

Multus aqualicolus tumet Arrio, et hernia pendet,  
Non æquum est Arri, pone onus alterutrum.

De Francisco Nerone.

Spreuit opes regesq; olim turba illa sophorum,  
Dum studet æternis diuitijs animi.

A biecit demens, aurum, quisquis fuit ille,

Pocillum ille alter, dolium ex incoluit.

Præclare est alius, qui quid sapientia possit,

Novit, ex est usus regibus atque opibus.

Omnibus ante tamen liceat posuisse Neronem.

Hic scit diuitias quærere, scitque frui.

De liene suillo inusitata magnitudine.

Ingens ostentum, dissecto uiscere, pondo

Bissextem splenem sus populo exhibuit.

An quia succedent grauibus mæstisq; coturnis

Socii bilares, risus fletibus horrifonis?

Tu ne Tiresiam, dubia nec sorte sibyllam,

Sed risus patrem consule Democritum.

De portentoso terræmotu, ad Placitū Sangriū.

Ingens uis morbi mundum sæpe afficit. aut quæ

Est Sangri tantis causa reperta malis?

Præteriti an sæcli diuum præconia finem

Monstrant, quodque instat tum fore deterius?

Concussa est misere modo terræmotibus ora

Lusitana omnis strage hominum horribili.

Discessit terra, fluuios uomuitque rapaces,

Discissa in flammæ regis cœlicolum est.

Heu quæ Parthenope toties est passa, Veseui

Aeternum faciunt iam monumenta fidem.

Prodigia atque minas uos procurate deorum,

Nostri, ni prorsus desipitis procures.

Sic uos cernetis citius quæ Borgius ore

VAR. POET.

Aurea fatidico secla futura canit.  
 Vertentem ille canit numeris instare peractis  
 Annum, quum alter erit qui fera monstra domet,  
 Monstra domet Lerna funesta robore duro.  
 Atq; inuictis ingens Amphitryone satus.  
 Ad Philippum Strotium.

Nascenti tibi nobilem Philippe  
 Stillarunt graciles apes liquorem,  
 Apes cecropiae, salesq; ex omnes  
 Succos nobilium elegantiarum.  
 Duxerunt tibi ab atticis salinis,  
 Carpsērunt tibi ab atticis uiretis.  
 Tu quando ambrosiae sapore gaudes,  
 Munus, quod Domicilla amata uirgo  
 Misit Parthenope suae parenti,  
 Hoc ipsum tibi mittit Intimilla,  
 Nam amat Parthenope intime Intimillam.

Ad Marium Aligerū, in morte Camilli fratris  
 Aeternumne Mari insignem pietate Camillum  
 Lugebis, uestrae florent oculumq; domus  
 Parce Mari laebrymis, felix ille astra petiuit,  
 Optatoq; atauum colloquio fruitur.

Ad Merinen Sanseueriniam  
 Quod formosarum tu formosissima, syluis  
 Sic poteris solis sola latere diu,  
 Diuini uigor est animi, ex uis dia Merine.  
 Plenum es spectaculum tu satis una tibi.

*Ad eandem.*

Munera dant alij, gemmas, pretiosaq; rerum,  
Attamen haud par est gratia muneribus.  
Tu das solem et aquam, sunt et mihi dona Merine  
De cælo, quid ni tu charis es charitum?

*Ad Pyrrhum Ant. Carasam.*

Vt es tu pater elegantiarum  
Pyrrhe, sic mihi litteras dedisti  
Refertas salibus facetijsq;  
Cumq; his munera, nobiles oliuas,  
Et Bacchi latices suauiores,  
Nata munera collibus benignis,  
Qui lætis Eleæ rigantur undis.  
Te Pallas, bonus atq; amet Lyæus.

*Ad Pompeium Columnam.*

Pompei Parthenope benigna mater,  
Seruatam ob patriam, obq; contumaces  
Multatos male, pessimosq; Cacos,  
Dat quernam tibi et auream coronam,  
Virtutis monumenta singularis.

*De Pompeio Columna, ad Cæsarem.*

Si tales aliquot Pompeios Cæsar haberes,  
Expugnatores perfidiæ ac scelerum,  
Iam positas olim purgato a te orbe columnas  
Cerneret ante suas Amphitryone satus.

*Ad amicos censores.*

Borgi, et Philocale et Camille, uobis

VAR. POE.

Ni laus displicet a uiro probato,  
 Nostra hæc inspice, amputate & illa,  
 Quæ censebitis otiosa, & esse  
 Non satis Metio probata. sic uos  
 Apud me nitidi legent nepotes.

Ad lectorem.

Ne lector temere, primaq; in fronte poetas  
 Carpseris in uerbo, pectora plena deo.  
 Iure suo possunt rectum torquere, decori  
 Intra orbem, neuo & pulchrius os facere.  
 Seu fors committunt, imitantur siue latinos  
 Et græcos, factum id ne temere esse puta.

Ad Antonium Seripandum.

Quæ faciebamus iusserunt edere amici,  
 Ancipiti iussit mors quoq; falce minax.  
 Tunc matura seges, quum iam flauescit aristis,  
 At metit hanc uiridem sæpe maligna fames.  
 Iudicium nostrum mox, si per fata licebit,  
 Antoni ostendam dexteriore deo.

Ad Pompeium Columnam.

Pompei Romulidum decus, Thaliæ  
 Hæc sacris tibi poma legi in hortis,  
 Ut pascant animos odore suau.  
 Sunt hæc instar opum tibi, Indi & Hebri.

Ad lectorem.

Labeculas, quæ occurrerunt, te amabo lector  
sic corrige.

Folio quarto, uersiculo nono, in fronte, lege *mysias*.

Fo. 7. uers. 10. *sanctum*. In tergo, uer. 11. *celebretis*

Fo. 9. uersiculo. 22. *Summontius*. uers. 26. *sy lue*.

In tergo, uersic. 17. *reſerauimus*.

Fol. 12. uers. 21. *una, ni mauis eſſe epicænum*.

In tergo, uersic. 2. *uiliabit*.

Fol. 13. uers. 14. *Galatea*. uers. 18. *cytiſo*.

Fol. 14. uers. 7. in tergo, *zephyri*.

Folio. 15. uersiculo. 14. *ipſe eſt quam*.

In tergo, uersic. 26. *ſceleſtæ*.

Fol. 16. uers. 8. *letalibus*. ſine *diphthongo*.

Fol. 20. uers. 4. *Ad Barthymaum*.

Fol. 22. uersic. 19. *letaliqu*.

Fol. 24. uersic. 1. *Inuiſo rebus te Lyce quid f*.

Fol. 27. uersic. 22. *Stagiris*.

Fol. 33. uersic. 19. in tergo, *demandat*.

Fol. 35. uersiculis primis. *O ſuperi. fugientibus*.

Fol. 37. uersic. 22. in tergo, *nymphæ*.

Fol. 38. uersic. 5. *confugium*.

Fol. 39. uersic. 7. in tergo, *decubueræ*.

Fol. 49. uers. 17. in tergo. *At pulchrior*.

Fol. 51. In ſine. *Ad Alpheum Carafam Patriarchâ*.

Fol. 52. uersic. 10. *nonne ferus fuit*.

Fol. 56. uers. 2. *æthiopaſq;*.

- Folio. 59. uerſi. 22. a tergo, Mnemoſyne.  
 Fol. 61. uerſi. 10. coruſcam.  
 Fol. 66. uerſi. 14. ſub æthere lucido.  
 Fol. 68. uerſi. 26. in tergo, ſerenam.  
 Fol. 71. uerſi. 1. in tergo, uis.  
 Fol. 81. uerſi. 2. Mnemoſyne.  
 Fol. 83. uerſi. ultimo. Amicum, nomen proprium  
 Fol. eodem, uerſi. 1. in tergo, Barthymæi.  
 Fol. 86. uerſi. 9. in tergo. muſta feruebant lacubus,  
 per agros Bæthe clamabant  
 Fol. 91. uerſi. 18. in tergo. chelyſq; uer. 25. munus.  
 Fol. 94. uerſi. 19. Pyrrha.  
 Fol. 95. uerſi. 10. in tergo. chelym.  
 Fol. 96. uerſi. 14. Thetidos.  
 Fol. 97. uerſi. 10. graue reddituro.  
 Fol. 103. uerſi. 15. in tergo, floribus & folijs.  
 Fol. 108. uerſi. 6. felix, inuiſtus  
 Fol. 116. uerſi. 15. chelym.  
 Fol. 119. uerſi. 14. inuidiam. uerſi. 23. Es totus  
 fel, es atq;  
 Fol. 135. uerſi. 7. laudibus exupera.



## IANI ANYSII SENTENTIAE.

*Ad Inachum Mendosam Cardinalem.*

*Vt præclara mihi incidere uerba,  
Subscripsi negligentius libello,  
Nam duxi nihil ordine indigere.  
Tu lege Inache candide, atq; cunctis  
Da sedem propriam, suumq; honorem.*

*Ad lectores.*

*Siqua est Iambis bis licentia in nostris,  
Matrona fucis est carere quia debet.*

*Ad lectores.*

*Quæ facere meliora nequij, utor pro meis,  
Nam dicta uetera inuertere impietas mera est.*

*Mens pura centum gratior tauris deo.  
Virtute nil propius deo, hac cælo est iter.  
Præstat mori, quam uiuere diu turpiter.  
Sit lingua nata gratiæ, et dictis bonis.  
Mendacium quum dicis, es mendax memor.  
Cote aurum, et auro homo probatur optime.  
Est pœnitudo sponsionis filia  
Principem adeas rarissime, et suauissime.  
Primas caue cupidinis foueas faces.  
Iuuenta bene instituta, tibicen senij est.  
Necessitas rerum omnium potentissima.  
Quo iniquior, eo infelicior potentia est.  
Et iustus, et sapiens uir est similis deo.*

# SENTENTIAE:

- Honeſta dare, petereq; amici eſt optimi.
- Qui poſſidet ſe, non qui opes, is diues eſt.  
Mortalis homo mortalibus ne fidito.
- Se uincere, optima omnium uictoria eſt.  
Agenda meditare, acta mox examina.
- Diuerſa ſtudia odere cuncti, amant ſua.
- Audere plus, loqui minus, fortis uiri eſt.
- Ducenda ſi uxor eſt, parem exopta tibi.
- Non diuitiæ eæ ſunt, quibus ſemper deeſt.
- Linguamq; uentremq; ueneremq; comprime.
- Quis nam tam amicus dys ſpoſpondit cras ſibi?
- Præpropere in omni tempore uxor ducitur.
- Prædulce amore mutuo connubium.
- Vt umbra, ſic oratio eſt mutabilis
- Ille eſt deo cariffimas, qui eget minus.
- Habeto opes, haberi ab illis præcaue.
- Quid intereſt ditem, an inopem hominem mori?
- Sapientia animo ſplendet, ut oculis dies.
- Ad gratiam oratio, laqueus eſt melleus.
- Vt eſt grauis uirtus, ita fors leuiſſima.
- Fiducia ex ſpes præſidia firmiſſima.
- Cpem petenti aut da cito, aut cito nega.
- Vis, mole præceps it ſua expertus conſilij.
- Iactura per ſocordiam grauiſſima eſt.
- In animo egeſtas atq; opes hominum ſedent.
- Rariſſimum inuentu eſt amicus optimus.
- Plenum theatrum eſt uir bonus uiro bono.

Cum naufrago fac conuolat uaticum.

Tam morte certa, quis tantus timor mori?

Opinio animum sapius, quam res premit.

Id optimum est, quod sit uetustate melius.

Ira impotens furor est, suiq; poena atrox.

Ita age, ut deis et hominibus spectantibus.

Quid tam dolendum, si datur finis malo?

Raro tyrannum uidit usquam sol senem.

Aerugo ut æs, ita inuidia est præcordia.

Scire, et sapere, uaticum in uita optimum.

Inscitia est mortalibus summum malum.

Ne crastino sperans, quid omiseris hodie.

Nil optimum, pulchrumq; sero discitur.

Aduersa prosunt sæpe, nam recti admonent.

Latere conscientiam nequit scelus.

Qui aduersa nescit, prorsus homo est miserrimus.

Non uis tua edi consilia, ne proferas.

Conuicia hominum turpium, laudes puta.

Quid homo paras? necesse tandem si est mori.

Cani latranti præda facile elabitur.

Superare fortunam potest potens pati.

Metiri iniquum est commodo suo omnia.

Haustrus facile amor, cum labore educitur.

Nil tam celere, quod non amanti sit moræ.

Fortuna quo arridet magis, magis time.

Qui parcat improbo, officit multis bonis.

Ipsis neq; hostibus feceris iniuriam.

## SENTENTIAE.

- Quod non potes uitare, fortiter feras.
- Fortuna uitri more nitet, ac frangitur.
- Aequanimitas, medicina erumnæ maxima est.
- A morte uir uirtute uindicabitur
- Nulli est auarus quam sibi infestus magis.
- Minæ et metus nihil integrum uitæ mouent.
- Lupum auribus tenet tyrannus ui imperans.
- Beneficia senescunt, uident iniuriæ.
- Conuiua rara loquitor, et gratissima.
- Desunt egeno multa, auaro omnia.
- Nos sæpe fallunt nostra recti imagine.
- Sic uiue, tanquam omnis supremus sit dies.
- Oratio index est animi certissimus.
- Diras auaro si imprecer, uitam precer.
- Hostis timendus quamlibet pusillus, est.
- Infestius nil alteri est, quam homini homo.
- Qui mortuo dat, ludit operam illi, ac sibi.
- Persæpe quæ serunt alij, alij metunt.
- Si urget necessitas, pericla periculo adi.
- Nihil homini certum est cauere, latent mala.
- Pæna graui ipsum ulciscitur sese scelus.
- Multa accidunt, quæ consecres silentio.
- Beneficij cito senescunt gratiæ.
- Tanti æstima te, quantus es, nisi desipis.
- Nil pœnitendum feceris consulto agent.
- Letalius multo est malum, quod delitet.
- Mæror uoluptatem usq; sectatur comes.

Quid stultius, quam uerti in hora saepius?  
Iactura nulla grauior est, quam temporis.  
Nihil supra uires statuit homini deus.  
Plures timebit, qui est timori pluribus.  
Dulcis labor fit, præmij certus sui.  
Quod uiuitur, uita est, probe si uiuitur.  
Consulto amicum aut quærito, aut relinquito.  
Felix alieno periculo quisquis sapit.  
Leue est dare consilium, arduum se noscere.  
Exigua res fit maxima, data tempore.  
Monet sequentem, qui antecesserit dies.  
Frustra expetuntur, quæ impetrari non queunt.  
Delibera tarde, perage quam ocysime.  
Enitere esse opinione probatior.  
Animi bona in numero habere, magis quam opera.  
Nil abditum diu est, male facere abstinere.  
Dies diei index, supremus omnium.  
Opinio imperat homini imperio graui.  
Cupis beatus esse, sustine, abstinere.  
Aurum ignis examinat, amicum tempora.  
Nunquam dati memineris, accepti es memor.  
Omni aspide improba mulier letalior.  
Par est lucrum damno improbis partum modis.  
Senex inops spectaculum est tristissimum.  
Amico amicus in omnibus bona cogitat.  
Secreta amici conde thesauri loco.  
Audire, dicere uel male in quenquam abstinere.

# SENTENTIAE.

Rebus modus concensus est suauissimus.  
 Ingenui animi, et celsi est fouere miserrimos.  
 Et uerba, et opera, fœda sunt, uenalia.  
 Molestia est iugis, domi uxor improba.  
 Felicitas summa, uxor est frugi, uiro.  
 Iniuria animum exest, beneficium hilarat.  
 Sape est egestas dulcior quam copia.  
 Mendacem ita audi, ut sit ioco ac derisui.  
 Ingens labor mendacis, omnia fingere.  
 Mendacem ego nequam execror, uanum fero.  
 Luxus corpus conficit, animum multo magis.  
 Cui credere debeas quid, et quantum, uide.  
 In supplicem qui sæuit, sæuior fera est.  
 Facundus est comes uia, compendium.  
 Virtus, relicta tristitiam animo parit.  
 Præsens et absens est bonus, amicus bonus.  
 Latens adulator malum, ac letale mel.  
 Si est turpe superari, dolorem uincito.  
 Vitato ut hostem temetipsum, si es malus.  
 Nil suauius, quam audire uera, ac dicere.  
 Misericordiae, ope sue æque excruciant, ni mens sapit.  
 Ita amicum ama, ut ratio locum seruet suum.  
 Amentia est teterrima, inuidia.  
 Dictum impie in deos, malum est uanum atq; atrox.  
 Nihil uidet mens, ueritate pulchrius.  
 Sapientia est medicina languorum omnium.  
 Sera ultio grauissima uenit impio.

*Alias mora molesta, est fallens molestior.*  
*Metire censu impensam ex arca, si sapias.*  
*Non cuius sed quis es, expedit te ostendere.*  
*Infestior ipsi iniurio est iniuria.*  
*Ineptius nil est, quam inepta effundere.*  
*Simplex amico amicus esto, ex integer.*  
*Bona est uoluptas, si rationi pareat.*  
*Condimentum tibi est famies, potus, sitis.*  
*Præsto esse miseris Principem utrum decet.*  
*Modestus esto æque in iocis, ac serijs.*  
*Venale quicquam in rege pro piaculo est.*  
*Sapientiam nil propius est, quam ueritas.*  
*Largissimis affluit opibus nitida fides.*  
*Mendax miser palam; clam auarus esurit.*  
*Vt sol modesta liberalitas nitet.*  
*De se exigit, quod in alijs ira expetit.*  
*Mulcet suberba lene uerbum pectora.*  
*Maledicta dissimula, atq; uiues bilarius.*  
*Meminisse semper tristia, muliebris animi est.*  
*Sunt mane amici, uespere auersi, mali.*  
*Honesti amicus impetret, turpe haud petat.*  
*Si fors te euehit, prioris es uitæ memor.*  
*Nullus grauior hostis, quam amicus subdolos.*  
*Diuturna non est improborum amicitia.*  
*Ingratus, æque est omnibus odio, ac sibi.*  
*Communitati hominum debemus plurimum.*  
*Bona ut a bonis oriuntur, ita mala a malis.*



## SENTENTIAE. 2

Prudens si aberras, recta hominum es miserrimus.  
 Nulla inuidiam et auaritiam requies fouet.  
 Nil rege iusto pulchrius sol aspicit.  
 Est seruitus Cupidinis durissima.  
 Virus dilutum neectare assentatio est.  
 Pone in bonis, quæ iuste opes accefferint.  
 Qui affert necessitatem, aufert arbitrium.  
 Cum dijs age precibus, dent id, quod est bonum.  
 Quid querimus stulti? ad manum si est, quod sat est.  
 Occidi uir bonus, lædi haud quaquam potest.  
 Honestæ egestas pompa inani pulchrior.  
 Prudenter agito, uiderint dii postea.  
 Natura quos ludos docet, honeste utere.  
 Dolere nil, rigidi animi est, mollis nimis.  
 Gratus laborem minuit, et animum incitat.  
 Curat prius se, deinde rem quisquis sapit.  
 Trudunt malo mali malum, boni bono.  
 • Nil morte certius, nil hora incertius.  
 • Sit gaudio, dolori, iræ suus modus.  
 Viciſſitudo tandem rerum est omnium.  
 • Difficilius desuescere est, quam assuescere.  
 Mens dubia animi, facile gradu depellitur.  
 Subito in periculo consilium rapidum ualet.  
 Fallit temeritas sæpe, cogita antea.  
 Ne admiseris quod obest, potes si omittere.  
 Si corpori anima præest, animam cura prius.  
 Mors aspera malis, longe alia uenit bonis.



*Si non parentem fers homo, quem alium feres?*

*Clementiae expers imperium tyrannis est.*

*Pulchra ac pudica pulchrior duplo ac triplo est.*

*Quamuis scelestum, poenilet sceleris tamen.*

*Opes parentur, ut uirtuti pareant.*

*Quod tute tibi parasti, id est dulcissimum.*

*Obscurius quidq; inquirendo discitur.*

*Mendacium est dys maxime et hominibus odio*

*Inuito, et id quod est facile difficile fit.*

*Iustae refulgent leges post iniuriam.*

*E re sapientis est, negligere rem in loco.*

*Præsentis absentisq; amici sis memor.*

*Plus quam labor desidia corpus conficit.*

*Curiosius aliena scrutari abstine.*

*Tempus noui aliquid semper in nobis parit.*

*Sine mente diues, aureo aries uellere est.*

*Placato officijs, quos la seris iniuria.*

*Aequo ferendum animo, feret quodcunq; fors.*

*Infirmi eunt pede consilia hominis inopis.*

*Quam quisq; norit artem, in ea se exerceat.*

*Lenire nitere, quod nequis dissoluere.*

*Quum non datur quod uis, uelis quod fors tulit.*

*Diffunde tua potius, aliena quam appetas.*

*Amor sine modo, abest parum admodum ab odio.*

*Cum liberis hominibus abstine a minis.*

*Sit conscientia instar mille testium.*

*Audire uis bene, abstine male dicere.*

## SENTENTIAE.

Mortalis heu nescis quæ ad orcum est ultio.  
 Petito a deo fortunam, a teipso sumito.  
 Cauda et capite mendacium grauitè ferit.  
 Dictum bonum aut factum redit cum fœnore.  
 Amore crescunt imperia, ruunt metu.  
 Tam est in uitio qui omnia timet, quam qui nihil.  
 Male imperat, qui sub imperio nunquam fuit.  
 Aduersus iram pugna uita emi solet.  
 Errata minima abeunt, at hærent grandia.  
 Nil rege pulchrius, nil tyranno tetrius.  
 Non laudo amorem, a quo ingenuus abest pudor.  
 Iniuriam inferre est feræ, ferre est uiri.  
 Intemperantia est malorum pessima.  
 Graue decipi ab alio est, a se, grauisimum.  
 Magnum est quidē hostem uincere, se autem maximū.  
 Heu cur potentes pleriq; omnes sunt mali.  
 Pulcherrima est res ueritas orta a deo.  
 Eam elige artem, quam senex exerceas.  
 Ut principum sic fiunt mores ciuium.  
 Sapienti honestas lex, libido est lex malis.  
 Grauior egestas est amicorum quam opum.  
 Te scire quod nescis ne unquam dixeris.  
 Quod uiuis, haud uita est, nisi bene uixeris.  
 Nimius sui amor radix malorum est omnium.  
 Pectora uirorum sunt muri urbis ænei.  
 Præ seipso amabit ueritatem, uir bonus.  
 Obest nihil bis dici, quod bene dicitur.

Dos magna mulierum est, et decus pudicitia.  
Animi pusilli est facere seruo iniuriam.  
Ni seruum ineptum uis, cum eo abstine a iocis.  
Id disce, quod te faciat meliorem indies.  
Bonus uideri, at esse nititor magis.  
Sine contumelia plectito quibus praes.  
Corpus animumque incontinentia conficit.  
Repetere beneficium, impudentis hominis est.  
Regni baud dubia sunt praesidia, amor ciuium.  
Laudato parce, uituperato parcius.  
Vindicta felix est, potuisse ignoscere.  
Grauissimum supplicium est, odium publicum.  
A temetipso exigit, si tibi quid deest.  
Exculti opes amplissima sunt pectoris.  
Quum uxor magis paret, magis imperat uiro.  
Neque temere, neque timide periculum adi.  
Quod partum est precibus, beneficii amittit locum.  
Non tam rei, quam animo, debetur gratia.  
Amare cogi quem oderis, miserrimum est.  
Nulla improborum stat diu felicitas.  
Vt nare piscium est, ita flere mulierum.  
Munus loco iactura erit, si erit malum.  
Iniuria uel ipsis odio est autoribus.  
Lite abstine, nam uincens multum amiseris.  
Vt quisque est intus, talis est oratio.  
Spes praemij leuat laborum sarcinam.  
Vicem gerit arumna nimia felicitas.

## SENTENTIAE.

*Laetura maxime est, carere eâ re, quam habes.*  
*Regi certa est securitas clementia.*  
*Felix is est, peccare qui minimum potest.*  
*Senex amator ultima ærumna est sibi.*  
*Fortuna fortis superat consilia hominum.*  
*Conferre beneficium, quam accipere est pulchrius.*  
*Periculum idem parcere malo, et lædere bonum.*  
*Quodcumq; sit bonis bene, id nunquam perit.*  
*Ars alia priuatum, alia principem decet.*  
*Persepe plus qui amplectitur, retinet minus.*  
*Si audire male non uis, ne dixeris male.*  
*In cor malum sapientiæ haud aditus patet.*  
*Auro loquente conticescunt omnia.*  
*Si rem efficere cupis, minimum oportet loqui.*  
*Vt corpus umbra, ita gloriam inuidia sequitur.*  
*Si qua dat egenus, redde mox cum fœnore.*  
*Scintilla parua alta incendia saepe excitat.*  
*Turpi abstine a quæstu, neq; esto particeps.*  
*Audire male, minus graue est quam dicere.*  
*Ex consilio bono, bonum nascitur opus.*  
*Viuis bene sperandum ad horam usq; ultimam.*  
*Bene institutum animum parum afficiunt mala.*  
*Amicitia longissimi sunt termini.*  
*Monstrum est iuuenis infirmus, et demens senex.*  
*Est liberi hominis uera semper dicere.*  
*In laude ne exulta, at prius te examina.*  
*Dulcissimum fructum ferunt mores boni.*

Sine consilio agens facile fit præda hostibus.  
Nox consilium gignit, dies operam exigit.  
Quisquis senescis præpara uaticum.  
Quod nam lucrum sperare ab hoste possumus?  
In filium iram non bonus nutrit pater.  
Mulier nihil scit, præter illud quod cupit.  
Stude ex te ipso parere nomen et decus.  
Fortuna tunc fluit, manere quum putas.  
Virtutis est possessio firmissima.  
Tutissimum est uallum nitida uirtus uiris.  
Da munus, et libenter accipe a bonis.  
Ne turpe fac, nec comminiscitor quidem.  
Senecta male instituto onus grauissimum.  
Frugi mulier firmum gubernaculum est domus.  
Non uerba mulcent dulcia, quem torquet fames.  
Peccare bis id ipsum haud sapientis est uiri.  
Virtutibus sacrarium est modestia.  
Terra omnia aufert, rursus et refert parens.  
Quam tantum amamus, uita ad mortem cursus est.  
Mulier domus aut calamitas est, aut salus.  
Scribet uirum uir, et manum manus lauat.  
Satis senex est iuuenis, si sapit satis.  
Dominus est assiduus seruus suæ domus.  
Et cogita, et loquere libenter de deo.  
Fert damna sæpe turpe lucrum maxima.  
Vita indiga semper, uita non dici potest.  
Mori haud graue est malum, sed turpiter mori.

# SENTENTIAE.

Robur iuuentutis, senum est prudentia.  
 Rarum decus mulieribus taciturnitas.  
 Sapientem facit insipientem temulentia.  
 Audire præstat quam loqui adolescentulum.  
 Præsentem uillex robur amittit suum.  
 Sine arte diligentia est labor irritus.  
 Doctrina sordet in ingenio et animo malo.  
 Diues malus medijs in opibus est miser.  
 Viuusq; mortuusq; plectitur malus.  
 Præcox sapientia in puero monstrum est minax.  
 Bonum est senescere, itemq; non senescere.  
 Mulierum opes ac magna dos pudicitia.  
 Dementiam simulare, sæpe sapientis est.  
 Efferre mulierem est melius quam ducere.  
 Quod est satis prodest, quod est super officit.  
 Homo non feres, quod in hominem cadere potest.  
 Nocere quod potest, licet carum abyce.  
 Non ferre mortem, mutuum est non reddere.  
 Quancunq; uixeris lucro apponito diem.  
 Oratio index animi cogitantis est.  
 Fidis amicis mentis arcana explica.  
 Medico fideli trade curam corporis.  
 Ouum simile ut ouo est, mulieri ita mulier.  
 Odiosus est seruus qui herum anteit sapientia.  
 Præcox uoluptas multa parturit mala.  
 Virtus adæquat clara summis infimos.  
 Virtus refulget corpore in pulcherrimo.

Nunquam scelesti molliuntur pectora.  
Minus sapit, quisquis sibi placet nimis.  
In fœmina inuenire difficile est fidem.  
Immane corpus est, sed absq; corde plebs.  
Affecti animi medicina grauis oratio.  
Vis magna legis, iudicem si habet bonum.  
Neglexeris si parua perdes maxima.  
Fortuna adest, sterte, ac reformida nihil.  
Præsente fortuna uel obrue me mari.  
Vitam regit fortuna non sapientia.  
Sequitur uoluptatem facile infortunium.  
Negocium ne exhibe amico quantum potes.  
Quauis pusillum hostem aut reconcilia, aut doma.  
Nequam muliere nulla sæuior fera.  
Si recta feceris, comitem habebis deum.  
Grauis ægritudo suspicio est mortalibus.  
Ignobiles inopia plurimos facit.  
Ut comparantur opes, ita expendi solent.  
Dos insolentiam parit mulieribus.  
Commercium hospitalitas pulcherrimum.  
Quod cogitas, nemo, quod facis, omnes uident.  
Calumniæ et mendacium uitam necant.  
Quemq; impium ac trucem ultio manet sua.  
Iniuria animum, corpus ensis sauciat.  
De te cuiquam ne credideris plus quam tibi.  
Ab omnibus si discrepas, nulli places.  
Medicus loquax ægro ægritudo tristior.



# SENTENTIAE.

Fit arte mite quicquid est ortum rude.  
 Quod musæ dant uaticum auferri nequit.  
 Quum dona inops dat diuiti, dignus odio est.  
 Longe ante meditatam malum leuius uenit.  
 Fit sponte similis somnolentus mortuo.  
 Curas uoluptas temperet honesta graues.  
 Iners inopia inopem facit miserrimum.  
 Quis prorsus arrogantum cauit crimina?  
 Pati tyranni assuescito licentiam.  
 Flectuntur auro uel Plutonis pectora.  
 Si cum improbis uersabere, quid ni es improbus.  
 Ars portus infortuny est mortalibus.  
 Easdem puta erumnas amicorum ac tuas.  
 Possessio nulla est quam amici firmior.  
 Sæpe uxor odit, maxime quæ uir cupit.  
 Nihil ab irato fortiter fieri potest.  
 Homo imperitus nil prorsus uidet uidens.  
 Nil sanctius quam inter malos bene uiuere.  
 Tegit omnia tempus, omnia itemq; detegit.  
 Sermo omnibus, sapientia at paucis datur.  
 Benefacere bono, semper est bono lucrum.  
 Firmum nihil mortalibus statuit deus.  
 Iucundum amico amicus est spectaculum.  
 Homo imperitus non homo est, sed imago hominis.  
 Peccare pergis auare dum deos uocas.  
 Vel dic silentio meliora, uel tace.  
 Qui mutuum reddit cito, facile inuenit.



Ea stude facere iuuenis, quæ probes senex.  
Non instruere rudem, inuidia aut inscitia est.  
Desis ne amicis, item et amicis utere.  
Deuincit animos munus, et molles facit.  
Cum nullo conuenit, qui a sese dissidet.  
In corpore infirmo uigere mens solet.  
Sint acta transacta, et futuris consule.  
Quod suspicare malum, ilico a te pellito.  
Omni uacet culpa, quod effers laudibus.  
Monere amicum perge, quamuis abnuat.  
Virtute quære laudem, non uersutia.  
Ne tu ea facito, quæ in alijs minus probaueris.  
Inopi ac probro uiro baud satis prodest pudor.  
Ter miser es, uxorem si egenus duxeris.  
De uxore ita age, uti filij bene audiant.  
Quod ferre uires non queunt, ne onus subi.  
Mulierum ocelli pharetra, lachrymæ tela sunt.  
Feras timebis, at homines multo magis.  
Tranquillitas ubi adest, procellas prospice.  
Si corrigas, peccasse sæpe profuit.  
Tristes taciturnos uita ut alta flumina.  
Sis comis hospiti, abeunti non sis moræ.  
Ad uultum heri se comparat seruus bonus.  
Nil maius in rebus homine est, si mens adest.  
Cuius pudendum sit, ne cogita quidem.  
Oculis uoluptatis ministris impera.  
Ne te opprimat dolor, omnia tempus corrigit.

## SENTENTIAE.

Vltro boni ad bonorum eunt conuiuia.  
 Quum ceperis bene, bene item peregeris.  
 Nil iureiurando æquitati inimicius.  
 Inuidiam amici, & consilium inimici caue.  
 Ita aurum homines, ut implicant laquei alites.  
 Quam soluit æuum habenda num felicitas?  
 Parabile est, natura quod desiderat.  
 Felicitas, sub rege degere optimo, est.  
 Qui corpori studet nimis, negligit animum.  
 Egestas certissima comes est inertiae.  
 Incuria est opulentiæ dulcis soror.  
 Habet qui amicos, non qui opes, is diues est.  
 Durum cor est, ut polypum tunde flagris.  
 Compone mentem, ne ira consilium abigat.  
 Virtus quum habetur, sola possidentis est.  
 Letale mulsus scorta sunt, fuge si sapias.  
 Absentem amicum: haud aliter ac præsentem ama.  
 Matris loco nouercam habento filij.  
 Exerce semper te, ut quum opus fuerit, queas.  
 Adesto amico, ubi res uocarit, illico.  
 Letale sibi ipsis robur insipientibus.  
 Laboris haud pigeat, si honestus est labor.  
 Perquire meliora, at retine præsentia.  
 Mori beate, una edocet uirtus uiros.  
 Labore corpus, discendo animum exerceas.  
 Ad usq; mortem haud deserit uirtus uirum.  
 Est ingenui, amorem aut odium in fronte gerere.

Constantem amico amicum, amicum fac tibi.  
Furentem amicum fer, sedatum corrige.  
Felix, qui noxæ expers adit leti fores.  
Imitare facta, quorum amaris gloriam.  
Non fruitur hæres tertius turpi lucro.  
Tunc maxime audendum, asperæ quum res premunt.  
Palurus, idem et pluma torus est mortuo.  
Diuinus animus morte non corrumpitur.  
Sit muneri sua gratia, sua sit uenus.  
Letale telum in se retorquet inuidia.  
Breuis grauisq; esto, quum amicum corrigis.  
Conuiuia honesta adi, animum oblectans tuum.  
Non bis datur pubescere, fruiere tempore.  
Aetatis est flos somnium breuissimum.  
Si cesseris, dum uiceris, bis uiceris.  
Non omnibus læto imbre iupiter pluit.  
Rerum omnium est sua satietas mortalibus.  
Turpis uita est morte grauior mortalibus.  
Conare concordare regis moribus.  
Mores latentes tempus educit foras.  
Meditare ubi incipis pericula, et caue.  
Beneficientibus deus fauet bonus.  
Qui consulit, ne nocte tota dormiat.  
Per sæpe uincit consilium armatas manus.  
Primo malo ni occurris, te plura obruent.  
Medicos honora, sæpe se illis indiges.  
Manum cadenti da, uiam monstra libens.

## SENTENTIAE.

Venerare canos, cedeq; senioribus.  
 Caue laborem præmio fraudes suo.  
 Eadem omnibus mens, pauperem excludit foras.  
 Vitiositas est hominibus infelicitas.  
 Carendum erit uirtute uel pecunia.  
 Fide ne opibus, quas una nox quit perdere.  
 Quod esse quit, nunquam id fore haud sponde tibi.  
 Quamcunq; sortem dij dedere, hanc perferas.  
 Mortalis omnia esse quis sapiens potest?  
 Viuamus, et futura sint curæ deis.  
 Viuamus bilares, fata dum uitam ferunt.  
 Pergrauē licet, leue sit, quod animus agit libens.  
 Esto Argus erga uirgines natus parens.  
 Ne iura naturæ in uenere transcendito.  
 Mæchando, teq; filiosq; polluis.  
 Pudor heu perijt, et regnat impudentia.  
 Ut quisq; loquitur ore, ita audit auribus.  
 Si ut das, ita accipis, quid improbe quereris?  
 Bene institutum os pulchra harmonia est auribus.  
 Audire, nil est surdus, nolentibus.  
 Turpia malorum uerba uenti differunt.  
 Peccare ne permittes filio parens.  
 Non omnibus placere in omnibus potes.  
 Ne solue hominem, tanta arte quem fecit deus.  
 Heu quæ inuidia, terram inuidere mortuo.  
 Nefas retegere, quos parens terra occulit.  
 Idem orcus est et pauperi, et prædiuiti.

Mortalibus communia sint mortalia.  
Multo quam ferrum lingua atrocius ferit.  
Sunt pulchra dys, ex hominibus gratissima.  
Honestā fama tolerabilem inopiam facit.  
Non ambulatrix admodum mulier placet.  
Populum, ignem, aquam, cohibere difficillimum est.  
Quantum potes fias similis ipsi tibi.  
Dum non miser sis, omnia facere expedit.  
Aurum malorum dux, idem uitam necat.  
Optabile ac certum malum est aurum omnibus.  
Non arduum est, amicum amicum fallere.  
Affabilis uel hostibus, bili impera.  
Ne esto ad manum præceps, sed iram comprime.  
Persæpe nolens ira funus efficit.  
Malam ne inure criminis cuiquam notam.  
Ne in rebus animum turbidis fors deprimat.  
Natura cuiq; sua arma tradidit parens.  
Ex proprio contende semper uiuere.  
Nullum sine labore fit opus a mortalibus.  
Medicina corporis animæ esto puritas.  
Qui scire cuncta se putat, parum sapit.  
Stultorum aures uerba sapientum non ferunt.  
Risus solutus index dementis animi est.  
Homo imperitus detur haud iudex mibi.  
Quum iusta poscis, Herculem ne hostem time.  
Quin perditum ducis, semel quod perditum est.  
Sede ne ad ignem iners cor exedens tuum.

## SENTENTIAE.

Argentum & aurum maximæ insidiæ hominibus.  
 Vterq; fur est, & qui excipit, & qui rapit.  
 Inertem hominem est necesse rapto uiuere.  
 Velis modo nauigare, spatiosum est mare.  
 Serius, ocyus, necesse cunctis est mori.  
 Quamquam melior est causa inopis, iacet tamen.  
 Domesticorum inimicitia grauissima.  
 Tacere ni obsit, aut loqui profit, tace.  
 Bonum minime bonum est, modum si excefferit.  
 Vitæ magister est speculum prudentibus.  
 Quum gratia exigitur, beneficium perit.  
 Inuriæ uir fortis obliuiscitur.  
 Vt anchora nauem, ita stabilit regnum æquitas.  
 Ne defueris amico adusq; aram optimo.  
 Sæpe est finis conuicij infortunium.  
 Sapiunt tyranni congressu sapientium.  
 In se redundat ira sæpe acerbius.  
 Si demis ex uoluptate, es ditissimus.  
 Sæpe in furorem uertitur tolerantia.  
 Neq; omnia, neq; omnibus, neq; omni tempore.  
 Dies bene acta æui instar est longissimi.  
 Pulchrum minime pulchrū est, quū nō pulchre egeris.  
 Cui plus licet, quam par est, plus uult quam licet.  
 Sint rara, delectare quæ apprime uelis.  
 Pendere de spe merces est grauissima.  
 Præ quod amarum est animo, dulce est breuissimum.  
 Pusilli hominem cordis ultio arguit.

Omni harmonia uox est amici dulcior.  
Qui plurimum prodest obestq; homini, est homo.  
Nulla assis æque atq; ambitio animum necat.  
Frustra sapiens sapit, ipse sibi si non sapit.  
Caue aggredi quæ perficere uires negant.  
Fors uaria stultum, ratio prudentem regit.  
Mensura eadem, aut pleniori reddito.  
Sapientis est multa et præclara dicere.  
Amittes maxima, minima si contempseris.  
Semper potentes in pedes recti cadunt.  
Placant deos dona, at homines deuinciunt.  
Infesta crede ut tela munera hostium.  
Non unquam quisquam quicquā, quam se amat magis.  
Persæpe egestas ducit ad sapientiam.  
Armatur sero galea sauctum caput.  
Vel Herculi fuga est honesta tempore.  
Repente factum diuitem, iniustum puta.  
Quod æquo plus intenditur, disrumpitur.  
Fortunam ut ars, fortuna ita artem subleuat.  
Rarissimum est, homo diues, atq; idem bonus.  
Ne læde quenquam, nam ira senescit tardius.  
Hi uera dicunt, ebry, fatui, pueri.  
Partone parcis, ut fruarè mortuus?  
Vt perfruarè dulci, amari aliquid feras.  
Inuisa sæpe uita, quibus fors inuidet.  
Virtute fultus, uel ruat cælum, haud time.  
Odiosa res, hominem ebrium sobria loqui.

## SENTENTIAE.

*Quæ tanta uirtus iuuerit recondita?*  
*Ex consilio bono, bona opera nascitur.*  
*Vita malos, ni uis malus quoq; fieri.*  
*Quis, qualis est homo, statim honores indicant.*  
*Oratione hominem æstima, non pallio.*  
*Oratio uitæ simulacrum continet.*  
*Quum lingua aberrat, uera sæpe nuntiat.*  
*Quum extollimus aliena, nostra minus placent.*  
*Non fers apes, non mel profecto linxeris.*  
*Dominam tibi parabis, senex si nupseris.*  
*Quisque in malo alieno, in suo nemo sapit.*  
*Ne pollicere quod præstare non queas.*  
*Non gratia ad peccandum te ulla flexerit.*  
*Persæpe damnum pone succedit dolum.*  
*Vitio careto, recta quisquis præcipis.*  
*Contempta tempore sæpe crescit gloria.*  
*Frugalitas uiaticum uitæ optimum.*  
*Non ipsa mors, sed aditus ad mortem est grauis.*  
*Quæ uni accidunt, posse accidere cuius puta.*  
*Felicitas mortalibus rarissima.*  
*Condimentorum nihil est dulcius fame.*  
*Sine mente cani, ætati sunt opprobrio.*  
*Sapiens is est, cui nil improusum accidit.*  
*Fecisse gaude, quæ fors inuideat uiro.*  
*Plus scire, quam loqui, enitere quisquis sapit.*  
*Natura modica, libido in immensum cupit.*  
*Erumna nulla est, fortis quam non perferat.*



*Amicitia est breuissima inter dispares.*

*Incendium est amoris ira amantibus.*

*Quæ fors fert, quam quæ stultitia, ledunt minus.*

*Quæ olet lucernam, ea olet papyrus optime.*

*Concordia inter coniuges suauissima.*

*Impune peccans omnium est miserrimus.*

*Cave in deum aut uerbo aut opera deliqueris.*

F I N I S.



# I A N V S A N Y S I V S

Aelio Tolentino S. D.

I extaret liber, quem ex aduersarijs mea manu  
 , eleganti forma descripseram, nō tantum laboris  
 mi Aeli suslineret, dū ex ipsis aduersariis et li-  
 turis uix elicis lectionem, ut mirum profecto sit, mille  
 mendis non scatere impressos libellos. Ipse tot amicis,  
 rebus et libris in obsidione durissima amissis, ex tot  
 erumnis, ægritudine animi, et aduersa corporis ualitu-  
 dine uix mei cōpos uobis esse auxilio minime possum.  
 Quo etiam factum est, ut satyras in fronte libri promissas,  
 mutata sententia non emiserim, eo consilio, ut matura  
 recognitione pdeant emendatiores. Si qua ergo erūt  
 errata in hac tumultuaria poematum editione, possum  
 equidem culpam deprecari. Nos si uiuimus, et dabitur  
 emendandi copia, uerā aliquando reponemus lectionē.  
 Mendosi exemplaris testimonio, ut alia multa omitā,  
 sunt epigrammata, quibus liber septimus est fraudatus,  
 quæ uisa sunt non indigna, ut libello extra ordinem sub-  
 scriberemus. Vale.

In Robigalibus.

Nos, deis uisum superis, misella  
 Vita quis curæ est hominum, repertis  
 Frugibus lætis, nemora inter alta  
 Linquere glandes.

*Illicet durus labor ortus, atram  
Scindimus terram ualidis lacertis,  
Sub iugo tauri gemuere, multo  
Imbre madentes.*

*Dulce per tantos nitidam labores  
Iupiter si almo e gremio sororis  
Fulserit latus, superare summa  
Horrea messem.*

*Dij sinistra auertite, si mala urunt  
Farra rubrica, nebulaq; tristes,  
Poenitet, sero tamen, improbasse  
Munera sylvæ.*

*Triste, tot cassas abijisse curas.  
Impium dys obijcere hæc, malignam  
Sed famem durum tolerare, opem dij  
Ferte, precamur.*

*Hosiam en circum segetes, agrestis  
Pompa producit, cereremq; magnam  
Clamat alternis, redimita prisca  
Tempora quercu.*

*Eurotas.  
Abstine ab Eurota, sitias licet hostes, in æquor  
Nam latice impuro deferor undifluum,  
Ex quo pollutas de cæde parentis Orestes  
In nostro est ausus fonte lauare manus.*

De Ferrando Daualo et Victoria.

Dauale quod uincis, nil mirum, quippe tuum tam  
Vincere, quam louis est imperitare suum.  
Si cor uis animi, si animum Victoria adornat,  
Quæ tecum noctes excubat atq; dies,  
Si seruat castum Victoria dia cubile,  
Vince inuicte heros militiæ atq; domi.

Ad Benedictum Acolytum Cardinalem.

Frugibus ut læto descendit Iupiter imbre,  
Inspirat uitam rebus ut alma Venus,  
Noctibus ut Phœbe, ut luci sol crinibus aureis,  
Præsidet ut falsis Ennosigæus aquis,  
Ut rex omnipotens deus imperat omnibus unus,  
Observant nutum diq; deæq; patris,  
Sic tu Phœbus eris nostris Benedicte camœnis,  
Tartareas linguas quum tua tela petent.

Ad Cælium Rhodiginum.

Cæli, ne studijs uaces seueris  
Dies perpetuos simulq; noctes,  
Quis refers Academiam et Lycium,  
Contristant nam animum nimis seuera.  
Id ad te ueniunt meridiatum  
Sirens lepida, leuesq; Musæ,  
Quibus, si dederis uicissim opellam  
His feruoribus impotentis astri,  
Leuabunt animi æstuantis æstus.

OBITER ADNOTATA.

A Deiphobo hostiū præfecto Ferrandus rex in collo-  
quio parum abfuit, quin interficeretur. A Deipho  
bo uero Priami, Achilles, ut in antiqua est historia,  
interfectus est.

Amico grauitèr uulnerato, quam deesset ad medicinas  
pecunia, Cotta ut illum seruaret, annuam suam ope-  
ram locauit.

Nacius Neapoli caupo fuit insignis, cuius cellas nobili-  
bus uinis refertas, uel principes uiri frequentabāt.

Hymellas ex pago Patulei, fistula claruit, quæ uilla fuit  
Virgili, in agro neapolitano ad secundum lapidē,  
uia puteolana.

Rossani principem dixi. Quod oppidum an Rustianū  
sit, docti uiderint.

Ouis fax, ex uitio appellatur.

Ad arcū domus erat pontaniana, qui est locus Neapoli  
celeberrimus.

Araris a me dictum est, non arar, quod idem sensisse  
Virgilium putandum est, qui ararim non ararem  
scripsit in bucolicis.

In Neætho, more græcorum primam syllabā produxi,  
nam νῆαθος est græce.

Litera perosa laqueum H est aspiratio, quæ solet in  
contumeliā obijci. aspiratio uero laqueo aufertur  
cum uita, spiritu intercluso.

In Ecloga Aepolo. Sub Daphnidis persona signatur  
Federicus rex Aragonius.

In Ecloga Coritio. quod puellis turgent tractando, et  
quod tundit femur, ne qd lector turpius suspiceris.

Rursus quæ in erratis errata sunt et quæ postea occur  
rerunt sic lector repone.

Fol. 12 in tergo uers. 25 uitiabit.

Fol. 28 uer. 8 in tergo famem.

Fol. 39 uer. 3 ad lineam.

Fol. 56 uer. 20 Chandace.

Fol. 106 uer. 13 in tergo generose.

Fol. 116 uer. 15 in tergo Chelym.

Fol. 141 uer. 13 Branchaleonem.

Ex Clementis quoq, Summi Pont. decreto, pecunia et  
interdicto multabitur, quisquis auctoris iniussu toto  
decennio id operis impresserit uendideritue.

Ncapoli per Ioannem Sultzbacchium Hagenouensem  
Germanum, Anno 1531. Regnante  
CAROLO V. Imperatore  
Augustissimo.